



D. III. 56



8 - III 56 -
CISTERCII
REFLORESCENTIS

SEV

CONG. CISTERCIO-MONASTICARVM

B. MARIE FVLIENSIS IN GALLIA

ET

REFORMATORVM S. BERNARDI IN ITALIA

CHRONOLOGICA HISTORIA

AVCTORE

D. CAROLO IOSEPHO MOROTIO

Ex strictiori eadem Obseruantia

PROVINCIAE PEDEMONTANO-SABAVDAE

MODERATORE.



AVGVSTÆ TAVRINORVM, M.DC.XC.

Sumptibus Bartholomæi Zappatæ.

Superiorum permissu.



DIVO PARENTI BERNARDO

INCLYTO CLARÆ VALLIS ABBATI

MELLIFLVO ECCLESIAE DOCTORI

CAROLVS IOSEPH MOROTIVS

D. D. D.

Restauracionis Cistercio-
Fulienfis Chronologica
enarratio ad te recta in-
uolat Sanctissime Ab-
bas. In quem enim illa potissimum col-
limaret? Tua res agitur. Tuo danta-
xat sistendum nomini munus. A cre-
pundijs exordior Sodalitatis, sartam-
tectam exhibeo ornatiorem in Clau-
strum Fuliense inuectam: At ipse suf-
fulsisti domum, quo è Beatorum sedi-
bus

bus auspicante, afflata Cœnobiarchæ
Barrerio diuina mens asserendi in Asce-
terio collapsi moris disciplinam suos
æquantem numeros; quo & incremen-
tis consulente, per Galliam, Italiamque
celebris inde deriuata propago, in cuius
expolitiori consuetudine Cisterciensis
uiuendi ratio audijt absolutissima.
Capita Generalia recenseo, Archiman-
dritas profectò eximios, quorum momen-
tis rerum summa optimè insedit: ve-
rùm à Te, legum claustralium apud
Claram-Vallẽ præcellenti adeò Duce,
condidicere omnes temperare sanctiùs
habenas, & loco è superiore, cum iure
Monastico, præstantiorum etiam virtu-
tum luculentius iubar in Cœtum uni-
uersum effundere. Scriptores centurio:
sed

sed ingenia à Te Ecclesiæ Doctore plane suauissimo, & sapientissimo edocta religiosum otium eruditis impendere vigilijs, & agendo perinde ac elucubrando Rempublicam demereri Christianam. A pietate suspiciendos depromo: nec nisi ad Tuam efformatos amussim, & spectatissima indole præferentes Bernardum. Cum historica tandem cæterorum laude, & memetipsum Tibi deuoueo, sed quemnam ex Institutioni emancipatis? Omnium profectò minimum, quem rubore suffundi fas sit, pudeatque in sinu Tua stipendia segniter nimium præ reliquis facere, & gesta ab eisdem præclarè adornasse typis, nec imitatione complecti.



CISTERCII REFLORESCENTIS Sodalibus vniuersis.



ST Religiosissimi Patres quò in operis limine Vos paucis sistam. Laudo viros gloriosos, & Parentes nostros in generatione sua, in quibus à seculi huic anterioris anno septimo & septuagesimo reparator Ordinis Deus Prouidentiam magnificauit suam, ac sapientiam, & viuendi norma ad suos denuò apices exulta, Fulium in reparatæ Institutionis princeps Cœnobium assurrexit, delibauitque Cistercium initialis obseruantia vernantes iterum flores. Antesignanis præstantiores succenturio Commilitones, filios ad Patrum imagines reuerà expressos, & virtutum exuberantiam incurrentem ob oculos in Maioribus egregia profectò æmulatione contententes æquare. Operæ pretium erat annuntiarentur hæc in generatione altera, præclaris erudirentur exemplis quotquot supernæ vocationis illapsus postero auctuario Professioni accensebit. Impar quidem scriptio cum Prædecessorum, tum vestrorum historiae suis cum lineis concinnandæ. Verum à magporum vsurpatione nominum splendidior accedet lux, illustrior affulgebit pompa, quàm suæ exiguitatis veritor stylus abstineret à commentatione euulganda. Fauete beneuolentia quod gestorum solemnitate cumulatis opus, & congruenti cum laude, consonum stabit præmium Auctori, cui typos cogitanti nihil altius inhæsitatio, quàm Vobis vigilas probare suas. Valete.

D. Carolus à S. Francisco Abbas Generalis Congregationis Monachorum Reformatorum S. Bernardi Ordinis Cisterciensis.

Facultatem Tibi Adm. Reu. P. D. Carolo Ioseph à S. Anna eiusdem Congregationis in Prouincia Pedemontana Prouinciali concedimus, ut Cistercij reforescentis, seu Congregationum Monasticarum Beatae Mariae Fulienfis in Gallia, & Reformatorum S. Bernardi in Italia Chronologicam Historiam à te conscriptam, & à duobus Theologis dicta nostra Congregationis sedulo perlectam, & approbatam in lucem edere valeas, seruatis tamen alijs de iure seruandis. In quorum fidem has literas manu nostra subscriptas, ac sigillo munitas dedimus in Monasterio S. Bernardi de Vrbe die 9. Ianuarij 1690.

D. Carolus à Francisco Abbas Generalis praefatus

D. Dionysius à S. Luca Secretarius.

EX commissione Reuerendiss. P. Magistri Clementis de Gubernatis Inquisitoris Generalis Taurini &c. attentè perlegi librum cui titulus Cistercij reforescentis &c. ab Adm. R. P. D. Carolo Iosepho Morosio compositum, & nihil in eo reperi quod obstat sanae doctrinae, & bonis moribus, ideò iudico dignum ut typis mandetur in sua Illustrissima Congregationis honorem, ac legentium adificationem. In quorum fidem. Datum Taurini in Conuentu S. Mariae de Platea die 16. Martij 1690.

Fr. Clemens à S. Cecilia Carmelita S. Theol. Mag.
& Sancti Officij Consulor.

Imprimatur.

Fr. Clemens de Gubernatis Inquisitor Taurini.

Aucto-

Auctoris Protestatio.



VM Sanctiss. D. N. Urbanus Papa VIII. die 13. Martij anno 1625. in Sacra Congregatione S. R. & vniuersalis Inquisitionis Decretum ediderit, idemque confirmauerit die 5. Iulij anno 1634. quo inhibuit imprimi libros hominum, qui sanctitate, seu martyrij fama celebres è vita migrarunt, gesta, miracula, vel reuelationes, seu quacunque beneficia, tanquam eorum intercessionibus à Deo accepta continentes sine recognitione, & approbatione Ordinarij: Et quæ hactenus sine ea impressa sunt, nullo modo vult censi approbata. Idem autem Sanctiss. die 5. Iunij 1631. ita explicauerit, vt nimirum non admittantur Elogia Sancti, vel Beati absolute, & quæ cadunt super personam, benè tamen ea, quæ cadunt supra mores, & opinionem cum protestatione in principio, quod ijs nulla adsit auctoritas ab Ecclesia Romana, sed fides tantum sit penes Auctorem. Huic decreto, eiusque confirmationi, & declarationi obseruantia, & reuerentia, quæ par est, insistendo, profiteor me haud alio sensu quicquid in hoc libro referò accipere, aut accipi ab ullo velle, quam quo ea solent, quæ humana duntaxat auctoritate, non autem diuina Catholica Romana Ecclesia, aut Sanctæ Sedis Apostolica nituntur, ijs tantummodo exceptis, quos eadem Sancta Sedes Sanctorum, Beatorum, & Martyrum Catalogo adscripsit.





CISTERCII

REFLORESCENTIS

PARS PRIMA

Restauratio, Leges, atque Præstantia.

I.



Onasticorum Cætuum sacras inter institutiones religiosissimum Cisterciensem Ordinem dedisse in tempore suo fructus suos, eosque vberrimos, nemo ibit inficias; quandoquidem radijs solaribus elucescat clarius, copiosum illi incrementum donante Numine, Colonias propè innumeras vbique

gentium eduxisse, & solitudines claustris, claustra verò ornatissimis implendo Ascetis, celebriorem famam suo decantando nomini diù occupasse totam. Verùm sua stant Cænobiticis etiam plantationibus tempora. Ramos extendunt, folia explicant, fructus emittunt, tandemque frondium denudantur pompa, sterilescunt, arescunt. Æternum Satorem, ineffabilis dispositione sapientiæ, earumdem reparationi providè occurrere impendens ruina multoties exposcit. Id, quod in cæteris Regularium disciplinis passim videre est, pertimescendum erat, & præclaro in hoc Sodalitio, cuius Reformationis in Gallia, & Italia Historiam contexendam aggredior. Dum per qua-

tuor ab incunabulis ætates haud infrugiferum in Vineâ Domini terram occupat, illustres scilicet Cœlo diuos, inuictosque Fidei pugiles dare pergit; Dum & Maximos, & Optimos Romanæ Sedi Pontifices; Augustos Purpurato Senatui Patres, sedulos Ecclesijs Pastores, utque micantia pietatis lumina, ita etiam egregia doctrinæ monumenta vniuerso terrarum Orbi præbere prosequitur, arctiori conuersatione sensim labefactata, collactaneæ sanctitatis in discrimine versabatur. Cum ecce Altissimo placuit alios, aliosque excitare cultores, maxime verò Ioannem Barrenum, qui impigra primordiale ad virtutem contentione postliminiò reuocata, pristinum illi restitueret cum floriferum reuiuiscens Obseruantia Verem, tum & fecundum consummata perfectionis Autumnum.

II. Qua die S. Robertus, prælibati Cisterciensis Ordinis Auctor, in lucem venit, nimirum 3. Cal. Maias, ipsamet A. 1544. editus est & Barrenus, sacræ eiusdem disciplinæ reparator iam supernè delectus. Patriam habuit Fanum S. Syri, Prouinciæ Cadurcensis, Parentes verò Bartholomæum Barrenum, & Leonardam de Amadu, à Stirpis splendore, & opum claritudine commendatos. Ingenui infantis nobilitabat indolem formatum ad virtutes suscipiend. s pectus. Curæ pueriles vestigia erant pietatis. Vidisses deuorè æmulari quæ ritè à Sacerdotibus obiri munera conspexisset, ornare in cubiculo Altariola, fundere illis coram preces, instruere processiones, concionibus habendis se aptare, aduocare socios, accersere fratremque, sororesque, ac addere inuitamento pondus, nempe interpellationem ad Matrem, si interesse contemnerent. Annorum quindecim Adolescens ab ætatis flore, & ab humanioribus literis religiosè, eruditèque emersit Clericus initiatus, ac Rhetoricus emeritus. Cumque diuina mox arte ad excitandum rerum fluxarum contemptum planè cerne-retur instructus, promouere quod Apostolici seruioris præbebat indicium Galliæ Episcopi voluere, ac Euangelio declamando frequentius adhibuerunt. Desudabat in hoc puluere omnium cum plausu, ferebaturque vulgò approbata vsque adeò opera, ut annum agens sextum decimum, consalutatus fuerit Abbas Monasterij B. Mariæ Fulien-sis, Diocesis Riuen-sis, in Aquitania, ad Garumnâ flumen, septimo ab Vrbe Tolosa lapide.

III. Suberat eò temporis Fulium Carolus de Crussol, filio Caroli, Baro-

Baronis de Crussol, Vicecomitis de Vſez, Magni Franciæ Panetarij, & Ioannæ Galioth de Gemouillac, qui Caluiniana hæresi, vt aliqui produnt, licet tinctus, virum tamen Mundo addictum, Monasticis cumulari opibus minus consonum iure meritò existimans, illam resignandam duxit, resignauitque Barrerio die vndecima Aprilis A. 1560. Æquiritatis nimirum, quam vtilitatis potiora esse momenta cogitabat. Posse illum, Clerici Catholici iam caractere insignitum, Catholicæ Ecclesiæ locupletari diuitijs. Posse Religioni subditis instillandæ impendere studia, posse restituendo Cænobio zelum quo inardesceret optimè collocare. Barrerius verò etſi consanguineus vrgeret, impellerent licet genitores, dimissioni in sui fauorem aures obstruxit. Ætatem acceptandis huiuscemodi beneficijs imparem adhuc obiecit. Insuper quò se remotiorem à cupiditate lautioris patrimonij comprobaret, Burdigalam, indeque Lutetiam versus itineri se commisit, vbi excolendo facultatibus speculatiuis ingenio incumberet. At cum fratrem natu maiorem dispensationem super Annorum defectum, Pontificio ab Annulo, se inscio, impetrasse, bullatas iam emanasse literas, initamque suo nomine Fulij possessionem rescuiuit, concessit in suorum sententiam.

IV. Vt verò pedum capeſſiuit, expensis continuò Abbatiæ insignibus, & Abbatis oneribus, non luxuriandum insulatis censibus, sed animarum inhærendum quæstibus cogitauit. Maturo adedò actus consilio, pede ex studiorum arena retracto, patrios lares repetijt, Cænobium inuisit, Pagos Abbatiæ subiectos lustrauit, verbo Dei per ipsos disseminando diuturnam nauauit operam, vt conclamata penè in his Romana Religio, illo adlaborante, feliciter reuiuisceret. Spirituali Monasterij reparationi curas interea destinabat maiores. Pristinos illi dies, vultumque restituere tandem aliquando optabat. Magnam in hanc cogitationem arcano quodam instinctu ferebatur. Sed maturanda res erat. Quare Parisios versus viam iteratò ingressus, intermissum Artium, ac Iuris prudentiæ periculum in florentissima Gallicarum Academia expleuit sub Reginaldo Dossat celeberrimo profefſore, & postquam sublimioris doctrinæ primis plausibus laureato, ad augustius eminentissimi ingenij ornamentum, roseo galero Romæ cohonestando. Erat Dossatus perinde probus ac doctus. Confluebant ad eius domum viri tam scientiarum comparationi, quam religionis

amori addiſtiſſimi . Agitabant identidem conſilia de reuocandis ad initiales contentiones Regularium familijs . Aurum ſiquidem eſſe, ſed verſum in ſcoriam, caſtra Dei exercituum, at deſidia torpentia; Vineam Sabaoth, verùm nec florentem germine , nec redolentem fragrantiam, diſſipatam ſepem , conculcatam amœnitatem , depaſtos fructus . Indolendum proſectò obmutefcere eorumdem choros, nec aſtra matutina collaudare ſimul Altiffimum, nec Dei filios , Spiritus Sancti gaudijs perſuſos, Angelica iubilare latitia . Pudendum proſuſ, penetraſſe delicias inter pœnitentiæ ſepta , ac dominati luxum , vbi perfectionis ſtudium Regiam ſibi paraſſet . Felices ſanè, & per quam laudandos , qui tantam aſſumerent Prouinciã reuocandi eaſdem Regularium Domos ad primæuam morum ſanctitatem . Neminem melius agere poſſe, nec cum ipsis quidem, quæ degenerare ab inita vitæ ratione iam ſinerent, nec cum Mundo, qui optimo præcunte conuerſationis exemplo , facilius ſe ſe à prauitate compeſceret , & ad obiectam virtutis normam componeret.

Hæc paſſim admurmurare ſocios audiebat Ioannes, excipiebatque haud ſecus quam Dei verba, qui iniectum antea conſilium de Benedictina institutione, ac primis Cisterciensium conſuetudinibus in ſua Abbatia redintegrandis huiuſcemodi opportunis ſodalium colloquijs cordi altius vellet imprimere . Ineluctabilem iam probabat ignem pectori admotum . Pergendum conſtituit quò duceret . Nec mora; Approbatore Doſſato Abbatiam cogitauit, vtque conſinia attigit, ſubditis laicis verba Dei fecit . At congregatis in Capitulo Monachis ſermocinaturus de meliorem ad mentem redeundo, audiit: hæc proponere Clauſtralis eſſe Abbatis, non Sæcularis . Ergò temperandis & illorum moribus aptior futurus, ſe contulit ad proximum de Vlra Cisterciense Cœnobium, habitum induit, & Tyrocinio expleto vota ſolemniter concepit Anno 1583. ſecunda dierum illapſui Spiritus Sancti in Orbem ſolemnium.

V. Liberet hic, Barrerio iam cucullato, Reformationis infantie gratulari . Et reuerà Carolum de Cruſſol Equitem ſupra quam laicum hæreticum, proindeque à Religione, & à gratia collapsum Abbatiam ſibi commendatam vltro ceſſiſſe Ioanni, quod nomen gratiam ſonat, gratiæ proſectò cenſeri machina debuit, quæ iura Fulienſia transferenda ſtatuiffet ab homine Mundi vanitate, fideique erroribus

bus vitio in Clericum diuino cultui sacrum, aliorumque formandis moribus Cœlitus expolitur, quo Asceticam familiam à luxata obferuantiz discrimine traduceret ad absolutam, exactamque ad suar regulæ numeros disciplinam. Quod si quempiam deleteret salutare natalium eius diluculum perennitatis auspicijs, sitz ad Garumnæ fluuium Ædes, ac indita claustro Fulienfis nuncupatio, illam sanè prænuntiat arborem secus decursum Aquarum complantatam, cuius nec decident folia, nec deerunt vnquam fructus. Ad hæc Templi augusto Mariæ nomini inauguratio, Deiparam, inquit, placere sibi renouatam Cistercij ætatem virgineo in sinu fouere. Tanti Ordinis, vti olim, ita & nouissimè se se profiteri Parentem. Tunc pronubi dono annuli Robertum sibi in sponsum subarrhasse; Tunc niuæ lacte papillæ Bernardi, dilectæ utpotè sobolis, ora inspersisse; modò verò materni, nutritijque continuatione amoris velle illum repuerascere suæ inter incunabula domus, nec pati tenerioris dilectionis alijs completi vlnis quam suis.

V I. Verùm felicia quamuis hæc omina, enascentem tamèn Sodalitatem varia excepit aduersitas. Tres hic indicabo perpaucis. Actum in Institutorem calumnijs, ferro, veneno. Communis exorientium Reformationum est fors, per opposita eniti, quò innotescat euertendis molitionibus, Cœlo iubente, susceptis, constatam Orbis, & Orci nequitiam haudquaquam esse parem. A Religionis sacramento ritè pronuntiato, magis, magisque à moribus ad Patriarchæ Legislatoris sancita indictis, exarsere ætutum Monachorum studia in Barrerium. Redire ad officium refragabantur ad vnum. Exosam restaurationis Sobolem perdituri, ad intentandam Parenti necem conspirarunt. Alij toxico illum è medio tollere attentarunt. Alij nec quidem abstinuere à iugulo expetendo, cruenti militis opera. Sed Numinis bonitas dæmonis machinationes elusit. Culinae Præfectus, venenatæ coniurationis particeps, ad diram nimium criminis adeo atrocis exhorruit faciem; & reatum erubescens suum, consociorumque, festinauit se prouoluere ad pij Antistitis pedes, ipso viro, cibis, iam immiscendo, seque veniam postulabundo eius ante vestigia proiecito. Primis tenebris condictæ noctis Sicarius adfuit Monasterio, promptam operam mandatarijs exhibuit. At Barrerius Tolosam instanter vocatus, illuc bonâ sua sorte, Deo Ductore, concesserat. Re
infe-

infecta, alijs instruendis insidijs addidere iras, nimirum interimendo viro Dei, dum stata hora per nemus Monasterio adsitum inambula-
ret. Passim id consueuerat, orando tamen, & meditando semper. Iniqui consilij adhibitus exequutor hic ipse probatæ iam malitiæ, ac audaciæ grassator. Hominum flagitiosissimus Dei famulum cuncta-
tum diù, tandem aliquando solum offendit, ac sclopulo exploso, co-
minus impetijt. Verùm ille, ignita glande declinata, superna etiam
vi potuit homicidam apprehendere, ne ensẽm exereret impedire,
imò obstringere cingulo, & secum intra claustra raptare, op-
portunis ad salutem monitis imbuendum, ac dimittendum. Itaque
Satan, qui breui manu de eo exultaturus, teterimum suum filijs in-
halauerat spiritum, prostratus ipse, & victus est, effecitque acrioribus
odijs haberemus in vno Institutore Ioanne & Benedictum, & Ro-
mualdum, vtrumque suis ab Ascetis strictiores aduersantibus obser-
uantias conquistum ad necem, alterum quidem potione infecta, al-
terum verò pugione districto.

VII. Proxima huic euincenda difficultas fuit Nicolai Bouche-
ratij Abbatis Cistercij infensor voluntas. Propendebat in Monacho-
rum partes, seueriori, vt conquærebantur, rigore grauatos. Recla-
mantibus aures præbuit faciliores. Repeterent ideo voluit proprias
sedes, comite Procuratore Generali, & patentibus ad Ioannem literis,
queis mandabat. Abstineret imposterum ab innouando. Suauiori
manu suæ familiæ temperaret habenas. Ab esu carniũ minimè
prohiberet, ac in Monachorum censum iteratò inferret expunctos,
excommunicatione mulctandus si secus ageret. Addebat comitijs
generalibus in Principe Asceterio, solemnique S. Roberti die, proxi-
mè celebrandis omnino adesset, causam dicturus suam ante primas
Ordinis Infulas. Sed quales non habet triumphos zelus in paucis
constans? Iaculandum anathematis fulmen, respondit ad hæc Ioan-
nes, se nequaquam pertimescere, qui optaret anathema esse pro fra-
tribus suis. Et illos quidem se postliminiò recepturum, si resipiscen-
tiam sponderent, reiiciendos secundò, si emendando quidquid ini-
tialium Ordinis consuetudinum remisissent, minus intenderent. Visa
commendatione digna animi firmitas. Vbi Monasticarum legum vis
obsolesceret, non alio confirmandam pectore, fama dixit. Calum-
nijs dudum lacessitus, plausibus ad comitia exceptus est. Exempli
clari-

claritudo acuerat iam æmulationis studia . Maturabat Patrum confessus decreta edenda pro disciplinæ flore in toto Cœtu excolendo ; cum , adueniente Barrerio , Definitorum grauior assurgens inquit : Ad Barrerij amussim cæteri Abbatiarum moderatores se se conforment , & superuacua erit excogitata à nobis sancitorum congeries . Audijte ergo Reformator amans decorem domus Dei , & cum Fulien- sis claustrī Antistite meritissimo , Monasteriorum totius Aquitanix , & dependentiæ Tolosanæ Generalis Vicarius . Nimirum Ordinis Archimandrita virum proximè agnouerat , & quem obseruantix detractores suis auribus insusurrauerant nouatorem , absolutissimæ virtutis ipse suspexerat hominem , ac dignum , qui suas gerendo vices , alijs familijs æmulandi Fuliensem iniiceret flammās .

VIII. Accessere domesticō hosti audior præpotentium cupido , bellorum ciuiliū furor , gliscentis impietas hæresis , malorum pessima vti ad sacra , prophanaque tota Gallia permiscenda , temporum iniquitate , velut in aciem disposita , ita & ad euersionem Fulien- sis Domicilij , nouo castigatissimæ vitæ nitore longè coruscantis ad signa vocata . Erat qui Fortalitium suum munitioribus cingeret operibus , nobilis inter primæ notæ Eques . Ligna molitioni apta exciderat è proxima Monachorum Sylua , munifico Abbate vltro donante . Mæ- nijs constructis , effossis cuniculis , propugnaculis absolutis , decrat vallum arcis consummatæ circunducendum . Desiderabantur alij arborum stipites , quos nequibat Barrerius prouidere exposcenti , ne totum nemus , succisis etiam plantarum tenerioribus , caderet . Perficiendi sui castrī frustratus spe , nec non irarum impotens Eques , iurauit se vlturum illiberale responsum Monasterij cinere , ac Monachorum nece . Accersit Centurionem , imperat validam militum manum cogere , nocte incedere intempesta , Monasterium adoriri , nec igni parcere , nec gladio . Datæ iussio- nis , ac imminentis excidij certior factus Vir Dei , Monachis ad Capitulum conuocatis , secederent quò liberet annuit . Addidit tamen probare magis continerent domi gressum . Ibi operiendum hostem . Nihil formidandum . Claustra Deo famulantium Dei esse Castra . Dei patrocinio frangendos proculdubio agminis aduersi conatus . Ita planè . Sicut enim constiteret omnes , ita nocte tota incubuere in Cœli , Cœlituumque præsidium . Densiores tenebræ præpedire medio itinere aduenientes . Illucescente mane
præ-

præcucurrit rumor Phalangem accelerare gressum . Dux cogebar , sed infelix volens ab equo descendere , itineris incommoda pedes superaturus , fatali sui sclopi dispoſitione , confossus , occubuit . Agmen infestum , sublato ductore , terga vertit , sacræ familiæ salua res fuit .

IX. Interea serpebat hæretica lues , vigebatque bellum inter sacri fœderis acies , & Regium militem , vt afflicta per Franciæ Prouincias Religione , concussoque funditus Regno , sceleratiora quæque impunè licerent . Insulæ , ac Comitatus Fuxij incolæ iam à multo temporis inhiauerant Fulienſium opibus . Tempestate vtendum , & expilandas deliberant . Stata die , ea erat celebrandis Diuorum omnium Fastis solemnis , armatorum cuncti hinc , & illinc concurrunt . Insulani citius aduolant , propius accedunt . Fuxianis superandus erat Garumna Amnis . Cœlo ille sereno excreuerat , nec poterat transfretari . Hac ratione , expetita frustrati præda , dilabuntur ad vnum . Fuxiani quidem veriti prodigiosam fluminis intumescenſiam , Insulani verò destituti validiori sociorum manu , nec proprijs viribus satis ad direptionem apti .

X. Sed discrimine multò grauiori Patremque , sobolemque inuoluit , illum Tolosæ perorantem dixisse è suggestu : orandum pro Henrico tertio . Sententia erat ; si quid in Cœlum , hominesque peccasset grauius Rex , enixis contendendum precibus flagitium agnosceret , desleret , emendaret . Apostolicæ censuræ nondum percussum fulmine , iuuandum adhuc publicis Ecclesiæ suffragijs , efficiendumque , si Romanam errasset in Purpuram , noxæ veniam Romana à Sede deposceret , impetraret . Verùm mortalium mentes ægris plerumque corporibus similes . Flectunt deteriorem in partem quod hauriunt , vt illa quam optimam degustant escam , vertunt in bilem . Stabant Tolosates pro fœdere contra Regem inito . Vtque magni momenti est viros existimatione summos commendare , vel improbare quod agas , visum Concionatorem , non indixisse pro Henrico preces , sed damnaſſe conscriptas contra Henricum copias . Percrebuit rumor Barrerium apertè Henricianum . Inualuit suspicio , breui illum famaque , voceque conciliaturum Aulæ populum , ac Fulienſium stationem futuram Regijs munimentum . Coactò Concilio propulsandum dijudicant ingentem metum complanatione Abbatiæ , ac cæde Abbatis . Actum erat , nisi adfuiſſet Numen conclamato penè Sodalitio ,

litio , per contrarietatum scatebras ad stabilitatis verticem irrepturo . Mirum dictu ! tormenta bellica ad quassandos Cœnobij muros ter educta , nunquam pertrahere fas fuit ultra Moretum , renitentibus semper , & retrocedentibus equis . Restitutis suo loco tormentis , tota iam tempestas detonabat in Barrerij caput . Insequitur à Tribuno Fœderatorum Commissario . Capitur . Quantocyus Tolosæ sistendus , truditur mox in cubiculum , donec miles , qui ducendum stiparet , reficeret cibo vires . Cum ecce , rem compertam narro , fracto cubi- culi tecto , tota Dei famulus obruitur maioris trabis ruina . Humi jacens , capite colliso , sanguine madidus , vix reciprocans spiritum , agere in extremis creditur . Sublatum putat Tribunus , narratque Tolosatibus . Interim ipse , vigore luxatis membris sensim afflato , contracto quoque frontis vulnere , se se in libertatem asseruit , fatali salutis discrimine à luctuosæ mortis scena creptus .

XI. Hæc inter , aliosque decumanos oppugnantium calamita- tum fluctus victrix Congregationis infantia ad exoptatam velificabat adolescentiam . Enimvero qui Institutoris pectus inconcussum ad lydium patientiæ lapidem exploratum volebat Deus , temperabat & calumniarum , insidiarumque pondera reformationis amplificatione , ac summorum capitum laude . Antiquiores Monachi , inuisæ detre- ctatores disciplinæ , ad alias domos defecerant omnes . In Fulienſi morabantur duntaxat quos Barrerius ad habitum recenter admiserat , suisque angelicis moribus , ac poenitentia spiritum , à Mundo abdicato , imbuerat . Videre erat qua cœlestis affatim norma vitæ ad san- ctitatis brauium omnes contenderent . Laniabant flagellis corpus , discruciabant cilicijs , operiebantque rudi centone paulò infra genua demisso . Calceorum , galeri , pallij antiquauerant vsum . Cubabant nudo solo . Rumpebant noctis conticinium diuinarum laudum con- centu , intercipiebantque somni compendia rerum cœlestium con- templatione . Omni procul sæculi commercio , solo ardore instituen- darum animarum euocabantur è solitudine , dispersiti ad concionan- dum per oppida , vrbesque diebus festis . Tempori pretium dabant suum . Diuino officio defuncti transibant ad sacrorum codicum le- ctionem , inde digrediebantur ad lanæ opificia , ad agri domestici la- bores , aliaque ad corporis exercitamenta . Cibus sumebant sedendo humi . Toto anno vnica erat comestio , verno , & æstiuo tempore post

Nonam, seu hora vndeuigesima, in Autumno, & in Hycme post Vesperas vigesima & altera, nostro ritu, pulsatas. Stomachi lenocinio adhibebant escam ex auena comminuta, & aquæ ebullienti immixta, edulium perinde valens propellendæ fami, ac extinguendæ siti. Monachus eo pulmenti genere diù vsus, asserbat integro semestri se nihil gustasse potus. Cæterum ablegatis gulæ illecebris epulabantur solis herbarum olcribus. In Aduentu, & Quadragesima fureo tantum pane cœnabant, ac bibebant ex fonte. Abbati apponebatur cum egenis, & peregrinis, accumbebatque conuiuium postremus, genuflexus ante sedentes, acetario contentus inter abundè refectos. Porro inopum illuc frequentia apum referebat examen. Admittebantur omnes, degebant ut cuique libebat. Nec mirum, cum suarum labore manuum ipsi visitantes, non cogerent in Monasterij promptuaria nisi pauperum annonam, ac exhaustam horreorum copiam repletet multoties Cœlum. Si qui etiam nocte intempesta pulsarent fores, cœnebant illic præferri faces, adesse excipiendis Conuentum, ignem, mensam, lætisternia parata, ut dicerent nonnulli; Charitatis diem inter Fulienses nunquam aduersperascere.

XII. Et aduersabantur quidem humanæ commendationis laudem. Verum luculentus adè perfectissimæ conuersationis fulgor, haud poterat longè omninò ab ætatis plausu effulgere. Gratulabatur in primis Gallia suo in sinu, suoque in indigena egregiam florere mentem occurrendi Monasticorum Ordinum clarissimo, qui à Legislatoribus supernè inspiratis conditus, tanta illustrium fecunditate Virorum, tam diuite censu, perque tot decursum annorum ornatissimus, vergeret iam ad nitidioris disciplinæ occasum. Secum adè feliciter, præclarèque agi gaudebat in paucis amplissima Bernardi Soboles, quæ vernanti in nouissimo germine frondescere in gratiam denuò cerneret candida Cistercij lilia, adeoque emicanti cum virtutis lumine reuectam conspiceret in Christianum Orbem meridianam Claræualis lucem. Annalium propterea Ordinis Centuriator Manrique Nicolao Bouchératio optimam Tom. 1. pag. 491. gratulatus sortem, supremam illius in Cistercio Præfecturam faustissimam inquit: *crecta Fuliensi Congregatione per Venerabilem, & verè Beatum Patrem Ioannem de la Barriere, ex Abbate Commendatario (quis id credere posset?)*

posset ?) *primitiui Cistercij reſtitutorem*. Ad Caſtra Fulienſia ſolutioris militiæ ſtatione vacua aduolabant è Sæculo lectiſſimi Adoleſcentes, ſolidæ diſciplinæ ponendis rudimentis addiſti omnes, qui tantam in poenitentia agone experiebantur diuinæ vbertatem gratiæ, cœleſtiumque affluentiam deliciarum, vt Ludouicus à S. Malachia, illorum vnus, in præſatione ad Elegiam de ſolitudine religioſa, piorum carminum libro primo, de ſemetipſo fateatur: *hoc vnum diſſimulare non poſſum (abſit autem inuidia verbo) me diuino munere tantum in ea bonum reperiſſe, vt ſi regnum Orbis terrarum, & ipſam in terris immortalitatem (ſi liceat aſſequi) præ eo bono teruncij apud me non eſſe dixerò, perparum adhuc de tanti boni magnitudine dixiſſe mihi videar*. Feſtinabant præcellentiores etiam Commilitones quotquot ex Aquitaniæ Abbatij veterani iam Athletæ alebant animum conſe-
rendi cum hoſte communi generoſam manum, ac fortiter aggreſ-
ſum fundendi, proſtrandi ardentiores. Nunquam Cenſoriam pote-
ſtatem, pro facultate à Cistercij Archimandrita ſibi collata, obibat;
quin bona eorumdem manu comitatus, reuiſeret ſuos. Si quos præ-
terea Tyrones proprijs in arenis informauerant Abbates, illos, emenſo
nouitiatus curriculo, ad Barrerium dirigebant, publica ſpiritualium
ſtipendiorum vota in eiſdem manibus enunciaturus. Quandiù fuit
in humanis laudatus Ordinis Proto-Abbas Nicolaus Boucheratius,
durauit & penes Reformatorem grauis adeò poteſtas. Ad hæc com-
plexandæ Reformationis ardore caleſcere iam cernebantur illuſtres
etiam ex Principe nobilitate fœminæ, à quibus ſub Margherita de
Polaſtron, & Iacquelina de Dimpatalla conditum poſtea primum
Sanctimonialium Fulienſium Collegium, cum Sixtus V. in Bulla
erectæ Congregationis annuit propagationi in Virorum ſepta, & in
Virginum Parthenios. Mirapincenſium Paſtor merendi & ipſe ſub
noſtratum ſignis fragrabat voto. Et ſacramentum profectò dixiſſet,
quando à cogitatione pectori ſeriò incumbente non eum Vir Dei
amouiſſet, Eccleſiæ Mirapincenſis addiſtor decori, quam ſuæ Con-
gregationis, ornamento inhærens. Paulus Foxius Tolofatum Archie-
piſcopus, idemque renuntiatus Orator regius ad Summum ſacrorum
Antiſtitem, antequam profeſſionem adornaret in Vrbem, Fulienſem
ſeceſſum adiit. Sux ablegationis plurima illi prece commendauit ne-
goria. Inductam in Cistercium reſtaurationem probauit multis. Apud

Purpuratos Romæ Patres summopere illam se laudaturum spondit, omnemque positurum operam Apostolica auctoritate firmaretur. Cardinalis Borbonius, Barrerium Ecclesiastem euangelicæ notæ sapius admiratus, se sibi furabatur, quò, Monasterij limen frequentius terendo, perfectam Mundi abnegationem, illumque morum candorem exciperet oculis, quorum studium in declamando ille accendebat. Conciones magni ieiunij diebus Moreti habebat, cum ad hospitantem apud Minores de Observantia descendere Ioanna Nauarræ Regis Mater, Henricus ipse Rex, quamuis Hæresi infectus, vnâque lectissima eius coniux Margarita Valesia. Augustum par sceminarum præcedere festinauit Regem. Sacrum ad Altare eis coram lita-ret, diceret è suggestu, benè ipsis precaretur maximi beneficii loco duxit, impetrauitque. Hinc æmulo alloquendi studio, longiorem, quem de animæ institutione protrahebat sermonem, abruptit ad solum Regis aduentum, retexitque, vt discessit. Porro Regi placuit per Viridarium inambulando serios cum celebri Dei famulo immiscere discursus, recessitque, quemadmodum summa de eo concepta existimatione, ita Regia in illum propensione amplissimè exhibita, visus etiam profecisse alloquio, vtpotè pronior exindè ad ciurandam quandoque Sectam veræ Religionis exortem. Contulit oppidò Ioanni comparata sibi magnificè apud Henricum gratia. Cui nimirum, generales subeundo Cistercij vices, aliquot Cænobia Hæreticorum pagis circumsepta, intra Nauarræ limites, visitanda supererant, obtentis literis supremo eiusdem caractere signatis, nullius fuit negotij discurrere quò vellet, cum stratas etiam honoribus semitas reperiret, & Caluinistæ obsequijs vbique occurrerent, famularentur.

XIII. Sed maiora adhuc illi parabantur decora Lutetizque, Romæque. Imbutus laudum præconijs Henricus Rex, Barrerium colebat & absentem. Adscitum ad aulam, vultuque agnitum maiori habuit in pretio. Honoribus affecit inuidiosis, & prudentia, pietateque eminentem sederet in Vrbe Methropoli maluisset. Verùm, quòd Vir Dei tranquillioris vitæ amore succensus, Sæculi curas velis, remisque fugeret, deberet nec non & suo augendo Coetui opportunas impendere curas, ne tunc ampliare negligeret, cum omnium Ordinum candidati ad nomina donanda sua tota Aquitania confluerent, illum Rex humaniter amplexum dimisit. Vnum adiecit: habere in
votis

votis decorare Parisiorum Urbem nouæ Reformationis Asceterio ; Cupere proinde simul ac Alumnorum census ad centum accederet ; bis viginti Fuliensi in mansione retineret , reliquos sex decies ad se destinaret.

XIV. Ex quo verò in primam disciplinæ Coloniam Parisios traducendam incidit sermo , haud abs re erit Italiam quoque , Orbi potissimum imperantem Romam Barrerij nomine , & Fulienfis conuersationis occupatam celebritate inspicere . Iam & apud Gregorium huius nominis tertium decimum Pont. Max. inter exactæ virtutis laudatissimos Asseclas ferebatur . Quocirca Carolo de Angennes Rambouilletto , S. R. E. Cardinali commiserat Fuliensium copiam Romam accerferet , conceptam nimirum Auctoris , Sociorumque mentem se gratulari . Velle eandem Apostolica auctoritate fulcire , ac amplificare extensione per Italiam . Acceptis Epistolis Cardinalis quidem de Angennes caractere exaratis , datis tamen nomine Dei vices in terris agentis , Pontificijs fauoribus sedulò occurrendum Ioannes duxit , destinatique Romano itineri Ioannes Balades Catalaunensis , Philibertus Bourdesius Tolosanus , Iacobus de Rupe Aluernus Sacerdotio initiati , vnâque cum ipsis Clerici duo Ludouicus Eustachius Delphinus , & Carolus Chabot Vasco . Hi rigente Februario iter ingressi , Urbem attingere ad sext. dec. Calend. Maij . Interea Gregorius die decima Aprilis Reipublicæ Christianæ fasces , simul ac mortalitatis exuias deposuerat . Nemo tamen despondit animum , quin potius adauxit , cum Cardinalium Guastavillani , Caietani , Rambouilletti , aliorumque augusti Senatus Patrum conspirante pietate , inducti primò in Ædes S. Mariæ de Monticulis , & mox in Ecclesiam S. Bernardi apud columnam Traiani . Liquit dilucidè illa esse & domicilia , & auspicia , habituros nimirum nostros Romæ propitios Virginem Deiparam , Diuumque Bernardum . Præcipuos Reformationis Patronos eos in Vrbe aduenas hospitio vicissim excepisse : Afflare insuper spem nacturos in Gregorij successore addictum Gregorij animum ; breuique immigraturos ex precarijs domibus ad proprium aliquod domicilium . Et ad votum profectò inauguratum conspexere Sixtum V. oculum illum , gemmamque Pontificum , zelo Religionis propagandæ Apostolico fastigio æqualem , nam sub tanto , adeoque maximo Ecclesiæ Antistite , & breui transire ad S. Pudencianæ

tianæ concessam perpetuò Sedem , & Reformatio, primò quidem literis signatis Nonis Maij 1586. assertam se vidit in libertatem à Cisterciensium vexatione, mox verò alio diplomate emanato septimo Id. Nouembris anno 1589. cum erectam in Congregationem, tum & nomine Beatæ Mariæ Fulienfis, laude, authoramento, priuilegijs denique, & facultate se se quaquauersum propagandi facultate donatam.

XV. Sed cedat Italia stylus reuersurus in Gallias, vbi Henricus Rex Monasterij Parisiensis vrget foundationem. Euulgata Bulla propagationis ad suas preces obtentæ, auctoque Fulienfium albo ad capita centum, manum admouit ædificio claustrum in Vico Sancti Honorati propè Luparam, amandauitque Centuriam Velitum, qui aduenientes tutarent incolas, nam itinera laborabant bellorum motibus, vnà cum deteriori sæuientis hæresis appendice. Nequaquam verò silentio damnandæ ceù Monachorum profectio ad præclarum humilitatis, paupertatis, ac Religionis specimen composita, ceù præcellens inuitantis pietas Regis. Incedebant illi, Barrerio Duce, bini, & bini pedibus excalceatis, capite aperto, tunica tantum breuiori induti, sine caputio, vt agmen addictorum Cruci, cui oblequi regnare est, & mancipem se deuouere in veram asserti libertatem, vesanæ plebis, ac irridentium Caluinistarum inter iurgia audiret coactorum ad Triremes manipulus. Toto itinere leniere continentem iciunij abstinentiam solo pane cum frigida potu. Horis à Regula psalmodiæ designatis sistebant in semita gradum, & partiti in Choros concinebant laudem diuinam alternatim. Henricus autem ad Saltum Vincennarum aduenientibus procedens obuiam, in omnium complexus gratanter ruit, accommodauitque in ædibus, à Minimis Sancti Francisci de Paula modò inhabitatis, ad optatum vsque tempus, quo in destinatam Parisiensem domum, nullam iam manum desiderantem, introduxit. Parum fuit, & primam propaginem laudata beneficentia deduxisse: nisi & continuatæ additionis magnificasset argumentis. Nam quod aptata claustrâ Regiæ forent adita, ad illa per quam frequenter descendebat, agebatque cum Monachis vsque adeò diuturnè, & domesticè, vt Aulici susurrarent tantam cum Monachis consuetudinem cucullatum veriùs exæquare hominem, quàm regnantem præbere maiestatem.

XVI. Stationes Romana, & Parisiensis auspicante gratia Pontificis Summi, ac Regis Christianissimi, in præcipuis Italiæ, ac Galliæ Urbibus sub idem temporis positæ incendere Burdigalensium, Lucenium, Taurinatum, Ameriensium studia ad Fulienses cooptandos in Ciues, proficiendumque domestico virtutis exemplo. Sed harum, aliarumque domorum erectiones, ac fundatores suo loco sinimus. Rerum nunc series narrationem iterum Romam euocat, quò Bartorius, declinatis Galliæ motibus, minisque suam in ceruicem intentatis, se contulit. Sixtus Papa amplissimis fauoribus restorationis promotor, roborator, cum ad sacra pedum oscula prouolutum vidit Auctorem, ad illum conuersus: suffulsi, inquit, in diebus tuis domum Fuliensem, exacta quam adornasti reparatione. Labores nouimus, contentiones scimus, sartam tectam suspeximus, approbauimus. Nos gaudemus planè. Tu maeste animo. Felicius in dies res cadet. Aderit inceptis Deus. Aderimus & nos eius vicibus in terris fungentes, quò religiosi faueamus Coetibus, illis summopere, qui vitæ à Mundo se gregis non in aliquam laborant speciem, sed numeris inhaerent cunctis. Superest reuiuiscantis disciplinæ capita scriptis consignes. Tuo Oraculo, feruore in præsentiarum vigent. Dissoluentur, obsolescent, nisi perpetuò seruanda calamo perennes, illisque Apostolica adstipuletur auctoritas.

XVII. Pontificijs monitis concitati Patres condendis Constitutionibus animum adiecere. Verùm obortis varijs difficultatibus cura refriguit quadriennio. Sedente postmodum Clemente VIII. nostrates sicut Reipublicæ Regularis induere formam, ita & legum momentis confirmati. Cessatum pendere à nutu Abbatis Fulienfis, eo nomine veniebat Ioannes Barrerius, vocata Romam comitia, renuntiatus Vicarius Generalis Ioannes Gualtheron, inuectaque consuetudo parendi sancitis supremi cuiusdam Magistratus, & obtemperandi moderationi Principis in tota Congregatione Cænobiarchæ. Pro cognomento gentilitio assumpta pia à Sanctis nomenclatio, dictique Ioannes Gualtheronus, Vicarius Generalis à Sancto Hieronymo, Ioannes Barrerius à Sancto Benedicto, Rogerius Perus à Sancto Gerardo, Philiberrus Bourdesius à Sancta Pudentiana, Rogerius Sourdus à Sancto Nicolao, Guillelmus Compagnonus à Sancta Genuefa, Antonius Ferrera à Sancto Vincentio, Petrus Boygert à Sancto Paulo.

Hi primi reperiuntur Diuorum agnomine nuncupati, & subscripti. Exauthoratis domorum Superioribus, alij renuntiati, & exemplo dimissorum à regimine constabilitæ præclaræ vices capeßendi moderationis fascès, ac deponendi, imperandi, ac obsequendi. Obseruantia, cui se adstrinxerat, excolebatur traditione, voce, non regula constanti. Quocirca partes concipiendi, & conscribendi eiusdem Canonès demandatæ præstantissimæ existimationis confessoribus Ioanni à Sancto Hieronymo, Petro à Sancto Bernardo, Philiberto à Sancta Pudentiana, Pantaleoni à S. Placido, Ioanni à Sancto Mauro, Alexandro à S. Michaelè.

XVIII. Sex Viri demandatæ solitudinis aliquod specimen, seu rude schema proposuere primò Congregationi Generali decimo sexto Calendarum Augusti celebratæ, tandemque sanctiones triennij decursu maturatas, exploratasque, à Clemente octauo approbatas, ab omnibus receptas typis consignarunt, præfixa attitulatione. *Constitutiones Congregationis Beata Maria Fulienfis Ordinis Cisterciensis ad Sancti Benedicti Regulam accommodatæ in Capitulo Generali eiusdem Congregationis Roma celebrato anno 1595.* Quarum quidem declarationum, Constitutionumque summa capita, quidque additum, innouatumque deinceps fuerit, ne Lector desideret, paucis referam. Delecti Patres ita conspirarunt in mentem D. Benedicti, vt delibarent etiam nonnullas selectas aliorum Ordinum consuetudines, nimirum Mendicantium, & Clericorum Regularium, consultis idè, imò ad confessus vocatis, & iubente Clemente octauo adhibitis Alexandro de Francis Ordinis Prædicatorum, & Cosma Dossenio Barnabitarum Sancti Pauli solemnè famæ viris, in suorum Cætu primis muneribus defunctis, indèque raptis ad Insulas Episcopales, alterum Foroliuiensium, alterum verò Dertonensium. Id fuit in nostrorum quoque mores transferre quæcumque rerum vsus opportunitiora consuleret, nec recedere vel latum quidem vnguem à Patriarcha Legislatore permittente Superiorum arbitrio transigere cum tempore, & experientiâ sequi. Itaque, vt à regiminis norma exordiamur, prima ad eorum præscriptum in tota Congregatione recensentur nomina Abbas Generalis, Assistentes, Visitatores, Procurator Generalis, Prouinciales, Monasteriorum Moderatores. Cœnobiarcha Generalis ius summum dicit, restrictum, mediatumque Prouinciales

in attributis Prouincijs, singulis autem in Claustris Rectores singuli, Abbates appellandi vbi maior familia degit, Priores verò vbi minor. Assistentibus incumbit præstò esse consilijs Sodalitij Archimandritæ; Procurator Generalis negotiorum apud Romanam Curiam molem gerit. Visitatores perlustrant familias censoria auctoritate, non vt libuerit, sed ad placitum primæ Insulæ, nec antequam ipse Præfectus Generalis suam in toto Coetu, & Prouinciales coloniarum propriæ dependentiæ visitationem obierint. Omnium potestas triennij spatio durat. Absoluuntur autem ab exantlatis officijs, ad eadem repetendi, vel grauiori, ac sublimiori cohonestandi, aut sanè feriaturi omninò in Capitulo Generali, ad quod cum primis Congregationis Patribus, Familiarum Præfecti singuli, ac Discreti tertio quoque anno euocantur pro Feria secunda Dominicæ tertiæ post mundi vindicem, de mortis victoria gloriosa Resurrectione ouantem.

XIX. Qualem verò disciplinæ solertiam, pietatemque Comitiam vndequaue redoleant, seu quænam ibi negotia præter Superiorum depositionem, & renuntiationem agitentur, haud facillè omitendum duxerim. Rerum agendarum summa quotidianis Deo precibus in vnoquoque Monasterio commendatur. Inuitantur & Christifideles ad suarum Orationum conferenda subsidia, alliciunturque Indulgentijs à benignitate Pontificia pro inuisentibus nostrorum templa sub idem temporis, eumque ad finem impetratis. Illucescente primæ sessionis mane Præsul Generalis Sacrum de Spiritu Sancto Abbatiali ritu decantat. Cæteri votiuam eandem Missam concelebrant. Idipsum reliquis in domibus exactè seruatur ab omnibus Sacerdotio initiatis, & Sacrum canit qui præest. Vocales à litatione ad Aram contendunt processionaliter ad aulam Capitularem, vbi suo loco compositi auscultant perorantem de laude Monasticæ conuersationis, ac de obseruantia impensiori studio nunquam non excolenda. Mox, toto corpore solo prostrati, superioratum titulos, pondusque depouunt, subesse magis, quàm præesse parati. E vestigiò creantur confessus Præses, ac quatuor Assessores præter nùperos Abbatem Generalem, & Procuratorem Generalem, Assessores & ipsos, non electos, sed natos. Principem hunc Septemuiratum Definitorium vocamus, cui interest Sodalitatis sanctitati, & incremento cauere. Animaduertere item in abusus strictiorem vitæ rationem eneruantes, Monaste-

riorum status singillatim executere, libellos supplices reiicere, aut subsignare. Processus, si qui à Prouincialibus instructi sint, ratos habere, vel rescindere, sanctionum antea editarum abrogare quas expediat, & nouas ferre prout temporum vsus exegerit, integro denique iure decernere quæ singulares personas, familiasue tangunt, reliqua omnes respicientia maturare quidem, sed Capitularibus proponere, eorumdem calculis comprobanda. Ad hæc si Patrum conscriptorum aliquis non ad castigatissimi exempli specimen quippiam patrauit, perstrictam id vocare ad censuram. Ipsum Generalatu dudum exauthoratum, si remissiùs, quàm par est, habenas duxit, correctioni subijcere, tandemque vacantium dignitatum affectatione insimulatos inhabilitate ad earundem consequutionem damnare. Expleto Septemuiratus munere confedentium vota incumbunt in futuri omnium Capituli, præcipuarumque dignitatum electionem, à quibus consalutatis, renuntiantur Prouinciarum, ac Monasteriorum Præfetti, & exinde constabilito futuri Capituli Generalis loco omnes proprias sedes cogitant. Hac ratione incuntur vsque in præsentiarum, absolunturque Congregationes Generales, nisi quod Discreti primò ad minorem numerum in toto Sodalitio restricti, & deinde in Italia prorsus antiquati, diplomate Clementis decimi euulgato anno 1672. Prouinciales præterea celebrare Conuentus cum alijs Regulares consueuerint Ordines, nulla de his nostris in Constitutionibus mentio, nec introductus vnquam vsus, nisi fortè a. 1644. quo actos reperio à Patribus Prouinciæ Romanæ ad S. Bernardum de Vrbe.

XX. Ad hæc Magistram Regulam sanctitate, ac discretione attemperatam Legislatores optimè gnari, quemadmodum concessere primo reformationis feruori refectiorem sumere discumbendo humi, nihil gustare sale, vel oleo conditum, nudis vestigijs incedere, modicam vestire tunicam, extinguere sitim aqua, reficere ieiunia solo fureo pane, corpora quietem oppetentia duro ponere solo, ita rigidiore austeritate moderatione limita, voluere alumnos obseruantiae perpetuis statutis vincienda incultiùs construere domos, quò aptius edificarent conscientias cum proprias, tum alienas. Semel in Hebdomada incessere carnem flagris, septies in die Choro adesse, meditari quotidie ad horam. Cum vrbauitatis, vel charitatis officia id postulauerint, posse adire domos sæcularium, inuisere etiam mulieres, sed præ-

præterea degere domi taciturnitate mutos, solitudine clausos, indulta tamen mutua confabulatione aliquanto temporis post Nonam, cœu post Vesperas. Poscente ægritudine sterni lectulos culcitris, linteisque, parari carnes, itemque adhiberi indusia, cæterum ligneis sandalijs ambulare, rudem lanam induere, cubare nudis tabulis, aut sanè palea stratis. Nihil habere proprii: possidere omnia in communi. Ieiunia protrahere ab Idibus Septembris ad Sanctum Pascha, nec vitam sustinere nisi lacticiuijs, piscibus, ouis, ac oleribus. Harum denique, aliarumque obseruantiarum transgressores nec mortali, nec veniali culpæ censendos obnoxios, sed nec aliam incurrere poenam, præter definitas in Constitutionibus ipsis. Adamussim seruantur hæc omnia, depositis tantummodo sandalijs ligneis, ideò quòd Monastice grauitati, silentioque nimium obesse compertum.

XXI. Consulere & Nouitiorum informationi. Lata statuta; superiores locales nomina daturus solummodo conscriberent, dura, & aspera proponerent, vocationem probarent. Prouincialibus data facultas admittendi ad habitum, & ad professionem. Tyrocinium posituris sua qualibet in Prouincia staret Domus, atque Magister spirituum directioni perquam idoneus. Post vota ritè concepta, & enuntiata subessent triennali disciplinæ Instructoris Professorum. Libera consuetudine tunc duntaxat antiquioribus iungerentur, cum benè in Monastica vitæ ratione confirmati, non amplius periclitarentur excidere à rudimentis nouitiali in puluere haustis. Abbates Cistercienses consueuerant excipere quotquot implendo suæ familiæ syllabo necessarios ducerent, proindeque varijs in Cœnobijs, variaque informantium indole Ordinis Alumni singulatim ferè omnes educabantur. Sed tempus edocuit hanc methodum instruendi mittentes Mundo nuntium oppidò vtiliorem, ideoque constabilitæ Nouitiorum stationes in Gallia quidem Monasteria B. Mariæ Fulienfis, Sancti Bernardi Parisiensis, & Sancti Caroli in Ciuitate Lugduni. In Italia autem Sanctæ Pudentianæ de Vrbe pro Romanis, Pro Pedemontanis verò B. Mariæ apud Testonam, id quod Alexander septimus ratum mandauit literis in forma Breuis expeditis 12. Iunij 1655. postquam sui periculum facere desisissent in Abbatia Beatæ Mariæ secus Pinerolium.

XXII. Prospexere & comparandis literarum præsidijs, capite il-

lato de artium lyceis in selectis vniuscuiusque Prouinciæ Monasterijs aperiendis, de Theologiæ à conscientiarum directione nuncupatæ questionibus per singulos festiuos dies erudito congressu agitandis, prætereaque de ipsis Rethorices præceptis tradendis, vbi florentiores Adolescentes, humanas literas nondum benè edocti, disciplinæ legibus se se imbuendos tradiderint. Hinc, (obiter dictum censeatur) errant toto Cœlo, nos recollectam omninò vitam agere, qui putant. Et nostris, & proximorum compendijs vacamus. Cunctis nascimur. Collataneum à Parentibus hausimus studium procurandæ animarum salutis. Venerabilis memoriæ Institutor nedum ipse celeberrimum præbebat in Galliæ Prouincijs Concionatorem, vitiorum, hæresumque Inſectatorem acerrimum, sed ex Eremitæ secessu emittebat permultos suæ doctrinæ, pietatisque æmulatores. Quare propagatam in Posteror exempli vim voluere leges. Mineruæ operam dantibus domesticę patent Athenæ, Athenarumque commoda. In facultatibus speculatiuis Doctores sequimur nostris formatos in scholis. Vtque varia multiplicis eruditionis commissa typis monumenta præteream, nostri spectatiores Gallię Urbium ambores toto anno conscendunt, ea subſelliorum frequentia, ac plausu, vt Fulientinę methodi Ecclesiastem laudare aliquem, perinde sit, ac Euangelicum primi nominis asserere declamatorem. Porro ad hæc munera aptiora excogitata sunt, delictaque Claustra his, qui vltra montes ingenio excolendo vacant ipsęmet, quę Nouitiatus Palęstræ, ac insuper Sancti Antonij Burdigalę, Beatę Marię Cellensis, itemquę Beatę Virginis de Valle, & Sancti Maximini propè Aureliam. Illis verò qui citrà montes domus Virginis Consolatricis Augustę Taurinorum, itemque Beatę Virginis à Monte-Regali, aut pro libito Prouincialium SS. Petri, & Andreę de Noualizio Subalpinorum Familię, quemadmodum & Sancti Ioannis Baptistę in Oppido Florentiolę, aliquandò etiam Sancti Bernardi de Albario Genuę, frequentius verò Sancti Caroli Maioris Neapoli, aut Sancti Bernardi ad Thermas in Vrbe pro Romanis.

XXIII. Cautum & per eosdem in damnabilem honorum affectionem pœnalibus sciitis, quorum tenor. *Vi autem honorum, & dignitatum cupiditati, omnique ambitioni, quantum fieri potest, obſtruatur aditus, decernimus, vt si quis Abbatis Generalis, aut aliam*
quam-

quamcunque dignitatem Congregationis, aut aliam quamvis exterram ambierit, aut ut ea mandetur alteri cuius, conatum adhibuerit, is voce actiua, & passiua in perpetuum careat, vel etiam grauiori pœna puniatur arbitrio Capituli Generalis. Quod si quis aliquem ei rei dare operam cognouerit, nisi quam primum deferat ad Capituli Generalis Præsidentem, eadem pœna teneatur. Qua tamen possit interdum à Capitulo minui. Et in uniuersum quisquis aliquod officium, munus, ordinem, aut gradum superiorem, in Congregatione, vel Monasterio studuerit adipisci graues pœnas luat: ut eius exemplo alij sapiant, & huic teterrima pesti nullus sit locus in Congregatione. Quod si quis contra hoc decretum dignitatem, vel officium ambitum fuerit assequutus, is præter dictas pœnas, dignitate etiam, aut officio adepto mulctetur, aut ijs fungi, quantum in nobis sit, prohibeatur. Nec contra hanc Constitutionem vnquam dispensetur. Condignæ prorsus grauissimam in noxam animaduersiones, quibus Summi Pontifices robur addidere suis literis Paulus quintus Bullatis 27. Iulij 1605. alijsque signatis penultima Martij 1613. & Alexander VII. datis Romæ die xi. Augusti 1655.

XXIV. Iam verò quod ad varios ritus, & cœremonias spectat; maximè verò ad Opus Dei, non alijs voluere consuetudinibus peragi, quàm peculiaribus, & antiquissimis Ordinis Cisterciensis. Verùm cum Sacer Purpuratorum Patrum Cœtus declarasset Congregationes Sancti Bernardi omnes teneri ad recitationem Breuiarij pro omnibus sub Regula Diui Benedicti militantibus à Paulo quinto approbati, Itali die Sabbati præcedentis Dominicam secundam Aduentus anni 1681. uti cœpere in Sacri quidem celebratione Missali Romano, in Chori verò Psalmodia prælibato Breuiario Benedictino. Prouinciæ Galliæ, ab Italis iam sciunctæ Breuiarium adhibent Romano quantum fieri potuit accommodatum.

XXV. Pro more eiusdem Cisterciensis, Cœlorum Reginæ additissimi Ordinis, ipsammet Virginem Deiparam in Reformatæ Sobolis Protectricem Augustam delegere. Recolendæ ut Patronæ decreta perpetuò quæ sequuntur deuotionis obsequia. Cœtum ipsum nuncupandum Congregationem Beatæ Mariæ Fulienfis. Tempia à nobis erigenda Virgineo eius nomini inauguranda cuncta. Festiuitates singulas habendas inter solemniore. Cum ad Analogium in
Choro

Choro annuntiantur, teneri actutum omnes procumbere super oram cucullæ, ac reuereri recitatione Salutationis Angelicæ; præuenire postea vigilijs, ieiunijsque, ac demum celebrare cum feruentiori deuotione, tum & splendidiori Altarium apparatu. Paruum eius Officium addendum quotidie penso Officij maioris, ac præterea omnes ipsiusmet Officij diuini horas complendas Antiphona Salue Regina, post Completorium decantanda, ad reliquas verò horas sine cantu pronutianda. Ita & nos Marianum sodalitium audimus, gratulamurque auspicijs, quod si Principe quodam studio Deiparam colimus, agnoscimus qualem se nobis exhibet, planè Matrem.

XXVI. Hæc Fulgentinæ viuendi normæ statuta, hæ Constitutiones, Regulæ Diui Benedicti, & Consuetudinibus Ordinis Cisterciensis consonæ, à Clemente octauo firmitate Apostolica munitæ, à D. Ioanne Baptista à Sancta Anna doctis commentationibus illustratæ in sua praxi iuris pro Congregatione Beatæ Mariæ Fulensis. A quarum synopsi vt ad obseruantie laudem, assequutumque celebritatis culmen se se narratio vertat, vnum proferam Diuum Franciscum Salesium in Epistola ad Clementem octauum, qua impetraturus eorum suffectionem in Abbatia Beatæ Mariæ de Abundantia, inquit.

Beatissime Pater.

Bonis Religiosis melius nihil esse, malis nihil peius, & veteres dixerunt, & hac ætate ita compertum est, vt de illis cum Hieremia dici meritò possit, si ficus sint bonæ, bonas valde esse; si malæ, malas valde: Nulla verò Orbis Catholici Diæcesis malarum istarum ficuum nocuentis adeò patet, quàm ista Gebennensis: qua nulla magis bonarum ficuum prouentu recreanda foret. Hic enim Pater Beatissime in ipsa certaminis acie constituti inimicorum vires cominùs experimur, quorum ingenium est ex moribus nostrorum deprauatis, Ecclesia illibatam doctrinam carpere, ac infirmas Populi mentes deijcere. Quo nomine eò magis dolendum est, inter multa Monasteria variorum Ordinum, quæ in hac Diæcesi sunt edificata, vix vnum reperiri, in quo Religiosa disciplina labefactata; imo potius conculcata penitus non fuerit, vt ne quidem vestigium veteris illius celestis flammæ appareat, adeò obscuratum est aurum, & mutatus color eius optimus. Cui quidem malo, nullo prasentiore remedio medicinam fieri posse existimant periti rerum aestimatores, quàm si ex Reformatis, & re-
centi

centi Spiritus Sancti igne accensus, & inflammatis Congregationibus Viri Religiosi adducantur, & in locum eorum (ut modestissime dicam) qui terram hactenus perperam occupauerunt, sufficiantur. Hoc consilio adductus est Vespasianus Agatia ut Monasterium Sanctæ Maria de Abundantia, cuius ille Abbas Commendatarius existit, Religiosis Sancti Bernardi Fuliensibus, quorum bonus odor multis iam in locis manauit, si qua fieri posset opera, attribueret, & committeret, motis inde sex Monachis, omnibus propemodum senio, ac disciplina Religiosa crassissima ignorantia non laborantibus modo; sed penè confectis. Res sanè bona, & omni acceptione digna, ut pro spinis, Flores in hortum Ecclesie inferantur. Id autem ut succederet, omnia cum Generali Fuliensis illius Congregationis parata, ac delineata sunt, qua in eam rem necessaria videbantur; ita ut nihil prater unum, sed illud quidem maximum, ac precipuum desiderari posse videatur. Sedis nimirum Apostolica beneplacitum, quo omnia hæc, & fiant, & facta consent, ac firmentur. Cum autem huius rei utilitas in banc ouilis Domini pariem, cuius curam Apostolica vestra providentia mihi demandauit, primum deriuanda sit, non debui committere, quin ego quoque humillimis ad pedum oscula precibus à Beatitudine Vestra efflagitem, ut suam Paternam, & Apostolicam gratiam huic negotio liberaliter impertiri dignetur Christus Dominus S. V. quam diutissime nobis seruet incolumem. Annesij Allobrogum vigesima septima Octobris 1604. Beatitudinis Vestra Indignus, & Humillimus Seruus F. E. G.

XXVII. Hactenus ad sanctimoniam clarus Gebennensium Antistes, qui de mandato Gregorij XV. cum præfedislet Comitij Generalibus habitis Pinerolij Anno 1622, eaque opportunitate suis cõplexisset oculis disciplinæ contentionem, votorum consensum, curamque d. ferendi regiminis nonnisi in optimos, omnia suo testata voluit caractere Cardinalibus Ludouiso, Montalto, Sanctæ Sufannæ, & Bandino, fusius autem eidem Summo Christianæ Reipublicæ Patri, Scribit enim

Sanctissimo in Christo Patri D. D. Gregorio XV. Pontif. Max.

Beatissime Pater.

Acceptis Sanctitatis Vestrae literis Apostolicis 20. mensis Aprilis huius anni expeditis, quibus me in Presidem Capituli Generalis Congregationis Beata Maria Fuliensis constituit, sine mora parui, &

in Monasterium eiusdem Ordinis Pinerolij me tranſtuli, ubi me preſentie, & ſecundum mandata Apoſtolica preſidente, Capitulum illud generale celebratum eſt, in quo, ut par erat, de varijs, qua undique allata ſunt negotijs totius Congregationis, plurima decreta ſunt, & ſancita, ac de more Superior Generalis, alijsque tum Prouinciales, tum Abbates, ac Priores electi: & quidem tanta animorum conſenſione, tanta pace, tanta morum ſuauiſſime, ut nihil ſuauius, nihil amabilius videri potuerit. Ita ſanè ut illud propheticum dici de hoc Capitulo exiſtitem: Quàm bonum, & quàm iucundum habitare fratres in vnum, ſicut unguentum in capite, quod deſcendit in barbam barbam Aaron. Nihil ut expectandum ſuperſit, niſi ut quemadmodum non tam vnio, quàm unitas, inter tot variarum Prouinciarum, ac Nationum capita hoc tempore laudanda eſt: ita & deinceps laudari poſſit: Superiorem autem Generalem nunc habet iſta Congregatio, maxima votorum, ac ſuffragiorum conſpiratione electum, cui ſine controuerſia omnes eruditionis, prudentia, ac ingenij palmam cedere debent: Virum ſpectatiſſima probitatis, & pietatis, qui grauiſſimis ſcriptis Eccleſiam Dei non ſolum haſtenus ornauit, & munuit; ſed deinceps, quando ei per otium licuerit, ornare, ac munire paratus ſit, ut ſperandum ſit, ſub eius moderamine totam iſtam Congregationem vberiores in dies prouentus facturam. Caterùm quandoquidem anno 1625. iſtius Congregationis Capitulum generale Roma in conſpectu Sanctæ Sedis Apoſtolica celebrabitur, ſi quid ſuperſit ad tanti Ordinis ſplendorem, ac maiorem perfectionem addendum, nullo negotio, & facillimè addetur. Deus autem Optimus Maximus, pro ſua erga Eccleſiam ſingulari prouidentia, ſanctitatem veſtram tueatur incolumem, ut ſummis, ac imis votis ſupplex peto, & expeſto Taurini 1622. F. E. G.

XXVIII. Tanto tanti Viri ad Principem Eccleſiarum Antiſtiſtem encomio nihil in Reformatę plantationis laudem ſolemnius addidero. Quòd ſi prudens Lector ex eo animaduernerit: optandum ut floreret deinceps, quę tunc vigeſcit, ſententiarum conſenſio; hoc opus, hic labor fuit. Maiora probabantur quotidie itinerum incommoda, familiarum diſpendia, votorum diſcrepantię. Ea propter Urbanus octauus motu proprio emanato 22. Maij 1630. Gallię Monasteria erigenda cenſuit, crexitque in vnā Congregationem ſub

nomen-

nomenclatione Beatę Marię Fulienfis , Italię verò domos in alteram sub appellatione Reformatorem Sancti Bernardi , vtramque speciali à suo Antistite moderandam . Noua tamen hæc rerum faciës absque charitatis , animorum vinculi , iactura apparuit . Data quippè omnibus optio se se,pro libito,cui vellent ex Congregationibus adiungendi. Habituros singulos inter illius Professos , cui adherere maluissent. Romanis præterea Monasterijs iniunctum onus parandi domicilium; annuumque censum subministrandi Procuratori Generali Fuliensium in Vrbe, cum duobus Socijs, commoraturò . Ad hæc inuiolabile adinuicem vbique perstat hospitij contubernium , pleraque alia in moris habemus mutuę vrbauitatis continuata argumenta, quibus vt fratres agimus, & regimine distincti, beneuolentia coniungimur.

XXIX. Post nationum diuottium Congrégationem Fuliensem ad se multoties Cistercium inuitauit, inaurauitque recursum ad matris sinum; & teneriorum sponfione amplexuum,& speciõsa adiectione Fulij ad tres Principes in Ordine Abbatias . Sed audijt: Fulio placere magis à se ipso pendere, Filiam esse Cistercij, sed Filiam assumptam in Parentis Restauratricem . Sat sibi esse laudis , profectusque lacesfisse exemplo Matrem ad generalem illam morum correctionem, qua, ad puram Diui Benedicti Regulam, ac initialium Cœtus consuetudinum obseruantiam suam postea conuersationem composuit.

XXX. Nec semel etiam agitarum de Congregatione Sancti Bernardi amplificanda accessione aliarum Ordinis Cisterciensis in Italia Societatum, quæ Congregationes Lombardiæ, Tusciæ, ac Calabriæ nuncupantur, scû aliorum etiam Sodalitiorum sub Regula Diui Benedicti conuersantium . Sed in ea sententia animum nostrates obfirmarunt, solitariè merendi , proindèque nec Monasticorum aliorum agminum nos immiscere castris, nec intra nostra alios admittere . Et de Cisterciensibus quidem eadem recurrit ratio, quam Fulienses retraxisse diximus, ne cum ipsis coalescere in vnum consentirent vnquam . De alijs verò potiores sunt obices , qui intercedant, nexumque prohibeant . Experientia siquidem edocuit religiosum aliquem Cœtum nunquam satis benè in alium migrare totum . Nam cum suæ vnicuique, si non leges, peculiaries saltem consuetudines sint, relabi facillè est in indolem propriam, eidemque adeò hærendi, vt consequens sit vel totam Institutionem, varia geniorum mixtura, à pri-



mordiali recedere vitæ ratione, vel morum dissimilitudine, fore quidem vnitam, sed non vnā.

XXXI. Nec arguat quispiam nos in Gallia, quemadmodum & in Italia pusillum esse gregem. Nam Regnum complacita patris benignitate pusillis donandum certiùs speramus, quàm exoptemus anxie, aut inire vrgeamus. Et profectò cùm Prouinciarum, tùm Monasteriorum, incolarumque albo longè locupletiori potiremur, si amplificationis studium animis aliquantò sollicitiùs infudisset. Verùm hæc vna semper valeat inter minoris ponderis curas ablegari: Vna disciplinæ facies paucos inter professores vegetior, ac vniuniformior faciliùs asseruatur. Oliuetana ideò, Vallis-Vmbrosæ, Syluestrina, ac Guillelmitica, Montis Virginis, Cœnobiticæ & ipsæ Congregationes in Italia exortæ, in Italia duntaxat florent. Benedictino Cassinensium Cœtui nihil cum exteris ab Italia nationibus. Theatini, Barnabitar, Somaschi, à Matre Dei appellati, Clerici Regulares omnes, paucas vltrà originale solum eduxere Colonias. Extrà Hispaniarum Regna propagari noluerunt & Seraphica Virgo Theresia insignem suam Carmeli reſtaurationem, tùm & reuocatam ad præscriptum Diui Hieronymi Asceticam viuendi normam præclari Reparatores Petrus Fernandez Pecha, Episc. Giennensis, Alphonsus Pecha, & Fernandez Yanes. Horum, aliorumque exemplorum adinstar edocemur perfectioni magis, quàm extensioni studere.

XXXII. Id, quod supplet, honestatque oppidò breuiorem domorum, alumnorumque numerum, amplitudo est Priuilegiorum, Indultorumque, quibus munimur, nec non & Patrum copia regiminis excellentia, eruditione, ac pietate illustrium. Approbationi nempe Constitutionum adiecit Clemens octauus luculenta alia Pontificiæ benignitatis compendia. Præstat inter cætera exemptio à Prælatorum Cisterciensium superioritate, visitatione, ac iure sub. Dat. Romæ pridie Nonarum Septembris 1592. Præcedentia item attributa in processionibus, & publicis actionibus super omnes Mendicantium Ordines, diplomate signato die nona Februarij a. 1599. Recursus ad iterum merendum sub nostris signis vetitus ijs, qui semel addicti Reformationi, ad aliam regularem conuersationem transissent, vel migraturi imposterùm forent, expeditis bullatis literis decimo sexto Calend. Iunij 1604. Paulus quintus, & Prædecessorum suorum amplissi-

nos in nos probauit fauores, & confirmationem cumulauit subiectione immediata Sedi Diui Petri, nec non consortio Indultorum quorumcumque, Priuilegiolorum, immunitatumque Monachorum, & Mendicantium Ordinibus concessorum motu proprio euulgato 21. Nouembris 1607. Alijs literis in forma Breuis voluit idem Paulus quintus nostros duntaxat conficere, & signare in Cera *Agnus Dei*, prætereaque concessit Indulgentiam trecentorum dierum nedum Monachis, & Sanctimonialibus huius Congregationis, qui ad deuotiorum Completorii clausulam decantarent in Choro Antiphonam *Salve Regina*, sed etiam infirmis, qui absentiam ab Odeo pia aliqua prece compensarent, nec non & Christifidelibus vtriusque sexus, qui audiendæ decantationi interessent. Eamdemque Indulgentiam Alexander septimus extendit ad alias Virgineas laudes *Alma Redemptoris*, *Aue Regina Cælorum*, *Regina Cæli*, quas Breuiarium Benedictinum loco Cisterciensis postea assumptum, pro terminatione Officij diuini, secundum temporum varietatem disponit. Horum Priuilegiolorum, gratiarumque exemplaria ab Authographis desumpta dabuntur in postrema huius elucubrationis parte, cui præcedant par est aliæ complectentes viros à Republica optimè administrata, à doctis Mineræ monumentis, & à sollicitiori pietatis studio spectabiliores.






CISTERCII

REFLORESCENTIS

PARS SECUNDA

Abbatēs Generales.

Anno. 1592.



Nūstitum Generalium Illustrem Chorū ducit *Ioannes Qualiberon, Gallus, Catalaunensis*. Genere nobilis, ætate florens, literis excultus, prudentia clarus sub ipso statim Reformationis exordio Ven. memoriæ Barrerio adhæserat, adeò pœnitentiæ amator, ut eam amplecteretur tanquam sponsam, coleret pro delicio, veneraretur veluti manu-
ductricem ad Cœlum, adeoque felici contentione in Monastica arena, ut multis in eo virtutibus certatim elucescentibus, vix initiatus Diaconus, admoueretur administrationi Sermonetani Cœnobij in agro Romano, quod maturioris in eo iudicij, & singularis morum gravitatis argumentum extat. Porro qualis, quantusque vir foret Ioannes, luculentius ostendit in excelsiori supremi magistratus sede, quam sub nomine Vicarij Generalis Apostolici conscendit anno à Deo Redemptore nonagesimo secundo supra millesimum quingentesimum,

simum, mense verò Iulij, quo Patres Congregationis Romæ consistentes primò comitia celebrarunt in Monasterio Sanctæ Pudentianæ ad radices Viminalis. Enimuerò præfuit Congregationi, an Congregationem exorientem composuit? Desijt mox anceps illa trepidatio, quæ in arduo rerum maximarum limine (non enim Ordinis Monastici Reformationem stabilire Prouincias inter minores ablego) fortiora nonnunquam pectora labefactat. Abhorrentibus à communiori sententia, Congreg. ab Ordine Cisterciensi segregandi, potestatem fecit deficiendi ad quamcumque mallent ex Institutionibus Carthusianorum, Capucinatorum, Eremitarum Camaldulensium, vel Minimorum Sancti Francisci de Paula. Eo Auctore nostrorum Cœtus Abbati Cisterciensi obnoxius, Apostolicæ Sedi immediatè subiectus est, sub cuius etiam protectione susceptus. Eodem satagente Constitutionibus ad Regulam Diui Benedicti accommodatis extrema manus imposita; & à Pontificia approbatione iuris robur comparatum. Grauiissimis huiuscemodi curis incumbenti totum abiijt triennium, non autem Generalitij muneris tempus, cuius labores ad trium annorum spatium iterum exandaret, vellet, nollet oportuit. Dei Vicario vi legis, cui refragari nefas, ita mandante. Demùm ex publicis curis sibi redditus in summa humilitate, obedientia, paupertate quieuit in Domino quarto Idus Ianuarij, anno à Deo in nostræ carnis substantia millesimo sexcentesimo vltra vigesimum, fato sublatus apud S. Pudentianam de Vrbe.

1598. *Guillelmus à S. Claudio, Enuion, Burgundus* decenniò postquam habitum Romæ susceperat, pedo Generalitio ibidem cohoneftatur septimo Cal. Iunij. Adeò breui à Sacramenti pronuntiatione decurso tempore, ad Congregationis subeundum regimen deligi, præstantissimæ, quibus pollebat, partes exposcebant. Debebant profectò & ipsi non modicum Reformationis incunabula, quòd eam perfectionis puriorem spiraret auram, quam reliqui vitæ Monasticæ candidati auidè haurirent. Austeritates vorabat intrepidè, ac vnus in paucis censebatur, qui, ad mentem Sancti Bernardi, Religioni nomen daturus, corpus extra Monasterij limen reliquisset, Spiritu duntaxat in claustra inducto. Debebat & agitatæ Congregationis consolidata stabilitas, viro quippè vi directionis, & incrementi studio, si quis alius, prædito, qui oppidò profuisset, ne, quod commune est

eſt religioſarum plantationum diſcrimen, aduerſitatum ventis vndique impetita, diſſecta corrueret, quinimò altiùs radices iaceret, quàm vt iactatione vllò vnquam tempore periclitaretur euelli. Qui ante Generalitia decora de Republica adeò benemeruerat, ampliora ſpondebat beneficia, ſi in eam ſententiam Patrum Senatus concederet, vt prima Inſula redimitus fulgeret. Expectationem haud ſefellit euentus. Ipſe nimirum, Coloniarum augendarum zelo nemini ſecundus Ebredunenſem emiſit, aliasque. Monastiæ præeminentie vindex feruentiſſimus, Mendicantium quorumcumque Coetibus in actis, & proceſſionibus publicis noſtri antecirent, ſolerter curauit, ac obtinuit. Qui verò Antitiſtes religioſorum Ordinum Soles eſſe optimè nouerat, ac proinde tunc magis eoſdem moderatione illuſtrare, cùm viſitationibus luſtrant, ſecundo regiminis anno ab Vrbe diſceſſit, inuiſitque quotquot ea tempeſtate enumerabantur noſtratum ſtationes. Nunquam è viuſ abire debuiffet, ſi deſideratiſſimis viris cæca mors, inuida veriùs, parcere ſeiret. Guillelmum, noua ſemper ad commune bonum molientem, ipſa nobis luctuſoſo prorſus funere Taurini eripuit anno à deſoſitis dignitatis inſignibus, & æui, in quo ſumus, quarto.

1601. *Petrus à S. Bernardo, Matbarel, Aluernus*, ex Oppido *Viſon* dicto, Reformationis legibus rita votorum ſolemnitate ſe deuinxit in Abbatia Fulienſi ætatis antea actæ anno octuageſimo primo ſupra ſeſquimilleſimum. Abbas Generalis in limitaneo Gallis, ac Italis Pinerolij Conuentu renuntiatus, præclare eluſit Edmundum à S. Cruce Cistercij Antitiſtem, & Ordinis Primatem, cuius cenſoriam poteſtatem in hanc Congregationem opportuno Clem. VIII. diplomate excuſſit. Cætera viri præconia aptiori conceduntur loco. Superata quippè virtutum eminentia, quam calculorum conſpiratione attigerat dignitatem, ſacros inter faſtes aliquantò fuſiùs reponendus erit. Planè vſque adeò commendata toro Coetui præclari capitis religio, & pietas, vt repetitis ſuffragijs ad Inſulam ſecundò regendam aſſumptus, eandem vnà cum mortalitatis ſarcina depoſuerit.

2. 1606. 22. Martij, à quo tempore vſque ad futurum Capitulum præſuit *D. Io. à S. Hieronymo primus Aſiſtens*.

1604. *Petrus à Sancto Bernardo* Sodalitatis regimini iteratò admotus.

1607. *Sancius à S. Catharina, Beauner, Vasco*, cooptatus in Fulienſem familiam anno à Virgine puerpera 1586. in Abbatia, à qua Sodalitati origo, nomenque. Summo Congregationis regendo clauo tertio adlectus eſt, primùm ab anno voluentis ſeculi ſeptimo ad decimum, iterumque à decimo quarto ad decimum ſeptimum, & exinde ad vndeuigeſimum. Pietate, eruditione, abiectione ſui, nec non & ſolitudine efformauerat quidem ſe ſe in Superioris clauſtralis ideam; at ſuffragia toties in eum conueniſſe, ea præſertim tempeſtate, qua in perfectionis ſtadio nemo impigrè ſe gereret, quinimò vnusquiſque pro viribus chariſmata æmularetur meliora, alia potiſſimùm cauſa fuit, ſedulitas nimirùm in rebus agendis, conſilijque feracitas, & vbi rei communis immineret periculum, illicò, nec vna ex via, reparationi adeſſe & ipſum, fortique animo labem impendentem propellere. Studijs moralibus perindè vacabat, ac ſi Philoſophiæ, & Theologiæ curſus ſumma perſpicacis ingenij cum laude minimè confeciſſet. Verùm qui ſpiritui excolendo neruos intendebat omnes, planè vt neſciret à pſalmodia, à lectione ſacrorum codicum, à diuinarum meditatione rerum ſe abſtrahere, ſapientiæ Sanctorum venas tantùm foras produxit, viſus eleuaſſe viatores ipſos ad Ciuium vitam elucubrationibus in Atheno recensitis, quibus, vt tituli præferunt, hominem edocet animo à Sæculi curis reuocato Deum contemplari, ſui abiectione Deo accedere, diuini amoris æſtu in Deum tranſire, & diuinæ aſſiduitate præſentiæ, vitam tranſigere mente in eum defixa, cuius viſio tota merces. Eminentiffimi Principis Franciſci Cardinalis Barberini ſacramentales confeſſiones diù excepit, aliorumque præpotentium in Vrbe viroꝝ conſcientias audiuit non ſine magno eorundem chriſtiana in perfectione incremento, cuius contentionem feruentiffimis ipſe adhortationibus, diuinis veluti ſtabris, accendebat. Denafcitur ſexagenarius ad S. Bernardum de Vrbe anno à votis emiſſis quadrageſimo tertio, humanę verò reſtaurationis milleſimo ſexcenteſimo vndetrigeſimo; pridie Iduum Octobris.

1610. *Ioannes à S. Mauro, Balades, Tolofanus*, conuolauit ad caſtra Fulienſia anno 1579. meruitque ſub ſtrictioribus obſeruantię ſignis inter primos. Poſt mortem Venerabilis Patris Ioannis Barrerij Abbatia Fulienſi à Clemente VIII. donatus, eandem Congregationi ceſſit, Regularem ex Sæculari ab eo temporis futuram. Itaque qui ſua
Refor-

Reformationi incunabula præbuerat, iure merito in omnium Patrem, plenis suffragijs erat deligendus. Sed Antesignanus potius ostensus fuit, quàm datus, nam mense ab inauguratione sexto supremam obiit diem Taurini, pridie Cal. Septembris, cuius interim partes usque ad proxima indicenda comitia suppluit D. Marcellinus à S. Benedicto, Louerius, Pedemontanus, Procurator Generalis.

1611. *Martialis à S. Bernardo, Golet, Lemouicensis*. Exacti seculi anno nono & octuagesimo Mundi triumphati gloriosum specimen & ipse dedit apud Principem Ordinis mansionem in Aquitania. Ornatissimus Ecclesiastes annis ferme viginti insigniores Galliæ templorum Orchestras, expectationis diuini partus, magnique ieiunij diebus occupauit, ab eruditione nescias, an vernaculi idiomaticis ab elegancia commendabilior. Nobilior è Sede per biennium ius dixit, acerba interceptus Parca Burdigalæ anno Christi 1613. sui æui 44. Monachatus verò quarto & vigesimo. Defuncti partes ad opportunam usque totius Congregationis conuocationem suscepit Petrus à S. Eligio, cognomento Vincen, ipsi Patria quidem conciuis, munere autem Generalis Assistentis.

1614. *Sancius à S. Catharina*.

1617. *Sancius à S. Catharina* ter repetita electione Congregationis Antesignanus dictus.

1620. *Hilarius à S. Io. Baptista, Ratta, à Scalenghis, Taurinensis* Diocesis, in Comitatu Plozaschi Oppido, Christum sub Diui Bernardi insignibus Romæ induit præcedentis ætatis anno quarto & nonagesimo. Vitæ à Mundo sequestris exemplar notis omnibus absolutissimum, dono contemplationis, austeritatis, & charitatis præcellens proclamatur Superior Congregationis ea tempestate, qua Monachorum flos audiens, virtutem verè masculam in futuro omnium capite exigebat. Respondit omnium votis, Prætulemque egit ex illis vnum, quos citius raptos ingemuere greges, visumque Cælum hominem inuidisse terris; Abijt è viuis austeriore sui afflictatione, ac humilitate sublatus. Quòd enim in familijs perlustrandis nec quidem equo infedere vellent, sed longiora etiam itinera pedes absolueret, Parmæ in morbum incidit, & Florentiolam delatus, ibi se se ad eternitatem composuit. Meritorum vertice Prædecessoribus par, ac Successoribus, speciali funerum splendore honestatur, quippè cui
conti-

contigit & tumulus singularis ad latus dextrum Aræ maioris, & Epitaphium ut sequitur.

Hic requiescit Adm. R. P. D. Hilarius à S. Ioanne Baptista Sup.

Gen. Cong. B. Mariæ Fulienfis, obiit die 2. Februarij 1622.

Ætatis suæ Anno XXXX.

Ipso conclamato Sodalitatis optatissimo Parente orbatæ curam gessit Petrus à S. Eligio, quem & D. Martialem à S. Bernardo præcoci funere ad Superos raptum, sub nomine Vicarij Generalis summo in munere exceperat iam diximus.

1622. *Ioannes à S. Francisco, gentili agnomine, Gulonius, Lutetiæ natus; anno 1604. ibidem solemniter iureiurando vouit stabilitatem suam in hac Congregatione, quam post varios inferiores gradus pleno tandem iure rexit ad sexennium. Promotioni collimarunt Generalium Confessuum celebriores, alter quidem habitus Pinerolij, cui S. Franciscus Salesius, auctoritate Apostolica, præfuit; alter Romæ in conspectu Sanctæ eiusdem Apostolicæ Sedis coactus. Iurisprudentiæ Canones diligentissimè excusserat, humanæ, diuinæque Philosophiæ arcana secretiora peruestigauerat omnia, in Græco quoque idiomate, sub Patre, eiusdem linguæ in Parisiensi Archigymnasio Professore celeberrimo, luculenter profecerat. Verùm maternæ linguæ nitore, quo Dionysij Arcopagitæ opera Gallicis auribus accommodauerat, aureus calamus appellabatur. Quare aureus Scriptor, plumbeo nequaquam exprimendus stylo, Diuum Franciscum Salesium Encomiastem iuremerito habuit, qui de eius ad primam exedram conscensu ita ad Greg. XV. in Epist. parte antecedenti prælaudata scribit: *Superiorem autem Generalem nunc habet ista Congregatio, maxima votorum, ac suffragiorum conspiratione electum, cui sine controversia omnes eruditionis, prudentiæ, ac ingenij palmam cedere debent: virum spectatissima probitatis, ac pietatis, qui grauissimis scriptis Ecclesiam Dei non solum hætenus ornauit, & muniuit; sed deinceps quando ei per otium licuerit, ornare, ac munire paratus sit, ut sperandum sit sub eius moderamine totam istam Congregationem ulteriores in dies prouentus facturam. Quæ perstrictim Salesius in Ep. ad Pont. Maximum, eadem fusiùs Io. de Vassan in Elogio impresso ad calcem versionis S. Dionysij Arcopagitæ ex Græco idiomate, in Gallicum sermonem, quod sic habet.**

Inter Gallos doctrina illustres Ioannes Gulonius annumerari meretur, quem Nicolaus Pater (Ioannis aurati gener, ac in regia Græca lingua professione successor) singulari natura bonitate pradium adolescentem, non vulgariter, & adeò felici successu instituit, ut ab Academia Parisiensis curatoribus dignissimus sit iudicatus, qui sublaio è viuis Parente, literariam eius professionem susciperet; sed in Fratrem se Minorem muneris istius functionem paterna pietate transmisit. Foro iam assuetus, ubi celeberrimos inter Iurisperitos tunc temporis eminere posset, mutato de repente consilio, secreto quodam impulsu ascetica vita secessum appetens, Sodalibus se Fuliensibus adiunxit; apud quos in perpetua iam a primis tyrocinij annis præfectura vixit, postremis verò, ad Magisterium eius Sodalitij, summam scilicet huius Ordinis regendi curam euectus est; ac dum istius muneris obeundi causa Roma ageret, Urbano VIII. Pontif. Max. innotuit, cui ob variam, perfectamque eruditionem, fuit acceptissimus: in Patria autem bonis, ac literatis omnibus charus, quorum & elogijs certatim ornatus est, sed aula præsertim nostra Proceribus virtutis nomine gratus, ac familiaris vixit. Et si verò maior apud omnes fuerit suavi consuetudine, & usu, literarum tamen etiam monumentis inclauit. In medijs etenim, grauissimisque Monasticarum Præfecturarum occupationibus (mirabilem ingenij ubertatem sortitus) multa elegantissimè, patrio præsertim sermone composuit; sed eius præcipua in Græcis ornatissimè, ac magna fide conuertendis laus fuit.

Nicolai Patris versionem librorum S. Gregorij Nysseni contra Eunomium recensuit, atque ipsius Gregorij editionem recognouit.

Viri clari Nicolai Fabri, vita sanctitatem oratione funebri celebravit.

Vir fuit in rebus agendis summa prudentia, in omnis generis libris censendis acerrimi iudicij, acuti, & sagacis ingenij, oris, ac statura decore præstans, canitie venerabilis, ut seniore, quàm erat, ex vultu suspicari, moribus candidissimis, ac Patria amantissimus. Nec sublimiorem modò Philosophiam, verùm & omnes ferè disciplinas animo, & studio complexus est. At, quod dolendum, exacto dignitatis supremæ, quam inter suos gesserat, sexennali tempore, cum successori Consiliarius præcipuus, & Assessor adhaereret, & in eius muneris administratione otio maiore liberior, ac solutior, quæ iam animo
pra-

praconceperat quamplurima (tanta erat in scribendo facilitate) publico daturus speraretur, ipso ferè fama mirificè succrescentis momento, vehemens febris cum lateris dolore continuis astibus iactatum undecimo à natali Christi die, quo post peractam ter, de more, nocturnam liturgiam latales dolores praefensit, immaturo fato quinquaginta quatuor tantum annos natum nobis eripuit. Tranquille, & constanter uti Philosophum Christianum, piumque Archimandritam decuit, felicem animam inter suorum permixtas precibus lacrymas, Deo reddidit. Quum Sancti Dionysii diuinis operibus Gallico sermone reddendis stylum primò exercuerat, in iisdem post vigesimum, & amplius à prima annum, noua versione illustrandis scribere desijt, eorum editioni immortuus. Corpus defuncti in Odeo B. Bernardi ad portam honorianam suburbana adis conditum est, Epiphaniarum die solemnè, Magnatibus aliquot, ac quamplurimis amicorum ex Vrbe postremò illum visuris ad funus accurrentibus; iisdem amicum amissum, vniuersis autem Cœnobij Monachis Patrem acerba morte praemissum morientibus: Lutetia Parisiorum anno huius seculi vigesimo nono.

1625. Ioannes à Sancto Francisco Generalitio munere secundò donatus.

1628. Carolus à S. Paulo, Vialart, Gallus, patriam nactus Lutetiam, parentes Felicem Vialartum, Dominum de la Forest, libellorum supplicum in Regia Magistrum, & Ioannam Hennequin; ingenium verò politiori literaturæ, scholasticis facultatibus, monumentis, seu Ecclesiasticæ, seu prophanæ Historiæ excutiendis aptissimum. His, alijsque nominibus floruit gratia apud Regem Christianissimum, æstimatione apud Regni Primates, obseruantia zelo inter domesticos, concionatoris ornatissimi, ac rerum Ecclesiasticarum illustratoris eximij æquè inter cœuios, ac inter posteros claruit, honoresque in Claustro offendit, quos fuga à Sæculo declinauerat. Siquidem Abbatia Fulienfis primò, Generalitijs deindè Insulis redimitus est, tandemque Abricensium Pastor renunciatus, in Episcopum initiatur anno 1640. in Parisiensi nostratum templo vnà cum Nepote Felici Catalaunensium Antistite, & Comite. Gregibus tùm Monasticis, tùm & laicis in pascendis pietate, & solertia enituit. Ecclesiæ desponsatæ iura, si quis alius, adauxit. Diocesim perlustrans, ouium vitij obrutarum quamplurimas saluari pœnitentia Christo

lucrifecit, nec Prædecessorum præstantioribus gloria æquandis quidquam ei defuit, nisi longior duntaxat ætas, nam infra biennium reuocatus è viuis, diem nouissimum expectat ante gradus Arę maioris.

ABBATES GENERALES CONGREG. B. Marię FVLIENSIS IN GALLIA.

Anno 1631.



Arolus à S. Paulo ex vltimo Præsule Cisterciensis Reformationis in vnum Cœtum adhuc vnitę, primus, post diuisionem, Fuliensem in Gallia Antistes.

1634. *Carolus à S. Maria, Lauson.* Sęcularium, ac Monasticorum natalium sedem habuit Parisiorum Urbem, Parentes à luce generis claros, mentem verò ad literarum comparisonem ardentiori inclinatam genio. E Mundo traductus ad Claustra, floruit ex adulescente æquę ingenno, ac ingenioso, Asce-
ta perindę probus, ac doctus. Discipliną Philosophicam, & Theologicam non delibauerat tantum, sed studiosissimę excusserat, ac præclaro quodam acumine diuturno inter circulos periculo immixto suspiciebatur in alijs erudiendis, explanare cum plausu sententiarum obscuriores, expendere dubias, reijcere improbandas, edocere delectas. Apostolica quoque excultus eloquentia, eandem sacris ex Cathedris ad communem produxit admirationem, ac vtilitatem, eruditione quidem locupletem, stylo ornatam, rationum pondere grauem, ad animarum lucra vndeque instructissimam. Fatigasset & vigilijs prælos, sed quòd calamus in syllabum Fuliensem sanctitate illustrium, suarum lucubrationum primam incidisset, ità animus ab adornanda eorundem Synopsi, ad emulanda charismata abductus est, vt imitationi totus incumbens, raram scriptioni manum admo-
ueret, studeretque Parentes nostros, viros gloriosos in generatione sua gestis potiùs, quàm verbis præbere expressos. Sanè quo illi diuini amoris calefcerent cęstu, quo feruore orationem mentis, ac linguę pluri-

plurimas ad horas protraherent, qua austeritate corpus afflictationibus insequerentur, vigilijs compescerent, solitudine, taciturnitate edomarent, qua solertia sublimiorum etiam virtutum conquirendis inhærerent præsidij, in vno Lausonio cernere erat. Laudatis ornamentis, quemadmodum apud Sodales, ita etiam externos inter conspectissimus, grauissimis nunquam vacauit Prouincijs. Post Monasteriorum, aliorumque munerum gestam approbatissima cum opera curam, rerum tandem summam, in Congregatione Capitularium die 17. Maij Cellis-Bituricum aduocata, sibi concreditam, pro dignitate gubernauit. Quid plura? Præterquam quod Ecclesiastem agere, celebrioresque occupare ambones oportebat, in excipiendis confessionibus & virorum Procerum, & lectissimarum ex aula Regia foeminarum multus erat. Iulius insuper Cardinalis Mazarinus, eo inter suos Theologos adnumerato, Lausonij Oraculum consulebat, quod in præcipuis Regni negotijs pietate, ac sententijs viri spectatissimi vtens, felicius summam illam optimi administri consequeretur laudem, inseruisse Deo, & Regi. Hæc inter ingenij, morum, honorumque præconia Fuliensem viuendi rationem ad annos quatuor ultra quadraginta tenuit, excessitque Lutetijs, ibi septima die mensis Decembris anno 1659. euocatus ad Religionis præmium, vbi vigesima secunda Februarij anno 1615. publica susceperat Religionis vota.

1637. 1640. *Carolus à S. Paulo* iterum, iterumque ad clauum tenendum designatus, secundò quidem sub ipsis Maij Idibus Cellis-Bituricum, tertio autem Parisijs die viij. mensis eiusdem.

1643. *Mattheus à S. Gerardo, Maillons, Aquitanus*, ex Oppido vulgò *Casiber*, in Dioecesi Tarbensi supernæ vocationis directione Congregationi Fuliensi nomen dedisse, quo ipsimet Congregationi leges præscriberet planè dicendus. Enimuero à regimine feriauit nunquam, vtque alios obiter indigitem dignitatum characteres, Abbatibus, Prouincialibus, Censoribus, ac Generalium Consiliarij, quater in Primatem euasit, primò in Conuentu celebrato pridie Nonarum Maij, apud S. Maximini secus Aureliam Cœnobium, mox in altero, eadem die anno 1646. Lutetiæ ad S. Bernardi coacto, iterumque, decennio post suffragijs Capitularium Burdigalæ sedentium, & tandem anno 1657. designatione euulgata duodecimesima Aprilis die, dum

Comi-

Comitia haberentur in præfato S. Maximini domicilio . Nec ornatissimi cuiusque Antistitis in præclaro toties Cœnobiarcha partem desideraueris villam . Institutionem virgere imperio , præbere exemplo primi erat momenti ad votorum consensionem in eum flectendam . Legum zelo affines erant præter magnam mentem , ubi ardua negotia ampliori sinu nequaquam egerent , summa prudentia , vnde solliciti timoris euentibus cautè consuleret , ac imminetia discrimina feliciter eluderet , dum eisdem maturè prospiceret . Ad hæc noua semper experientia æquabat existimationem sui . Cùmque frequentiores inter honores alteram homines induant faciem , Matthæo ipsissimi mores inter honores , imò nunquam regendo Cœtui aptiores habiti , quàm post regimen . Eadem prona in omnes paterni affectus & benignitas , & dulcedo . Eadem semper intuentibus occurrebat absolutissima viri claustralis effigies , disciplinæ in se apprimè tenax , in cæteris vindex acerrima . Sed quæ illi præ cæteris animos adiungebat virtus , studium erat rei Fulienſis amplificandæ , cui quidem cùm extera non deessent adiumenta , aulæ gratia , Potentium fauor , internis quammaximè utebatur subsidijs , ijsque potioribus , quandoquidem in deligendis studiorum Præfectis , domorum Administrato-ribus , Prouinciarum Censoribus in optimos quoſque propenderet , nec in dignoscendis oberraret . Erat & acceptior , quòd in tanto munerum lumine constitutus , nec minima quidem fastigij illecebra tangi contingeret . Se sibi restituere , & in ordinem redigere semper mens fuit . Verùm cum eminentiores forent dotes , quàm vt vacare à moderatione paterentur , rapi ad gradus fas erat , nec superiorem locum conscendit vnquam ad electorum schedulas in se conspirantes auditas , sed ad illa reluctanti obnitentium verba : obediat , insedeat , pareat . Hæc electionis terque , quaterque iteratæ pondera , hæc incitamenta . Commune coronare delictum Patres conscripti censebant , cum Maillonij tempora pastorali Insula redimirent . Accessit ad felicitatis compendium diuturnior ætas , nam duobus tantùm annis nonagenario minor , Cœlo maturus , mortalibus valedixit in Abbatia Fulienſi x. Octobris anni à Virginis partu 1678 .

1646. *Matthæus à S. Gerardo* Lutetiæ Parisiorum , pridie Nonarum Maij ad aliud triennium confirmatus .

1649. *Arnaldus à S. Benedicto, Tappiè, Auxitanus*, multis promotione-

motionibus varia & ipse dignitate ornatus, Generalatum tandem iniit Cellis-Bituricum, quò Electores ad diem iv. Maij conuenerant. Desiderium sui sola diuturnitate æui non æquauit. Cæterùm claruit moderator optimus si quis alius. Pollebat cum literarum coronide, morum commendatione. Præstabat probatissima in rebus agendis opera, miraque in animabus regendis directione. Reliquas inter, duabus potissimum, ijsque inter se pugnantibus elucebat virtutibus, mansuetudine, qua, animos deuinciens, optabatur longæuus; & disciplinæ studio, quod vitæ nexu citiùs abscisso, illum breuiorem effecit. Præclarum sanè charisma, & planè nuncupandum Pastorale, benignitas, quæ superiorem renuntiantibus, Patrem præbet. Ab eius quammaximè vsu nunquam non recolendus erit Arnaldus, cuius etiam fausta auspicante acclamatione imperium cum triennij occasu elapsum, ad aliud triennale spatium sibi prolatum conspexit. Verùm dum felicior ei ætas augurabatur, omnium vota anxia frustra spe institutionis contentio. Visitationum cursus afflicta valetudine, nec alio nisi vigentis animi robore confirmatus anno 1653. constanter prosequabatur, cum præpropere abreptus fato, vltimum vitæ actum peregit vndeigesima Septembris in Ciuitate Prouinciæ Lemouicensis, cui nomen Vzerche. Indè elatus ad Tutellense Coenobium, inter Sodalium cineres dormitionis locum accepit.

1652. *Arnaldus à S. Benedicto* primo Triennio feliciter expleto ad subsequens exhauriendos labores quinto Calendarum Maij Cellis assumptus.

1654. *Matthæus à S. Gerardo*. Burdigalæ tertio renuntiatus Nonis Maij.

1657. *Matthæus à S. Gerardo* pro quarta vice electus in Capitulo Generali die 28. Aprilis Aureliæ celebrato.

1660. *Arnaldus à S. Bernardo, Boc, Petragoricensis*, ex Oppido Bourdeilles dicto, Ecclesiastes, cui ob inuidiosam prorsus eloquentiam perpetua stabunt nominis, famæque decora. Non vnum is, alterumque è celebrioribus Galliarum suggestis facundè perorando gloriosissime conscendit, sed, postquam, legum Fulienfium sacramento ritè enuntiato, dicere ad concionem instituit, eo laterum robore, ea subselliorum acclamatione Apostolicam in hanc spartam incubuit, vt septem vltra triginta eandem adornauerit annis. To-
tidem

tidem ex alto verba fecit æquè in expectatione diuini partus, ac recurrentibus quadagesimalis abstinentiæ diebus. Affluebat, in declamando, Sanctorum oraculis Patrum, prædiuiti Historiæ sacræ, & prophanæ thesauro, selectioribus veterum Philosophorum sententijs, ineratque dictioni ea omnis doctrinæ vbertas, quam occasio posceret, quam audiores expeterent aures. Orator erat, vno rem verbo absoluiam, adeò disertus, vt à copioso facundiæ decursu, seu exundanti à flumine abreptos diceret Auditores, quos citra fastidium attentissimos elapsa semper clepsydra dimittebat. Nec ab eruditione tantum placebat, sed & à voce perindè grata, ac plena, ab actione lepida, ac efficaci, à peramplio memoriæ sinu, & quæ prima in Verbi diuini enuntiatore attollitur pars, ea in suadendo vi, qua animarum intima peruadens, corda feriret, ac flecteret, cumque pectora diuini amoris astuant igne, corda soluerentur in lacrymas liquida, & patientia compunctionis argumenta. Eadem arte, eodemque plausu valebat, & cum post linguæ officium, aurium præberet obsequium. Qui nimirum expiari noxas gaudebat; quarum dolorem exciuerat, impendebat confessionibus excipiendis tempora à dicendo feriata, ferebaturque sicut in sublimi euangelicæ prædicationis exedra lucidissimum concionatotum sidus, ita & in arcano sacramentalis poenitentiae tribunali eximius conscientiarum institutor. Adibant præterea Arnaldum Mattonæ acrioribus diuicætae scrupulis, adolescentes iuuentuti optimè formandæ addicti, alij alijq; ecclesiastico caractere spectabiles, ac proinde delicatiori spiritui sollicitius excolendo intenti. Sed & Sanctimonialibus Visitationis B. Mariæ, Reformationis Carmeliticæ, ac Sanctæ Claræ, alijsque Virginum Claustris operam imperiebatur salutarem, noscebantque illa perfectionis Asceteria optimè sua tractari vulnera, & probatissimis curari medelis. Sanctioribus adò curis distento varijs plaudebat fama nominibus, maximè verò Prouinciæ Prouinciæ Apostoli, Episcoporum oraculi, solemnisque consecratarum Deo foeminarum directoris. Nec opere externo absorbebatur totus, qui & manum domesticis negotijs admouit, renuntiatus Censorque, Prouincialisque, ac tandem bis Abbas Fulienfis, Congregationis Pater, quam post laudatissimè administratam, postridie Cal. Decembris spiritum reddidit Creatori, in Ciuitate Vzerche nuncupata, vbi anno 1670. senem agebat quadrienniò minus octuagenarium, adhuc

tamen

tamen sibi parem, intentumque sermonibus ad populum habendis in Festis, quæ Dei sub forma hominis natalia in Orbe præcurrunt.

1663. *Arnaldus à S. Bernardo* iussus prosequi munus & consequenti triennio.

1666. *Cosmas à S. Michaelē, Rougier, Parisiensis* Generalis Præfectus nono Cal. Iunij Cellis consalutatus, Historiam quidem temperate suis à laudibus mallet, at calamus ad virtutum Encyclopædiam in eo celebrandam lubens festinans, haud remoram patitur. Religionis sacramentum sexdecennis enuntiauit, ac consuetis edoctus facultatibus, humanis nempe, ac diuinis, publicum agere Ecclesiastem instituit, quod eò selectiores naturæ dotes animum euocarent. Mirum autem quantam sibi ardua in hac palæstra existimationem conciliatit. Gallicum Hercule, sed Hercule feliciorē facile dixeris, qui aureis exquisitioris facundiæ nodis audientium animos & sibi, & Cælo deuinciret. Certare Vrbes, certare inuidiosa æmulatione suggesta tanto occupari Oratore. Inculcata in eo dictio, fusa, & elegans, copiosa, & selecta, suauis, & ardens, ingeniosa, ac frugifera, & quod rarissimum, aures mulcens, ac pectora feriens. Non actio compta, non lepida vox, & plena; non apta in eo desiderata præsentia. Perorator absolutissimus, si quis alius, claruit. Iniurius sim viro ad miraculum celeberrimo, si illum ingenio, ac moribus instructissimum ad eruditorum admirationem, ad nobiliores Congregationis gradus, ad famæ præconia, tandemque ad Pedum Episcopale breui sibi munisse viam comprobare enitar. Ludouico XIV. Galliarum Monarchiæ, magnis in viris dignoscendis maxima prædito sagacitate, sacræ eloquentiæ suæ ætate Princeps visus est, ac dignus, qui in magnis Aduentus, & Cinerum ferijs ad Regiæ aulæ declamandum ter repereretur. Nec vnum tantum Regiæ existimationis proferam argumentum. Post assumptionem ad Insulas Generalitias, Cosmam ad se accedentem, lepida Ludouicus gratulatione excepit: eum iure merito in Fuliensem Præfulem renuntiatum inquiring, qui & Prædicatorum iamdudum Antistes suspiceretur. Grauem aliquem Ecclesiasticum ad Serenissimum Etruriæ Ducem serijs pro negotijs ablegaturo, vnus ob oculos incurrit Cosmas, selegitque. Quem postremò Pastoralis fastigio sacrum ius Lamacensibus dicere voluit, & Pontificiam sedem pro dignitate implentem, Diocesim suam eo diuini cultus zelo com-

ponere, quo Monachorum mores supremus Rector formauerat. Huicemodi in munere adhuc viuit, pergitque ad Congregationis decus, & sui nominis perennitatem, communis applausus aura, vela facere secundissimè.

1669. *Cosmas à S. Michael* confirmatus in prima sede nouo totius Congregationis placito emanato in præfata apud Cellas-Bituricum domo die vicesima Maij.

1672. *Petrus à S. Francisco, Rougier, Lemonicensis*, vt Fulienfium lacernam induit, suscepitque Institutionis authoramentum, religioni æqua attribuit spatia, ac disciplinis, tam præstans animo virtutum sationi idoneo, quàm ingenio præditus doctrinarum culturæ perapto. Omnigena claruit Minerua, disertæ Rhetoricorum eloquentia, suauis Musarum amenitate, subtilibus Scholasticorum controuersijs, solerti Iuris Pontificij, atque Cæsarei discussione, exacta Historiarum peritia, maximè verò diligentissima vetustatis indagine. Iuuabat ingenium portentosa memoriæ facultas. Si quis vnquam viuentis Bibliothecæ dignus præconio, is proculdubio extra Rogerium minimè conquirendus. Quidquid semel in eius sinum vel incuriosè coniecisset, inhærebat tenacissimè, poteratque, velut ex numero, depromere mira facilitate. Eruditionis quæ sacræ, quæ profanæ ipsos etiam apices referebat, haud secus, quàm si legendo percurreret. Canonistas ad linguam habebat paratissimos, quippè qui responsa sciscitantibus designaret voluminum partes, paragraphos, folia, puncta, ipsas etiam lineas, idque extemporaneè. Sed, quod maximè opus erat, vt doctrina eminentior assurgeret, eandem studioris vsu obseruantia, feruentiori in Numen pietate, & si quid reliquum est, Monasticarum virtutum, in basi constabiliuerat. Humilitatem cum redoleret, propria indumenta, serias inter curas, sua manu sarcire, aliaque præbere sui demissionis exempla, deuotionem ob oculos ponebat, vltra consuetum Odei pensum, temporis plurimum in precando insumere. Cumque tolerantiam saperet parci victus ratio, mansuetudinis speciem præferebat parcere linguis, ac obtræctionibus obsurdescere, si qui minus mores, ac literaturam probarent, laudarentque. Maioris erant momenti tot animi, studiorumque applausus, nec delitescere intra Monasterij recessum patiebantur. Litium grauissimas sapienti componebat arbitrio, quòd ad temperandas partes apprimè valeret

excogitatis rationibus, matura dexteritate, & opportunis consilijs ad animos in suam pertrahendos sententiam. Ascetam cōmendatis laudibus cumulatissimum nobilioris citrà insignia dignitatis; sat propria euehebant merita; cum & ipsa, ornamentum potius acceptura quàm collatura, eidem addenda censuit Patrum Senatus aduocatus ad S. Maximini septa pro votorum collatione Idib. Maijs habenda. Nec semel tantùm Principatum assumeret rei Fulienfis voluere Comitia, sed fasces triennio elapso depositos noua renuntiatione iteratò capesseret comprobarunt. Verùm aliud petebant detrimenta valetudinis; quæ eius ætatem nono & quinquagesimo anno circumscribere. Itaque excessit Parisijs è regione mortalitatis tertio Id. Nouembris 1675. humo conditus in aula capitulari, vbi Cœnobiarchæ seræ posteritatis laude dignissimi, ac diutiùs lugendi, quòd non diutiùs rexerit, legitur etiam sepulchralis Inscriptio, quæ sic habet:

Hic iacet Reuerendissimus Pater

D. Petrus à S. Francisco

Nota apud Lemonicos Rogeriorum familia,

Quo occumbente

Occubuit Fuliensum Caput,

Quippè qui

Pietate, Religionis Zelo, ac eruditione conspicuus

Totì Congregationi bis præsuit,

Pluriesque præsuisset,

Nisi primo completo triennio,

Alteroque à sex mensibus inchoato;

E' viuis abiens

Sui desiderium omnibus reliquisset,

In uno verò habeto plures,

Vipotè in quo

Multorum insigniora natura premia

Assensu singulorum adunabantur,

Mens scilicet fortis, & praelata,

Pectus sapientia ferax

Memoria adeò tenax,

Vt nullius vnquam scibilis oblita

A posteris nunquam sit oblitteranda

*Etsi heu! hic Vir in tantis maximus
Deiuit sexagenario minor
Anno salutis 1675. die xj. Nouembris
Viator abi, & consule tibi.*

Haëtenus elogium ad tumuli decus, & nominis perennitatem appositum, quòd si disertior adhuc Rogerij laudem quempiam audire delectet, adeat, fas est Io: Baptistam Pradillionium in præfatione *Praxis Iuris pro Congregatione Fuliensi*, quam illo iubente elucubrauit.

1675. *Petrus à S. Francisco* altera renuntiatione in eadem S. Maximini domo celebrata Cœtui moderando adlectus.

1678. *Io. David à S. Bernardo, Toursens, Parisiensis*, Generalis Abbas apud Bituricos die 6. Maij consalutatus, nominibus amplissimè respondit suis, præbuitque quem spondebat virum in Ioanne religiosum, & Deo gratum, in Dauide dilectum, ac fortem, in Bernardo autem suauem, ac morum fragrantiam redolentem. Ex præclara vitæ ratione dignosci faciliè queunt desideratissimè huiuscemodi claustrali quoque in Antistite partes. Gratiè diluculum præluxit in iuuenta omni procul vitiorum cœno transacta. Illa à Sæculo auulsa, & Cistercij restituti collocata in sinu, id quod Plessiaci gestum sexto Idus Maij anni tertij & trigesimi supra millesimum ac sexcentessimum, se se absolutissimum in Cœnobitam efformando spiritualium rudimentorum tempus impendit. Hinc è tyronum palæstra ad veteranorum aciem eductus, alter David censeri potuit seù in viribus diuturna communi cum hoste in lucta conferendis, seù in gratis de aduersario prostrato laudibus regiam ad eiusdem citharam Deo pal-lendis. Per quinquaginta totos annos potuit vi supernè sibi collata asperimè cum corpore agere, ac recenti semper spiritu ad studiorum labores, omniumque spectatissimi Ascetæ numerorum promptitudinem vegetari. Cùm autem, fato volente, ascendit superiùs, quantus, quantus fuit, omnium consensu totus norma, totus fuit Institutionis nitela. Id præstitit nedum accurata tractans manu, quæ molliorem animaduersionem nequaquam exposcerent, sed nectarea etiam dulcissimi Parentis regendi methodo. Hac potissimùm omnibus acceptissimus statutum supremo muneri trium annorum curriculum absoluit, & Visitatoris Generalis cum decore adhuc inter mortales agens, gloriæ superest suæ, hîc quidem breuiori cum laude

de dimittendus, à posteris verò ampliori elogio donandus.

1681. *Io. Baptista à S. Anna, Pradillion, Lemouicensis* ex Vrbe *Emontier*, Fulienſe tyrocinium ponentibus in domo Reformationis parente poſtridie Calendarum Martij anno 1659. adnumeratus, ve ſe ſe ſtrictioris obſervantiæ, votorum diſtione, verè mancipem co- guouir, animum addidit ſcientiarum nitori, quo Religionis ornamen- rum augeret. Humaniores literas abundè iam in Sæculo hauſerat. Hinc altiorum diſciplinarum facturus periculum, aperuit ſui perſpi- caciã ingenij Doctõribus primò inter facultates audiendas, magis magiſque cum eorundem Antefignanus illas proſiteretur ex Carhe- dra. A ſcholasticorum placitis digrediens ad Canonistarum arcam, iſdem Græcæ cultum linguæ, ſacræ exercitium eloquentiæ, Muſices quoque intermiſcere oblectabatur peritiã, quò ſuæ mentis Athe- nas multiplici florere doctrina contenderet. Super hæc typos occu- pare placuit, & impreſſionis beneficio accommodare publicæ vtili- tati, quæ otij eruditi in gratiam elucubrauerat. Iam verò, quòd planè Deo ſacrum indutus hominem, virtutum etiã reformato Monacho condecensium corona fulgeret, Sodalium exemplum, iubar, & Co- riphæus adlegi promeruit, creatus Prior, Procurator Generalis in Vr- be, & Coloniarum cenſoria poteſtate luſtraror. Dum igitur melio- rum Artium optimè gnarus æuum decorat, dum vigiliarum editione poſteros cogitat, dum varijs ſollicitudinibus Congregationi obſequi- rur, excitauit Patrum vora ad Cœnobiarchæ pondera ei deferenda. Qualem præbuerit Archimandritam ipſimet inquiunt ſuffragatores, qui primam electionem celebratam Pariſijs Dominica quarta poſt Paſcha anno 1681. comprobarunt, collaudaruntque ſecundã enun- riata menſe Maij anni 1684. in Meximiacenſi Abbatia, eaque cu- mulatiſſimè perfunctum Antonio à S. Benedicte clauum in præſen- tiarum regiſtri Affeſſorem designarunt. Sed de viuẽtis, ac intimi amici laudibus ſaris, haud enim adularoris noram effugiam, niſi illu- ſtriorẽ eius commendationem alijs commiſero.

1684. *Ioannes Baptiſta à S. Anna* altera creatione ſupremo mu- nete cohoneſtatus.

1687. *Antonius à S. Benedicte, Fremicour, Perrona* natus, in cuius designatione Congregario oſtendit ſe adhuc minimè effatam eſſe præſtantiſſimis viris, maximè regimini aptis. Suam ornauit iu- uentam

uentam diuini mancipio obsequij, suscepto die 28. Octobris anni 1659. ad S. Bernardi Parisijs. Auxit disciplinæ adstrictioris laudem parta sibi scholarum in puluere ingenij fama, & quidquid est Fulientini Instituti, ac moris scientissimus, cumulauit literarum gloriam vario munerum, eorumque perillustrium exercitio, Prioris in Abbatia Reformationis Matricæ, Prouincialis in districtu Burgundiæ, Procuratoris Generalis in Curia Romana. Sui tandem nominis decora, Coetus felicitatem, ac Fulientium Cœnobiarcharum syllabum coronaturus, Principe dignitate condecoratur à Patrum suffragijs eius promotionem maturantibus in Monasterio Meximiacenſi anno 1687. idque statuto à legibus tempore, nimirum quarto post Paschatis solemnia dominico die. Ius Monasticum prudentissimè, ac zelantissimè dicit, dicetque, quandiù fuerit meritis honos, & suum celsiori virtuti pretium.

ABBATES GENERALES
CONGREG. REFORMATORYM
SANCTI BERNARDI
ORDINIS CISTERCIENSIS IN ITALIA.

Anno 1633.



Philippus à S. Ioanne Baptista, Malabayla, Astensis,
Congregationis Italicæ sub noua Reformatorym Diui Bernardi attitulatione erectæ Principem magistratum primus inijs feria secunda post Dominicam ex subsequētibz illapsui Spiritus Diuini in Orbem primam. Canalijs, quod pernobile est Liguriæ Mediterraneæ Oppidum, Comitiss filius, annorum octodecim adolescens claustralis vitæ manceps suscipitur in Pineroliensi Patrum Subalpinorum eò temporis domicilio. Præclara indole, & ingenij felicitate genus cumulauit suum, Astenses inter Patrios emicans. Historicis elucubrationibus benemeruit de Patria, de Abbatia Beatæ Mariæ Virginis propè Montem-Regalem, de toto
Cister-

Cisterciensium Coetu, imò de vniuerso, amplissimoque Ordine Sanctissimi Monachorum Occidentalium Patriarchæ Benedicti. Gallicam linguam Lutetiæ edocuit Maffæum Barberinum Romanæ Sedis apud Regem Christianissimum Nuntium, à quo postea, sub nomine Urbani VIII. in Pontificem Summum assumpto, varijs meruit fauoribus cohonestari. Diuo Francisco Salesio cordis arcana sacramentaliter aperienti sæpè aures præbuit, cui etiam vltimum agenti spiritum adfuit, & solemnî peroratione emeritæ exultationis pensum Lugduni in funere exoluit. Morum candore angelicam redolebat puritatem. Gradum in Congregatione primum post minores alios Abbatis, Visitatoris, Prouincialis attigit. Stirpis ingenuitate, Parentum splendore, ingenij, animique dotibus ornatissimus, ad Episcopales etiam Insulas velificabat, nisi vir humilitati addictissimus eas vltro sibi oblatas constantissimè respuisset. Sarcinam mortalitatis deposuit in Patria 11. Octobris, ætatis vno octogenario minor, Religionis verò anno vno sexagenario maior, humanæ salutis 1656. animamque efflauit ad illa verba Psalmi centesimi quadragesimi octauî *Laudate eum in excelsis.*

1636. *Lazarus à S. Francisco, Martinez, Hispalensis*, vir, cuius si præclaras animi dotes, vitæque normam attendas, Monachorum instruendis, regendisque familijs vnicè efformatum condignè dixeris. Id quidem mirum videri possit in homine, qui ab ineunte adolescentia Catholici Regis castra sequutus, in eo totus fuerat, vt bellicæ virtutis cum in Iberia, tum in Belgio, & in Italia varia obiret pericula. Verum postquam, diuino euocante Numine, nobiliorem in arenam descendit, militiæ spiritualis rudimenta animo adèò inuictò posuit, vt cum æui decurrentis anno primo & altero, decimo septimo Calendas Iunij eiusdem sacramentum, votis nuncupatis, dicendi effulsit dies, amplissimam spem fecerit eum deinceps æquè bellè repræsentaturum Monachum sub cucullo, ac dudum militem gesserat sub saggo. Vnum erat studium, vna mens illustriorum palmarum puluerem se sibi proponere, & veteri homine vario certamine prostrato, non vnum trophæum, multiplici de eo victoriæ sibi erigere. Ad vigilias, ad abstinentiam, inuicta nouis sub signis arma, diuturno vsu facili promptior euasit. Verborum suspiciebatur parcissimus, nec agendi studiosus, nisi cum Deo in secretiori cellulæ silentio. Declinabat nedom

nedum à consuetudine, aut alloquio, sed & ab aspectu ipso mulierum, à speciosioribus nimirum offendiculis, sanctorum etiam hominum lapsu vel nimis notis. Cum puritatis adeò facili exitio aptissimis pugnabat armis, timore, & fuga. Seueriori in reliquis disciplinæ cauebat continentia à modicis, quæ austeriorem pessundant institutionem, mprumque sensum inuehunt laxitatem. Vota diues inopia, lauto utpotè patrimonio, cuius opes sunt ipsæ Cœlorum gazæ, mercedes Catholici Regis sibi nondum solutas, Congregationi enumerarentur, impetravit, emeritum militem vnà præbens, rudemque Tyronem, qui suis stipendijs castra locupletaret, in quibus mereri nouissimè instituerat. Ad hæc ardens illi promouendi boni communis studium, profunda prudentia curis par sollicitioribus, amplissima mens digna theatro, quo se proderet, & latè aperiret. Inferiores cum haud exhauriebant dignitates, ideòque suprema Generalatus occuparetur operæpretium fuit, ad quam idcirco ei deferendam conspirarunt Patres in Comitijs habitis Monte-Regali apud Vicum mense Octobris anni 1636. Nominibus abundè satisfecit suis, grauior tantummodò visus, ac vultuosior, quàm Cœnobiarcliam deceat, qui se claustralem Antistitem negat, nisi paterna facilitas omne aspectui demat supercilium, ac vultum clementissimæ suauitatis coloribus obumbrèt. Vitæ periodum octogenarius absoluit Florentiæ ad Sancti Ioannis Baptistæ anno duodecimo post triennalis regiminis clausulam, scù 1652.

1640. *Ioannes Franciscus à S. Bernardo, Maynardus, à Monte-Regali*, cùm à votis emissis, emisit autem Pinerolij faustissimis sub auspicijs Virginis absque labe Conceptæ diè octaua Decembris, annos duntaxat septemdecim enumeraret, primam Congregationis sedem conscendit. Pietate vel ab ipso vitæ à Mundo tequestris limine Sodales anteibat cæteros, ut citrà admirationem sit præcessisse tam citò & dignitate. Vix Sacerdotio initiatus aptior inuentus est, qui tyrocinia temperaret, ac ornatissimæ publi sanctiorem instillaret mentem. In Taurinensis etiam domus regimine, sicut & in procuratione negotiorum penes Curiam Romanam prudentiam iam probauerat suam. Ad totius Sodalitatis moderandas habenas in Monasterio S. Pudentianæ de Vrbe tot meritorum suffragijs postmodum euectus, aulæ Præsulum, Patrum Purpuratorum, quin & ipsius Summi
sacro-

sacrorum Regis Urbani VIII. gratia polluit plurima, quòd morum compositione, verborumque suauitate Mellifluum Bernardum referens, eorum sibi beneuolentiam facilè pararet, conciliaret animos. Quamplures Ecclesiastica, & laicali potentia clari illius Cellulæ limen terebant, seù arcanas noxas in poenitentiae Sacramento eius auribus exposituri, seù in magni momenti negotijs exploraturi consiliū. In tanta apud omnes Ordines existimatione triennem Insulam ad quinquennium sustinere coactus est, ipso Sanctissimo Apostolica pro auctoritate iubente, quod contagiosa lues, Pontificiam vbique ditio-nem funcribus implens, conuenire Patrum Senatum prohiberet, à quo ei successurus deligeretur. Cæterum & ab ingenio commendandus, diserto commentario, prænotato *Idea magistri claustralis*, dilucidè edocuit actum iri cum Monachorum Institutionibus, si disciplinæ candidatis citrà delectum pateat accessus. Optimè è contra cum eisdem esse, si constanti vocatione pertrahantur, si admissi altiori imbuantur disciplina, si ad solidum virtutis puluerem impigrè emetiendum exerceantur. Ad spiritum Diui Bernardi efformatus, Diui Bernardi spiritum calami penicillo sui ad viuum expressit docto volumine, postuma aliquando luce donando. Alijs literarijs monumentis incumbabat pietatis ampliatiōi, suæque gloriæ diu viuituræ post fata, in quæ concessit Mediolani die 17. Nouembris 1665. annos natus 60. Religionis autem duos supra quadraginta.

1643. *Ioannes Franciscus à S. Bernardo* ex annulo Pontificio confirmatus ad biennium.

1645. *Lucas à S. Carolo, Bertolotus, à Clusja Oppido inter Montem-Regalem, & Cuneum* hanc Sodalitatem nomine, & gestis illustraturus, eandem sibi ineundam instituit anno 1624. solemnibus votis authoratus septimo Idus Decembris anni insequentis. Ad honores adeò prosperè vela fecit, vt inferiores præfecturas tantum minime obierit, sed Procuratorem Generalem semel, semel Visitatorem, ter Prouinciæ Subalpinæ Prouincialem, septies Abbatis Generalis Assistentem, bis Abbatem Generalem gloriosè gesserit. Prudentia adeò valuit, vt à primis Comitibus, quibus Discreti munere interfuit, acta autem hæc anno 1640. reliqua deinceps ab eius sententia nelato quidem vngue discesserint. Verum quanto cum Institutionis incremento tandiu penes ipsum stetit rerum summa? Commendata

sibi munera ea ratione sustinuit, vt nunquam vacarit à vigilando in Reipublicæ amplificationem, & ab elucubrando in rei literariæ incrementum. Scholarum decus, vbi iacere vidit, erexit, restituit, restitutumque optimis sancitis muniuit. Cùm Censor Monasteria inuiseret, nihil illi iucundiùs, quàm iuuentutem cernere ad omnem Cœnobiticæ conuersationis, & ingenij optimè imbuti laudem efformari. Eapropter cauit ne domorum præfecturæ ijsdem mandarentur, qui doctrinis leuiter tincti, subditos adolescentulos ad eruditæ segetis spem educari contemnerent. Philosophicæ, & Theologicæ facultatis cùm Lectores, tùm Auditores ijs omnibus honestatos voluit priuilegijs, quæ vel inter scientijs addictissimas Religiosorum Societates amplissima censentur. Humaniorum etiam literarum, vbi oportuit, ludos aperuit, imò Rethoricam ipsemet docuit. Claris ex nostra disciplina professoribus ea epidemica lue sublatis, quæ totam Italiam sub ea tempora latè depascebat, lauto stipendio externos adsciuit Lectores, qui vacuas implerent Cathedras, & succrescentem præberent sobolem magisterijs ex nostratibus reficiendis idoneam. Nec ingeniorum Mecænas ingenio caruit. Musas latinas, Italicasue, ac quidquid est politioris literaturæ metris non illigatæ perindè coluit, ac si à facultatibus speculatiuis abhorreret, facultates verò speculatiuas exercuit, promouit, haud secus quàm si illis duntaxat oblectaretur. Hinc nominis sui famam calamo, & dignitatibus perennare cùm facilè posset, eidem etiam consultum voluit & beneficijs in Monasteria collatis, adèò vt viuens adhuc, in Cœnobio Montis-Regalis marmoreum sibi monumentum erectum aspexerit vnà cum effigie, & epigraphe vt sequitur:

Reuerendissimo P. D. Luca Bertoloto Abbati,

Quòd præsens Monasterium

Regularibus adificijs à solo extructis

Auxerit, & ornauerit,

Abbas, & Monachi

Perpetuum hoc grati animi monimentum

P. P.

M. DC. LXXVI.

Ad Patrum cineres appositus est Romæ, vbi è mortalibus abiit anno 1682. vndeuigesima Maij.

1648. *Antonius à S. Ioanne Baptista, Molinarius, Cremenfis, Antecessorum, Successorumque nemini profectò secundus, si morum norma, ac directionis felicitas potissimæ Generali in Archimandrita laudes spectentur. Pudebat initam vocationem momentis suis nequaquam expendere, ac proindè laborare in speciem, & perfectionis Cœnobiticæ quâdam veluti larvâ Religiosæ cum professionis habitu induere. Solidam itaque ad virtutem contendere prima illi, & continua mens fuit. Non fugam à Sæculo, à Mundo subducere aiebat, sed curarum abdicationem Sæcularium. Monacho mente integra Deo feriandum. In quam ipse rem totus perquàm parcè negotijs se temporalibus immiscebat, orarent licet, deprecarenturque viri potentes. Erat & multus in cæteris vitæ Asceticæ legibus, siuè somni fuga corpus vigilijs attemperaret, siuè ciborum parsimonia attereret, siuè terrenis ieiunum voluptatibus, cœlestium deliciarum copia orando se se, ac meditando recrearet. Præcipua verò in eo virtus virtutum corona charitas. Inter domestica munera acceptissimum erat omnium, Ostiariam agendo, stipem inopibus impertiri. Sin autem familiæ præfecturam gereret, eisdem aderat liberaliori manu, & feruentiori obsequio, quandoquidem Christo in suis pauperibus ministrando integram impenderet horam, quam nostræ leges animis mutua colloquutione subleuandis liberam post refectiorem sinit. In ipsis denique pro Congregatione lustranda, seu pro regendis Comitijs assumptis itineribus singularem hunc pietatis ardorem agnovisses. Quantum deferebat pecuniæ, obuijs egenis erogabat. Reliquum itineris Deo confidebat, dignus proindè qui inopinata Numinis subsidia multoties experiretur. Ingenio minus valuit. Attamen maius licet aliquod literarum ornamentum in eo desideratum, urbanitate tamen, & eruditione plausus cōciliatricibus non caruit. Pendere ab eius vultu, pendere ab ore fas erat. Proferre verbum, pronuntiare erat sententiam. Elucescebant siquidem in viri sermone vti breuitas, ita & acumen. Generalitias ad Insulas non vnam tantum, sed iteratam euectionem promeruit. Exgeneralis verò alias minores obiuit dignitates, posuitque spiritum apud Brissighellense S. Bernardi Monasterium primis tenebris diei nonæ mensis Septembris septuagenario maior, & à votis, quæ solemniter emiserat in Ecclesia S. Pudientianæ 25. Februarij 1636, anno quadragesimo tertio.*

1651. *Ioannes à S. Catharina, Bona, à Monte-Regali*, cuius imaginem germanis efformaturus lineis, nesciam, an doctrinæ, an pieratis coloribus adumbraverim. In ipso ætatis diluculo vberiores cùm contingeret effluere lacrymas, sistebant illæ cursum, simul ac liberulum nutrix ostenderet, infans Palladi profectò enati, & litterarum studijs ad sui cui stuporem emicaturi index planè luculentus. Verùm si ingenio pollebat optimo, indoles ei contigit longè florentissima. Hæc ipsa in causa fuit, vt adolescentiam inter aras, & lycea transigenti, lycea aris posthabendi quantocius subiret animus. Itaque à mente humanioribus literis imbuenda, ad animum religiosè excolendum animum conuertit totum, Cisterciensem disciplinam complexus puer quindennis. Votis nuncupatis postridie Cal. Augusti 1627. in Abbatia Pinerolij, mente inclarescere ampliori mox visus. Ingenium fecundabat, illustrabatque religio. Humanas, ac diuinas facultates breui haustas, diù feliciter explanauit, sui cui equè docto concedens nemini. In huiusmodi studijs multus, totus erat in alijs, quibus & se Deo docibiliorem præberet, & suis temporibus populus Deo seruiens & numero & merito augeretur. Ad hunc scopum collimans euoluebat assiduè Tractatum Asceticorum Auctores, Sanctorum Patrum vigilias, veterumque Philosophorum, qui grauiter dictis christianis moribus propiùs accedunt, commendationes, & memoria præstans viuacissima, succo omnium delibato, monumenta edidit ad promouendum Dei obsequium præcensissima. Nec cuius virrurum minus impensè vacabat, quàm literarum monumentis. Musarum nitidiores stylo, & honestiores plectro eas vel à studiorum crepundijs solummodò coluit. Puritatis amor, vt pectori altè infidebat, ita vultum ingenuo pudore egregiè honestabat. Ab ea illibatè seruanda nullo cupidinis lenocinio frangi vnquam potuit, cuius faces gemino congressu fortiter extinxit, impudicarum mulierum sputo altera, altera verò ingenioso dolo glorijs deuicta. Profundioris, subtiliorisque ingenij vestigia cùm multa edere posset, pijs concinnando opusculis libentiùs incubuit, quòd se erudiret, dum alios edocere parabat. Elucubrare itidem aiebat, quòd sanctè tempus teneret, non quòd dominis perennitatem scriptionis præcenio compararet. Incessu, verbis, habitu summam præseferbat modestiam. A gradibus Ordinis feriare etiam maluisset, meritorum tamen apice Gen-
nera-

neralatus fastigium post inferiores dignitates attigit. Sed hætenus visus latuisse Bona, qui in tanto licet famæ splendore, in tanta claritatis luce collocatus, tunc innotuit, cùm fauentibus Alexandro VII. & Clemente IX. præcipuis ingeniorum patronis, audiri cœpit in sacris Cœtibus Indicis, Rituum, S. Officij, nec non & Indulgentiarum, ac Reliquiarum. Plausus omnium illicò exciuit mentis perspicacia, consiliorum pondere, prudentiæ maturitate, Sacrorum peritia Canonum, Historiarum notitia, maximè verò Ecclesiasticarum, omnigenæ denique doctrinæ, & eruditionis affluentia. Illum Purpurati Patres, illum prima scientiarum nomina frequentissimè adibant, aut consilio in rebus magni momenti vsuri, aut aliquid exquisitoris doctrinæ nunquam non audituri. Curis obruto dies elabebatur tota. Commentationibus iamdudum elaboratis elimatiorem addere manum cùm tempus minimè sineret, nocturnæ quietis somnum paucis definiret horis oportebat. Ipse Summus rerum Sacrarum Antistes Alexander VII. gloriabatur tantum virum, aliàs delitescentem in publicam Orbis lucem, se auctore, productum. Nihil curæ sollicitioris agebat absque utili, & opportuna opera Abbatis Bona. Flavio Chisio suo ex fratre nepoti ad Regem Galliarum Ludouicum XIV. cum potestate Legati à Latere proficiscenti Theologum adiunxerat, nisi ætas ad senium nimis deflexa, iter iam adornantem præpediisset. Animum verò Pontificis sapientissimi sermonis facundia, ac eruditione intantum recreabat, vt colloquijs pomeridianis continuus adefset, & autumnali tempore inter domesticos adlegeretur, si illum Castrum Gandulphi aliquandò petere contingeret. Vt autem elucubrationibus, muneribus, Urbis, & Orbis plausu celebris haberetur, clarior aulæ Romanæ oculis emicabat, modestia, vrbanitate, singularique animi modestia sui. Humilitate duntaxat refragante rerum summam, quandiù in Congregatione constitit, non administrauit. Enimuerò Vocalium calculis primò, & mox, Alexandro iubente, secundò, & tertio Abbas Generalis renuntiatus, Magistratus fasces nunquam deposuisset, nisi in Ordinem se redigere, studiorum deprecatus incommoda, summis, imisque precibus impetrasset. Ab eodem Alexandro magnæ Camaldulensium Eremitæ, quò pacem sacre inter familiæ alumnos restauraret; Pontificia auctoritate designatus Visitator, Prouinciã declinauit, ac iter. Episcopatum Astensem
à Ca-

à Carolo Emanuele ſecundo Sabaudia Duce ſibi oblatum conſtantiffimè reiecit . Qui verò omnia ab Alexandro acceperat , Romanam tamen Purpuram debuit Clementi IX. Sed quibus ad eam contentionibus ſibi gradum fecerit , ex vitæ concinnatore petendum , vbi habetur : *Alerum ante annum Cardinalitiam huic , ad quam deindè eum aſſumpſit , Purpuram iam Pontifex excogitauerat , quod cùm ſibi intimo patefeciffet Cardinalium alicui , ratus is rem ſibi fore perutilem , ſi Ioanni innotefceret , quàm laudatum à ſe hoc Pontificis propoſitum , quanta deprompta item in eius laudem encomia , qua , vt propoſitum promoueret , recitaſet eius merita , quas , vt idem ſolicitaret , reieciſſet rationes , eo ad ſe accerſito , per ordinem eidem ex animo congaudens horum ſingula indicauit . Ad hac dixiſſes , Eminentiffime , nihil Ioanni anteaſta in vita accidiffe funeſtius ; pallet vultus , tremunt artus , ruiturum ac ſi Cælum quis illi minatus eſſet . Reluctari Pontificis propoſito , & Cardinalis commendationi parauerat , ſed huic ille verba ſubitanea intercipientes diſmiſſione , eundem nedum loquentem , expectari illo momento ab Clemente faſſus valere iuſſit . Proſternatus Ioannes animo Monasterium redit , cubiculumque deindè ingreſſus re-aſſumpto paulatim ſpiritu , omni ad conſilium cogitatione vocata , excuſationes , quas Eminentiffimus , cuius nomen conſultè taſxetur , afferri vetauerat , fide pagina eidem mittenda committit . Pincit in ea ſe totum Ioannes penicillo uſus nullo , quàm quem ſibi ingenuus animus præſtarent , & ſumma modèſtia . Conſumptos annos in ſtudijs fatetur , ſed longè ſe minùs , quàm percebuiſſet fama , ſapientem , utpotè hoc titulo mediocribus minorem . Præter doctrinam , alia in purpurando perquiri multa , prudentiam Eminentiffimo dignam titulo , ſolertiam aula aſtubus parem , quorum ſibi , viro quippè ab ineunte ætate inira Clauſtrorum ſolitudines ſepulſio , nec radices vigefcerent , nec rami . Expectandum ſibi , ab Clauſtris ſi abſtraheretur altiore ad ſtatum promouendus , id prorſus , quod ijs uſu venit , qui quorum linguam penitùs ignotant , terras incolunt tam enim idiomaticis aula , quàm rationis rudi omninò , ſummo ſuo dedecore improſpera ſic cederent omnia , vt hanc ſibi procuranti illud impropèrari meritò poſſet , eleuans alliffiſſi me . Addidit nihil magni ab eo ſumma in dignitate ſperandum , qui tertium poſt quadrageſimum iam annum Monachus , vt ſibi contigerat , perfectam Monachi nondum egiffet*
perſo

personam; quamobrem, & praeſſe ſuis nunquam niſi coactus aſſentiri voluiſſet, & oblatum ſibi Aſſe Pontificium tam reſpuiſſet auribus, quàm fugerat animo, quocumque à Praſulatu tam genio abhorrens, quàm cuique ineptus. Hoc idem proſequens argumentum, ſexcentas ſimiles deſugiendo honori aggerans rationes, & ingerens, ingenuam faſſus genitoris nobilitatem inter Patria Cives commendabilem, popolare genitricis, vndè ſibi exortam agnoſceret inſima ſortis propinquitatem, accuſat genus. Subiuncta hinc, & obiecta nudo homini immenſorum ſumptuum impotentia, Eminentiffimum per Sanctos, per ſacra, auertere ab ijs animum, & ſua ſe in vocatione relinqui obteſtatur. Demùm pro literarum coronide, ut aliquod adijceret ſuo effectu non fruſtrandum; obſecro, inquit, Spiritum Sanctum, ut aut aliam tibi ſuggerat de me extollendo mentem, aut mihi ne extollar vita annos decurtet; mori enim mihi dulciùs erit, quàm ad dignitatem aſſumi, cuius uſibus impares mihi praſentio vires. Haecenus Bona pro ſua in auguſtà Purpuratorum Patrum claſſem coopatione auertenda, ad quam tamen, obluſtante licet animo, ſe ſe aſſumptum conſpexit tertio Cal. Decembris anni 1669. Creuit purpurea cum trabea profundior animi demiffio, ac velocior honorum fuga. In Comitijſ Clementis X. cùm nonnullos. Sacri Senatus Patres de ſupremis Eccleſiae faſcibus ſibi deferendis agere conieciffet, ad eum, quem praeteris erga ſe ſtudioſiorem noſcebat, ſuam in haec verba mentem aperuit: *Qua uteris in tractando negotio mihi ab te communicato, incomparabilem prudentiam laudo, ſimulque admiror, & hanc velim in legendo Pontifice, & eligendo ut adhiberes. An mihi Hiſpanorum fueris adempta excluſio, penitus ignoro, hoc unum ſcio, perennari ſcilicet aliteram, & Dei nempè, & mea conſcientia. Voluntatis Dei non eſt, minatur aternam quinimò damnationem, ni oneri obluſter, cui me imparem euidenter dignoſco. Hinc antiqua firmior ſemper in mea deliberatione, faciliùs tibi fore polliceor, ut hinc ſupra feretrum efferar, Pontificiam quàm ſuper Cathedram. Haec omnia porrò ne longiorum Comitiorum tanto cum Orbis periculo, & ſcandalo cauſa, quamuis remotiſſima forent, horum ab initio, nec ſilui, nec diſſimulaui. Et nunc te denuò obteſtor, ne quicquam de me loquaris, quipè nihil profuturus. Ut autem paucis me expediam, nolim conſue tentari, ut iam recuſandi, quem ſic ambiunt multi, Pontificatum,*
publi-

publica ostentatione uti mihi opus esset . Obnitenti parce , Dei honor , salus mea , dignitas tua sic exigunt . Nec ab huiusmodi præclaris modestiæ , humilitatisque vestigijs discrepabat reliqua vitæ ratio , quam post rosei susceptionem Galeri pristinæ consimilem , quantum licuit , retinuit . Parcissimus in somno , vnoquoque mane Cœlestem Deo Hostiam horis antelucanis litabat , Diuinique Officij penso persoluto , sacris Cardinalium confessibus aderat ipse inter primos . In domestica supellectili nihil luxui , in mensæ apparatu nihil delitijs seruiebat . Schedulas prædiuites munificis à Principibus exhibitas , largiorum contemptor opum , non admisit . Sacerdotia minus opulenta , quàm ad sustinendum Purpuræ splendorem satis forent , paucis contento , abundè suppeditabant quòd pauperum indigentijs impertiretur , & ad augendum Cardinalitij sui tituli decorem impenderet . Ornabant aulam integerrimi aulicorum mores , & omnium quidem , maximè verò Laurentij Comitis Cassonij ab Innocentio XI. inter Cubicularios , ut vocant , honoris postea adlecti , arcanas notas scribentibus Præfecti , alijsque grauissimis Sedis Apostolicæ negotijs adhibiti .

Monasterium Sancti Bernardi ad Thermas , suum , dum Cœnobitam Romæ ageret , domicilium , splendidissima liberalitate complexus , titulum Cardinalitium à S. Salvatore in Lauro illuc trasferri curauit , seque omnium primum eodem donari à Clemente X. obtinuit . Congruo assignato censu Sacrum annis singulis solemniter celebrari voluit ad Altare Mellisui Parentis in die octaua Festi eiusdem diei . Pauimentum Ecclesiæ lateribus operosa arte sectis , & expolitis strauit . Ab Ara principe veterem Eucharistiæ Custodiam amouit , aliamque erexit ex ligno deaurato , sed quæ gratior assurgit æqua ad reliquum templi proportionem , forma quoque spherica consimili , duodecim striatis Columnis , totidemque Apostolorum Statuis , ordine dorico distributis compacta , & mysterijs sculpturæ dimidiatæ extantæ Christi passionem , quæque illi præcessit , viuificam cœnam exprimentibus , prorsus spectabili . Chorum circumuestiuit sellis ex nuce crispantibus venis undulata , natiuisque maculis vermiculata . Quod denique Asceterium viuens tot intimæ dilectionis deuinxerat signis , è regione mortalitatis demigrans magis obstrinxit , vltimis tabulis in eius fauorem conscriptis , quibus exquisitam Bibliothecam suam Monaste-

nafterio donauit, quidquid verò aut supellectilis domi, vel pecunię apud mensam Sancti Spiritus supererat, contulit in dorem Sacristię, ornamentis ad cultum diuinum spectantibus futuram exindẽ instructiorem.

Eo tandem amore Monachos pfosequutus est, vt nouissimam etiam Resurrectionis diem cum eisdem expectare voluerit, tumulo, dum adhuc viueret, sibi erecto in communi. Ossuario sub Odeo, vbi iacet, omni circumscrip̃ta Cœnotaphij pompa, præter lapidem ex marmore pario nihil à solo extantem cum Inscriptione

D. O. M.

Ioannes. Bona

Pedemontanus;

Congreg. Sancti Bernardi Monachus;

Et huius Ecclesię,

Translato hũc titulo

S. Saluatoris in Lauro,

Primus Prasbiter Cardinalis

Viuens sibi posuit.

Ceterũ, proh dolor! tantũ hic Cardinalis longẽuus minimẽ fuit, nam quinto inaugurationis anno febri ad quatuor supra triginta dies vexatus, hominem exiit octaua circiter noctis hora anno 1674. quinto Cal. Nouembris etatis sue quinto & sexagesimo.

1654. *Franciscus à S. Nicolao Coquelinus, Bisuntinensis*, occidente seculo superiori natus, tertio & vigesimo decurrentis adhæsit Patribus Romanis, votaque publicẽ concepit ante Aram principem S. Pudentianę Calendis Octobris. A pũero inter Parnassi syluulas, ac Apollinis lauros educatus, carminis nitidissimi, facili, copiosi vberrima affluebat vena. Emensis deindẽ humanę, ac diuinę scientię spatijs par erat, si quis alius, enodandis Philosophię naturalis contentionibus, elucidandis Theologię dogmaticę controuersijs, informandisque conscientijs. Sed & Iuris Pontificij comparato sibi præsidio, valebat consiliorum maturitate, ac sententiarum pondere. An tanta floreret literatura ex Commentationibus liquet. Eas si quis euoluat, virum demirabitur nedum laudatis excultum doctrinis, sed & omnigena eruditione præstantem. Ingenij laudes cumulabant hominis interioris studia, animi demissio ab incessu, ab habitu, à

suorum silentio meritum, à fusa aliorum dilaudatione probatissima. Cumulabat & Sodalitium quà ampliatum, quà optimè administratum, cùm in Monasteriorum aliquot moderatione, tùm & in Generali negotiorum apud Romanam sedem Procurazione. Vbi verò tanta mentis cultura, morumque religiofitate inclinasset Vocalium Coetum sedentem pro Comitij in Cœnobio S. Bernardi de Albario ad supremo eum Magistratu anno 1654. donandum, strictiori obseruantia constabiliendæ animum appulit totum. Augeri eo Præsule diuini operis feruor, amplificari conuersationis sanctitas cernebatur. Vbi seueriori disciplina agi oporteret, nullus planè Coquelino distictiùs. Vbi benignitatem res posceret, clementissimè se gerere, & Patrem potiùs exhibere, quàm Præsulem. Totam inuist Congregationem, & post Sabaudia peragationem ingressus Burgundiam, Salinarum, Dolèque Ciuitatum omnes obuios habuit Ordines, effusa nimirum religione excepturos insignia Sanctorum Ipsana, quæ à Marco Antonio de Oddis Episcopo Ieracensi, & Vicegerentis munere Romæ fungenti accepta, secum deferere patriæ pictati dono danda, collocandaque Salinis quidem in Collegiali S. Anatolij Ecclesia, in qua sacris fuerat initiatus, Dolè verò in celebri Benedictinorum, Congregationis SS. Iuonis, & Aigulphi Collegio, cuius professionis mancipis inter viros Lexouiensem Abbatem germanus ipsius frater laudatissimè egerat. Absoluta triennali ad clauum sessione, Generalibus consilio adesse, aliasque exercere dignitates coactus est, tandemque Augustæ Perusiorum degens, commune humanitatis pensum, è viuis abiens, soluit tertio Non. Maij anno 1672. cùm multò antea meritum vela auris secundis adhuc plena publicis à curis contraxisset, quò spiritali otio liberius vacans, mortem oppeteret religiosiorem.

1657. & 1660. Ioannes à S. Catharina secundò, & tertio.

1664. Antonius à S. Io. Baptista secundò.

1667. Lucas à S. Carolo secundò.

1670. Io. Baptista à S. Geltrude; Cartonius, Romanus, præclara à Sæculo adornata fuga, vitæ Asceticæ ritus solemnitatibus deuouetur anno millesimo sexcentesimo quadagesimo quarto, antepenultima Decembris die. Facultatibus scholasticis mente ad stuporem viuida cùm sua tribuisset spatia, ad publica statim Congregationis onera auocatur.

tur . Non vnus tantum , alteriusue Monasterij habenas tenuit , sed totius Romanę Prouincię rexit clauum , magno semper cum Sodalitatis incremento . Regiminis norma cuilibet admirationi esse possit . Singula veluti suis momentis consuevit obire . Nocturnę Psalmodię primus adesse , & à Numine incipere . Dei laude absoluta infirmorum inuisere cellas , domus officinas lustrare singulas , scholas frequentius ingredi , quod inspiceret , num labores ad iuuentutem doctę informandam disseminati vel vberiori cum spe sobolescerent , vel , infrugi concredita solo , deperirent , nec vllibi desiderari , nisi cum lectioni vacaturus suo consisteret in cubiculo . A morum vrbani- tate , à præsentię decore , à disertę vi facundię , à prudentia in rebus agendis , maiorem , quàm dicere queam , sibi opinionem ab omni hominum gradu collegit . Virum alloqui , viri est sibi beneuolentiam conciliare . Cardinalis ideò Maximi , aliorumque Purpuratorum familiaritatem æquę , ac laudem , fauoresque promeruit . Contigit & in suam sententiam obfirmatos licet oppositam in partem animos plusquam semel flexisse , quod conijcere est ex magni nominis Ecclesiastico (Familię , Dignitati , Nomini parco) ad cor reducto . Morbo , qui eum triduo extinxit inopinatò afflicto lethaliter decumbebat , & in crastinum moriturus , de se disponebat in secula . Nec domui , seu conscientię , hortantibus licet eximie probitatis viris , consulebat . Fata sibi propitiora , quàm vt tam citò vitę lineam abrumperent , responderebat . Et longius æuum , & dignitatum etiam verticem , ex astrorum benignitate scitè perspecta sibi nunquam non spondidisse . Viro à spe adeò delira auertendo alij , alijque adhibiti . Verum cum non satis prosperę res ipsis cecidisset , vocatus tandem Cartonius , verbis adeò attemperatis , occiduę , æternęque vitę , nisi resipisceret , discrimen obiecit , vt saniori instillata mente , quę in Deum deliquerat , corde contrito , actutum accusaret , diemque extremum pietate gradui consona clausisset . Grauiissimè iacebat , & alter . Consue- rat inter Amasię amplexus , nec eandem , vel in ipso æternitatis articulo , domo , seu corde sciebat dimittere . Excellebat is Physica in arte , plurimoque ingenio pollebat . Ad hæc grauitatem affectabat quamdam , externamque pietatem , nec Pellicem se pellere nolle aiebat , sed suasionibus haud indigere . Facturum proculdubio quod conscientię expiationi deberet , sed spontè facturum , & quando tem-

pup posceret. Mulierem penes se habere, non ad Veneris voluptates, quibus iam impotens, verum casta ad obsequia, nempe ad morbi subsidium. His responsis impuritatem prætexebat suam, eludebatque omnem resipiscentiæ spem. Felix Rospigliosius, cuius, inter alia Purpurata Urbis Capita, corporalem is procurabat salutem, pessimam agenti mortem Cartonium admouere instituit, curatumque feliciter vidit. Enimvero ut prudens animæ Hippocrates delicatorem languentis indolem nouit, hortamentis ad genium accommodatis, ita facile meliorem reuocauit ad frugem, ut Cardinalis peccatori Cœlo conquisito congaudens, non antè pedem extra domus limen posuerit, quàm consignatam sibi mulierculam aliò transtulisset, grauem comminatus indignationem, si vetitas repeteret ædes, aut decumbentem reuiceret. Ergò inter characteres, quibus in totius Congregationis caput assurgere debebat Cartonius, præcipuus erat religio, proximus ingenium, ab hoc impensiora in communem frugem studia, denique & publica ad Antistitem excipiendum vota. Quæ Generalis gessit, conceptam expectationem abundè impleuere. Reformationem per Germaniam propagandi oblatam respuit commoditatem, ne & hanc in Sodalitatem illa ex multitudine deriuaret confusio, morumque dissonantia, quæ strictiorum etiam Institutionum quamplures soluit. Respondit itaque cupienti nostratum Coloniam collocandam in ordinis Benedictini, sed collapsæ sanctimonix Cœnobio; Reformatorem D. Bernardi Coetum, Congregationem Italiam esse, ac proinde sedere animis intra Italiæ limites contineri. Nec is fuit, ut superioris Pedit raptus splendore, eo dimisso, nonnisi maioribus admoueri dignitatibus passus sit, sed Abbatis sola nuncupatione aliquantò temporis contentus, ad familiarum etiam inferioris notæ administrationem libens descendit. Abbas in præsentiarum S. Pudentianæ de Vrbe disciplinæ vsum solita animi contentione prosequitur. Et fatisceret quidem sub asperioris vitæ pondere inclinata iam ad senium ætas, nisi corporis attritum laboribus robur erigerent, subleuarentque vegetiores semper, ac integriores animi vires.

1673. *Nicolaus à S. Mauro, Pistonus, Vigoniensis*, captus nostræ disciplinæ studio, vocationem suam in Pinerolij tyrocinio comprobauit, votis exinde nuncupatis apud B. Mariam de Stafarda tertio Cal. Martij anno 1633. Quà minoribus, quàm maioribus cumulatus

Præ-

Præfecturis plurimis iam ab annis floret . Et in minoribus quidem ad communis incrementa progressus , ad domorum vtilitatem , ad Ecclesiarum nitorem multifariam adlaborasse passim videre est . In Abbatia Beatæ Mariæ de Stafarda ædium sartamentam omninò nobilem instituit , vt in vasta antiqui Cœnobij mole illa omnium pulcherrima audiat , quam ipse commodiori nostratum domicilio aptauit . Ad regimen familiæ Taurinensis translatus , præter domum suburbanam Monasticæ Palladis eruditis otijs conditam , præter pulcherrimam illam communi Patrum Cœnaculo donatam faciem , quam egregij penicilli tabula , Lectoris exedra , mensis , sedibusque ex nuce affabrè sculpta instructam intuentibus exhibet , curarum potissimæ applicuit , nec miraculosæ Virginis frequentissimum Templum vndique rimas aperire , vndique labascere passus est , sed ab Ara principe restauratione incepta , fornicem eminentis structuræ nouis arcubus imposuit , parietes varijs artis gypsariæ operibus , picturisque adornauit , planè vt oculis arridentiorem pudeat complanare , sterque adhuc in præsentiarum , postquam exigente Urbis deuotione , placuit quod reliquum erat antiquitatis euertere , & augustioris structuræ nouam à fundamentis Basilicam excitare . Ad hæc pneumatium fistularum Organum in Choro erexisse addiderim , nisi longè magnificentiori Romanam S. Bernardi ad Thermas Ecclesiam condecorasset , quòd sumptuosi suggesti abaco decorè munitum , in capite ornatissimi Odei ad coronidem eminet , & Ecclesiam ingredientibus ad oculorum etiam oblectamentum è regione ostij statim incurrit .

Ad primum verò implendum locum Romę anno 1673. designatus , consuluit mox indemnitati Bibliothecarum totius Congregationis , quas pretiosiori voluminum copia , ob faciliorem Sæcularibus eorundem accommodationem minui imposterum prohibuit , idque sub Apostolico Clem. X. anathemate . Viri etiam mores nunquam satis laudauerim . Ascetarum prisca temporis exemplar quoddam præferre iuremeritò dixerim . Humilitatis impensius cultor , nullam sibi è manibus occasionem elabi sinir ex ijs , quibus nostri Antistites sui demissionem dignitati immiscet , & Monachis obsequuntur , cum præsent . Illud etiam à Diuo Benedicto maioribus commendatissimum , multorum seruire moribus optimè sciuit . Et Nicolaus quidem

dem ius Monasticum humanissimè nunquam non dixit, adeò collatanea illi comitas, ac facilitas, & accuratissima cum auctoritate indiuidua quædam ingenij mansuetudo. Animos deuincere nouit, vel cum arctiori districtione remissa restitueret, vel fracta restauraret. Longiora ornaturus tempora suis laudibus, ac dignitatibus superest, & Procurator Generalis in Vrbe pergit ad totius beneficium Cœtus, aulæ Romanæ sibi gratiam promereri.

1676. *Marcus à S. Andrea, Menichellus*, ex Oppido *S. Edfis* vigesimo ab Vrbe lapide, quem, vti per omnium officiorum gradus ad primam sedem euectum conspeximus, studio etiam perfectionis ad Cœlum iter sibi adornasse confidimus. In ipso æui flore singulari morum senio ornatus, eorum etiam testimonio, quibus conscientia pandebat arcana, Virgineum pudorem ad horam vsque fatalem illibatum seruauit. Professus in Monte-Soracte altera die anni quadragesimi secundi supra millesimum sexcentesium initæ conuersationis feruorem nouitiali in arena haustum, informandis tyronibus haud diù post admotus, egregiè comprobauit. A tyronum regimine ad alias traductus curas, Monasteriorum Rector, Prouinciæ Romanæ Præfectus, Procurator Generalis in Curia, nunquam ad Cœnobiticę vitę rationem exactissimè compositus non eluxit. Violasse silentium, seu ieiunia regularia fregisse, statis horis à Psalmodia, à cœnaculo, à collatione Patrum abfuisse monstro simile erat. Choro autem ita alacer, & promptus aderat, vt diurnas ad horas, maximè autem antelucanas ad laudes primum se sisteret. Psallebat lingua, psallebat & mente, erectus, adeòque in subcellis grauis, vt vel corporis forma animi attentionem commonstraret. Infirmos inter primos inuisens, lectulos reficiebat, euerrebat cubiculum, permagnum solamen alloquij benignitate adferebat, & medicas potiones sua manu propinans, amaras licet, mira suauitate temperabat. Præcipua illi pietas in Diuum Parentem Bernardum, quem vt à nostris frequentiori memoria coleretur, effecit, obtento à Sac. Rituum Congregatione sancito de eius officio feria tertia vniuscuiusque hebdomadę celebrando. Abbas tandem Generalis in Dieta anno 1676. postridie Cal. Maij Romę celebrata, consalutatus, optimi Archimandritę specimen præbuit. A multorum obsequio nec modicùm sibi complacuit. Mansuetudine moderabatur habenas. Cauebat, ne
Diui-

Diuini Officij ritibus neglectim, seu ineleganter peraetis, coelestis ille occideret splendor, qui Monastica in Plalmodia nunquam non enituit. Multus erat, ne vlla irreperet legum violatarum impunitas, & ne modica sensim dissimulata Institutioni seueriori forent excidio. Excubabat & Nouitiorum tyrocinij, studiorumque lyceis, quod Religiosę pubis opima messis satagentis sub cultoris oculis felicior herberceret. Tantum Archimandritam intra annos non ampliùs duos amissimus. Congregationis familias de more lustrabat, cum Arimini febre correptus, maturauit regressum in Urbem. Spes erat sanitatis vsurę quantocius restitutum iri, si peritiorum cura medicorum, & patrij beneficio aeris vteretur. At fatis cedendum fuit. Morbi vis curationis artem eludebat omnem. Decumbebat, surgebat, sed tandem arcana, & pertinax lues nunquam satis benè depulsa, languore fatigatum è medio sustulit. Spiritum posuit tertio Cal. Decembris anni 1677. in Monasterio S. Bernardi non sine vberi Patrum lacryma, adeò demissè veniam, si quid errasset, deprecatus est, suumque ad iudicem iter enixis omnium precibus commendauit. Ad parentalia is fuit mortalium concursus, eaque de elati religione existimatio, vt conuolantes ad manuum oscula, exuiarumq; contactus vix ducendi funeris locum darent. Marcum Menichellum excepit

1678. *Octauianus à S. Anna, Cacheranus, Patritius Taurinensis*, Philiberti Cacharani Pedemontano in Senatu doctissimi, integerimque Præsidis filius, ad inferiores, maiòresque dignitates secundissimis & ipse velificauit auris. Testonæ in nostras cum iurasset leges, Montem-Regalem adiit Aristotelis, ac Diui Thomæ explanationes auditurus sub Ioanne Bona eximio tunc artium Magistro, & exindè Eminentissimo S. R. E. Purpurato. Absoluto Philosophiæ, ac Theologiæ puluere publicas agere curas cœpit, rerum summa multiplici titulo tandem positurus. Valebat vegetis viribus actiufiori homini aptis. Valebat collactanea quadam velut prudentia, maturitatis fructuum in ipso iuuentę, flore feracissima. Spirabat vultus ipse perspicuum quemdam, egregiumque mentis vigorem. Strictioris obseruantię Princeps in eo studium, laudatissimum quidem, si habenas mitius adducere, ac seueritati nescio quid ampliùs immiscere facilitatis in moris habuisset. Monasterijs, quæ in amplianda librorum supellectili, quæ in augendo ædium nitore oppidò profuit.

Mira

Mira etiam illi in conciliandis sibi animis indoles, & manus. Ad inclinanda in se Patrum conscriptorum suffragia hæc illi apprimè contulere nomina. Contulere & Alphonsi Cardinalis Litteræ sui ex Matre consanguinei in amplissimum nostræ Congregationis Protectorem designatio, quippè qui Cacheranum inter Procuratoris Generalis pondera Generalitium ad Pedum properantem, eodem cohonestandum censuerit, sui que etiam momento calculi cohonestarit. Muneri ad omnium vota cumulatissimè expleto superfuit ad annos sex, compleuitque mortalitatis fabulam Augustæ Taurinorum 27. Februarij anni 1687. Prouinciæ Subalpinæ Moderator.

1681. *Florentius à S. Catharina, Billius, Augusta Perusorum* natus, Cistercio reparato accessit anno ab asserta per Deum Redemptorem Orbis salute 1646. votis obstrictus duodeuigesima Octobris lucè. Flores apparuerunt in terra nostra, cùm ipse germinantis adolescentiæ florentissimam indolem explicare cœpit, nec nisi optimum castigatissimæ conuersationis spirandi odorem certam spem facere. Et reuerà licet viuentis modestiæ morem gesturus, ab attollenda cæterarum virtutum encyclopædia abstinere voluero, haud tamen sileam regendarum animarum eminentiorem in eo dotem, qua quisquis inclarescit, pectoris ad omnem probitatem exculti laude nequaquam vacat. Hanc adolescentium è Sæculi nequitia in Religionis portum, nimirum in sanctimoniam sinum, se se asserentium Institutor, hanc familiarum Præfectus, hanc Congregationis Cœnobiarcha; hanc conscientiarum temperator, dilucidè patefecit. Ab ipso hausere Asceticæ conuersationis feruorem, quo inardescunt, præclariore ex nostra schola candidati. Ipsi mutatam debent rerum faciem Monasteria, adaucto regulari nitore, illustriora. Verùm hæc Claustris duntaxat notiora viri præconia. Illud nemo eat inficias præter puellarum nonnullas, quibus vel Mundi malitia corruptis, vel genij peruerfitate illectis, deprauatis, Florentio Billio ad emendationem perurgente, veræ pœnitentiæ cultus cordi adhæsit, omnium ordinum permultos, sceminas etiam Principes, suarum eidem consignasse procurationem animarum, quòd multa licet expolitus doctrina, Theologiæ tamen ab erudiendis moribus nuncupatæ nerues intenderit propensiores, ac rerum sacrarum vsu, assiduaque spiritualis obsequij contentione, prudenti etiam affabilitate, confluentibus

tibus ad noxarum expiationem gratissima polleat . Nec sine Numine ad Congregationis vtilitatem , & Sæculi profectum hætenus seruatum dixerim , quem ab epidemia Urbem Parthenopæam deuastante , grauiter licet tactum , minimè tamen interceptum scimus , maximè cum , sæua vi morbi tota è medio sublata familia , omnium primus offerri ipse debuisset , infectis , charitate calcar admovente , assiduus . At protegendi viros Cœlo implendo enatos Cœlo cura , adeoque & Billium , quem diutiùs incolumen habeamus , idem faxit .

1684. *Ioseph à S. Petro, Virgilius, à Monte-Regali*, tactus diuini instinctu flaminis , Monachatus se dedicauit in sacro Testonæ secessu tertio Nonas Aprilis anni à Virgine Matre septimi & quinquagesimi supra millesimum sexcentessimum . Menti scientijs naturalibus , & diuinis imbuendæ par illi cum Gymnasium contigisset in patria apud Vicum Abbatia , studiorum Spartæ haud contemnendam nauauit operam . Prudentiæ verò , œconomix , ac perurgendæ obferuantix non vnum nactus in varia familiarum administratione Theatrum , omnium in se plausus excitauit , & laudes . Taurini Abbas Sacrarium armarijs delicatiori Tõreuticæ elaboratis instruxit , Monasterium , censu adaucto , iuribus vindicatis locupletauit . Qui demum cum gestis muneribus satis clarus solitudinem secus Montemgrossum , quarto ab Asta Pompeia lapide , incoleret , proindèque gauderet ad tranquillitatis arenam , nimirum ad stationem curis vacuam appulisse , Ordinis ad Primatum se se raptum aspexit . Eminentiiori dignos apice profert vna dies . Latere cum præclarè gesta eum minimè paterentur , PP. Conscripti optimè actum iri cum Institutione censuere , si in eum vti virtutum , ita & suffragiorum consensus collimarent . Itaque eductus è latebris , confedit in vertice , in quo collocatus nihil ex ijs omisit , quæ ornatissimum religiosissimi Coetus Rectorem efformant , non enixa in Republica amplificanda molimina , non graues in Coloniarum perlustratione labores , non peruigiles in studijs promouendis curas , non perefficax in Sodalibus opere non minus ac verbo ad legum custodiam confirmandis exemplum . Recentis foundationis , Beatæ Mariæ de Spina nuncupatæ , iuxta Oppidum Pralormi in Diocèsi Astensi , munifica manu , & singulari in euincendis , quæ insurrexere , difficultatibus adnissu , Parens haberi voluit . Hæc omnia minus præstaturum verebantur Patres ob fre-

quentiora Podagræ incommoda, quem tamen ſæpius conſpexerē animo morborum acerbiffimo longè maiori, & nulli ex ſui muneris deefſe partibus, & diuturnis ſe ſe itineribus committere, cū à ſenſu doloris pedibus vix inſiſtere poſſet. In ipſa nobilioris Magiſtratus periodo placuit Innoc. XI. illum bullatis ſuis literis Succelloris Aſſeſſorem primum deligere, quò, Congregationem ſumma auctoritate regere deſinens, eandem maturiori conſilio proſequeretur attemperare.

1687. *Carolus à S. Franciſco, Vertua, Mediolanenſis*, in verè aurea incidit tempora, quibus viri pietate ſpectabiles, clauſtrales maximè, æquum æſtimatorem naſti Innocentium XI. Pont. Max. condigno habentur in pretio. Deo, & Diuo Bernardo deuotus ſextam decimam Decembris diem anni 1643. ſacramenti diſtione notaauerat ſui. Arduam exantlauerat Prouinciam inſtituendorum Tyronum. Monafteriorum aliquot demandatam ſibi moderationem ſuſtinuerat. Florentio à S. Catharina Abbati Generali à conſilijs fuerat, co tamen curarum tædio, vt ſaſtigiū ſemper ſaſtidio fuerit. Rem tandem ſibi pro voto contigiſſe gratulabatur, cū Florentiolæ domicilium, officijs exolutus, incoleret, iucundaque vice leges acciperet, qui dederat. At gratiſſima à dignitatum feriatiōe breui excidit. Dominicum à S. Pudentiana Prouinciæ Romanæ Prouincialem apoplexia è viuīs interceptum exciperet primò, moxque Ioſeph à S. Petro altiori inſidere loco deſinenti, ſuccederet opus fuit. Romam ad PP. Conſcriptorum Congregationem contendebat, cū in ipſo itineris medio, Arimini ſcilicet, epiſtolas Eminentiffimi Protecſtoris Creſcentij, vnàque gratulationes deſignationis ſuæ ad primam Inſulam, Innoc. XI. ſummo pro obedientiæ iure mandante, nuntium excepit. Abſolutiſſima qui Cœnobitiæ conuerſationis methodus ſemper demirari potuerat, ſolitudinem, orationem, contemplationem ſupremos ipſos inter faſces principe quodam ſtudio colit. Si regiminis onera ſubtrahas, Generalitiā præminentiam ad cæterorum Aſcetarum deſmiſſionem, humilitate impellente, arctafſe ſuſpicias. Quem ne humilitatis amorem effuſiori in præconia ſtylo offenderim, cæteris parcam laudibus, contentus innuiſſe, nec Congregationem nobiliori capite donari, nec Antitiſtitum noſtræ Congregationis ſeriem illuſtriori potuiſſe clauſula abſolui.



CISTERCII

REFLORESCENTIS

PARS TERTIA

Athenæum.

Anno. 1595.



Istercij restituti Athenæum primæ reparationis leges aperiunt, scilicet *Constitutiones Congregationis Beata Mariæ Fulienfis* ad singula capita Regulæ S. Benedicti accommodatæ, sacro Clem. VIII. Pontif. Max. oraculo comprobatæ, & Romæ per Nicolaum Mutium anno 1595. excusæ. Tantæ Prouinciæ adornandæ pondus sustinuit

D. Marcellinus Louerius, *Taurinensis*, inter nos à S. Benedicto, qui institutam disciplinæ sartamentam, decreta nimirum à primis Reformationis assertoribus in generali confesso Romæ habito condita distinxit, diuisit, proprijs Regulæ magistræ locis adaptauit, & selecta latinitate donata in vnum volumen congescit. Legum Codici

Breue compendium Priuilegiorum, & Gratiarum Congregationi B. Mariæ Fulienfis concessarum Marcellinus adiecit. Romæ primò editum 1608. in 8. ex Typographia Reu. Cam. Apostolicæ, deinde

in 24. Lutetia penes Georgium Lombardum cum nuncupatione ad plenum PP. Senatum Pinerolij pro Comitibus sedentem, tandem tertia impressione Parisijs iterum luci expositum, cum additionibus apud Carolum Hulpeau 1628. in 8.

Optimis auibus Congregationi enascenti Marcellinus accessit. Sub Fulienfibus signis stipendia facientibus vir primi spiritus obuersatur. Præter Procuratoris, Visitatoris, & Assistentis Generalis munera, varia alia dignitate ornatus, præsentissimos exantlauit labores, curis superior omnibus. Eo auspice Colonia plures eductæ. Bullata diplomata approbationis obseruantia in Abbatia Fulienfi institutæ, exemptionis à Cistercij Archimandrita, propagationis, & extensionis vbiuis gentium, participationis Priuilegiorum vitæ claustralis professoribus cunctis concessorum Sixto V. & Clem. VIII. acceptissimus impetrauit. Parthenium Sanctimonialium è regione B. Mariæ Consolatricis Augustæ Taurinorum sanctitate etiam modò florētē, nostris inductis legibus, abstinentia, silentio, diuini pensu horis, aliisque ritibus reformauit, ad eò vt & nobis è regione viuant, & nostram ad normam ferè viuant, & si habitum, appellationemque demas, Fulienfium Virginum Claustrum dixeris potius, quàm Clarissarum. In Monasterio S. Pudentianæ Monasticæ conuersationis vota concepit anno 1590. & in eadem domo humanæ naturæ debitum exoluit anno 1616.

1588. *N. nobilis adolescens Gallus*, incompti mihi hætenus nominis, cum teneriorem ipsam iuuentam ætatisimè Fulienfium obseruantia addixisset, ad genitorem reclamantem, eumque pro viribus è Claustro ad Sæculum reuocare satagentem, animo in institutione obfirmato, insignem dedit *Epistolam*, seu potius *Libellum excusum* anno 1588. in 8. quo *Mundi Deo posthabiti fugacissimas vanitates, suauiores religiosa æsperitatis delicias asserit, & Parenti optimo, eisi nimio præ dilecti filij amore obcacato, rationibus magni momenti satisfacit*. In ipso opusculi limine Impressoris, locique impressionis nomina defunt, ideòque citrà admirationem sit benigne lector, si & ad pleniorē eiusdem elucubrationis notitiam in hoc Athenæo desiderentur. Extat in Bibliotheca S. Pudentianæ de Vrbe, eiusque meminit Carolus De Vviseh.

1589. *Petrus*, cognomento *Tolosanus*, nitore conuersationis, & doctrinæ

doctrinæ præstantia Monasterij S. Bernardi in Suburbio S. Honorati Parisijs Cœnobita illustris, *Multas doctas, & disertas Epistolas scripsit*, quarum vna excusa est Parisijs in 8. complectens septuagenas binas paginas, in qua demonstrat auctoritatibus Sacræ Scripturæ, quænam sint in Sæculo viuendi incommoda, & quæ in Monasterio commoda, & salutaria. Deuixit Lutetiæ anno 1589. E lætrebriserem-gatne in hoc Petro Tolosano Anonymus dudum celebratus, & subducto velo suum aperiat nomen, agnomenque, viderint alij. Mihi duo sunt, quorum alter nouitiali in puluere adhuc versabatur, cum anno 1588. ad Genitorem scribebat, alter annis maturior, & Religionem antiquior, qui anno insequenti diem suum obierit.

1598. *Bernardus de Montgaillard*, clara *Perfinorum* stirpe apud *Vascones* ortus, sanctitatis, & omnigenæ doctrinæ gymnasium ingressurus, in Fulienſis disciplinæ gremium se contulit ætatis suæ anno sextodecimo, reparatæ verò salutis 1579. In eo ad Orbis stuporem efformatus, prodijt ordinarius Henrici III. Galliarum Regis Concionator, eruditionis copia, eloquutionis elegantia, alijsque numeris Ecclesiastes primæ notæ ad eò ornatus, vt aulæ optimatum, ac totius Lutetiarum Urbis literatioreſ viros admiratione suspenderet. Nonnullarum Præſul Abbatiarum, Andegauenſium, & Appamienſium Antistes à Rege dictus, Infulis nundum miſit, perrexique facri Peroratoris locum tenere. Hæc ſis ſerpentes linguæ officio eucllebat. In mores verò ita exardeſcebat, vt, intortis veluti iaculis, in noxia inueheretur. Conflauit ea res improborum calumnias, accēpitque acrioreſ ab ipſomet Henrico III. Epistolæ, quaſi poſt tot cumulata in ſe beneficia, aduerſantium ſtuderet partibus, ideòque Apoſtolicæ libertatis nomine varioſ & ſiniſtroſ de eo rumoreſ diſſeminaret. Ita Regiſ auribus detractoreſ inſuſurrauerant. Quare linguæ parcens, calammum acuit, omneſ admoniturus Ordineſ caltigatiorem viuerent vitam, nec ſe Pariſienſium, Regiſ maxime indignationem promeritum. deprauatam conuerſationem oculiſ obijciendo licentioſiorum, quòd ſanctiori legum obſeruantia, & diuinæ vltionis metu Principum conſtabiliatur ſolum, exul temporum reuocetur tranquillitas, populorumque arefacta felicitas reſſoreſcat. Interea Romam cogitauit, adiſtque, Cleni VIII. Dei viceſ in Petri ſolio agente, cuiuſ diplomate abiens è Fulienſibuſ, Belgium petijt anno 1592. in ſplendidio-

didiora illa Asceteria clucescentem in nostrorum ædibus obseruantiam inuecturus. Velificauit felicissimè, nam Nizellensis, & mox Aureæ-Vallis, Principis per vniuersum Belgium Monasterij Abbas consalutatus, & ad annos vigintitres Præsul, temporalem quidem restituit statum, spiritualement verò de nouo fundasse dicendus. Arrisit conatibus Alberti, & Isabellæ Belgij Principum fauor, qui rerum consultissimum demirati, vitæ exemplo rapti, aurea ab eloquentia identidem pendentes, regiminis in celebratis Abbatijs habenas capefferet, voluere, adegere. Quid porrò reliquum in Belgio egerit, petendum ex Seguino, & Vvischio, vbi commendatur: *Vir praeclarissimis animi, & ingenij dotibus ornatus, omni scientiarum genere instructissimus, Spirituum discretionem mirabilis, hæreseos, & vitiorum oppugnator acerrimus, & Catholica Religionis assertor inuietus*. Hic ingenij monumenta retexere locus est, & sunt

Apologia, seu Tractatus ad Henricum III. Galliarum Regem, de quo supra, Lutetiae euulgatus 1589. excusoribus Nicolao Niuello, & Rolino Vitri.

Sol Eclipsatus, Oratio funebris ad Episcoporum, Abbatum, ac Belgij Procerum Conuentum in solempni funere pijsissimi Archiducis Alberti, Bruxellis de mandato Serenissimæ Infantis Isabellæ prælo supposita.

Narratio translationis Reliquiarum S. Menna Martyris ad Aureæ-Vallis Monasterium, quæ legitur apud Arnoldum de Ruiffe in Auctuario Molani.

Constitutiones Regulares pro constabilienda Monastica Obseruantia in Nizella, & Aureæ-Vallis sua obedientia familijs.

Orationes funebres Rudolphi, & Matthiæ Imperatorum, Ernesti Archiducis, & Augustissimæ Imperatricis eorum Matris.

Sermonum de tempore, & Orationum de Sanctis Volumina aliquot planè melliflua, paucis ante obitum horis ad euitandum humanæ gloriæ discrimen flammis ab ipsomet consignata.

Quod ad Vitæ clausulam attinet, post mortem octaua Iunii die 1628. religiosissimè appetitam, pijs optimi Reformatoris manibus Monachi Aureæ-Vallis parentarunt splendido funere ad tres dies celebrato, in quorum singulis de laudibus defuncti eleganter dixit Andreas Valadier, Sancti Arnulphi Metensis Abbas, Vbi iacet, iacet

autem

autem ante gradus dormitorij intrà Templum, Epigraphe legitur;
quam sibi viuens parauerat in hæc verba:

D. O. M.

*Viri, magni, probi, boni;
Chari, Patres, Filij, Fratres;
Accedentes, discedentes, ascendentes, descendentes;
Videte, legite, audite, exaudite:*

*Hic iacet vester Bernardus,
Cui vos dilecti, qui vobis dilectus;
Miser, & miserabilis,
Misericordiam Domini, & vestram
Expetens, exoptans, expectans.*

*Eia! heu! Eia!
Estote misericordes:
Memores estote iudicij mei;
Sic enim erit & vestrum.
Hæc mihi, & vobis hodie.
Hæc Charissimi, hæc perpenndite;*

E T

*Mibi misero preces pendite.
Abite, Sancti estote, & valete.
Expecto donec veniat immutatio mea.
Fratr Bernardus de Montgaillard
Huius Ecclesie Abbas 39.
Viuendo moriens, & moriendo viuens;
Sibi posuit.*

1599. Ludovicus Eustache, familię agnomine in Monasticum
verso, à S. Malachia, occumbente quo huic anteriori nuncupauit,
Clementi VIII. Pontifici Opt. Maximo, ediditque Romę apud Aloy-
sium Zannettum Piorum carminum libros quinque in 8. scū

Heroica, Hymnos, Epigrammatum lib. duos, Elegias.

Fuit Gallus Viennensis ex Oppido de Beaurepaire, quique anno
1585. sub ipsis Cistercij nostrorum in Coetu reparati primordijs me-
ruerat, vixit rerum caducarum contemptu, sui abnegatione, vitę
Cœnobiticę absolutissimo exemplo Vrbi, ac Orbi notus. Et cum
Musis quidem lusit, sed ea religione lusit, vt Parnassum Caluario,
Apol-

Apollinis plectrum Chriſti Cruci foederarit . Quin potiùs Muſas edocuit ſacras facere ex profanis , lucubratiuncula ad piorum carminum calcem appoſita *De Poefi ad res honeſtas, & potiſſimum ſacras conferenda* . Cœleſtes inter Pſaltes diuinam laudem, vti confidimus, eternum decantaturus , Romę deuixit 11. Ianuarij anni 1603. appoſitusque eſt ad Patrum cineres in Eccleſia S. Pudentianę, vbi ſecundum Generalis Aſſeſſorem, & Monafterij Pręfectum agebat.

1600. *Ioannes Obry Burdigalenſis*, poſtquam Sęculo valedixit dictus à *S. Malachia*, annum ſecularem 1600. literario illuſtrauit monumento inſigni *Epifſola conſolatoria ad Longauiſſam Ducifſam data*, quę & typis digna, lucem vidit Pariſijs eodem anno . Proſequens deindę etatem, in qua viuimus, ſui lycei fœtibus locupletare, adiecit Gallicę *Compendium miraculorum, & gratiarum B. Virginis de Monderich*, cuius fit mentio apud P. Marracium Bibliothecę Marianę pag. 791.

Hiſtoriam erectionis Bafilicę Fontanenſis, quando Caſtrum natale Diui Bernardi, Fontanis in Burgundia, conſurrexit in Monafterium, ſacramque Ædem Mellifluo eidem Parenti inauguratam . Opuſculum prælo ſuppoſitum fuit anno 1620. in 8. Auçtor verò, qui Congregationi deuotus, in eiufdem leges apud Abbatiam Fulienſem anno 1586. iurauerat, æternitati maturus vitam finiit temporalem die 10. Martij anni 1652. humo conditus in ipſa Caſtellionenſi, hoc eſt Fontanenſi Eccleſia, de cuius erectione conſcripſerat.

1607. *Sancius Beauner, à S. Catharina*, ter Congregationis Superior Generalis, haud contentus eiufdem mores frequentiori in prima ſede conſeſſione componere, animum conuertit ad vultus hominis interioris, in cuius cultu præcipuus erat, ob Mundi obtutus ponendos, votisque ſatiſfecit ſuis accommodando vſui communi virtutum praxim, ſeu opellas ſubiectis titulis prænotatas :

Exercitia ſpiritualia viginti meditationibus planę diuinis digeſta cum inſigni meditantium Directoris methodo, bis Latinę, ter Gallicę, quinquies Italicę recuſa, primò autem in Vrbe 1607.

Quinquaginta humilitatis gradus patria lingua Auçtoris primò editi, mox Flandricę expoſiti, & Duaci ad calcem Regulę Diui Benedicti per Gerardum Pinchon, itemque Antuerpię vnà cum alio quo-

quodam libello Ludouici Maecheblyde Soc. Iesu prælo subiecti, frequentioribus verò impressionibus in Gallia euulgati, quarum nouissimæ Auctoris nomen in cæteris desideratum præferunt.

Flamma amoris diuini Lutetiæ 1624. & 1639. itemque Romæ 1629.

Breuis praxis, qua quis possit se continuò conseruare in presentia Dei. Parisijs apud Soly.

Sacra Religiosorum solitudo, è Gallica in Italicam linguam versa à Gismondo de Thadæis, & Romæ excusa penes Mascardum anno 1653.

Puncta adnotanda à Religioso, qui vera, & profunda humilitati studet assequenda. Parisijs apud Sebastianum Haure 1605. Italicè traducta à Petro Paulo Augustino Cler. Reg. Sancti Pauli, & edita penes Corbelletum 1631. in 8. Eam pietatem hæc opuscula mole exigua, fruge ingentia lectorum animis instillant, vt Sæcularium, & Religiosorum manibus passim terantur. Et licet Sancius sublimiores Theologiæ speculatiuæ, & moralis, queis abundè instructus erat, doctrinas sub defossa humilitatis absconderit humo, sufficiunt, ne cum stulto seruo sublimis ingenij, & operarij instructuosi pœnâ damnetur. Diem suum obiit Romæ primus Visitator a. 1629. 14. Octobris, Ætatis suæ a. 60. & Religionis 43. sepultusque est in Ecclesia S. Bernardi.

1608. *Ioannes Gulonius Parisiensis*, cùm Sæculum, ac gentile suum in Sæculo cognomentum reiecit, appellatus à S. Francisco, muneribus gestis, vigilijs elaboratis, virtutum decore, nominis celebri- tate, cui Patrum Fuliensium palmam deferat paucos habet. Ita videre est ex laudum compendijs in eiusdem ad primam Institutionis sedem assumptione prolatis, magisque, ac magis ex elucubrationum elencho, quem hic subnecto.

Opera S. Dionysij Areopagite Lutetiæ 1608. sumptibus Io. de Heuqueuille, secunda lima expolita, ac denuò recusa ibidem per Nicolaum Buon, & Io. Taupinart. a. 1629. in 8.

Opera Epicteti Philosophi Stoici ibidem in Officina Io. de Heu- queuille, quam versionem adornasse ad petitionem Galliarum Re- ginæ patet ex diplomate Henrici quarti in operis limine expresso.

Homilie S. Basilij super exameron ibidem, eiusdemque prælo a. 1616. in 8.

Sed & ex Latino Gallicis auribus accommodauit

Tractatum S. Anselmi de aterna beatitudine ibid. 1615.

Ex Italico suo etiam eloquio vestijt

Exercitia spiritualia P. Augustini Manna de Cantiano Congreg. Oratorij de Vrbe Sacerdotis, idest, Partem primam, & Partem secundam Ibidem a. 1613. in 16.

Haftenus versiones, præter quas sua ex Minerua habemus *Praclarè gesta, virtutesque eximias S. Francisci Salesij Episcopi Gebennensis* amplo volumine, in sex libros digestas, repetitis editionibus multoties expressas, maximè autem Parisijs 1625. in typographia Michaelis Solly, & Io. Heuqueuillani.

Contra librum celebris Nouatoris Petri Molinai de Vocatione Pastorum 1620. in 8. eorundem impensis.

Exhortationem habitam in Congregatione Religiosorum a. 1615. & excusam 1616.

Epistolam consolatoriam ad N. præcipua nobilitatis feminam in obitu unici eius filij, quæ duo postrema lucem aspexere Lutetiae 1612. ac 1616. prælo Heuqueuillano, vnà cum *Oratione funebri in laudem Nicolai Fabri, idest le Feure Consiliarij, & Institutoris Ludonici XIII.*

Vindicia Hyberopolitica, seu Gallia motuum in ijs, quæ pro Rhetia defensione bellis egit iustitia. Opusculum absque quidem Auctoris nomine Latino sermone euulgatum in 8. verum styli elegantia, ac argumentorum vi scriptorem prodeunte suum, Io. Gulonij agnitum ab Urbano VIII. cum primùm à Bethunæ Duce Regio apud S. Sedem Oratore illud accepit.

Epistolarum Philarchi ad Narcisum lib. 2. seu Responsiones ad Auctorem fabuloso Narcisi nomine inuolutum, qui, præ cæteris Gallia Oratoribus facundus audire affectans, acuebat suæ eloquentiæ iacula in Religiosos, Religiosasque Institutiones. Narcisum hunc præcepta eloquentiæ à priscis tradita inuertere omnia Gulonius contendit, & euincit nonnullis etiam Rhetoricæ antiquæ vestigijs è Græco materna lingua exhibitis. Prodiere Parisijs in 8. typis Nicolai Buon.

Apologia in Opusculum Auctoris, fictitia lauerstar appellatione, pro Narciso contra Philarcum stantis, & contumeliosis dictæijs in
Phi-

Philarcum , eundem Narcisum impugnantis . Ibid. in 8.

De modo Philosophandi S. Dionysij , deque differentia inter Philosophiam modernam , & Philosophiam antiquorum cum Ethnicorum , tum Catholicorum ante tempora Constantini Magni.

De Praxi disciplina Ecclesiastica , & de excellentia Theologia mystica , alijsque contentis in Operibus S. Dionysij.

Defensio Card. de Perron à Ministris Clarenionianis iniurioso volumine impetiti , & vindicatio Ecclesiæ Catholicæ à libris , Angliæ Hæreticorum studio , eò temporis emanantibus ; ardua multum pro uincia à pluribus expetita , à nemine attentata , ab ipso duntaxat assumpta , primò ad preces Generalis confessus Archiepiscoporum , & Episcoporum Galliæ , mox & de mandato Pontificis maximi , ac Ludouici decimi tertij , qui & ei argenteorum quater mille in annos singulos attribuerat ad sumptus sustinendos in coemendis , & vndique comparandis tot Nouatorum libris , quos reijceret , necessarios . At egregij operis compilationem , vitamque mors intercepit anno à Deo homine vndetrigesimo sexcentesimo & millesimo . Cadauer elatum solemnī funere , & marmoreo sarcophago cohonestatum est in Choro S. Bernardi extra portam Honorianam , vbi & eius nominis perennitati consultum à Cæsare Borbonio Vindoci Duce , idque eleganti Inscriptione hic attexenda.

Sta quisquis es , & perlegē.

*R. P. Goulū Parisijs natus , ubique notus ,
Pietate , probitate , eruditione , eloquutione*

Ad inuidiam vsque mirabilis ;

Vixit beu ! imò viuī ,

*Quippè laude dignum Virum fama vetat mori .
A militia forensi Fuliensem ingressus , scriptis suis*

Impugnatam fidei veritatem ,

Impetita Monarchia iura ,

Periclitantem Sanctorum memoriam

Mirum quantum ab iniuria temporum vindicauerit ,

Simulque adulteratam eloquentiæ puritatem

Renocauerit , conseruauerit , illustrauerit .

Tandem vniuerso Ordini postquam bis præsuit ;

Exemploque non minus , quàm Imperio præsuit ,

Vix dicas ;

*Dignitate functus ne prius , an defunctus ſit ,
Magnatum amicitias ut meruerit , ut tenuerit ,*

Vel hoc marmor teſtabitur , quod

Illuſtriſſimi Principes

Cæſar Borbonius , & Franciſca Lotharinga

Chariſſimi Coniuges , Duces Vindoci ,

Stampens , Bellefort , Merroerei , Pontienrai &c.

Benemerenti marentes poſuere.

Obijt anno M. DC. XXIX. die v. Ian.

Ætatis ſua LIV.

Orate pro eo.

1609. *Euſtachius Affeline* , in Congregatione dictus à *S. Paulo* , Cistercio inter Fulienſes reparato magnum nomen adiecit , cùm ſuum anno decurrentis ætatis quinto Lutetiæ dedit , voutque anno in ſequenti vigefima ſexta Februarij die . Enimuerò Doct̃or Sorbonicus , & Pariſiorum in Vrbe , quam Virorum doctrina inſignium fecundiffimam , Orbis Athenæum iure dixeris , Patriam tortitus eſt , præſtantiffimis æquandus Theologis , Monachum induit , quò Monasticam hanc viuendi normam ſummoperè illuſtraret . Audiebatur nimirum cum plauſu , & fructu publicis in congreſſibus quaſtionum Philoſophicarum , earumque concertationum , quæ vel à ſcholis inſtituendis , vel à formandis moribus , ſiue à diuinorum explanatione librorum ſortiuntur appellationem . Nec à Minerva duntaxat commendandus Euſtachius . Conuerſationis probitate doctrinæ foederata mirè eluceſcens , nullo in Congregatione munere non decoratus eſt . Generalatus apicem tantummodo nequaquam conſcendit , ſed qui ſummis Capitibus gradu Aſſiſtentis Generalis , ut vocamus , per annos quatuordecim ſemper adhæſerit tanta in exiſtimatione , ut ne latum quidem vnguem ab eiſdem ſententia in arduis diſcederent . Hæc intra Clauſtra , extra quæ aulæ Chriſtianiffimæ Theologus , & ſedulus Euangelij operarius emicabat . Negotia , quæ Regias conſcientias lædere poſſent , excutiebat omnia . Archiepiſcopis Pariſienſibus in euellenda per vniuerſam Dioceſim fecundiffima vitiorum ſegete , in diſciplina regulari Parthenijs Sanctimonialium , ſcù Virorum collapsæ obſeruantia Colonijs reſtituenda egregiam nauabat operam .

Eius

Eius rei testimonium epigraphæ præbet à nobili Viro Nicolao le Feure eidem apposita in aula Capitulari Parisiensis Cœnobij, vbi in communi Monachorum Conditório iacet, cuius hæc verba:

R. P. Eustachio à S. Paulo,

Affeline, R. P. Generalis Congregationis Fuliensis per quatuordecim annos primo Assistenti, alyis dignitatibus Congregationis etiam perfuncto, ex honesta apud Parisijs familia nato. In sacra Theologia facultate ex Domo Sorbonica Doctõri celeberrimo, pietate, & doctrina conspicuo, impuritatis ignaro, & in tenello corpore austeritatis amatori. Prudentia, mansuetudine, & morum suauitate præcellenti, summarum Philosophia, & Theologia scriptori doctissimo, in quantumvis arduis spiritualibus negotijs decidendis pro oraculo ab vniuersis habito, Cœnobiorum permultorum ex varijs ordinibus instauratori dignissimo. Ex hac vita defuncto die vigesima sexta Decembris anno Domini millesimo sexcentesimo quadragesimo, ætatis sua sexagesimo octauo, Religionis trigesimo sexto.

Nicolaus le Feure D. De Lezeau Directori suo per annos triginta vnum scripsit, & poni curauit.

Plura de Eustachio desideranti occurrit noster Antonius à S. Paulo, eius vitæ haud incelebris scriptor. Ceterum ex ijs, quæ vir doctissimus scripsit, extant laudata in elogio opera *Summa Philosophiæ quadripartita*, *De Rebus Dialecticis*, *Moralibus*, *Physicis*, & *Metaphysicis*, edita in 8. a. 1609. Parisijs, & post varias impressiones aucta, recognita, ac excusa 1638. typis Philippi Albesti, nouissimè Lugduni Batavorum anno 1647. cum diuicis eneis figuris, quæ impressionem elegantissimam efficiunt.

Summa Theologiæ Tripartita. Parisijs 1613. excusore Carolo Chastellain.

Liber meditationum, & exercitiorum spiritualium in tres partes diuisus, multoties etiam prælo subiectus, & tandem cum additione sex meditationum nouæ luci expositus, Parisijs 1640. penes Michaelem Solym.

Instructio pro recto, & salutari vsu sacramentorum Penitentia, & venerabilis Eucharistia. Lutetiæ Gallico eloquio, sicut & præcedens opella composita.

1615. *Carolus de Lauson*, idemque à *S. Maria*, ad regendum Congregationis clauum a. 1634. inter Gallos delectus edidit

Catalogum Monachorum, qui inter Fulienses sanctitatis opinione claruerunt, ab Angelo Manriquez in Menologio Cisterciensi passim relatum; & vigilijs conuersationi consonis, illustriorum nostræ Institutionis Ascetarum elenchum scripsit, ac numerum auxit.

1615. *Ioannes de Vassan*, ex quo autem leges Fulienses sibi delegit sequendas, à *S. Paulo*, in Geneuæ districtu natus, & Geneuæ Minister, laudati Ioannis Gulonij adhortationibus, à Caluiniana labe, & à Sæculi ceno emerfit. Inter Nouatores errorum Magister, inter nostros veritatis præco, claruit & varia eruditione, potissimum autem antiquitatis peritia, cuius in indagandis, & excutiendis monumentis apud profundioris doctrinæ studiosos eam sibi conciliauerat præcellentis gloriam, vt nemo nollet eum, saltem de vultu agnoscere, si familiari eius alloquio haud valeret proficere. Ad capeffendos Claustri honores inexorabilis, ad attingendos obseruantiae apices, genio ad religiosam austeritatem prono, concitatissimus, mortalitatis onere subducitur Lutetiae, vbi prima post vigesimam Septembris diem, vitæ claustralis enuntiauerat vota. Eius eruditionis superest

Elogium in Ioannem Gulonium dudum celebratum, relatumque, ac impressum ad calcem versionis S. Dionysij tertio excusæ a. 1629.

1618. *Franciscus à S. Bernardo*, *Du Soulier* in Sæculo nuncupatus, patria *Burdigalensis*, Institutioni nomen dedit 22. Iulij anno 1603. deuixit in Abbatia Fuliensi decimonono Calend. Iunij 1645. cum antea in lucem emisisset Tractatum

De punctis modestia, anno 1618.

1619. *Nicolaus De Saruè*, è Diocesi Abrincensi, inter nostros *Nicolaus à S. Martino* appellatus, euulgauit patrio sermone

Morale Christianum, agens de morum resipiscencia ineunda à degentibus tam in Sæculo, quam & in Claustro, Parisijs 1619. in 8. iterumque 1620. Ibid. per Io. Heuqueuille. Vitam à Mundo segregem in tyrocinio S. Bernardi Lutetiae instituerat Nonis Nouembris anni 1601. Vixit ea conuersationis probitate, cuius castigandis aliorum gestis normam præscribit. Mortalitatis exuias deposuit Plesfiaci, vbi nostrorum Cœtum Prior vigilantissimus moderabatur duodeuigesima Aprilis 1638.

1619. *Hieronymus Carrera, Taurinensis*, vixit, si Pedemontij Scriptorum Monacho nomenclatori adhibenda fides, *lepidi vir ingenij, omni scientiarum genere ornatus, sed & pietate, ac religione clarus*. Vernante iuuentutis flore coluit eloquentiam metricam, quæ in eo penè ephæbo mirificè elucescebat. Religionis deinde conceptis votis, concepitque Pinerolij vndecima Iunij anni 1619. sub nomine *Hieronymi à S. Roberto*, sui experimentum præbuit inter scholarum contentiones, in quibus optimis vsus Præceptoribus, breui Regens euasit, & lectioris nostræ pubis Institutor. Expositiua præterea Theologiæ latinæ, & vulgaris eruditionis, bonarumque artium plures legisse libros, quàm viderint multi, Auctor mihi præfatæ Bibliothecæ Centuriator, scientiarum, eo Lectore, Monte-Regali candidatus. Elucubrationes, vigiliæ verè nuncupandæ, quandoquidem vsque ad æuum in senium deuexum firma vsus valetudine, noctem in studendo dici æquatet, sunt:

Epinicium Beati Bernardi Bada Marchionis Montecalerij quiescentis

Musa Italica, liber continens varias carminis Etruscæ species, Sonettos, Madrigales vocamus, habenturque præterea in eo rhythmico versu *Exhortatio ad sacros cantus. Maria dolentes. Sancti Petri lacrymæ. S. Ioannis gemitus. Iudas spe destitutus. Nicodemus officiosus. Dialogus Ioannam inter Vxorem Cusa, & vnâ ex filiabus Sion. Christi plaga. Manna. Passionis Mysteria, Angelorum Ministerio expressa. Sacramentum Altaris amoris excessus. Mel Sampsonis. Eucharistia omnium bonorum summa. Panis subcinericius Elia. Christus Resurgens, Rosarum Sertum. Altaris Sacramentum Orbis Miraculum*. Eodem Volumine complectuntur & nonnulla Poemata edita, vt dicimus, in octaua rima, nimirum

Pia affectuum vices inter Christum, & Virginem Senensem.

Paradisus Terrestris Hortus voluptatis.

Psalmi Dauidici Romano eloquio exhibiti.

Anima Medicina Elegia ad N. Monasterij S. Margaritæ Vercellis Sanctimoniam.

Epistola Affricana Amantis ad Diuum Augustinum; & Augustini ad Amantem Affram responsio.

Poema Sacro tragicum ingesta SS. Christi Martyrum Marci, & Marcelliani.

In

In Abdiam Profetam Commentaria eruditissima.

Hæc, & alia prælo matura mors immaturior prælo supponere haud permittit. Carminum volumen adest in Bibliotheca Excellentissimi Comitum-Philippi ab Alladio. Elucidationes in Abdiam Profetam penes quem reperiantur nescitur. Ipse iacet Vercellis, ubi Prior Monasterij S. Victoris in fata concessit anno 1639.

1620. *Bartholomæus à S. Fausto*, qui *Pirrus Siculus* olim appellabatur, nimirum origine *Siculus*, Patria *Platiensis*, disciplina initiatus est Romæ ad S. Pudentianæ Orbis restituti anno millesimo quingentesimo nonagesimo & altero. Absoluta studiorum palæstra ad Theologiæ moralis eminentiam sibi velificandum duxit, impellentibus, ut eò appelleret, animum naturæ adiumentis, aura veluti secundiore. Primi sub ea tempora nominis erat Virginis Vicensis propè Montem-Regalem Basilica miraculosæ Deiparæ Imaginis, prodigijs, & frequentissima populorum affluentia celeberrima. Nostri Pœnitentiariorum ibidem agebant, quæ eis palma celebri cum Abbatia obtigerat, ex quo solemniter in congressu coram Iudicibus à Sedis Apostolicæ Nuntio, & S. R. C. Legatis habito, præ cæteris Ordinum Regularium professoribus, & competitoribus, Theologiæ morum institutricis Principes audierant. Ad hanc Coloniam suo genio, & ingenio aptam Bartholomæus ex Urbe destinati impetrauit. Ergo sacris pœnitentijs aures porrecturus continuas; Ergo multitudinis ex varijs Orbisterrarum plagis, maximè verò ex Liguria, Monteferrato, Cisalpina, & Transalpina Gallia illuc copiosissimè confluentis generales noxarum expiationes frequentius auditurus omnibus Sacramenti pœnitentiæ casibus diligentissimè excutiendis curas intendit omnes. Utque difficultiorum resolutiones ad manus promptius haberet, eorum epitomæ, suæ utilitati conscribendæ applicuit. Hanc ut sub oculis maximoperè excreuisse conspexit, nec sibi tantummodo, sed & alijs sacro pro Tribunali sedentibus profuturam cognovit, imitatus Vrsam fœtum suum in lambendo efformantem, cœpit Quæstorum, Disputationum, ac Responsionum molem curis secundis expolire, coordinare, & in varios disponere partus, nimirum partes, quæ sunt

Speculum Confessariorum, & Pœnitentium, in quo mira breuitate, & facilitate resoluuntur omnes ferè difficultates ad Restitutionem,

Et materiam Contractuum pertinentes, quæ sparsim à Doctoribus tum Theologis, tum Iure peritissimis prolixè pertractantur; quibus omnibus accessit sub calce libellus De vitio proprietatis. Huiusmodi Speculum edidit Cremonæ apud Marcum Antonium Belpicium anno 1620. in 4. cùm primùm mutata sede, Monte-Regali Florentiolam pertexisset; nam in Epistola nuncupatoria ad Hieronymum Vidonium Cameræ Apostolicæ Clericum habet: Iampridem, præstantissime Heros, Tractatum hunc de Restitutione, Et materia Contractuum in Canobio Intemerata Virginis Montis-Regalis Pænitentiarj munus exercens ex varijs Sacrorum Doctorum voluminibus, ut potui, Deo fauente, congesseam.

Thesaurus Religiosorum, accuratissimè differens de tribus Votis solemnibus, Obedientia, Castitatis, Et Paupertatis, publicæ utilitati referatus in typographia Claudij Landry Bibliopolæ Lugdunensis anno 1624.

Tractatus de Horis Canonicis, ubi non solum de Officijs Diuinis, verùm etiam de Oratione in communi, Et de quotidianis distributionibus copiosè, Et doctissimè agitur. Prodiit Lugduni in 8. penes eundem Claudium Landry a. 1627.

De Sacris Indulgentijs, Et Iubilais tum Anni Sancti, tum alijs extraordinarijs, Tractatus insignis. Neapoli in 4. ex typographia Ægidij Longhi 1629.

De Pœnitentia Tractatus absolutissimus, in quo noua methodo, styloque perspicuo materia omnes celebriores, Et difficiliore ad Pœnitentiam, tum Virtutem, tum Sacramentum spectantes ita abundè, Et accuratè explicantur, ut nihil amplius in hac re studiosus lector desiderare possit. Neapoli in 4. excudebat Franciscus Sauius 1632.

De Augustissimo, Et omnibus linguis ineffabili Eucharistia Sacramento, ac de sacrosancto, Et tremendo Missæ sacrificio Tractatus insignis. Neapoli in 4. 1632. apud eundem.

Quæ omnia varijs typis seorsim supposita, collecta in vnum prodierunt quatuor Tomis in fol. Neapoli typis Io. Dominici Montanari, & Iacobi Gaffari, expensis Io. Dominici Boue, cum Auctoris effigie pectore tenus ad viuum expressa; & sub titulo Theologiæ Moralis in quatuor partes diuisæ; quarum primam componunt Thesaurus Religiosorum, & Tractatus de Indulgentijs, & Iubilais; secundam

conficiunt Speculi Confessoriorum Pars I. & Pars II. vnà cum Tractatu de vitio Proprietatis; tertiam Tractatus de Pœnitentia, de Honoris Canoniciis, & de Quotidianis distributionibus; quartam veid Tractatus de Sacramento Eucharistiæ, & de Sacrificio Missæ absoluunt.

Typis parauerat & alios Tractatus Morales, quos inter *Tractatus de extrema vñctiōe*; sed morti proximis mss. inedita sibi deferri voluit, eaque à D. Benedicto à S. Mauro, Monasterij Infirmario, oblata coram se igni tradi voluit, ac omnia comburi.

Iam verò & prudentiæ Claustralis Bartholomæum à S. Fausto numeros expleuisse omnes, videre est ex ipsis Operum editorum præliminaribus. Qui enim in nuncupatione Speculi Confessoriorum ad Hieronymum Vidonium olim Monte-Regali Pœnitentiariū se narrat, Thesaurum Religiosorum iam Perusini Antistes Monasterij edidit. Insignem Tractatum de Indulgentiis, & lubilæis euulgauit Neapoli domus, quam ibidem incolimus, Moderator. Hinc Visitator Generalis renuntiatus Tractatum de Honoris Canoniciis publicæ vtilitati exposuit, & tandem Theologiæ Moralis Partem vnā, & alteram communis fecit iuris Prouinciæ Romanæ Prouincialis, quod munus post Bullam diuissæ Congregationis motu proprio Urbani Papæ VIII. editam primus exercuit, iubente eodem Urbano VIII. literis datis in forma Breuis, vt infra:

Dilectæ Fili salutem, & Apostolicam benedictionem. Aliàs à Nobis emanarunt literæ tenoris sequentis, videlicet: Urbanus PP. VIII. ad perpetuam Rei memoriam, Ad vberes &c. Cum autem sicut dilecti Filij Monachi dicti Ordinis Congregationis Reform. huiusmodi, Nobis nuper exponi fecerunt, Prouincia Romana eiusdem Congregationis Superiorem Prouincialem hæcenus non habuerit, nec habeat ad præsens. Pro illius verò prospero flatu, ac pace, & quiete maximè expediat, vt vnus Superior Prouincialis huiusmodi per Nos constituatur, & deputetur, ac proinde ijdem Monachi nobis humiliter supplicari fecerint, vt desuper opportune prouidere de benignitate Apostolica dignaremur. Nos pijs ipsorum Monachorum votis huiusmodi benignè annuere, felicique ipsius Prouincia gubernio, & directioni consulere cupientes, nec non de Tua fide, pietate, prudentia, & religionis Zelo plurimam in Domino fiduciam habentes, Te Pro-

uincia Romana Congregationis S. Bernardi Reformata huiusmodi Superiorem Prouincialem cum omnibus, & singulis facultatibus, auctoritatibus, præminentijs, concessionibus, fauoribus, gratijs, indultis similibus Superioribus competentibus, ac alijs solitis, & consuetis, usque ad Capitulum Generale proximè celebrandum iuxta formam Constitutionis dictæ Congregationis, Apostolica auctoritate tenore presentium creamus, facimus, constituimus, & deputamus. Mandantes dilectis Filijs Prouincia prædictæ Superioribus, & Monachis, ceterisque, ad quos spectat, ut Te in eiusdem Prouincia Superiorem Prouincialem sic per Nos deputatum iuxta tenorem presentium recipiant, & admittant, ac habeant, & recognoscant, Tibique pareant, faueant, & assistant. Non obstantibus omnibus illis, quæ in presentibus literis volumus non obstare, ceterisque contrarijs quibuscunque. Datum in Arce Gandulphi Albanensis Diæcesis sub Annulo Piscatoris die 19. Octobris 1630. Pontificatus Nostri anno octauo.

De pia vitæ clausula, quam Neapoli expleuit anno 1636. 20. Iulij, alius erit dicendi locus. Hic tantum subijciam probitatis, & doctrinæ vestigium ab Anonymo de eo editum:

In te Magne Pater fulget pietatis imago,

Exemplar cunctis est tua vita decens.

In te virtutes Charites posuere benigna,

Atque Minerua tibi munera larga dedit.

Palma tibi duplex summo seruatur Olympo;

Hanc sumes, superos cum tua fata trahent.

Aliud eiusdem.

Tu pius, & sapiens ad sortem natus utranque,

Terrea contemnis, quaque suprema petis.

Non te facta tua cogent decedere vita,

Terræque dum stabis, non moriturus ades.

1620. Franciscus à S. Bernardo, Parisijs professus 26. Maij anni 1619. vernaculo suo idiomate scripsit, & impressionis beneficio communia fecit

Speculum contritionis ad excitandam animam ad fugam peccatorum. Lutetiæ sumptibus Io. Heuqueuille in 12.

Scalam Clausuralium è Latino D. Bernardi Gallicè redditam. Ibid.

1620. penes eundem.

L 2

Dir-

Directionem interiorē animæ Religiosæ. Ibidem, eisdemque typis, & annō. Fuit Gallus Carnotensis, adeoque non confundendus cum alio Francisco à S. Bernardo sub a. 1642. laudando, qui fuit Pedemontanus è Monte-Regali, & Superior Generalis totius Congregationis; imò nec cum alio Francisco à S. Bernardo itidem Gallo, sed Burdigalensi, de quo supra ad a. 1618.

1621. *Ioannes Iacobus à S. Scholastica*, cognomento *Berthier, Tolosanus*, ex Oppido Granatensi, in recensione virorum pietate illustrium alitius repetendus, dum Burdigalæ Ecclesiastico Concilio Eminentissimi Principis Card. de Sourdis præflet, Congregationem S. Ursulæ instituit, condiditque

Statuta, & leges eiusdem Congregationis.

Elimauerat & pijsimum aliud opusculum sub titulo

Peregrini Agonizantis, quo sub prælo defudante, agonem suum consummauit in Domino septimo Idus Octobris, æui labentis anno primo & vigesimo.

1622. *Philippus Malabayla*, doctrinæ nitore, generis claritate, gestisque muneribus præstans, quemadmodum secundam huius Theatri partem Pædo Generalitio luculenter impleuit, ita & tertiam vigiliarum recensione decoret operæ pretium est. Sunt autem

Hist. B. Mariæ Virginis præpè Montem-Regalem miraculis coruscantis. Parisijs apud Io. Heuqueuille 1622. in 4. iterumque vernaculo sermone a. 1627. Monte-Regali per Io. Thomam Rubeum

Vita Diui Bernardi Abbatis Clare-Vallensis, Italico eloquio primò luce donata, idque Taurini in officina Io. Dominici Tarini, & secundò Neapoli apud Io. Dominicum Montanarum, & Iacob. Gassarium anno 1634. digna planè quæ sæpè sæpius recudatur; quandoquidem Auctor pio, suæque stylo eam in hoc Opere assequutus sit laudem, vt de mellifluo Bernardo scribens, melleus alter Bernardus censeatur.

Acta Sacra, Opus bipartitum in gesta Sanctorum, ac Beatorum Ciuitatis Astensis, & in vitas Episcoporum, narrationemque cæterarum rerum ad res sanctas eiusdem Ciuitatis spectantium.

Disquisitio de S. Brunonis Astensis, Episcopi Signiensis ortu, Canonatu, & recessu à Cassinensibus, edita in præliminaribus Operum eiusdem S. Brunonis Astensis, impressionis Venetæ.

Clypeus Civitatis Astenfis, liber Apologeticus, varia eruditione de Institutione, & iuribus Regni Italia exornatus. Lugduni impensis Michaelis Liberal 1656, in 4. & primò Astæ in 8. penes Franciscum Antonium de Zangrandis sub nuncupatione *Clypei Civitatis Astenfis ad retundenda tela, qua Auctor Chronol. Historia de Prasulibus Pedemontanis*, (is fuerat Franciscus Augustinus ab Ecclesia Episcopus Salutiensis) in eam intorsit.

Oratio funebris in obitu S. Francisci Salesij dicta Lugduni in Ecclesia Sanctimonialium Visitationis 2. Februarij 1623. & Parisijs anno eodem euulgata in 4. ex typographia Io. de Heuqueuille.

Oratio alia in laudem eiusdem S. Francisci dicta Annessij Gebennensium ad Moniales Visitationis, & Italicè Taurini excusa penes Hæredes Io. Dominici Tarini in 12. Eminentissimo Principi Cardinali à Sabaudia inscripta.

Apologia in Baronium. Quod Divus Gregorius Magnus fuerit verè Monachus Benedictinus, eidem Baronio ab Auctore præsentata.

Apologia pro Sancto Eufasio contra Io. Bellainum. Quæ licet vigiliæ Philippum Malabaylam satis abundè commendent, haud tamen abs re erit Auctores subnectere, qui præter nostræ disciplinæ alumnos, debitas in eum laudes congerunt. Franciscus Augustinus ab Ecclesia Hist. Chronolog Pedemont. Region. pag. 401. sic habet: *Philippus Malabayla ex Comitibus Canalis, Astenfis Diæcesis, Monachus Ref. S. Bernardi, vir in liberalibus disciplinis hand mediocriter versatus, ac celebris Historicus.* Hyppolitus Marraccius Bibliothecæ Marianæ P. 2. pag. 296. inquit: *Vir sanè genere, doctrina, pietate, prudentia, alysq; virtutibus clarissimus; & paulò infra: Adhuc inter mortales vitam ducebat, vir maxima in Desparam Virginem deuotionis anno salutis 1642.* Sed & Ferdinandus Vghellus Ital. Sac. T. 4. pag. 476. facit Catalogum Episcoporum Astenfium Italiæ Sacræ insertum se collegisse ex monumentis Vaticanis, tùm ex alijs sibi Romam transmissis à docto, & erudito Philippo Malabayla, Monacho Cisterciensi, olim Congregationis Fuliensium Monachorum S. Bernardi emerito Generali, patria, & Ecclesiasticarum rerum longè perito.

1622. N. Vitam contexit venerabilis Patris Caroli à S. Bernardo, Fundatoris Monasterij in Oppido Fontanensi, melliflui Patris nostri

nostri solo natali, potissimum verò à natalium splendore, morum innocentia, vitæ asperitate, & pia vitæ clausula commendatissimi. Deuixit Carolus æternitati maturus, licet in ætatis flore, pridè Id. Martij anni à Virginis fœcunditate primi & vigesimi supra millesimum sexcentessimum. Auctor verò, quòd latere sub velo gauderet, eius gesta Heuqueuillanæ calcographiæ submisit anno insequenti in 8. non suo, sed Domini de Tournemeulle nomine præfixo.

1623. *Petrus De Floies, Lemouicensis*, ille, qui illustriora Galliarum suggesta per tot annorum curricula gloriòse adeò impleuit, die 8. Septembris anni secularis 1600. sub Monastica *Petri à S. Bernardo* appellatione disciplinæ se deuonit Lutetiæ. Scientiarum candidati partibus ingenio Sodalibus præ cæteris exporrecto, absolutis, ingenio ad publicam eloquentiam propenso indulgit. Illum Christianissimi Reges, illum, præter Parisios, Lugdunum, Burdigalam, aliæ frequentissimæ Vrbes non semel audire actione, voce, memoriæ tenacitate, verborum delectu, & copia, doctrinæ varietate gratissimum, nec minus conuersationis probitate, ac ignea quadam efficacia cordis intima penetrantem fructuosum. Permagni illum faciebant viri doctissimi, & pietate clari, potissimum verò S. Franciscus Salesius, cui erat perquam familiaris. Ab eo emanata supersunt

Oratio funebris habita Lugduni 28. Ianuarij anno 1623. ad Virgines B. Mariæ de Visitatione in funere dudum celebrati S. Francisci Salesij, ac ibidem eodem anno impressa typis Io. Iullieron in 4. Præoccupauerat & Parisienses excusores alia Opella in 8. materna sua lingua exarata, cuius attitulatio est:

Dedicatio Religiosa, seu considerationes, exercitiorum spiritualium methodo disposita, pro annua votorum Monasticorum renouatione.

Vtinam concionibus magni ieiunij diebus, alioue tempore ad populum nunquam absque subscelliorum plausu habitus, potiremur! Ingens sanè desiderium superstes de eo fama vellicat. Sed qui alios cogitabat typos, ad dignitates Ordinis Provincialis, Prioris, Superiori Generali à Consilij præterea euocatus, agendo potius, quàm scribendo senectam clausit, denatus Burdigalæ pridè Idus Septembris anno 1666.

1625. *Petrus à S. Ioseph, Comagere*, largiori cum commendatione
per

per doctissimorum hominum ora volitans nomen, honesta familia, *Aufensis*, perspicacis vir iudicij, tenacissimæ memoriæ, dilucido potissimum, profundoque ingenio, & cui ægra semper cum valitudine ingens mentis vigor inesset. Quarto supra nonagesimum ætatis nostræ anterioris anno natus, admodum adolescens, Lutetiæ Fulientibus adhæsit. Tyrocinio exacto, vorisque publicè emissis, in eam rem nervos intendere omnes visus est, ut Philosophorum, & Theologorum scita ediceret, elucidaret, & compendiosè perstricta, mirè distincta, & digesta, voce, calamo traderet. Nec mora. Dum totus in Cathedra, totus in circulis est (non enim vel ipsa honorum collatione, familiarumque regimine à studijs auelli diù passus est) primam doctissimi Philosophi, sapientissimique Theologi laudem assequitur. Et reuerà quanta cum fruge laudatis in huiusmodi disciplinis excelleret, farentur tot nostrorum Comitiorum Generalium Coetus, qui feruenti, & studioso eius ingenio fauendo propensi, Sodalibus instituendis per integros triginta annos adiuuauerunt, nec à scholis regendis ad res domesticas pertractandas euocarunt vquam, nisi in grauiori ipsa senectæ, cum, vir bus doctas inter lucubrationes iam ferè consumptis, Præfeti Tolosæ, & Seduni, ac mox Censoris in Prouincia Franciæ caractere condecorarunt, quo in munere diem suum obiit. Fatetur auida vbique eius vigiliarum exceptio, nec Bibliopolis minus vquam lucrosa distractio, quamplurimæ in omni forma impressiones, adeoque frequens typis submissio, ut *Idea Theologiæ* anno 1640. prælo lolsæo publici iuris primò facta, in eadem officina anno deinde 1653. reimpressa cum septimæ editionis gloriâ nouam iam lucem aspiceret. Fatentur Nebulones ipsammet Ideam sub *Solis Theologici*, & *Hermetis Theologici* nuncupationibus recudere ausi, debitam Auctori gloriam, sublato eius nomine, proprio apposito, sibi vindicare nequaquam veriti. Fatentur cum lausq. fautoribus haustos ad deponendos errores solidis confutationibus additis, vitæ à rebus humanis sequestris detractores, quibus, Saraphicus alter Bonauentura, silentium imposuit, cum se se doctæ Apologia opposuit. Fatentur Romæ Sedis, & Galliæ Episcoporum laceßenda ab auctoritate repressi Nouatores. Fatentur tandem publica de eo fama, & existimatio. Parisijs in difficilimis Fidei controuersijs, & Theologiæ disceptationibus permagni ponderis erant Petri à S. Ioseph.

vox, & sensus. Discrepantias opinionum inter scholas Iesuiticam, & Thomisticam exortas, nescias, an suaviùs, an doctiùs composuerit. Scholastici ab ipso concinnati labores, ob præscriptam Lectoribus Legem eos tantùm triennali in studiorum pulvere nostris tradendi, Philosophiæ, & Theologiæ Fulienfis nomine nuncupantur. Factentur cum celebri inscriptione in Capitulo Monachorum Parisiensium, in quo diem nouissimum præstolatur, ad perennem eius memoriam erecta, longa etiam voluminum series. Inscriptio inquit:

Sta quisquis es, & Luges

Mors ex Orbe abstulit

Rev. P. Domnum Petrum à S. Ioseph,

Quem Ciuitas Auscensis Orbi olim dederat,

Quem Congregatio Fulienfis iuuenem gaudens susceperat,
Quem rectè gesta, doctèque scripta Mund' celebrem reddiderant,

Quem religio, & pietas Deo, Angelis, & hominibus
Gratum fecerant,

Cuius memoria in benedictione etiam apud posteros erit,
Suis charus, omnibus probis probatus, inter doctos insignis,

Fide integer,

Solis improbis, & Hæreticis inuisus fuit.

S. Ecclesia, & Sedis Apostolica Cultor obseruantissimus,

Et viriusque hostium debellator inuictissimus,

Sapè, imò semper languidus corpore, & quasi incorporeus,

Quia totus mens, & totus intelligentia;

Apud suos in Theologia, & Philosophia Lectoris munere per 30. annos

Summa cum laude functus est.

Ideas Theologia, & Philosophia summa breuitate, simulque

Mira claritate conscripsit;

Vita Religiosa obrectatorum nimiam loquacitatem

Doctissimis scriptis fortiter repressit;

Iansenianam hæresim per Gallias grassantem

Inuictò labore feliciter expugnauit;

SS. Patrum, in primisque S. Augustini, ac D. Thomæ doctrinam

Ab omni labe constantissimè vindicauit;

Summi Pontificis, Episcoporumque Gallicanorum auctoritatem

A Nouatoribus impetitam, acerrimè defendit;

Deni-

*Denique de Religione, de Ecclesia, de Theologia, & Philosophia
Benemeritus, & Doctor, Scriptorque emeritus*

Nusquam satis merendus

Heu moritur! si moriturus

Die 10. Jul. anno Incarnationis Dominica 1662. aetatis suae 68.

Orate pro eo.

Operum verò Elenchus hic est:

De gratia. Parisijs 1625. in 8.

De Sacramentis Ecclesiae. Tolosæ penes Petrum Bose 1627.

Defensio S. Thoma Aquinatis, Doctoris Angelici adversus recentiores quosdam Theologos, qui Prædestinationem Physicam ad actus liberos ipsi falsò adsignant. Lugduni 1633. in 4. & Duaci apud Balthazarum Bellerum.

Suavis concordia humana libertatis cum immobili certitudine prædestinationis, & efficacia auxiliorum gratiae. Parisijs 1639. apud Mathurinum du Puis in 4.

De admirabili Sacrosanctæ Eucharistiæ Mysterio. Parisijs 1640. apud Georgium Iosse in 8.

Idea Theologiae speculativæ, moralis, & Sacramentalis Volumina quatuor in 8. Lutetiæ apud præfatum Iosse 1640. & multoties alibi in 8. & in folio, opus nunquam satis laudatum, nec satis impressum.

Defensio S. Augustini Hipponensis adversus Augustinum Iprensensem quoad auxilia gratiae, & humanam libertatem. In eadem officina 1643.

Sensus Sancti Francisci Salesij in Controuersia de gratia. Parisijs 1644.

Examen Theologiae modernæ ad trutinam veræ Theologiae completens materno Auctoris sermone volumina duo, in quorum priori agit de opinionibus concernentibus materias de gratia, & auxilijs, vindicat Ludouicum Molinam Soc. Iesu ab impugnatoribus quibuscunque antiquis, & recentioribus, maximè autem à Iansenio. Reicit præcipuas Iansenistarum maximas, & N. Habert Antistitem Vaprensem ab Apologista Iansenij Episcopi Iprensis defendit. In posteriori verò tractat de duobus Ecclesiæ Capitibus, detegit, & corrigit errores libri *De amplitudine Ecclesiæ Romanæ*, ab Auctore anonymo Gallicè editi. Lutetiæ 1647. apud Mathurinum in 4. magno.

De Sacramento Pœnitentia, & frequenti Communione, typis Maturini, & Ioannis Hainault 1648. Parisijs.

Eucharisticon, idest Epistola in gratiarum actionem ad Illustrissimum, & Reuerendissimum Abbatem Bouisè, ibidem 1650.

Consensus Orbis de gratia sufficienti. Ibidem apud Iosse 1652. in 12.

Defensio Episcoporum contra Iansenistas. Ibidem eodem anno.

Conferentia S. Sulpitij. Ibidem 1652. in 8.

Idea Philosophia rationalis, seu Logica, tractans de mentis directione.

Idea Metaphysica, tractans de rationibus vniuersalibus rerum.

Idea Philosophia naturalis, seu Physica, de ijs qua spectant ad cognitionem rerum naturalium.

Idea Philosophia Moralis, seu Ethica, de Beatitudine, de actibus humanis, & de Virtutibus moralibus. Quatuor hæc volumina prodire etiam Parisijs anno 1654. in 12. typis Iosseis.

Defensio Constitutionis Innocentij X. Pontificis maximi, in qua damnantur quinque propositiones Iansenij. Ibidem 1656. in 8.

Mens Augustini, imò & totius Ecclesie circa opiniones à facultate Parisiensi examinatas, contra eos, qui presati Augustini auctoritatibus abutuntur.

Opuscula spiritualia, inter quæ recensetur Preparatio anima deuota ad Christi Mundo nascentis amplexus. Tolosæ.

*Opuscula contra Vitæ Claustralis improbatore*s.

Confutatio libri à Dionysio Raymundo euulgati pro assertionem quinque Iansenij propositionum. Parisijs 1661 in 8. penes Muguet.

Defensio Formularij. Ibidem 1662.

1630. *Carolus Vialart*, deposito, ad Religionis præscriptum, agnomine Sæculari, à S. Paulo, dictus, meritorum suffragio in totius Congregationis moderatorem assumptus, maioriq; virtutum incremento in dies excrefcens, gregi Abrincensi Pastor datus, Generalitias, ac Episcopales infulas doctis insuper monumentis coronaturus typis, Gallico suo eloquio, adaptauit

Templum felicitatis, volumen in folio, iconibus excellenti penicillo expressis, & eruditis interpretationibus explanatis, ob hominum oculos ponens veram felicitatem à fallacibus Mundi delicijs, vanisque

nisque diuitijs haud pendere, quinimò à morum perfectione, ac spiritus tranquillitate, à contemplatione, & amore, queis Deus ab anima possidetur. Excudebat Parisijs Carolus Cramoyfi in magno folio 1630.

Tabulam eloquentia Gallica, Opus, in quo Oratori aptè loquuturo perfectionem Rhetorici discursus exprimit; proponit methodum tenendam in verborum delectu, & in periodorum concinnatione, in styli efformatione, & partium dispositione; aperit inuentionum fontes, pandit materiarum penu, agit de ornatu, nec regularum obseruandarum omittit vllam. Ibid. in 8. 1632.

Geographiam sacram, siue notitiam Episcopatum Ecclesia uniuersa. Ibid. 1641. ex officina Sebastiani Cramoyfi cum tabulis æneis in folio.

Petrus à S. Romualdo suo loco celebrandus in Epistola dedicatoria sui Thesauri Chronologici plura scripsisse narrat, quæ locupletes eloquentiæ, doctrinæ, atque pietatis Thesauri sunt. Verùm quænam hæc sint minimè refert, nec ego vidi præter

Tabulam Magdalena, Parisijs luci explicatam 1628. in 8. & à Carolo de Vvisch falsò attributam Io. Golutio.

1630. *Alexander*, patria *Monf-Regalensis*, gentilitio agnomine *Vitalis*, Monastico autem à *S. Catharina*, ad arctioris Cistercij statum Romæ conuolauit, ubi anno 1615. diuini se obsequij sacro iureiurando perpetuum mancipem dixit. In ipsis conuersationis primordijs eas visus est dotes secum adduxisse, quibus breui doctrina, ac sanctimonia elucesceret. Et ingenij quidem illud studendo specimen dedit, vt mox alijs erudiendis haud impar foret. Pietatis verò radij non ita post multò enituere, cum assumpsit demandatam sibi prouinciam tradendi Tyronibus leges vitæ à Mundo sequestris. Militantibus in pœnitentiæ Castris suæ asperitatis norma præibat. Cœlestis institutionis rudimenta ponentes Cœlo inhærere totos continua rerum æternarum meditatione edocebat. Monasteriorum exinde renuntiatus Antistes, hoc est à Nouitijs ad veteranos spiritualis pugnæ regendos Athletas euocatus, clarioribus in dies radijs enituit. Nunquam familiæ sanctiores, quàm eo Præsidente, & suo exemplo calcar addecente currentibus, ne quis non acciperet brauium, & compræhenderet. Quantus porrò vir Alexander Vitalis foret, vltimum eius Re-

gimen Pinerolium suspexit. Epidemia anno 1630. grassante, cum selecto suorum Ascetarum agmine illicò in charitatis arenam descendit. Lustrare domos, Xenodochia inuisere, ope destitutis opem ferre, Eucharisticum salutis Viaticum ministrare perrexerit, donec sæuo morbo & ipse correptus, opima amoris in proximum victima occubuit. Huiuscemodi verò curis ita distentus est, ut prælos etiam occupare in animo haberet. Reliquit perpulcra spiritualia opuscula mss. inter quæ habetur, Italicè tamen

Iuge virtutum exercitium pro Sanctimonialibus. Hæc Rossotus in Appendice ad Syllab. Script. Pedemontij, ubi refert prænarratum libellum se inspexisse penes P. Vitalem de Vitalibus Ord. Min. de Obsequantia Auctoris Nepotem, mox imprimendum.

1635. *Franciscus Manfredus Vercellensis*, post habitus susceptionem *Franciscus à S. Mauro*, Theologiæ fori conscientia directoris cum paucis gnarus, operam probauit suam Monte-Regali, ubi multò temporis Pœnitentiarium egit. Diuini verbi annuntiator non vltimæ notæ, Poësis quoque amantissimus, pangebatur metro heroico

Virginitatem coronatam, idest *Vitam S. Agnetis Virginis, & Martyris*. Videtis Rossotum in Syllabo.

Disciplina initiatus Aetate quarto Idus Iunij anno 1635. spiritum posuit Vercellis decimo sexto Calend. Augusti anno 1670.

1637. *Claudius de la Nove*, in Fulentium Cœtum sub cognomento *Claudij à S. Petro* Lutetiæ aditus, vixit die per vltima Iunij 1615. religione, ac doctrina præditus, disciplinas, quibus iuuentam imbuerat, impertiri & ipse alijs potuisset. Verùm pietati addictus, operis cœlestis officijs ad decrepitam vique ætatem vacare visus est, idque non priuato duntaxat obsequio, sed lucubrationibus directioni domus Dei, Choro, & Ecclesiæ opportunissimis, nimirum compilauit

Ceremoniale Fulensium Lutetiæ dissimulato suo nomine luci expositum 1637. in 8.

Abijt è mortalibus deuexo ad senium ætate anno 1660. 20. Octobris, locumque sepulturæ Parisijs accepit, ubi & Religionis mancipem se se præbuerat 29. Iunij anni 1615.

1640. *Nicolaus Grandinus, Romanus*, assumpto deuoto agnomine

mine *Nicolai à S. Vincentio*, in Ordinem cooptari voluit ad S. Pudentianæ, vbi spiritualement sub Reformationis signis sequi militiam iuravit 29. Maij anni 1640. Desudauit in studiorum puluere magna ad palmam contentione, quæ ei nemini præ ingenio inter commilitones secundo, mox adiudicata est, cùm ex auditore in Cathedricum humanæ, diuinæque scientiæ transijt. Rexit familiam S. Bernardi ad Thermas, aliæque obiuit munera, & nisi à scribendo sistere mors imperasset, quæ cum anno 1652. apposuit ad reliquas prædefunctorum cineres, alia reliquisset sui calami monumenta præter *Animaduersiones in vniuersam Theologiam scholasticam, & Philosophiam* quarum meminit Carolus de Vvitch Biblioth. Script. Sac. Cisterciensis Ordinis pag. 252.

1640. *Georgius à S. Benedicto* Oppidum propè Cherium, *Ripa* appellatum, patriam habuit, ex familia *Celle* progenitus. Mundum exosus, quando Mundi fabulam, sexdecim annorum puer propius intueri nondum valebat, Religioni se dedit in celebri Abbatia Beatæ Mariæ secùs Pinerolium, Principem ante cuius aram consuetis disciplinæ votis authoratus est xj. Martij anni 1612. Vbi verò literariam se se in arenam coniecit, ingenium prodidit omnigenæ eruditionis vorax, in Rhetorices amœnitatibus florentissimum, in studijs scholasticis ardens, ac peracutum, adeòque Præceptorum expectationi satisfaciens, vt mox alios edoctrus in Asceterio Abundantiæ propè Geneuam Cathedram & ipse conscenderit. Lectoratum Sparta magna cum laude absoluta, prudentiæ, ac Monasticæ institutionis zelo exciuit PP. conscriptos ad sublimiores sibi Prouincijs demandandas. Monasterijs ius prouidi Antistitis dixit, Prouinciæ Subalpinæ cum Prouincialis imperio præfectus est. Procurator Generalis creatus, rem communem in Curia Romana promouit. Assessor, & Visitator Generalis renuntiatus, vi consilij, & Censoria potestate toti Congregationi præstò fuit. Nec implendis collatorum tot sibi munerum numeris ita detinebatur, vt typis occupandis vacare omninò nequirit. Nam præterquamquod foecundo, viuacissimoque instructus erat ingenio, redimebat nocturnis vigilijs dici à curis absorpti dispendia. Sola, proh dolor! infirmitatum incommoda ab ampliandis Reipublicæ literariæ vtilitatibus illum præpediebant. Podagra, & Chiragra ad supremam vsque horam grauissimè laborauit, morbis nempe infensis.

fenfissimis, quibus & sublatus est anno 1652. septuagenario minor. Aderat Monte-Regali paucis antequam spiritum ibi efflaret diebus Christina à Francia, Regum Filia, Soror, Coniux, & Parens, cùmque pietatis causâ deuotissimam ad Virginem Vicensẽm adornasset peregrinationem, antequam Templum ingrederetur, Georgium à S. Benedicto, quem lethaliter decumbere rescuit, salutatum misit, votisque ante miraculosę Imaginis aram persolutis, suo & in cubiculo inuisere voluit, benignitate coronatis frontibus insolenti ostensura, quanti haberet celebrioris famę virum. Cuius ne multę doctrine memoria depercat, facit

Totius Dialectica Enchiridion Taurini luci productum 1641. in 4. penes Io. Iacob. Rustis.

Peripatetica Philosophia Commentarijs, & Disputationibus illustrata Pars prima vniuersam Logicam complectens in eadem officina typis supposita, sed podagrę vitio non absoluta. Folia excusa vnâ cum Dialecticę exemplaribus adseruantur Taurini in Biblioth. B. Marię Consolatricis, præclarum Philosophi eximij, & in enodandis difficultatibus facilis, dilucidique monumentum.

Eius item cura prodierunt Romę apud Malcardum anno 1640.

Deuota opuscula *De contemplatione, de Nundinis anima, De octo Beatitudinibus, De perfectione Seruorum Dei*. At mss. hæc à tuncis vindicata sint ne Bernardo bene attributa, viderit ipse. Ego cum alijs sentio Bernardi calamum nequaquam sapere. Edidit &

Stellarium gloriosa Virginis Disparentis Maria Taurini excusum impensis Bartholomæi Zappatæ in 12. 1640. sed libellus est obiter tantum indicandus, quod Romana Censura notatus sit, & Operum prohibitorum Indici illatus.

1640. *Ioannes à S. Martiali*, qui domo *Vincent, Lemouicis* natus, anno seculi anteaeti penultimo, mensis verò Decembris luce prima post vigesimam Parisijs Institutioni se addixerat, in diuina pagina, & Sacra Historia diu versatus, comparatam in legendo eruditionem posterorum vtilitati accommodauit, ediditque

Annales sacros à Mundi exordio ad Mundi Saluatoris annum 34. Lutetiæ 1640. impressos cura, & opera Georgij Iossæ Bibliopolæ in fol.

Commentaria in Epistol. Pauli Apostoli ad Hebræos. Ibid. quadrienniò post in fol.

Quanta autem , quantumque perspecta probitate , & prudentia instructus foret , solaribus radijs clariùs comprobant , quæ sustinuit , dignitatum pondera Prioris , Prouincialis , Visitatoris , vtque prima Abbatis Generalis consilia vocamus , Assistentis . Extremum humanæ naturæ pensum soluit Plessiaci tertio Nonas Iunij 1648. magno sui desiderio relicto.

1641. *Antonius Lopez de Quintal , Scalabitanus* , frater germanus Mariæ à Seraphinis Ord. Cisterc. in Cœnobio S. Bernardi de Almuſter Sanctimonialis clarissimæ , cuius vitam , & virtutes edidit 1666. Idiomate Lusitano Fr. Emanuel à Resurrectione Procur. Gen. Augustinianorum nudipedum in Regno Portugalliæ ; acerrimi vir ingenij , Iuris Cæsarei , & Pontificij peritia excultus , Philosophus , ac Theologus , composuit Latij lingua

Scholia in nostras Constitutiones.

Responsionem ad libellum P. Andrea Blanci è Soc. Iesu , sub nomine Candidi Philalethi Sacerdotis Ianuensis , excusum Genuæ 1642. in 8. postea Matriti 1645. & Cremonæ 1646.

De opinionum praxi.

Responsionem ad tractatum de opinione probabili Prosperi Fagnani, & Antonij Marinarij.

Etrusco autem sermone scripsit

Vitam S. Romana Virginis.

Stipendia sub nostris signis facere cœpit Neapoli 1641. sub nomine *Antonij à S. Vincentio* , 24. Iulij , & miles emeritus diem suum obiit in Monasterio Ciuitatis S. Angeli , vnde eius mss. Romam delata asseruantur in Bibliotheca S. Pudencianæ.

1641. *Petrus de Sanctis* , origine *Abbeuillanus* , Monastico cognomento , quod octauo Cal. Ianuarij anni 1609. vnà cum habitu assumpsit , dictus à *S. Maria Magdalena* , adornauit

Tractatum Horologiographicum , in quo docet formationem Sphærarum , & omnis generis Horologiorum , etiam eorum , quibus nocte cognosci queant horæ , necnon fluxus , & refluxus maris. Impresor extitit Franciscus Langlois Bibliop. Parisiensis 1641. in 8. eademque forma 1645. & tandem quarta editione auctum , & reuisum , editumque Lugduni 1674. penes Franciscum Demasso in vico Mercatorum . Hic strictioris disciplinæ exactissimus cum paucis obser-

uator

uator claruit. Dignitatum ambitum nescijt. Ab vnius Cœnobij demandata sibi administratione, triennio nondum absoluto, volens abijt, & inter fabricandas temporis mensuras cogitans dies antiquos, nec vnquam quantum sibi ad mortem superesset ætatis immemor, tempori denascitur Parisijs 24. Februarij 1648. annis æternis, quos in mente habebat, oriturus.

1641. *Lucas Bertolotus* inter Congregationis Archimandritas iam laudatus, inter Athenæi lumina iterum celebrandus venit. Floruit omni politiori literatura excultus, disertus si soluta, facundus si ligata scriberet oratione, potissimum verò lapidaria excellens in arte, cuius vt fastigium attingeret, assequi enixus est Taurinensem Phœnicem Emanuele Thesaurum, artis eiusdem vnicè commendandum Magistrum, prout luculento ipsemet anagrammate edocuit, cum dixit:

Dominus Emanuel Thesaurus Patritius Taurinensis, & Comes.

Anagramma.

Scio te utriusque lapidaria artis nostrum natum esse Numen.

Excellentiæ in huiuscemodi scribendi genere, alijsque specimen sunt

Hotrerica Luca Bertoloti, seu Ius Ducum Sabaudia in Regnum Cypri, amenissima sub narratione, & anagrammaticis sub nominibus descriptum, quinimò & ipse operis titulus lepidus, & anagrammaticus est, confectus ex inuersis huius nominis *Rhetorica* literis, & Auctoris in *Rhetorica* felicitatem ostendens. Prodiit Romæ anno 1641. typis Francisci Monetæ in 12.

Columba Pamphilia. Elog. ad Innoc. X. Pont. Max. penes eundem Monetam 1645. in 4.

Nardus Gallica, Specus Bethlehemitica. Elog. in Diuum Bernardum, ibidem 1650. in 4.

Alcydes Mysticus. Aliud in eundem Claræ-Vallensem Abbatem elogium, ibidem ex officina Io. Petri Collinij 1652. in 4.

Elogium Francisci Peretti Card. Montalii. Ibid. apud Manelphum Manelphij 1652. in 4.

Io. Bona Card. S. R. E. Eminentissimi vita Camillo Card. de Maximis inscripta. Astæ apud Secundum Victorium de Zangrandis 1677. in 8.

Diui Bernardi Mellisui Ecclesie Doctoris gesta illustriora, elogiaco relata stylo; seu vno & triginta supra centum elogijs, totidemque historicis enarrata prosis, opus postumum, quod publici iuris factum habemus opera D. Matthæi à S. Benedicto, & calculis Nicolai Angeli Tinassij Camerae Apostolicæ Impressoris Romæ anno 1682. in 4.

Ab eo præterea extant Italico idiomate

Cardinalis Montalti currus: opus, vt inquit Rosfotus, tum styli elegantia, tum sententiarum splendore iucundissimum. Ms. in Bibliotheca B. Mariæ Consolatricis Taurini.

Antistes Regularis.

Item Latino sermone

Centum Morales Conscientiæ casuum resolutiones.

Cor Iesu amanti Sacrum, pijs, & affectiuis meditationibus eidem Iesu anagogicis motibus purgatum, illuminatum, unitum. Ms. in Bibliotheca S. Bernardi ad Thermas.

Vberiores ex eius Minerua fructus posteritas demeteret, si præcipuis Claustri dignitatibus obruto licuisset monumentis excudendis se totum impendere. At quæ à typis Monasticæ eum distrahebant curæ, typis ipsæ reddebant. Quod enim à Galliæ Prouincijs, multoque post tempore à Missalis, & Breuiarij Cisterciensis ritibus facta secessione, legum, cæremoniarum, & cantus nedum codices ad statum præsentem satis accommodatos haberemus, quodque inserta Constitutionibus desiderarentur sancita Capitulorum Generalium plurima, quæ iam repetita approbatione in Constitutiones transierant, hanc ille Spartam ornaret operæ pretium fuit, quod & ad omnium votum cumulatissimè præstitit, præbuit nimirum.

Manuale Chori ad usum Congreg. Monach. S. Bernardi Ord. Cisterciensis, ea continens, quæ vel cantari, vel recitari solent. Romæ typis Iacobi Fei Andr. fil. 1667. in 8.

Regulam Sanctissimi P. N. Benedicti Abbatis cum Constitutionibus, & declarationibus Congreg. Monach. Reform. S. Bernardi Ord. Cisterciensis, auctoritate Capit. Gen. anni 1667. recognitis, & emendatis. Romæ apud Successorem Mascardi 1668. in 8.

Rituale Monasticum Cong. Reform. S. Bernardi Ord. Cisterciensis. Ibidem apud Success. Mascardi 1668. in 8.

Librum Choralem Hymnorum, & Antiphonarum, tam serialium, quam

quàm precipuarum festiuitatum, & Officij Defunctorum, cum notis cantus ad usum Cong. Reform. S. Bernardi Ord. Cisterciensis. Ibidem apud eundem 1669. in fol.

1641. *Andreas Rossotus*, ciuis Montis-Regalis, Congregationi se mancipauit Pinerolij pridie Calend. Octobris anni à Virginis partu 1627. *Andreas à S. Ioseph*, ab eo tempore dictus. Philosophiæ naturalis, & Sacræ Theologiæ studijs mox Romæ excultus, hominem præbuit non minùs aptum verbis ad populum ex suggesto faciendis, quàm facultatibus speculatiuis ex Cathedra explanandis. Francisci Adriani Card. Ceux Theologus, Præfecturas etiam Monasteriorum nonnullas gessit; & grauiores inter Patres aliquando adscitus, obiuit Romanæ Prouinciæ inspectionem. Mortalitatis sarcinam deposuit vbi mortalis vitæ primam delibauerat auram, cùm ab eius calamo iam emanassent

Casus Davidis. Romæ apud Mascardum 1641. in 12.

Maria Constantia. Ibid.

Lamentationes Aman. Ibid.

Iacob repatrians. Ibid. penes Hæred. Corbelleri 1646.

Philistheus prostratus. Ibid. 1653. apud Io. Petrum Collinium.

Aula vicissitudines expresse in Fauoritorum vitis, hoc est Thomas Volsenius Card. Eboracensis nuncupatus lib. 1. Ibid. 1652. excusore Francisco Moneta.

Thomas Cromuelus lib. 2. Ibid. 1655. ex officina Angeli Bernabò.

Barda Constantinopolitani Imperatoris Priuatus lib. 3. Apud eundem 1657.

Virtutis triumphatricis, ac vitij deiecti Dialogi sex. Genuæ prælo Petri Io. Calenzani 1661.

Musarum etiam amantissimus edidit

Sidera festiua ad Magorum stellæ exortum. Romæ apud Angelum Bernabò.

Magorum peregrinatio. Ibid. 1649. impressoribus Corbelleri Hæredibus.

Sancti Sebastiani, aliorumque Christi Martyrum in Cæmeterio Callixti quiescentium Epitaphium, quod etiam publicæ vtilitati exposuit in Vrbe Franciscus Moneta 1651.

Hæc scripsit Italica lingua. Quæ verò Latino idiomate dedit, sunt

Axio-

Axiomata vera, & Sacra Philosophia. Genuæ typis Petri Ioannis Calenzani 1660.

Syllabus Scriptorum Pedemontij, seu de Scriptoribus Pedemontanis, in quo brevis Librorum, Patriæ, Generis, & nonnunquam Vitæ notitia traditur. Additi sunt Scriptores Sabaudi, Monferratenfes, & Comitatus Niciensis. Patrijs typis Francisci Mariæ Gislandi 1667. in 4. Cuius Bibliothecæ editioni immortalis elatus est ad Deiparæ Vicensis Templum, ubi iacet, famæ diu viuiturus ob perennitatem nominis, quod commendant Carolus de Vvisch, Franciscus Augustinus ab Ecclesia, ille in nomenclatione Scriptor. Ord. Cisterc. hic verò in Catalogo Script. Pedemontij; Carolus Chartarius in Syllabo Aduocator. Concistorialium; Santhus Comes in lib. inscripto Sapientia Stoicorum; Hyppolitus Marracius in Biblioth. Mariana; Aprosius Abintimiliensis in suo Museo Aprosiano; & Nicolaus Antonius Bibliothecæ Hispanæ doctissimus compiler in præloquio ad Lectorem, ubi cæteros recenset, qui Patriæ Scriptorum Catalogos concinnarunt.

1642. Io. Franciscus Maynardus, ille videlicet Franciscus à S. Bernardo, quem ad totius Congreg. clauum quinquenniò confedissemus, aliquot reliquit sui calami vestigia, quæ, Italico tamen sermone conscripta, nuncupantur

Idea Magistri Clausstralis. Romæ 1642. in 12. excusore Dominico Marciano.

Fides oculata Examinatoris Regularis. Tractatus agens de discretionem spirituum ei necessaria, cui incumbit seligere, & admittere postulantes habitum Religionis. Ibidem 1644. in 8.

Tenebre illustrata, seu Vita B. Clara Agolantis. Bononiæ in typographia Iacobi Montis 1651. in 4.

Innocentia triumphans in præclarè gestis à S. Bernardo Abbate Clara-Vallensi. Ibid. 1654. in 4.

Gloria Ariminenfes, Vita scilicet S. Gaudentij Episcopi, & Martyris. Arimini 1659. in 4. sumptibus Simbeni.

Spiritus S. Bernardi. Opus duobus distinctum voluminibus. quod Mediolani impressioni subijcere parans, vitam cum morte commutauit, spiritu in Creatoris manibus consignato, dum proximi mores ad S. Bernardi spiritum componere curat, ad eam nimirum sanctissimam

simam viuendi normam, cui ipse Claustrali in palæstra se se adamus-
sim conformare iam ab ineunte ætate sategerat.

1642. *Petrus Guillebaud, Engolismensis*, Parisiense S. Bernardi
Monasterium Cœnobiticæ disciplinæ sedem habuit natalem, vouit-
que in eo postridie Idus Februarij anni 1616. sub appellatione *Petri*
à S. Romualdo. Nullo vnquam Congregationis gradu à libris auelli
passus est. Quinimò typis tantummodò loqui cupidus, silentio ad-
dictissimus floruit, quod si pomeridianis horis aliquando frangeret,
mox allocutioni eruditionem immiscebat, & colloquio in Academiam
commutato, copiosissimus ipse, quod alij edificerent, vberimè effun-
debat; & si quid nota dignum à cæteris audiret, id scriptis, cum
cellam repeteret, mox consignabat. Excelluisset prosa, & carmine,
in humanis, diuinisque scientijs, quando Rhetoricam, & Cursus spe-
culatiuos Sodalibus tradere libuisset. Ita colligimus ex nonnullis suæ
Theologiæ mss. & ex versuum cum Galliæ, tum & Latij lingua edi-
torum fasciculo luci dato sub titulo:

Hortus Musarum.

Verùm, qui curis literarum studia prætulit omnibus, reliquis post-
habuit studijs experientiæ scholam, rerumque agendarum magistram
Historiam, in cuius lyceo edoctus, posterorum vtilitati suo voluit
ex calamo superesse

Thesaurum Chronol. & Historicum, complectentem euentus scitu
digniores à Mundi infantia ad nostram vsque ætatem, Gallicè scri-
ptum, & in Galliarum metropoli euulgatū sumptibus Antonij Sum-
mauillani 1642. iterumque 1646. & 1647. in folio; ac tandem 1660.
in 8. impensis Francisci Clausick.

Ephemeridum Historicarum vol. 2. in 12. ære, & typis eiusdem
Clausick.

Ludouicus Iacobus à S. Carolo addit *Annales Congreg. Fulienfis*
anno 1652. prælo ferè adaptatos. Videtis Synopsim de claris Scri-
ptoribus Cabilonenfis. At huiusmodi Annales, fortè quòd eu-
ris secundis nequaquam expoliti, in publicum non emanarunt, nec
ego vidi. Extant etiam

Histor. Francorum, seu Chronicon Ademari Engolismensis, Mo-
nachi S. Martialis Lemouicensis, Epitome cum notis, nonnullis-
que interpolatis, quibusdam etiam additis ad faciliorem operis
intelli-

intelligentiam. Lutetiae 1652. impressore Chamhourdry.

Chronicon, seu continuatio Chronici Ademari &c. Lectori exhibens Histor. Aquitanicam sacram, & prophanam ab Hentico I. ad annum vsque nonum Ludouici XIV. Ibid. eodemque impressore. Quibus vigilijs alij accensent opellam Parisijs editam anno 1647. inscriptam Abbati Bullionio, sub hac attitulatione:

Dies Sancta.

Viuendi finem fecit Lutetiae vndetrigesima Martij 1667.

1644. *Martinus Tornamira, Casaraugustanus*, Hispanico, quod à puero didicerat, ac Etrusco, quod à diuturno in Italia contubernio hauferat, diues eloquio, vtramque linguam nonnullis, iisque fidelissimis locupletauit versionibus, nam Hispanico metro panxit *Panegyrim, seu laudem Sanctissimae Trinitatis*, à P. Antonio Ghelmi Oratorij Neapolitani Sacerdote versu Italico decantatam, ediditque Neapoli 1644. in 4. in officina Francisci de Thomas sub hoc titulo:

Los pensamientos altos del corazon deuoto.

Ex Ibero autem idiomate Romanis auribus accommodauit

Vitam, & Purgatorium S. Patritij Archiepiscopi, & Primatis Hiberniae, opus Doctoris Io. Perez de Montaluan, quae expositio prodijt primò Neapoli, & postea Genuae impressore Fatronio 1653. in 12.

Gubernatorem Christianum, extractum ex vitis Moysis, & Iosue Ducum populi Israel per Io. Marquez Ord. S. Augustini, Concionatorem Philippi III. Regis Hispaniarum, Lectorem Sacrae Theologiae in Vniuersitate Salmaticensi, Hispanice editum ab Auctore, & impressum primò Salmanticae 1612. in fol. deinde 1619. tertio Compluti 1634. tandemque Matriti 1640. Sed extra Hispaniam prodijt etiam Bruxellis 1664. *Italice id loquens dedit Martinus de S. Bernardo Cisterciensis Neapoli 1646. in fol.* quae postrema verba sunt eruditissimi Nicolai Antonij in sua Scriptorum Hispaniae Bibliotheca Tom. 1. pag. 562.

Congregationis percrebescente fama, in eiusdem album referri Martinus expetijt, obtinuitque in Romano S. Pudentianae Claustro. Disciplinae sacramentum enuntiavit ibidem anno millesimo sexcentesimo vndeuigesimo, pridie Calend. Decembris, *Martinus à S. Bernardo* ex tunc vocatus; & annis, ac meritis grauis, varijs quodque muneribus in Ordine cohonestatus, mortalitatis fabulam compleuit

1644.

1644. *Antonius Le Lune*, religioſo agnomine à *S. Petro*, *Perrone* natus, Aſceticæ diſciplinæ pectus verè natum habuit; quippè qui in Pariſienſi tyrocinij domo 25. Aprilis anno 1617. conſuetis votis eidem deuotus, quæ Mundum ſapiunt, libentiùs deinceps neſciret, quæue humana imbecillitas faciliùs refugit, amplecteretur ſtudioſiùs. Præſecturas ſuſtinere iuſſus *S. Bernardi* Lutetiæ, aliarumue familiarum, necnon vniuerſum Coetum cum Inſpectoris Generalis facultate inuiſere, inter clariora Superiorum lumina ſpectari potuit, adèò noſtrorum Clauſtra ad legum apices viuere procurabat. At hæc, præcipua licet, non vna eius eſt commendatio. Saluti quoque animarum in Sæculo degentium incumbere ſibi in animum induxit, zelo calcar admovente, & viam ſternente Theologiæ, quæ ſacrorum Bibliorum interpretationi inſiſtit, peritia. Aſſumpto itaque linguæ officio, non ſacundiæ laxare fræna, non ſtyli elegancia, & diſerti Oratoris inani oſtentione ſemetipſum prædicare ſtudebat, ſed annuntiare Chriſtum, ſed auditores à Mundi cœno euocatos ad cœleſtes delicias per compendioſum pœnitentię callem manuducere. Sepoſita eruditione auribus oblectandis compoſita, grauioribus utebatur ſententijs, ijs nimirum, quæ altiùs in peſtora deſcenderent, & vitiorum auerſionem validiùs promouerent. Euangelica huiuſcemodi dicendi forma inſtructus totam Galliam declamando excurrit, auditoribus vbique frequentiſſimis perorat, ſemper cum fruge, nunquam ſine plauſu, collectamque à celebriori quæque Eccleſiaſte Deo gloriam, ſibi exiſtimationem, adæquat. Corporis ſarcinam dimiſit ad *S. Bernardi* Pariſienſis xj. Ianuarij anni à Virgine puerpera 1656. à ſuis in Congregatione ſtipendijs quadrageſimo, cum non mediocrem laudem ſibi apud poſteros comparafſet duobus calami ſectibus, vt infra attitulis:

Dies Religioſa, liber institutionibus diues, ad ſingulas diei horas ſanctè tranſigendas. Lutetiæ 1644. & 1649. calculis *Georgij* loſſe in 8.

Vita Patris Eufſtachij à S. Paulo. Penes eundem in 8.

1645. *Nicolaus Belloſtus*, in Oppido *Cabalarij maioris*, nullius Diœceſis, Prouinciæ Taurinenſis, natus, votis Aſtæ 10. Iunij die 1635. ritè conceptis, Monasticam viuendi normam iniit, *Nicolaus à S. Bernardo* ex tunc appellandus. Ad *S. Carolum* maiorem Neapoli

poli aliquando Asceta, coluit feliciter Musas, cecinitque heroico carmine

Panegyrim in Sanctissimum Patrem Benedictum Abbatem, Monachorum Occidentalium Patriarcham celeberrimum; eandemque excudendam præbuit Francisco de Thomase 1645. in 4.

Suam exinde Pedemontij Prouinciam repetens, Religiosam nostram pubem eloquentiæ præceptis multoties imbuit. Prior B. Mariæ de Abundantia designatus, numeris suis satisfacit omnibus. Tandem in Monasterio B. Mariæ de Testona curis depositis omnibus, soli Deo vacans, mortalibus valedixit vndeuigesima Maij 1682. annis sex sexagenario maior.

1647. *Iuuenalis Prettus, à Monte-Regali*, ante Mundi abnegationem multus erat in politiori literatura, ac patrijs typis Io. Gislandi, & Io. Francisci de Rubeis anno 1644. ediderat opus inscriptum:

Amasia Egyptia.

Postquam verò sub nomine *Iuuenalis à S. Ioseph* in Monasterio S. Pudentianæ de Vrbe Reformationis legibus se subiecisset, subiecit autem quarto Idus Maij 1647. sanctioribus in studijs totus, incepit, sed non absoluit

Annales Congreg. Reform. S. Bernardi, & B. Mariae Fulienfis Ord. Cisterc.

Ne vigiliarum desideratissimæ ultimam manum imponeret, præcox effecit fatum, quod cum Monte-Regali præmaturiùs apposuit ad Patrum cineres, & Monachum post Tyronum Præfecturam, ac regimen familiarum B. Mariæ de Abundantia, Montis-Soractis, S. Victoris Vercellarum, ad maiores velificantem honores è medio sustulit anno 1677. 17. Ianuarij.

1648. *Petrus Arebrigenfis*, gentilitio agnomine *Massonius*, claustrali verò à *S. Catharina Senensi*, à die 25. Iulij anni 1612. quo sacra vota in Abbazia Fulienfi nuncupauit, Institutionis alumnus, domorum administrationi, ac voluminum compilationi naturæ donis æquè idopeus, semel Visitator, frequentius Prior, leges Claustrales magna cum laude præscripsit in Monasterijs Galliarum, nec minori cum plausu communi vtilitati protulit

Tabulas Chronologicas, Genealogicas, & Historicas, sumptibus Ioannis Boisseau Parisijs emanatas 1648.

Tabu-

Tabula prima continet Patriarchas, Prophetas, Pontifices, Monarchas, aliasue Personas clariore à Mundi exordio ad Mundi Redemptoris Iesu Christi passionem.

Tabula secunda amplectitur Imperatores, Reges, Duces, Respublicas, Scriptores, Personas celebres, & memorabilia quæque à Christi funere ad annum 1648.

Tabula tertia exhibet Genealogias Familiarum Franciæ, Alsatiae, Lotharingiæ, Abspurgensis, Hasbaniae, Austriæ, Brabantie, &c.

Edidit &

Tabulam Genealogicam familia de Joinville.

Itemque

Ceremoniale Abbatia Montmartensis.

Diem clausit extremum Turonis viij. Augusti 1672.

1649. *Gabriel de S. Gemme, Turonensis*, alumnus Abbatie Fulienfis, anno 1612. die verò memoriæ Mellissui nostri Patris festiua primum adolescentiæ florem sub cognomento *Gabrielis à S. Malachia* Deo consecrauit, ac vitæ Asceticæ. Reipublicæ literariæ commodis adiecit

Epistolas Diui Bernardi à se materna lingua donatas. Parisijs in 8. penes Gasparem Meturam in platea S. Iacobi. Versionem hanc exactissimam præ cæteris fatetur Carolus de Vvisch, addens eodem anno emanasse ex officina Antonij Vitre typographi Regij translationes nouas in linguam Gallicam

Vita S. Bernardi, ac Tractatum ab eo editorum De Conuersione morum, De Vita solitaria, De Præcepto, & Dispensatione. Somnum mortis obdormiit Lutetiæ Parisiorum decimoquinto Calend. Ianuarij anno 1657.

1652. *Anonymus nostrorum Sodalis* iuxta pius, ac doctus, de mandato Regis Christianissimi, Gallicè reddidit è Latino *diuersa Officia horaria* (verbis vtor Caroli de Vvisch, à quo recensentur) *De Sancto Spiritu, De Immaculata Conceptione B. Virginis, De Sancto Nomine Iesu, vnà cum alijs institutionibus Christianis, necnon & Calendario nouo Historiali.* Lutetiæ ex officina Ludouici Camhourdry 1652.

1652. *Franciscus Coquelinus*, idemque à S. Nicolao, per omnes dignitatum gradus ad supremum Generalatus anno 1654. assumptus,
literis

literis etiam ornatissimus, imò Sacrorum Canonum peritia, si quis alius præstans, Romano Ignatij de Lazaris prælo supposuit

Compendium vite, & miraculorum S. Claudij Anicistis Vefuntini. anno 1652.

De vitis, dogmatibus, caterisque erroribus hæreticorum omnium à Christo ad nostram usque ætatem, confutationem quoque Iansenij. volumen satis amplum ab eodem Auctore concinnatum vidi in Bibliotheca S. Pudentianæ, sed adhuc mss.

Il Cristiano del tempo, ex Gallico R. P. Francisci Bonal, Patrum S. Francisci de Observantia Alumno, Italicè expositum.

1653. *Io. Card. Bona*, Purpura, pietate, doctrina planè Eminentissimus multa typis præbuit, quæ à bono Auctore emanata, elucubrationibus nonnisi optimis accensentur. Earum Synopsis ne consideretur, volens lubens hîc subdo. Monachus euulgavit

Psallentis Ecclesiæ Harmoniam, Tractatum Historicum, Symbolicum, Asceticum de diuina Psalmodia, eiusque causis, mysterijs, & disciplina, deque varijs ritibus omnium Ecclesiarum in psallendis diuinis Officijs. Romæ in 4. sumptibus Io. Petri Collinij 1653. & decennio post Parisijs apud Ludouicum Billaine ead. forma.

Viam Compendij ad Deum per motus anagogicos, & Orationes iaculatorias. Romæ ex officina Angeli Bernabò à Verme 1657. in 12. & denuò Lutetiæ 1662. item in 12. penes Federicum Leonard.

Manuductionem ad Cælum, medullam continentem Sanctorum Patrum, & veterum Philosophorum; opellam verè auream, quam Latio sermone contextam sua loqui lingua voluere Itali, Germani, Galli, Flandri, Hispani; Latini, & heroici metri legibus obstrinxit Petrus Bolla Heremitarum S. Pauli Procurator Generalis, ediditque Romæ apud Franciscum Tizzonum 1677. Italicè verò, & lyrico donauit carmine clarissimus vates Michael Angelus Goltius Taurini 1672. Varijs illam impressionibus excusere primò Angelus Bernabò à Verme Romæ in 24. anno 1658. & deinde anno 1660. Claudius Prost Lugduni, & Matth. Cosmerouius Viennæ Austriæ; anno 1663. Franciscus Foppens Bruxellis, & Guillelmus Serlinus Francofurti; anno 1664. Antonius Chrestien Lutetiæ, Lucas Antonius de Fusco Neapoli, & Iacobus Dragoncellus Romæ; anno 1670. Bartholomæus Zappata Taurini.

De Sacrificio Missæ Tractatum Asceticum, continentem praxim attentè, deuotè, & reuerenter celebrandi. Romæ 1658. in 12. sumptibus Io. Cafoni, & typis Fabij de Falco.

Roseo Galero donatus luci exposuit

Rerum Liturgicarum libros duos. Romæ in folio paruo 1671. typis Tinaßij.

De Discretione Spirituum lib. vnum. Romæ 1672. excusore Tinaßio in 4.

Principia, & documenta Vitæ Christianæ. Romæ in 12. apud eundem 1673. & anno insequenti Venetijs in 12. apud Io. Iacob. Hertz.

Humanitatis denique cùm pensum soluit, reliquit

Horologium Asceticum, suæ exercitia sacra ad singulas actiones cum fructu obeundas, quæ exercitia præbent actionum singularum capita vij. de præmittendis officio diuino, de eius recitatione, ac fine; itemque de triplici miscella diuersarum actionum. Parisijs prælo supposuit Ludouicus Billaine 1676. in 12.

Testamentum bonum, quo se Auctor ad bonam præparauit mortem, quod tunc lucem aspexit, cùm Hermanus Demen impressor Colonienfis opera omnia simul congesta tribus Tomis distinxit, ediditque ibid. in 8. anno 1683. id procurante P. Theodoro Mensinck Vicariatus Belgici Missionario, ad preces D. Francisci à S. Bernardo, quem ex nostra disciplina Monachum Eminentissimus Bona, cùm è Claustro exijt, penes se voluit, & retinuit, ac Bibliothecæ S. Bernardo ad Thermas donatæ Præfectum nuncupauerat.

1653. *Cosmas Rougier, Parisiensis*, in Generalium album promerita cum laude iam illatus, idemque celebris Lamacensium Pastor, Regius etiam Ecclesiastes, prælo digna plura exarauit. Et quadragesima quidem conciones, panegiricas Sanctorum laudes, aliaque opuscula, cùm eam habuerint limam, qua calamus ori respondeat, habebis Lector; interim præmisit

Panegyrim funebrem Henrici Borbonij, primi è Regio sanguine Principis, Burgis excusam 1653.

Panegyrim funebrem in obitu Anna Lotharingica Abbatisse Pontis dominarum, in Templo sacre eiusdem familix dictam postridie Nonas Augusti a. 1653. quo & impressa Parisijs prælo Georgij Iosseij.

Item-

Itemque *Panegyricas laudes Annae Austriacæ, Reginae Matris Ludovici XIV. Mariæ Theresiæ Austriacæ eiusdem Ludovici XIV. Reginae Sponsæ.*

1654. *Sigismundus Gastaldus* patriam habuit Pedemontij Metropolim *Taurinorum Augustam*; & nostrorum Sodalitio, religioso sub cognomento *Sigismundi à S. Bernardo*, in domo B. Mariæ de Stafarda adiunctus, optima administratione benemeruit de nonnullis familijs, quas rexit, & calami fecunditate de Republica literaria, cui profuit. Ab eo emanarunt Italicæ

Nobilitas humilis S. Contardi Principis Atestini, unâ cum Atestinæ familie Genèalogia. Mediolani 1654. apud Dionysium Gariboldum in 4.

Christi Sponsa, laus videlicet vitæ Claustralis.

Lilium Alexandrinum, Panegyris S. Catharinæ Virginis, & Martyris.

Thus Cisterciense, in laudem Diui Bernardi.

Miles Evangelicus, in laudem Diui Marci Evangelistæ.

Panis substantialis, sermo pro Defunctis.

Ignis elucescens, in laudem S. Antonij de Padua.

Antidotarium sacrum ad expurganda vitia, & ad assequendam virtutem.

Cùmque Moderator S. Victoris Vercellarum poni curasset in capsa auro, & argento affabrè ornata corpora S. Victoris Martyris, & S. Victoris Virginis, & Martyris, eademque transferri ex loco, in quo cultu minus decore asseruabantur, ad solemniorē, euulgavit ibid. anno 1659.

Vercellarum solemnia, elogia scilicet quibus festiuam translationis diem ornauerat. Ad aternitatem se se composuit Vercellis anno 1663. Monasticæ conuersationis, cuius sacramentum dixerat septemdecim vix annorum adolescens, trigesimo.

Nostri Parisiensis Cænobij Ascetæ animabus communi cum hoste, agone nunquam non discriminoso, certantibus præsentissimum contulere subsidium Gallica exhibitione

Pugna, seu Conflictus Spiritualis Laurentij Scupuli è Teatina familia, præstantis in paucis libelli, quæ versio unâ cum insigni Epistola præliminari prodijt Parisijs in fol.

1655. *Carolus Malletus*, Patricij Ordinis, *Taurinensis*, animum liberalibus disciplinis iam imbutum ad Religionem detulit, quippe qui quatuor suæ adolescentiæ lustra in Sæculo iam peregisset, cum, nuntio eidem misso, in album Cisterciensis Reformationis adscribi expetijt, nec iam Malletus, verùm *Carolus à S. Bernardo* dici. Post vota anno 1613. quinto Calendas Augusti solemniter enuntiata, consensuit in patria, in qua Verbi Dei annuntiator egregius, sacrorum Canonum, & Theologiæ moralis oraculum, eam sui admirationem exciuit, vt Archiepiscopatus examinatore Synodalis, S. Officij Consultor, Monasterij B. Mariæ Consolatricis tertio Moderatore, Christianæ à Francia Sabaudia Ducissæ Theologus, Serenissimæ Principis Ludouicæ à Sabaudia eiusdem Christianæ à Francia Primogenitæ ab animæ arcanis consalutaretur, cumque in sacris audiendis confessionibus totus foret, vnus haberetur, qui illustriorum aulæ Procerum, grauiorumque Matronarum conscientias procuraret. Edidit

Meditationes, seu exercitia spiritualia ad animæ reformationem, & perfectionem. Taurini apud Bartholomæum Zappatam a. 1655. in 24.

Aurum moralis Theologiæ ex veterum, & recentiorum Theologorum, necnon Pontificij, Casareique iuris Consultorum Thesaurus depromptum, & in subtilissimas Bractæas Malleatum. Augustæ Taurinorum 1655. Tom. 2. in folio, sumptibus Alexandri Federici Caualeri Bibliopolæ S. R. Celsitudinis. Mortem oppetijt postridie Cal. Maij anno 1658. cum iam impressioni maturos haberet

De Hierarchia, & Iure Ecclesiæ militantis libros octo, in quibus de Ecclesiæ maiestate, Fide, Iurisdictione, Dignitate Personarum, tam Ecclesiasticarum, quàm Secularium, Beneficijs, Gradibus, Officijs Ecclesiasticis, & Secularibus, De Iudicijs summa breuitate, & plenissimè agitur. Opus postumum, luci prolatum sumptibus Caroli Felicis Malleti sui ex fratre Nepotis, & Sanctorum Maurinij, ac Lazari Equitis Taurini ex typographia Bartholomæi Zappatæ anno 1660. in folio

Prima Operis pars de Sacramentis, in qua noua, & breui methodo explicantur omnes difficultates tam in conscientiæ, quàm in iustitiæ foro ad Sacramenta spectantes, Malleationibus 64. deducit Aurum Theologiæ moralis in Bractæas, idest resolutiones 2205. Pars secunda, vbi agit de Præceptis Decalogi, & Ecclesiæ, Malleationi-

tionibus sex supra nonaginta complectitur Bracteas, hoc est responsiones 1863. Pars tertia de Hierarchia, & lure Ecclesiæ militantis lectori præbet libros octo, & in ijs Titulos 320.

Plura edidisset Malletus, si potuisset meliora. Enimuerò Aurum Theologiæ moralis tanti fecit doctissimus Caramuel, vt literis texto Calendas Iunias 1657. Romæ datis, Auctorem gratulabundo calamo inter cætera sic alloquatur: *Vt tuorum illustrium operum grandiorum Censuram interlegas, Philonem Virum magnum producam; cuius singula verba sunt meo intento tam apta, vt merito videri possint, post Theologia tua moralis editionem scripta. Inter laudes, inquit, Auri multas, dua reperiuntur, præcipuè vna, quòd non sentit rubiginis iniuriam, altera quòd in tenuissimas Bracteas sine scissura deducitur. Merito igitur maiorem naturam significat, quæ diffusa, & protensa vsquequaque tota per totum plena est, aptissimè contexens cætera. Sic de Auro Philo. Et ego ad Aurum tuum conuertens oculos multa laude digna reperio; sed quia singula dignè celebrare non valeo, duas virtutes eminentes notatas à Philone produco. Aurum tuum immortale, est corruptionis exfors, & idèò nusquam rubiginis iniurias sentiscet. In subtilissimas Bracteas sine scissura vlla deducitur: omnia enim in magno Opere coherent exàctè, nihil hiat in conceptibus, & in probationibus, omnia sunt solida, nulla inflexa, vel fracta. Singula nos ad maiorem naturam (Numen) promouent: & dum disputatio erudita per Legis Dei Articulos ingeniosè diffunditur, gratijs, & charitibus plena, Humanas, & Diuinas Tabulas summa doctrina consequentia coniungit. Et infra aptè ad illa verba S. P. Benedicti Cap. primo. Qui nulla Regula approbati, nec experientia magistra sicut Aurum fornacis, sed in plumbi natura molli, adhuc operibus seruantes Saculo fidem, mentiri Deo per tonsuram noscuntur. Qui bini, aut terni, aut certè singuli sine Pastore, non 'Dominicis', sed suis clausi ouilibus, pro lege eis est desideriorum voluptas; cum quicquid putauerint, vel elegerint, hoc dicunt Sanctum; & quod noluerint, putant non licere. Inquit: Attende. Probabiles, prudentesque vita formanda Canones, quales in Theologia Tua, Malletè, inuenio, Dialecticæ scuerioris regula in speculatiuis, & experientia magisterio in practicis, examinati, & approbati, vt Aurum in fornace sunt illustres, & puri; illi autem, quos superba, & ignorans confor-*

conformauit *presumptio*, & *vita exlegis conformauit cupiditas* (aut sint *grauēs*, & *asperī*, aut *leues*, *liquidi*, & *inconcinni*) ut *plumbum molles*, *inconstantes*, & *fragiles*, non patiuntur *efficacis Malleationis examen*, & in *Bracteis conformari non possunt*; & si soluantur *igne*, *frigidityatem*, & *inertiam naturalem ostendunt*; nam dum in *Voluminibus suorum Auctorum* velut *quadam varia lectionis sylua magno foliorum apparatu frondescent*, seruare *Saculo intemperatam fidem*, & *Deo mentiri per clausulas tonsas*, & *excultas noscuntur*. Hac est *prerogatiua Veritatis*, ut omnia *cohareant*, & *simul consistere possint*; at hodie, si res bene discutitur, & ad *prima fundamenta* venit, *opinionum libertinarum Canones*, *bini*, aut *terni consentiunt*, aut certe *singuli discerpuntur à cateris*. Porro si loquamur *sincerè*, *Scriptores eiusmodi*, ut *greges sine Pastore*, *oberrant*; & ut *oues*, quæ à *Dominicis ouilibus spontè exulant*, & in proprijs *exoritant*, qua data *porta ruunt*, & *conscientias perturbant*. Et si quæram ab illis, cur sic *resoluerint*? *Stabit pro ratione voluntas*, *statuunt enim multa interdum*, non quia sic *licuit*, sed quia sic *placuit*.

1656. *Antonius à S. Frontone*, in quam *piam nuncupationem germanum*, & *gentile suum agnomen Deriue*, nostro de more, reformauit, *Dioecesis Petragoricensis*, *professionem emisit in Abbatia Fuliensi die 27. Decembris anni à Deo Redemptore 1613*. *Complauit eloquio Gallico*

Monumenta antiqua deuotionis Domina nostra de Bello-fonte. Andegau 1656. in 12.

Hæc *Prior Abbatie adsitæ Basilicæ eiusdem Deiparæ Virginis*. Ceterum in *discutiendis Fidei controuersijs versatissimus claruit Theologus*, *Concionator*, & *quandiu inter mortales egit*, *Hæreticorum insectator acerrimus*. *Spiritum consignauit in manibus Creatoris septimo Id. Februarij anni 1673*.

1657. *Franciscus Bonomine, Vigoniensis*, *tyrocinij rudimenta in nouituali Pinerolij domo ponebat*, cum *Ciuitate Gallorum juris facta*, *Abbatia quoque*, *Rege pro potestate iubente*, *Monachis Fuliensibus cessit*. *Prouinciæ Pedemontanæ Patres eò loci commigrantes*, *Franciscus ne sequeretur*, *Fulienses ipsi satagebant egregia indole*, ac *optimo boni ominis omine profuturi*. At ille, quod *mereri sub*
Italīs

Italiam maluerit, Testoniam pertexit ibi obseruantiam sacramentum publicè dicturus, prout dixit ipsa die Virginis in cœlum assumptæ anno 1633. religioso sub agnomine *Francisci à S. Mattheo*. Indè ad Sabaudum B. Mariæ de Abundantia lyceum pro ingenio excolendo missus, in doctrinis diuinis, & naturalibus ediscendis multus fuit. Literario in puluere emeritus, conscientis aurium præbitione expurgandis, procurando Templorum nitore, Sacrariorum præfecturis diligenter obeundis se dedit. Pijs huiuscemodi occupationibus nihil Ascetæ honores exoso, & ad labores propendenti iucundius. Sed meritum cumulo viam ad splendidiora sternente, contubernium B. Mariæ de Mellea, in Diocesi Montis-Regalis, nostris recenter adauctum moderaretur, operæ pretium fuit. Translatum postea ex noua hac plantatione, quæ tandiù effloruit, quandiù ipse opportunè irrigationi sollicitior deludauit, Astensis familia Rectorem excepit, eundemque, quod optimè gestæ Reipublicæ argumentum, Priorem tertio sibi resectum gratulata est. Qui tunc satagentis Antistitis labores in restituenda, ac amplianda domus labescentis mole, in augenda splendidiori altarum suppellectili, in primo, & supremo ponendo lapide Ecclesiæ inscriptæ Diuo Theobaldo, miraculis ad celeberrimam famam illustri, in procurandis eiusdem Diui Theobaldi reliquijs, quæ in eodem Templo eius nomini dedicato collocarentur? Verum hi domestici duntaxat labores. Quenam foris curæ? Aderat Episcopis de idoneitate promouendorum ad Altaris ministeria districto examine dignosciturus. Aderat Sanctimonialium Claustris confessiones & ordinarias, & extra ordinem auditurus. Aderat ciuium domibus compositurus rixas, inuisurus decumbentes, leniturus ærumnas, nulli defuturus officio. Quare Astæ diutiùs subsistere frugifer adeò domorum Rector nequibat. Etenim qui ampliori dignior area videbatur, diligente Io. Bona, penes quem rerum Congregationis summa, migrare ad Leges Taurinensi Coetui dicendas iubetur. Reluctante modestia, ad nobiliorum capeffendum gradum flecti nequit, imò in posterum in ordinem prorsus redigi satius habuit, repetitis aggressionibus, vt varias susciperet dignitates, constanter propulsatis. Quinque annis octuagenario minor Taurini nunc senium agit Abbas Titularis B. Mariæ de Monte Ceniso, quæ est Ecclesia Abbatie Noualitiensis, dolore quidem Ischiadico correptus, verum qui animarum rei vacare permit-

tit, estque cum D. Gabrielis à Sabaudia, Sabaudie armorum Imperatoris, cum multis ex Urbis Optimatibus, & Nobilibus clariore ex sanguine foeminis à poenitentis conscientie arcanis. Specimen eius vigiliarum habemus

Manipulum piarum precum ad Virginem Deiparam, ad SS. Custodes Angelos, aliosque Caelites tutelares, delibatum ex varijs Autoribus, & in lucem editum Astæ 1657. per Io. Baptistam de Zangrandis in 8.

Narrationem solemnitatis Astæ celebrata in festiva translatione Reliquiarum S. Theobaldi ad Ecclesiam eius nomini edificatam à Marchione Ghirone Francisco Villa. Taurini per Carolum Gianellum 1659. in 4.

1660. *Claudius Thomas la Blonde, Diuionensis, Fulienfium, quibus anno 1622. die verò 20. Februarij sub appellatione Claudij Thoma à S. Bernardo, Sodalem se se adiecit, non vltimum decus, facultates speculatiuas ab insignis nominis professore D. Petro à S. Ioseph audit, auditasque cum plausu Lector & ipse educit. Nec inter Cathedralium labores à gradibus Ordinis se subducere valuit; siquidem Monasteriorum aliquot regere habenas, & Superiorum Generalium modò à secretis, modò Assessorem agere oportuit. Ad hæc typographos occupaturus elucubrauit*

Theologiam SS. Patrum; opus egregium communi bono expositum Lutetiæ anno 1660. prælo Iosco in 4. Deuixit ibidem anno insequenti, caractere Prioris Pleffiensis condecoratus.

Annus sacer, volumen nempe Epigrammatum in singulos anni dies excusus in 12. Itemque

Alloquium Dei cum anima, impressum Augustoduni 1651. in 4. sunt quidem Claudij Thomæ Monachi Cisterciensis à Carolo de Vvisch in Bibliothecam Scriptor. eiusdem Institutionis pag. 78. illati; verùm is fuit agnomento Grazilier, adeoque à nostro distinguendus.

1666. *Antonius, olim Disprez, postea à S. Gabriele, Parisijs natus, cum stipendia sub Monasticis signis facere cœpit, in illud toto animo ferri visus est, ut in Sodalitate sub Diui Bernardi disciplina florentissima, & pijs Sanctissimi Antesignani inhæreret vestigijs, & suauissimis Mellisui Scriptoris incumberet monumentis. Dignum sanè plausibus votum! cui dum cogitationibus, curisque intendit*

tendit omnibus Tyronum magistrum exercuit, imò veriùs Apem Religiosam se gessit, nam paruulos venientes ad Dominum, infantes, Sæculi amore posthabito, dudum Cœlo genitos nectarea deuotionis papilla potiùs, quàm duriori asperitatis esca enutriuit. Domus, quam, sub inuocatione S. Bernardi, Lutetiæ incolimus, eo præfedit virtutum nitore, quo suæ mensuram nuncupationis impleret. Sed nunquam Claræ-Vallis Solem clariùs congeminauit, quàm Prouincialis Prouinciæ Franciæ renuntiatus. Enimuero inspectionis suæ Coenobia tanto cum perfectionis Monasticæ constabiliendæ feruore inuisit, vt planè alter Claustralis conuersationis Sol videretur, qui pergeret in circuitu, totidemque efformaret Claræ-Vallis familias. quot inuiseret Reformationis Colonias. Dum moribus absolutissimum perfectionis exemplar æmulari studet, vernaculo etiam idiomate publicæ vtilitati aptare adlaborauit nectareas ipsiusmet Bernardi vigilas ordine consequenti:

De Consideratione ad Eugen. Vol. 1.

Epistol. Vol. 4.

Tractatum Doctrinal. Vol. 1.

Tractatum Spiritual. Vol. 1.

Sermonum de Tempore Vol. 1.

Sermonum de Sanctis Vol. 1.

Sermonum Variorum Vol. 1.

Omnia in 8. Parisijs penes Bresche.

Et quidem Auctor alijs nominibus celebrandus, in Apostolico dicendi genere, in facultatibus speculatiuis, in Historijs profanis, sacrisue plurimùm valet. Nam & Ecclesiastem satis facundum multoties se exhibuit, & pulcherrimam

Genealogiam posteritatis S. Ludouici, Galliarum Regis Noni euulgauit anno 1666. Parisijs apud Bonnart in Vico S. Iacobi.

Aliaque habet sub lima, quæ longiori cum temporis vsura ampliori litteratorum vtilitati præbebit.

Vespasianus Agatia, Vercellensis, I. V. D. Abbas Sæcularis B. Mariæ de Abundantia, & in Monasterium suæ curæ commendatum Reformationem induxit, & habitu in Abbacia Fulienfi suscepto, Congregationis album, sub appellatione *Gregorij à S. Eusebio*, spectabili Alumno adauxit. Vitam, moresque Piorum recensio dabit, calami

monumenta hîc Athenæum profert, & sunt
Epistolarum Vol. duo, alterum quidem Latij lingua, alterum verò
 Etrusco idiomate exaratum. Ita Rossetus in Syllabo Script. Pedem.
 pag. 553.

1667. *Laurentius Bertrandus, Apusij, Maurianensis*, Monastica
 nuncupatione à *S. Petro*, doctrina, & pietate nostrorum in Coetu
 eluxit, cui accensuri voluit Pinerolij 15. Augusti anni à Virgine puer-
 pera 1629 Emenfa Philosophiæ, & Theologiæ arena, facultates
 auido animo haustas, diù Sodales edocuit, Monte-Regali, & Tauri-
 ni, nunquam alacrior, quàm cùm Lectoris nominibus satisfaceret,
 & vberes sapientiæ fontes, tam antemeridianis, quàm pomeridianis
 horis in discipulorum riuulos deriuaret. Porro Monasteriorum regi-
 mini admotus, Visitator quoque, & Marci Menichelli Abbatis Ge-
 neralis inter Assessores primus, horas à rei domesticæ administatione,
 publicisque à curis succisivas sacrorum duntaxat Codicum le-
 ctioni impendebat. Marco Antonio de Thomatis Astæ in Subalpinis
 Episcopo in paucis charus fuit, qui Sanctimonialium excipiendis con-
 fessionibus cùm ordinarijs, tùm extra ordinem eum telegit, & Syno-
 dales inter Examinatores adlectum, domesticum etiam suum Theo-
 logum, ac in Diœcesi perlustranda comitem, quandiu Astæ mansit,
 nunquam non voluit. Sed & Camillo Cardinali de Maximis Con-
 gregationis Protectori acceptissimus exiit, qui suæ in eum propen-
 sionis suffragio Assistentem creatum, cogitabat aliquando cohone-
 stare & Generalitia dignitate decoram longæui senis canitiem, pro-
 fundam consummatissimi Theologi doctrinam, ac morum simplici-
 tatem omni simulationis fucò vacuam. Concessit in fata Prior S. Pe-
 tri de Lemenco, secùs Camberium, relictis ingenij fortibus.

*Cynosura mystica navigationis S. Francisci Salesij virtutum mican-
 tibus radijs illustrata*. Lugduni in 4. sumptibus Antonij Iullieron
 1667.

*D. Bernardi Abbatis Clara-Vallensis S. R. E. Doctoris Melli-
 flui Theologia speculatiua ex sparsis per illius opera sententijs collecta,
 compacta, composita, cum appositione, fidelique designatione locorum,
 è quibus Doctrina, & objectionum resolutiones desumuntur*. Cuius
 egregiæ elucubrationis.

Tomus primus De Deo vno, suè de Attributis lucem aspexit
 Astæ

Astę 1675. apud Secundum Victorium de Zangrandis in 4.

Tomus secundus De Creatione, de Trinitate, & de operibus sex dierum prodijt ibidem in 4. anno 1676.

Tomus tertius de Angelis, & eorundem cultu tam actiuo, quam passiuo ibidem, eademque forma impressus fuit 1678. cui addidit Appendicem Romę excusum typis Michaelis Herculis Bernabò à Verme anno 1678.

Tomus quartus continens Tractatum de Incarnatione apud Zangrandum Astę communi vtilitati expositus anno 1678.

Ne publici iuris faceret partes reliquas ferè absolutas *de Sacramentis, & de Iustitia, & Iure*, mors effecit, quę eum vigilijs incubantem rapuit Camberij anno 1681. 20. Septembris.

1668. *Camillus Stella*, cui placuit religiosori agnomine appellari *Benedictus à S. Mauro*, lucidum & ipse Religionis Sidus futurum, Genitoribus, & *Veteri Veio*, Ciuitati Castellanae, vt in præsentiarum vocatur, suę Patrię valedixit, ac Reformationis mancipem votorum vinculis se præbuit Romę pridie Cal. Iunij anni 1627. Viuit adhuc vegetis viribus, Galeno, aut Hippocrate nec quidem ad sustinenda senectutis incommoda, si quę sustinet, vnquam vsus. Animi robore, & inconcussa corporis incolumitate Reipublicę benè gerendę, & Palladis cultui collatis, ad nominis celebritatem, & ipse enixus est. Administrauit domos Augustę Perusiorum, Montis-Soractis, S. Bernardi, S. Pudentianę de Vrbe, adeò & ipsam Farnesianam in agro Romano familiam, qua Monachi, dotis inopiam causati, abiere. Verbi diuini ministerio operam suam decennio probauit, non modò per annum, sed integro quadragesimali stadio cum laude perorans. Optimas quasque Musas siuè Latinas, siuè Etruscas calet. Musicę amantior, quam aliquando edidicit, libros plerosque cantus Gregoriani ad Chori commoda propria manu pinxit, nullumque non mouit lapidem, vt Organorum vsus in nostris audiretur Ecclesijs, quod & obtinuit. Horologiographię, Mathematices, ac sanioris Astrologię studiosior, cellula reclusus sua, Cœlo, vt ita dicam, inhæret. Ab eius lyceo stylo vernaculo prodire.

Deuotionis erga S. Nonnosum Abbatem origo, & progressus. Romę in 8. per Michaelē Herculem 1668. Libellus est, sed epitome amplioris voluminis adhuc manuscripti, è quo id ferè totum

hausisse refert *Antonius degli effetti*, id quod scribit in erudita sua lubricatione prænотата, *Memorie di S. Nonnofo Abbate del Soratte, e de' luoghi conuicini*. Romæ 1675. typis Tinaſſij in 4. Videtiſis Part. 1. pag. 217.

De Tabaco Tractatus naturalis, Medicus, moralis, & curioſus, in quo de Tabacchi origine, hiſtoria, cultu, preparatione, uſu, natura, qualitatibus, & virtutibus eruditè diſerit. Romæ anno 1669. in 8. apud Philippum Mariam Mancinum.

Compendium Scala Sanctæ, ideſt Compendium libri, in quo continentur preces recitandæ, & paſſionis myſteria contemplanda ab ijs, qui Scalam Sanctam deuotè aſcendere cupiunt, opus elaboratum ad commodum Peregrinorum, & Aduenarum Romam anno Iubilæi confluentium. Romæ 1675. in 12.

Scala Sanctæ triplex Aſcenſus, ideſt Meditationum Paſſionis I. C. Domini noſtri ad Scalæ Sanctæ gradus deuotè conſcendendos aptiſſimarum, triplex diſpoſitio.

Annus Sanctus, nimirum de Iubilæo Anni Sancti, de ratione conſequendi Indulgentias Iubilæi, addita recenſione Societatum, quæ anno Iubilæi 1675. Romam conuenere, & ab Archiconfraternitatibus Almæ Urbis pio hoſpitio exceptæ ſunt.

Meffana motus fideliffimè deſcripti ex Epiſtolis Meſſana Romam datiſ à Io. Antonio Pandulpho ad D. Iulium Bartoloccium.

Annus Sacer, complectens ſacros, vt dicimus, Sonettos in totius anni Dominicos, & feſtiuos dies.

Duorum Numiſmatum Cay Egnatulei, & Mutij Cordij duplex Tractatus, Lectori exhibens eorundem Cay, & Mutij originem, officia, dignitates, aliaque antiquitatis amatoribus perutilia.

Philothaus, ſiue adoleſcens æternæ ſuæ ſaluti conſulendi ſtudioſus, qui Orbem peragrans, optimis moribus, Philoſophia præterea, Mathematica, & Theologia animum imbuir. Eſt Poema morale complectens Cantus 20.

Neapolis Paralytica, Poema hiſtoricum continens vltimam Veſuij eruptionem, indeque imminens Urbis Parthenopææ excidium.

Seminarium rebelle, Poema curioſum in ſeditionem conuictorum Seminarij Romani excitatam à quodam nobili adoleſcente è familia Caſtracana inter Fanenſes Patritia.

Quæ tria Poemata cùm legenda amicis præbuisſet, ab iſdem illa recipere, ſuæque Bibliothecæ reſtituere nunquam valuit.

Manuductio ad Cælum Io. Card. Bona, Carmine Italico ligato, & ſoluto traducta, elucubratio, quam abſoluere neglexit, ex quo reſciit iam lucem aſpexiſſe Taurini ex calamo celebris Poetæ Io. Michaelis Golij, & ex typographia Zappatæ anno vt prænotauimus 1672.

Quadrageſimales tres, ſeu totidem Concionum curſus magni ieiunij diebus ad populum dicti.

Hiſtoria Ianſeniſmi, opus in duas partes diuiſum, quarum vna præbet Ianſenium à Bulla Innocentij X. ſeu à fulmine tactum, altera verò Ianſeniſmi ortum, incrementum, & occaſum, omnia ex Gallico R. P. Moſij del Borg. Soc. Ieſu in Italicam linguam translata; quo ſermone prænotata compoſuit. Latij verò lingua ſcripſit Mathematica, & Aſtronomica quæ ſunt

De artiſiciali Sphæra Partes tres, in quibus quidquid ad Sphæram ſpectat tùm practicè, tùm Geometricè tractatur; addita his quarta parte, *de Stellis fixis, ac Theorica Planetarum*.

Alter abſolutiſſimus *Tractatus de Sphæra*, in quæſtiones diſtinctus, iam ab Auctore ſuis diſcipulis lectus, & dictatus, in quo omnes difficultates ad Sphæram ſpectantes declarantur, explanantur, & reſoluuntur.

Speculi Aſtronomici Tomi duo, in quibus agitur de vniuerſis principijs Aſtronomiæ, & Aſtologiæ ad Ptolomæi quadripartiti maiorem intelligentiam.

De compoſitione, & uſu Globorum cæleſtis, ac terreſtris in planum, figuris, & analematibus demonſtratis, & probatis.

Aſtologia rationalis, in qua phyſicis rationibus oſtenduntur, & probantur ea omnia, quæ ad Aſtologiam ſpectant, contra Aſtologicę ſcientię oſores.

Gnomonica Stella, ideſt *Tractatus de Horologiographia*, in quo omnia Horologiorum genera Theoricè, & Practicè conſtruenda docentur, & Geometricis rationibus demonſtrantur.

Magni Planisphærij Ptolomaici Directorium, opus in folio, in quo fabrica, & uſus in Aſtronomia, & Aſtromaticis prædictionibus neceſſariorum demonſtrantur.

Mathematicorum opusculorum de Arithmetica, Trigonometria,
Geo-

Gnomonica, radio recto, reflexo, refracto Tomi 2. cum tabulis altitudinum Poli, Circulorum Horizontalium, Paralaxium, & exemplis longè diuersis ab ijs, qui ab Auctoribus ceteris in eorum operibus feruntur.

Opuscula in quibus de Paschate, de corrigendo Calendario Romano, de calceis, & calceamentis à S. Benedicto in usum Monachorum præscriptis.

Chronolog. ab Orbe condito ad nostra hæc usque tempora, in qua vniuersales Epochæ ab Orbe condito ad Christum, & à Christi natiuitate ad annum 1687. in triginta columnas distinctæ depromuntur.

Vita, & Historia SS. Pudentis, Pudentiana, & Praxedis ex pluribus Auctorib. classicis composita, in qua ostenditur domum S. Pudentis Senatoris Romani fuisse primum Hospitium Principis Apostolorum in Vrbe, & primam Ecclesiam in Dei honorem constructam, & à S. Petro dedicatam, in qua Sacre Synaxes cum Christi-fidelibus habebantur contra Noskerum, & Florauantem Martinellum, qui tantum decus, planè inuidiosum attribuunt primò S. Petro ad vincula, & S. Mariæ in via lata. Additur Catalogus S. R. E. Cardinal. cum eorum vita, insignibus, & gestis, qui huius nostre Ecclesiæ S. Pudentianæ de Vrbe Presbyteri Cardinales pro tempore præfuerunt.

Ceterum in laborum præmium, & in ætatis deuexæ solamen Abbat S. Syluestri in Monte-Soracte anno 1670. cohonestatus nuncupatione, ne senium quidem, quando robore præstantes inter senes ablegandi sint, à tabula amouet. Nullam abique linea transigit diem, imò octaua, & nona hora libris insudanti elabuntur, plura è mss. luci daturus, si sexagesimum Religionis annum iam agentu longius æuum fata donent.

1668. Io. Berard, Parisiensis, intra iuuentam nostram cogitauit Institutionem, iurauitque Plessiaci postridiè Nonas Maij anno Orbis reparati 1629. Cum Sæculo gentile etiam agnomen dimisit, Io. à S. Genuepha appellandus. An verò Religionis, ac doctrinæ in arena, animi cultui mentis expolitionem adiunxerit, liquet è vestigijs literarijs, quæ & calami exercitium sunt, & animi ad perfectionem anhelantis adiumenta. Qui enim viros à Mundo segreges, proprij status mune-

muncra nesciendo, plenam sapere ignorantiam optimè nouerat, quique Monachum Angelicis incumbendo moribus, Angelorum accedere nobilitati haud dubitabat, commentatus est

De scientia Sanctorum, idest de anima religiosa instructione, ne ullam sua professionis partem non benè calleat. Vnàque

De sublimi statu, ac dignitate Angelorum.

Opuscula hæc suæ potissimum vtilitati conscripta publico voluit etiam beneficio deseruire, ideòque communia fecit, primum quidem Lutetiæ 1668. ex officina Francisci Muguet, alterum verò ibid. impressore Francisco Heraul.

Plura etiam Monasteria direxit, & iure meritò quidem, nam ad Monachorum regimen eo nemo dignior, qui sui muneris apices, & gestis, & elucubrationibus eisdem edocere valet. Viuendi finem fecit Lutetiæ die vndeuigesima Octobris 1678.

1668. *Ioseph Ormea*, humanioribus literis iam apprimè excultus, nec in artibus liberalibus mediocriter versatus Monasticæ Institutionis sacramento se obstrinxit religiosa sub denominatione *Ioseph à S. Laurentio*, idque in Monasterio Testonæ à Taurinensi Ciuitate loco sibi natali quarto lapide distito, Calendis Maij anno 1659. Aristotilem, Diuumque Thomam explanauit Sodalibus ad annos octo-decim, tot nactus præcones, quot Auditores, me in primis, qui naturalem scientiam ab eo edidicisse grato calamo, gratiorique animo profiteor. Si typis consignabit, quæ Apollinis cultor suauis cecinit, plectro, seu quæ Verbi Dei Declamator ex suggesto populis annuntiavit, aut scientiarum Magister è Cathedra edocuit, multum profectò de re literaria benèmerebit. Hoc vt præster, inter Monasteriorum Præfecturas dictis vigilijs impensè inhæret, cum interim Leo ex vngue dignoscendus, luci exposuerit Monte-Regali apud Franciscum Mariam Gislandum

Extemporale iubilum ad Illustrissimum, & Reuerendissimum D. D. Dominicum Truchium, Montis-Regalis Episcopum, cum primum sacram B. Virginis propè Vicum adem inuiseret anno 1668. in 4.

1670. *Carolus Ioseph Morotius*, Monte-Regali natus, adolescentiæ florem in religiosæ disciplinæ rudimentis, bonarumque experientia artium collocaui. Ætatis annos quadraginta quinque recenseo, conuersationis autem in strictiori hac Cistercij obseruantia, cui ad

B. Mariæ de Testona sub cognomento *Caroli Ioseph à S. Anna* 20. Martij anni 1661. me deuoui, septem ultra viginti adnumero. Edidi, dum adhuc Taurini in Rhetoricæ exercitijs versarer

Applausus in promotione ad Purpuram Io. Card. Bona Eminentissimi mei Conciniis, & amplissimi Meczænatis, de cuius etiam laudibus ad omnes Augustæ Taurinorum Ordines cò temporis dixi, & Templum virtutis, ac honoris in tanti Principis meritis, ac dignitate, mea qualicumque peroratione Auditoribus apertum exhibui. Opusculum euulgauit Bartholomæus Zappata in 4. anno 1670.

Romæ postea degens anno 1674. excudendum præbui Philippo Mariæ Mancino

Cursum vite spiritualis, facili, ac perspicua methodo conducen-tem hominem ab initio conuersionis usque ad apicem sanctitatis, opus in 8. cum Italica versione Octauij à S. Cruce Taurini recusum anno 1683. in 12 per Io. Baptistam Zappatam Bartholomæi filium.

In Pedemontium ex Vrbe reuersus, & B. Mariæ Consolatricis Abbas primò renuntiatus, supposui prælo Io. Sinibaldi Regiæ Computorum Cameræ impressoris,

Theatrum Chronologicum Sacri Cartusienfis Ordinis, Lectori exhibens Ordinis eiusdem Primordia, & Consuetudines, Priores Magna Cartusia, Ord. Gen. Cardinal. Purpuras, Episcoporum Insulas, Scriptorum Athenæum, Piorum fastos, singularum denique per Orbem Cartusiarum erectiones Ordinis antiquitate digestas. Prodiit in lucem anno 1681. in folio.

Ibidem iterum Abbas adornauit

Vitam, & virtutes B. Amedei, III. Sabaudia Ducis, iubente Victorio Amedeo II. in Sabaudia, & Pedemontio nunc Regnante scriptam, eidemque R. C. nuncupatam. Taurini in Officina Zappatæ 1686. in fol.

Provinciæ deinde Subalpinæ Moderator publici iuris feci hanc

Cistercij reflorescentis, seu Congregationum Monasticarum B. Mariae Fulienfis in Gallia, & Reformatorum S. Bernardi in Italia Chronologicam Historiam.

Habeo sub lima *Theatrum Chronologicum Congregationis Clericorum Regularium Mariæ Dei*.

Theatrum Chronologicum Ordinis S. Hieronymi, per Hispaniarum Regna

Regna celeberrimi, vnàque Chronologiam Congregationum sub eiusdem S. Hieronymi legibus olim in Italia Alissimo famulantium, ea dispositione seruata, qua Chronologiam Cartusianam præmissi. Cùmque per aliquot annorum spatium sacræ eloquentiæ experimentum præbuerim, typis etiam par-

Conciones Aduentus in Basilica Vaticana Romæ dictas eo anno, quem clausit celebris referatio anni Iubilæi 1676.

Conciones Quadragesimales in eadem Basilica Vaticana, alijsque Italiæ Urbium suggestis habitas.

Orationes Panegyricas, & alia.

1670. Franciscus Antonius Porrónus, Taurinensis, disciplinis speculatiuis adolescentiam suam in Congregatione imbuir, quam morum, & Rhetoricæ floribus duntaxat ornatam è Sæculo attulerat, & Deo, ac Mellissuo Parenti Testonæ sexdecennis obstinexerat tertio Nonas Februarij anni 1663. cognomento, vt Institutionis ritui, morem gereret, Francisci Antonij à S. Catharina sibi adlecto. Regit in præsentiarum Abbatiam SS. Petri, & Andree de Noualio, quæ secunda iam illi extra studiorum puluerem obtigit dignitas. Quale sui specimen in scientijs diuinâ, & humana præbuerit, asserunt Florentiolæ, Montis-Regalis, Testonæ, ac Taurini lycea, in quibus adolescentiores Monachos Theologiam semel, Philosophiam ter edocuit. Quale verò Reipublicæ literariæ, eo Auctore, accesserit incrementum, fidem faciunt

Præfatio ad Philosophici studij auspicia, dicta Florentiola, 1670. & eodem anno excusa Placentiæ in Ducali typographia Ioannis Bazachi in 4.

Historia miraculosa Imaginis Beatissimæ Virginis Mariæ apud Montem-Regalem, quam post Philippum Mariam Roffedum, & Philippum Malabaylam nostrum, de nouo contextuit, auxit, ediditque vernacula Italiæ lingua Monte-Regali 1676. in 4. typis Francisci Mariæ Gislandi.

1670. Ioannes Rocherius, Maurianensis, anno 1632. ad habitum Regularem in sacro Testonæ secessu exceptus est, à quo tempore Sanctum Ludouicum, Cælestem sibi in Sæculo Tutelarem, deuotum, abdicato Sæculo, sibi in agnomen delegit, dictus proindè Ioannes à S. Ludouico. Composuit, simplicissimis vir moribus, & rebus Mo-

nasti-

nastica Chronologia dignis, agendis, quàm scribendis aptior

Glorias Abbatis Noualitiensis, ac Vallis eidem subiectæ, Volum. 1. in 4. Camberij impressione donatas anno 1670. apud Ludouicum Du-Four, in quo continentur Coenobij indulta, & priuilegia, Abbatum series, aliaque haud poenitendo collecta labore, si pari styli nitore, ac Monumentorum præstantia pollerent. Deuixit Camberij.

1670. *Jacobus à S. Michaelæ*, ante tyrocinijs arenam *Legris, Rothomagensis*, Theologus Fulienfis, Abbatiz S. Mariæ de Pinerolio, nullius Diocesis, Prouinciæ autem Taurinensis, Prior, & in eadem, eiusque iurisdictione in spiritualibus, & temporalibus Vicarius Generalis, & Officialis, Diuinos Codices in tabulas distinxit, prænotatas

Sacrorum Novi Testamenti librorum omnium Analysis catholica, & Oeconomia Generalis, opus egregium sub auspicijs Eminentissimi Principis Iacobi Cardinalis Rospigliosi primò euulgatum, Lugduni verò secundò excusum apud Antonium Iullieron in magno folio, & Ludouico XIV. Galliarum Regi nuncupatum. Typis etiam Lugdunensibus Francisci Comba consignauit duo Volumina in 8. sub huiuscemodi attigulatione

Bibliorum Idea generalis illustrata, & in suas delineationes distincta. Ita relationes Patrum Fuliensium, à quibus habeo Virum sapientissimum Artium Lectoris sæpiùs expleuisse cursus, & Abbatiz Pinerolij Exvicarium, Visitorem creatum Congregationis. Eo in munere, sese ad æternitatem composuit Tolosæ die tertia Octobris anni 1676. Claustralis autem militia tertio & quadragesimo, nimirum relatus in nostrorum album decima septima Maij anni 1633.

1672. *Ioannes Laurentius Trombetta, à Monte-Regali*, inter nos dictus *Ioannes Laurentius à S. Casareo*, ex fratre Nepos Cæsaris Trombetta Presbyteri Sæcularis, pietate eximij, & deuotionis ergà Imaginem B. Virginis secus Vicum miraculis coruscantem promotoris egregij, prælo consignauit eiusdem sui Auunculi gesta Italicè descripta in opere, cui titulus

Vita Venerabilis Serui Dei Cæsaris Trombetta à Monte-Regali. Taurinorum Augustæ apud Zappatam in 12. 1672. Vitam clausit Auctor anno 1687. septuagenario maior in Sacro Noualitiensi secessu,

cessu, suorum inspector operum, nam cum primò antiquissima hæc Benedictinorum Eremus nostris Colonijs patuit, illius Rectorem se audijt, ac tandiù habenas moderatus est, quandiù vegetæ vires ad regiminis idonei repetitas electiones suffragium contulere.

1673. *Martinus* gentili agnomine *Incesin*, loco natali *Parisiensis*, suave Monastici status iugum ab adolescentia subiit, reformauitque nomen Martini Incesin in appellationem *Martini à S. Maria*. Studijs addictissimus, Lectoris spatia quinquies emensus est, semel in Philosophiæ, quater verò in Theologiæ Palæstra. Typos etiam impleturus, protulit, dum maiora parat,

Librum referatum, seu prima Bibliorum elementa. Parisijs apud Georgium Iosse 1673. Vol. 2. in 8.

Tabulam generalem Summae Diui Thomæ, omnium eius Tractatum numerum, ordinem, & connexionem indicantem. Lutetiæ apud Bonnard. sub signo Aquilæ aureæ 1679.

Varios Iuris utriusque Titulos, ac rerum Indices unâ, cum Iuris Canonici Historia abbreviata. Ibidem penes Iacobum Du Breuil in Vico S. Iacobi anno 1684. Viuit adhuc Lector Sacre Theologiæ Parisijs.

1675. *Iulius Bartoloccius*, postmodum *Iulius à S. Anastasia*, è Celleno Etruriæ Oppido, vocatione sua ad S. Pudentianæ de Vrbe Sacramenti dictione ritè constabilita, in Pedemontium amandatus est, locum habiturus in lyceis Montis-Regalis, ac Taurinorum Augustæ. Ibi, dum Philosophorum, ac Theologorum placitis mentem imbuir, Rabbinos passim adire, Hebræorum codicibus frequenter inherere cepit, vberè in disciplinis scholasticis cum prouentu, celeberrimus linguæ sanctæ Magister aliquando futurus, eamque, erutis ex antiquitatis visceribus Scriptorum nominibus, & monumentis, illustraturus. Iuuit in hanc rem Italiam perlustrare totam, Bibliothecas locupletiores inuisere, Urbem mox repetere, & Israeliticæ eiusdem loquutionis publicum in Collegio Neophytorum Lectorem, & Apostolicum in Bibliotheca Pontificia ad S. Petri Scriptorem renunciari. Dum enim diuturno opportune Urbis domicilio fruitur, dum copiosior Voluminum suppellex ei vndique patet, dum summorum inter literatos capitum alios quidem alloquutione coram, alios verò Epistolarum auxilio consulit, dum Commentationis lumina in Anglia,

Germania, & Hispania diligentissimè conquisita celeberrimo promouendo vndique adferuntur, dum in suam rem nihil non obseruat, colligit, confert, ingentem tandem efformat foetum, proditque suo ex calamo Romę anno lubilei 1675.

Bibliotheca magna Rabbinica De Scriptoribus, & scriptis Hebraicis, ordine Alphabetico, Hebraicè, & Latine digestis Pars prima in folio, Palutio de Alterijs, S. R. E. tunc temporis Cardinali Patrono inscripta, tres primas Alphabeti literas complectens.

Biblioth. magna Rabbinica Pars secunda. Ibidem in folio 1678: ad Innoc. XI. Pontific. Max.

Bibl. magna Rabbinica Pars tertia. Ibidem in folio Carolo II. Augustissimo, & Potentissimo Hispaniarum Monarchę nuncupata anno 1683.

Bibl. magna Rabbinica Pars quarta complectens Auctores qui cadunt sub litera *Caph* & reliquis vsque ad finem Alphabeti Hebraici.

Extant præterea alię eiusd. lucubrationes, quę sunt

Liber Tobia filij Tobielis cum interlineari Latina versione, nunc primò translatus ex Hebraica in linguam Latinam. In margine additę sunt radices Hebraicę difficiliores; vnąque Commentarij ex secretioribus Hebręorum libris, quibus eorum rituum, Theologię, ac Cabalę arcana panduntur.

Liber, cui Tit. imposuit *Migdal Oz, Scem Adonai, Turris Fortitudinis nomen Domini*, seu Defensio Doctrinę Christianę Hebraicè translata à Io. Baptista Iona Galilęo M. S. in Bibl. S. Pudentianę de Vrbe num. 2552.

Ceterum suę magnę Bibliothecę nuncupationi par hæc elucubratio, editas olim à Genebrardo, Sixto Senensi, Buxtorffio, Plantavitio Rabbinicorum Mineralium nomenclatoribus absorbet, & maximeperè adauget. Auctorum nomina, operumue titulos, passim alibi nudos, penu eruditionis prædiuiti locupletat, subiectis eorundem Auctorum çrate, muneribus, virtutibus, vitijs, ac operum recensione, operum, si qua indigent, censura. Dogmata Talmudica in lucem educit, & refellit. Fabulosas enarrationes respuit. In Christianam Religionem impie dicta, doctissimè in Christi aduersarios retorquet. Si quid in referendis veteris Testamenti locis corruptum, id omne, emendata deprauatione, legitimo sensui restituit. A Scriptorum

rum

rum nominibus, & vigilijs nonnunquam digreditur, doctissimas intermixturus dissertationes, vt verè Gregorius de Scarinthijs, Collegij Poenitentiariorum apud Basilicam Liberianam Rector, & Verbi Diuini Apostolicus ad Hebræos in Vrbe commorantes declamator dixerit: *Vehementer miratus sum, quomodo vir Monastica disciplina addictus tot, tantaque Hebraorum volumina potuerit reinuenire, adinuenta reuoluere, & reuoluta obstrusora Iudæorum commenta in eis contenta retegere, eaque validissimis, & ad hominem (vt dicunt) rationibus, & argumentis refellere, ac totam ferè Talmudicam doctrinam pessundare, quod vix fieri potuisset, nisi pietatis flagrantissimo studio incensus, multis vigilijs, sudoribus, & bonarum horarum dispendijs posthabitis, solum Dei honorem, & Catholica Ecclesiæ commodum ante oculos habuisset. Nam quis hunc laborem suscipere, & nomina, & genus, & dignitates, & secula, commentariorumque numerum, varietatem, linguam, stylum, exponendi methodum omnium Iudaica gentis Auctorum manifestare potuisset, additis insuper annotationibus, censuris, castigationibus, obseruationibus eruditissimis, nisi perfectissimè calluisset linguam Hebraam? &c.*

Ascetæ clarissimo debebantur planè illustriores honores. At quid viris, se ipsis magnis, expetendus à gradibus decor! verùm nec ipsi desiderantur, nimirum egit Monasteriorum S. Bernardi extra Brissghellarum Oppidi mœnia; eiusdemque attitulationis Romæ ad Termas Moderatorem, Comitiorum Generalium Præsidem semel, ac iterum, Visitatorem Prouinciæ Romanæ secundò, & tertio. Prouincialatus, ac Generalatus volens caruit muneribus, quod grauioribus obnoxia curis, Commentatori potissimum, cui satius sit vacare à dignitatibus, quàm feriare ab elucubrando. Ne cui etiam præficere-
tur Ecclesiæ haud semel deprecatus est, maiori cum existimationis fœnore. Enimuerò fixo sibi in Vrbe domicilio, Sancti Sebastiani ad Catacumbas Abbas titularis perpetuò, Collegij Neophytorum ad annos 30. Lector, Scriptoris Apostolici penè ad totidem, Sacræ Congregationis Indicis Consultor, Romanæ antiquitatis, sacrorum Canonum, rerumque peritiâ conspicuus suspiciebatur. Apud Purpuratos Patres, imò & ipsos summòs sacrorum Antistites plurima floruit gratia, maximè autem apud Innoc. XI. quem ad suæ Ecclesiæ incolumitatem, fidei propagationem, Saracenorum, & Hæreticorum

cuer-

euerfionem, noſtrique æui felicitatem Deus Opt. Max. ſuum in Orbe Vicarium conſtituit. Id ipſemet facit in nuncupatione Rabbinicæ ſuæ recenſionis ad eundem, ubi ait: *Sextus ſupra vigefimum iam elapſus eſt annus, quòd in Collegio Neophytorum Vrbiſ Hebraica lingua Maſteriſtium ad hanc uſque diem exerceo, Te præſertim Auctore (Beatiffime Pater) cuius protectione gloriabatur ille locus, cùm inter Purpuratos Patres effulgebas; modo uerò eandem retinens, cùm toto Orbi Chriſtiano præſides, miratur tantam maiestatem munus idem non dedignari. Neque decebat tam diuturni temporis ſpatia ſine literaria, ut ita dicam, coronide concludere, neque Tua in me collata beneficia publico ſigno non teſtari. Nam Tu labores meos leniebas; Tu ingenij mei tenuitatem euehebas; Tu ſenili mea ætati perquirebas commoda; Tu voce, Tu affectu, uelut brachijs, me humaniter complectebaris; Tu ſeſſum recreans, fouensque, ad ulteriorem curſum promouebas. Quid ego tot officiorum cumulis deuinctus, tanquam grati animi perpetuum monimentum Tibi exhiberem, niſi omnium ferè laborum meorum fructum, mihi quidem permoleſtum, cateris forè non iniucundum, nec inutile futurum?*

Bibliotheca mea Rabbinica Pars ſecunda, in qua inter ceteros Dauid, hoc eſt Hebraicè Dilectus, deſcribitur, Te expoſcebat, dilectum ſanè Deo, & hominibus: ſed quam purpurato Tibi animus dicauerat, feliciter prouidit Deus, ut Tibi Sacerdotum omnium Principi, altiori, ſed æquiori titulo conſecrarem &c. Vitæ tandem clauſulam abſoluit apoplexia correptus anno 1687. die 20. Octobris.

1677. Io. Baptiſta à S. Anna, Pradillonus, ad ius Monaftericum è ſuprema Generalatus ſede Fulienſibus dicendum ſecundò aſſumptus, anno 1677. ſuppoſuit prælo Georgij Ioſſei Pariſienſis Bibliopolæ

Praxim Iuris in Congreg. Fulienſi. Aliaque adornat quantocyus euulganda.

1681. Philippus Burſus, poſt habitus ſuſceptionem à S. Ioanne Baptiſta, Romanus oblectatricem Muſicam à puero coluerat, gloria haud mediocri in Vrbe ſibi comparata ſeu organa manu pulſaret, ſeu tibias ſtatu compleret, ſeu, quod artis eſt faſtigium, ſacrarum modulationum Præſectum ageret. Quæ cura illi quidem alijs, alijsque in Eccleſijs frequens, ad S. Io. Florentinorum cum annui centus aſſignatione diuturna ſtabat. Nec diſſonam armonicis ſtudijs agebat vitam.

vitam . Ad honestatis legēs præcipuè conuersabatur, qui alios vocis ad numeros formandæ, fidiumque ad concentus præscriptum tangendarum passim adhibebatur instructor . Tædebat nonnunquam auribus suavius mulcendis plenam litare iuventam, idque auaram artis ob venditionem, seu leuem occidua gloriæ ob cupiditatem . Passim, terrenos moderando cantus, æthereos choros mente adibat, de laude diuina cœlestes inter Psaltes aliquandò concinenda cogitabundus . Nec diù consilij exequutionem distulit . Apollini tandem, & canoris valedixit curis nomen daturus Asceticæ institutioni, cuius sectatores iugi Psalmodiâ Angelicos Choros congeminant . Ea mente anno 1671. ad S. Pudentianam se contulit, vbi voti compos, decenniò etiam commoratus est, & Odei frequentia, ac œconomix exercitio, Cellerarij, vt vocamus, muneri, quod gessit, oratione, & operatione consonam egit personam . Qua animi constantia diuino se obsequio mancipauerit, tunc innotuit, cum à Patre suo, Consorte, & reliqua prole orbato, ipse, qui vnicus supèrerat, filius, profunda vt senectâ, morbis, ac inopia laboranti præstò esset, à Religione crebris expostulationibus repetebatur . Nescijt tunc ad liberioris vitæ amorem iterum flecti . A Pontifice de dispensatione interpellando abstinuit . Quo in discrimine egregiè illi profuit Congreg. Charitas, quæ maluit Genitorem ad supremam vsque diem suis impensis enutrire, quàm Alumno Sæculum, cum animæ periculo repetendi, facere potestatem . Sed hæc extra Orbitam dicta sint . Vt ad Musicam reuertamur, eius quidem exercitium dimisit, & ne eam calluisse à posterorum memoria excidat, typos cogitat, quos iam occuparunt .

Missæ unica voce cum organo, vel sine organo concinenda loco earum, quæ cantu Gregoriano cantari solent . Romæ typis Mascardi 1681. in 4.

Regit modò Coenobium S. Bernardi secus Brisighellam Romanolæ oppidum.

1682. *Mattheus Durandus*, in præsentiarum *Matthæus à S. Benedicto*, patria ex *Butiliera Astensi*, ita indigenæ vocant, ad distinctionem alterius eiusdem nuncupationis oppidi propè Auuilianam in Prouincia Secusiæ, naturæ debuit animum eruditioni, ac pietati opportunum . A Genitoribus siquidem Cherium amandatus, sub disciplina PP. Societatis Iesu studijs excolendus, vix delibato humaniorum

rum literarum flore, ad Teſtoniam, Nouitiatus domum, contendit, Monasticæ Inſtitutionis legibus erudiendus. Diuini afflatus puerum à rerum caducarum amore euocantis is vigit in eo ſetuoꝛ, vt Genitorem quoque ſuum ad Mundo valedicendum efficaciſſimo exemplo allegerit. Qui tamen Durandi agnomen ſecellit ſuum, nam animo ad arctiſſimæ obſeruantix austeritatem minus obdurato, quarto tyrocinijs menſe generoſo ſtadio terga vertit, cuius glorioſam adeo metam Matthæus filius attingit die ſecunda Iulij anni 1662. Votis authoratus diuinæ, humanæque ſcientiæ Cathedratum, Taurini, & Romæ celeberrimum ad annos duodecim, Abbatis Generalis à ſecretis, Prioris nuncupatiui, ſive Pinerolij, Abbatis Dominiæ noſtræ propè Vicem, Generalis in Curia Romanâ negotiorum Procuratoris Perſonas geſſit, alias, aliasque acturus, ſemper egregias, meritis nimis impares nunquam Scripta, ob quæ Athenæo inferendus, ſunt.

Diui Bernardi geſta illuſtiora, quorum Authographum à Luca Bertolotto ſibi in vitæ diſcrimine conſignatum, ne cum tineis, vt alia pleraque, decertaret, effecit, præfixa epiſtola nuncupatoria ad Deipſam Virginem, monitione ad Lectorem, ac diſerto elogio, edendumque curauit Romæ in officina Tinaſij annò ad marginem connotato 1682. Suo è calamo, ſi elucubrationi abſoluendæ ſe pro voto impendere poterit, dabit

Theologiam ad mentem Diui Bernardi, opus ipſi multi iam laboris, & curæ.

1686, Ioannes Maria de Gabriellis, Iſernas, quis futurus eſſet viuaci ingenio, tenaci memoria vel in ipſo ætatis flore commonſtrauit. Indoles literarum amica, optima naturæ inſtrumenta ea omnia puero contribuiſſe viſa, quæ in ephæbo ad doctrinam vnice efformato deſiderantur. Ea propter Parentes Urbem peteret curarunt in longè florentiſſimo Collegij Romani lyceo edocendum. In tanto ingeniorum meridie ſingulari applauſu emicanti ſupernæ vocationis lumen aſſulſit, cuius fulgore doctrinæ mundanæ dignoſceret vanitatem, niſi & alicui ex ſpiritualis ſapientiæ ſcholis ſe ſe imbuendum præberet. Ex ijs quamnam præ cæteris deligeret maturè penes ſe cogitanti noſtrum illi S. Pudentianæ Aſceterium occurrit. Fauſtè id cecidit, nam fragrans adoleſcentis deſiderium Patres haud diù morati, cum poſt integrum tyrocinijs periculum votis pronuntiandis ſolemniter admiſere

fere 13. Octobris anni 1672. assumeretque agnomen *Io. Maria à S. Florido* approbarunt. A nouitiatus palestra ad studiorum arenam de more migranti profuit iam Philosophum è leuitarum scholis discessisse, nam mox audiendæ Theologiæ admotus, breuiori temporis compendio discipuli cursum absoluit, & Magistri nomenclaturam, ac gradum assumpsit. In sententiarum delectu mentis nobilitas nonnisi ire per ardua cogit. Agit in hoc puluere iam ad integros duodecim annos Taurini, Romæque sat celebris. Subtiliores obiectiones non desudanti occurrunt ingenio, sed faciles illi, ac paratæ etiam cum insurgit extemporaneè. In doctis proindè concertationibus frequentissimum continuum sui experimentum facit. Academiæ Sacrorum Canonum, & Ecclesiasticæ Historiæ in ædibus SS. Cosmæ, & Damiani excitatæ accensus, egrégium sui specimen in his quoque præstantissimis studijs præbet. Publico autem iuri exposuit

De Romano Pontifice, & Ecclesia Asserta Dogmatica ad mentem S. Bernardi Abbatis S. R. E. Doctoris Mellisui. Romæ ex typographia Iosephi Vannacci anno 1686. in folio.

Promptuarium selectiorum Assertionum Historicarum, Criticarum, Dogmaticarum ex Sacra Scriptura, Historia Ecclesiastica, Summorum Pontificum, Conciliorum, & Sanctorum opulentissimo penu depromptarum, & per octo priora Æra Christiana secula distributarum. Romæ typis Pauli Monetæ anno 1687. in folio.

Propediem iuris communis faciet opus voluminosum, cui titulus

Theologia Historico-Dogmatico-Scholastica aduersus Ethnicos, Hebræos, Hæreticos, & Schismaticos ex Sacra Scriptura, Historia Ecclesiastica, & Prophana, Concilijs, & Sanctis Patribus concinnata.

Hilarius Firat, Annesiensis, post habitus susceptionem *Hilarius à S. Ioanne Baptista*, nostræ Institutioni ritis solemnitatibus Pinerolij adstrictus anno 1628. viuit adhuc septuagenario maior, vt vel in ipsa ætate annis, curisque atrita Monachos prisce æui, moris, ac spiritus prosequatur referre. Choro, & Cellæ, Deo, & bonis artibus vacare; asperiores consuetudines sanctiùs amplecti; in supellectili, in victu, & vestitu votam inopiam colere; cum viuus parum, multum cum mortuis conuersari; hæc illi à tyrocinijs limine norma vitæ. Quod ad eruditionem attinet, prædiutum instructione Bibliothecarum literatis aliorum orijs æquè ac suis in Sabaudia prouidit. Iuri Ci-

uili ac Canonico plurimam impendit operam, ea passim vsus ad vindicanda iura Cœnobiorum B. Mariæ de Abundantia, & S. Petri de Lémenco, quæ sæpius administrauit. Historicum præterea in paucis eximium nostra concelebrat ætas. Nullus Allobrogicæ nobilitatis Genealogias profundius callet, nullus patriæ antiquitatis sacræ, & prophanæ peritior. Si excudendæ voluminum Mss. mol. animum adderet, typos profectò fatigaret. At latere in vmbra, quàm suæ Mineruæ fecunditate se prodere sollicitior, quæ amicis confluentibus identidem communicat, publicæ subducit vtilitati. Proficere ex editis eius vigilijs voluisset Guichenonius, qui in contexenda Genealogica Regiæ Sabaudæ Domus Historia acceptis ab eo monumentis locuples, cæterorum cupidior Gallico, quo scripsit sermone, inquit: *Adhuc desiderantur Latini Sabaudia Annales Auctore R. P. D. Hilario à S. Ioanne Baptista Religioso Congreg. B. Mariæ Fulienfis, & Priore B. Mariæ de Abundantia in Chablais, qui monumentis ab antiquitate diligenter excussa collectis prædiues, in lucem emittere aliud quàm excellens opus non valet.* Idipsum frustra expostularunt & alij. Verùm si ob Auctoris animum in præli auersione obfirmatum omnes excidere è votis, fortè erit qui Autographa postuma luce donet. Interim Nestoreos annos optimo seni boni precantur omnes, qui, Præfecturis à multo tempore abdicatis omnibus, Camberij degit Abbas Titularis Ecclesiæ S. Bernardi Vercellarum, ad nostros S. Victoris Monachos Vercellis degentes spectantis, nimirum vir modestissimus, honorum procul à luce, & ad aliquod occiducæ suæ ætatis decus sola dignitatis nuncupatione contentus. Eius Mss. elenchum huic recensitioni deberi nequaquam volo, ideò subdo.

Catalogus Abbatum B. Mariæ de Abundantia in Chablais ab anno 1000. usque ad annum 1665.

Compilatio Chronologica Antiquitatis Prioratus S. Petri de Lémenco, in qua inserta leguntur varia ad Historiam, & ornatum Urbis Camberij.

Hist. Genealogica antiquorum Fauciniaci Procerum, nec non & familiarum; quæ ab ipsis originem ducunt Gallicè scripta.

Genealogia trium ex illustrioribus inter Allobroges familiarum, nimirum de Alinges, de Lucinges, & de Blonay, quarum quidem familiarum nuptias, sobolem, fortunas, pique monumenta ab anno

secu-

seculari 1000. ad hanc usque diem ex vetustissimis membranis hausta fidelissimè, & nitidè scriptis consignauit propè diem typis cudenda, maximè autem stirpis de Alinges Heroes complectentem, quam ideo absolutissimam tradidit Marchioni de Còdret.

Confutatio Dissertationis de iure pracedentia inter Serenissimam Venetam Rempuplicam, & Sereniss. Sabaudia Ducem à Theodoro Graswinckel I. C. Delpheusi scriptam.

Io. Baptista Borgia, Romanus, cùm 10. Iulij 1643. in nostrorum album illatus est, habitumque in Monte-Soracte induit *Io. Baptista à S. Philippo* vocatus, sacre eloquentiæ, facultatibus speculatiuis, Mathematicæ, ac Ecclesiasticæ Historiæ feriatas à diuino obsequio horas deuouit, responderuntque votis nunquam intermissi labores. Enimuerò post egregias semper scholarum in puluere contentiones, Philosophiæ, ac Theologiæ Romæ, Ianuæ, alibique Lector emeritus, Concionator etiam laudandi nominis euasit. Qui si calcographiæ opera communi vtilitati accommodabit, desudantis Mineruæ, sed manu exaratos labores, perpetua euulgabit suæ doctrinæ testimonia

Vitiorum fulmen, virtutumque stimulum.

Vitiorum Deformitatem, ac virtutis decorem, nimirum concionum Quadragesimalium cursum vnum, & alterum

Animæ preparationem, itemque

Faces ad perfectionem religiosam, conciones scilicet ad dies expectationis Virginei partus sanctius transigendos habitas, alias quidem ad Laicos, alias verò ad Sanctimoniales.

Nouenam ante sacrum Natale Domini nostri Iesu Christi, itemque sermones de Purgatorio.

Sermones de Beatissima Virgine, Orationes Panegyricas in Mariæ Dei Parentis præcipuis solemnitatibus.

Sermones claustrales in receptione Nouitiorum ad habitum.

Introductionem practicam ad Astronomiam via rationali demonstratam, variisque breuibus, & planis modis directiones, resolutiones, & transitus edocentem.

Declarationem compendiosam Sphæra Artificialis, Elementaris, & Cælestis.

Epitomen Arithmetica, & Geometria practica.

Horologigraphiam breuem, facilemque.

Explicationem praeceptorum Decalogi, complectentem vniuersam ferè Theologiam Moralem.

Theologiam scholasticam, quadripartitam, Philosophiae tripartitæ consonam, ea videlicet ratione, vt totius Philosophiæ, & Theologiæ studium sexennio decurrat.

Acum Magneticam Philosophicam, Theologicam, Moralem, & Rhetoricam, indicantem Auctorum loca super quamcunque materiam.

His, alijsque ingenij fecibus, ineditis licet cunctis, promeruit tamen vel aliquam inter nostri Athenæi lumina recensionem, ne Chronologia omninò sileret virum collectis nominis plaussibus sat celebrem, Academiæ Conciliorum, quam selecti ex Ordinibus Regularibus tantum doctiores Patres singulis mensibus in Templo SS. Cosmæ, & Damiani Romæ aperiunt, Præsidem aliquando renuntiatum, ac minores inter alios claustrales characteres Prouincialatu Prouinciæ Romanæ alias condecoratum, & Abbatis Generalis secundi Assessoris præcipuomunere modò defungentem.

Io. Baptista, gentili agnomine, *Ascherius*, Monastico autem à S. Bernardo, origine *Monacensis*, Diocesis Albintimiliensis, sed domicilio Romanus. Reformationis, quam, tertio Id. Septembris 1673. ad S. Pudentianæ perpetuò seruandam suscepit alumnus, plurima religione, & literatura excultus, Monasterij S. Bernardi ad Thermas SubPrior, Bibliothecæ ab Eminentissimo Cardinali Bona eidem Cœnobio extremis ceris donatæ Custos, Reuerendissimi P. Caroli à S. Francisco Abbatis Generalis à secretis, Latino plectro multa panxit, quæ inter, piarum Musarum teruntur manibus *Carmina in laudem Virginis Lauretanae*, typographo Iosepho Maietto, Mediolani impressa. Eiusdem Ascherij frequens occurrit mentio in celebri Philippi Picinelli Canonici Regularis Mundo Symbolico, Mediolani itidem anno 1680. cum additione vigesimæ sextæ partis recuso apud Franciscum Vigonum, cuius Appendicis Simbola ferè omnia ingeniosis oppidò, amœnisque disticis ipse exornauit, vt curioso Lectori passim videre est.

Carolus Ioseph Imbonatus, Mediolanensis, cùm nostræ Congregationi in Monasterio S. Pudentianæ de Vrbe nomen dedit, *Carolus Ioseph à S. Benedicto* appellatus, Philosophicis, ac Theologicis excultus

cultus studijs, linguę etiam sanctę addiscendę ad eę egregiam nauauit operam, vt propterea Iulius Bartoloccus sic de eo suos inter alumnos scribat:

D. Carolus Ioseph Imbonatus Mediolanensis nostra Congregationis Monachus vnus ex Monachis sacre Theologie candidatis eiusdem Cænobijs mihi à Reuerendissimo Patre D. Iosepho à S. Petro Abbate nostro Generali pro auditoribus assignatis secundum iussione Eminentissimi, & Reuerendissimi D. Domini Alexandri Cardinalis Crescentij, Congregationis nostra Protectoris vigilantissimi ad mentem S. D. N. D. Innocentijs Papa XI. Qui, vt in Vrbe apud Regulares studium haberetur lingua sancta, & Lectores instituerentur secundum sacros Canones, aliquos mea Congregationis Monachos in eadem lingua instruere mandauit. Iste, inquam, discipulus meus Imbonatus nunquam studium Hebraicum intermisit, sed in illud assidue insistendo, adeo profecit, vt non solum libros sacre scriptura, quantum licuit tyroni, interpretatus sit, sed, & quod mirum est, nondum expleto biennio ad legem Scebal Pe Oralem, Librosque Misnicos progrediens interpretetur sine vocalibus, suis interim non intermissis actibus Theologicis de iure sibi competentibus: in quibus omnibus, & præsertim in Hebraicis studijs alios suos condiscipulos adeo superauit, vt Collegij Neophitorum Superiores tempore mea infirmitatis eundem Imbonatum dignum, ac idoneum existimarint, qui Cathedram meam replet, & prosequeretur explanationem Psalmorum à me inceptam, eamque continuaret, quousque ab infirmitate conualescerem. Post discessum D. Riuiers Collegio Neophitorum, commissi eidem D. Imbonato, vt grammaticale opus à præfato D. Riuiers inceptum prosequeretur, qui cum annuisset, secundam partem introductionis in linguam sanctam intermissam reassumit, sed mutato titulo: quia cum de coniugationibus, & de reliquis, quę ad coniugationes, & ad alias Grammaticas partes spectant, agat, sint autem hæc veluti surculi linguę sanctę plantati in Domo Domini, de his quoque breui compendio, sed perspicue agendo Epitomen contexuit, indito titulo ex Psal. 92. 14. Sæculum bebeth Adonai surculi in Domo Domini. Hactenus de Imbonato Bartoloccus in sua Bibliotheca magna rabbinica parte quarta pag. 229. cuius præterea meminit alio in loco eiusdem lib. pag. 279. qui alumnum ad benemerendum de linguę Israeliticę explanatione, ac

de

de Hebræorum ad Christum conuersione aptissimum, magnæ suæ Bibliothecæ complendæ à sacra propagandæ fidei Congregatione sibi Coadiutorem datum gaudet, neophitis insuper edocendis à Collegij Rectoribus delectum, laborem cui ipse impar multa cum laude exantellare conspexit, ac typos cogitantem parate opusculum, cui titulum imposuit: *Aduentus Messia ab Hæreticorum, ac Iudaorum erroribus vindicatus, nec non sacrarum scripturarum, Sanctorum Patrum, Conciliorum, ac Rabbiorum suffragijs obsignatus. Ex Hebraico, Græco, ac Latino codice Auctoritatibus desumptis in duas dissertationes Theologicas, Historico-Dogmaticas distributus, in quarum prima omnes ferè Hæreses contra Diuinitatem, ac Humanitatem Christi Domini referuntur, ac reprobantur. In secunda Messiam in Lege promissum aduenisse veteris Testamenti, ac Rabbiorum testimonijs comprobatur, eorumque multa falsa commenta reprobantur.*

Athençij Fulienfis Minerualia hætenus celebranda claudit *Marcus Antonius à S. Maria, Pedemontanus, è Carretta*, quam S. Iuliæ vocant, familia genitus, à iuuentutis flore in Monasterio B. Mariæ de Testona tertio Nonas Aprilis 1657, nostræ disciplinæ sacramento auctoratus; ad regiminis periculum semel Monasterij Camberienfis, ter verò Abbatie Montis-Regalis consalutatus Antistes; ab Historiæ Monasticæ illustrandæ, ampliandæque zelo etiam collaudandus vestigijs Chrysostomi Henriquez. Fasciculi Sanctorum Ordinis Cisterciensis Auctoris iam à multis annis inhæret, adeoque feliciter, vt antiquiorum Abbatiarum euolutis monumentis, præclarisque congestis memorijs, non iam manipulum, sed sanctitate illustrium vberem ex Dominico Cisterciensi agro germinasse segetem, vitis, eorumdemque rebus gestis, quâ elucidatis, quâ adauctis, quâ etiam ex integro in lucem producendis se se ostensurum, dilucidè spondeat. Pium, eruditumque laborem literarius orbis propè diem habebit.

Cui quidem operi egregio, & desideratissimo cum multum tribuere queant Fulienfes nostri Asceticæ, exactissimæque conuersationis monasticæ nitore præstantiores, eorumdem Synopsis hic præmittimus, Carretto interim sinentes, disertius adornare typis, quæ à nobis perstrictim recenseantur continuanda Chronologiæ methodus, & ratio postulant.



CISTERCII

REFLORESCENTIS

PARS QUARTA

Fasti Pietatis.



Enerabilis P. Io. Barrerius Fulij Abbas, Congreg. Institutor. Ad Cisterciensis refectionem disciplinæ, benigno quodam horoscopante sisdere natus, primam delibavit auram anno quarto, & quadragesimo supra sesquimillesimum, tertio Calend. Maij, eadem scilicet ipsa die, qua Diui Roberti Cistercij Auctoris, sacrorum celebratione solemniū, præclara veneratur memoria. Genethliacis ad tantam

prouinciam auspicijs, eandem nimirum strictiorem vitæ rationem Cisterciensem inducendi in familiam, quam Cisterciensi sartatecta in Benedictinorum Ordinem Diuus Robertus inuexerat, reliquus consonarum partium apparatus respondit. Ingenium facile, ac præsens, vultus modestior, indoles ingenua, in Virginem, Diuosq; obseruantia nunquam vel in puero non effulsere. Adolescentiam verò exercuit matura pietate, æternorum amore, declinatione à Sæculi illecebris adultam. In humaniorum cultore literarum erumpebant Apostolici indicia Spiritus, vt iam tunc celebraretur natus mouendis affectibus, rerumque cœlestium sensu. Sacræ etiam facultatis, ac iuris Pontificij, & Cæsarei

rei puluerem laureato cum opere fructu Lutetiae pressit. Interea excessione Caroli de Crussol, & diplomate Pontificio renuntiatur Abbas Fulienfis.

Erat Fulium Cænobium Ordinis Cisterciensis situm ad Garumnæ fluium in Diœcesi olim Tolosana, modo Riuenfi, cui suis attollendo ponderibus primam apponit laudem antiquitatis character, religiosum secessum communi illa efferens nobilitate rerum, qua earumdem magnitudinem auget, dum initia, & Auctores origine obuoluit subobscura. Proximam huic præstantiam confert variasse incolas, & post antiquiores, Equitum de Spata 1145. Collegium, transisse 1169. in domos Cænobij de Crista filias, & adauxisse lineam Morimundi, cui inter Asceteria Ordinis Cisterciensis capita peculiare illud momentum, vti alijs Monasteria, ita ipsi Monasteriorum Congregationes aggregari, vno quippè, eodemque anno 1169. adauctus Fulienfi, & Palatiolæ familijs, illa in Gallia, hac verò in Hispania primitiui restitutrice Cistercij. Suum etiam pretium, si non à lautiori censu, seu ab ædificiorum maiestate, à præsentia Antistitis in confessibus statutum Comitatus, ceu Conuenarum Prouinciæ, quos ille vnà cum Episcopo Conuenarum & cogit, & regit. Hæc omnia cumulatius ab attitulatione Dôminæ nostræ de Charitate, & cum nuncupatione à Coelorum Regina, insigniri miraculosa eiusdem Imagine, de qua Benedictus Cononus in Deiparæ Chronico tradit: *Ipsò anno 1577. Congregatio Beata Maria Fulienfis Ordinis Cisterciensis institui cepta est in Aquitania, nimirum in Diœcesi Riuenfi propè Garumnæ flumen, septem ferè ab Vrbe Tolosâ passuum millibus, Fundatore Ioanne Barrerio. Caput autem Congregationis est Monasterium Fulienfe in prædictis partibus Tolosanis, quod prius fuit Abbatia quedam Ordinis Cisterciensis. In ipso igitur Fulienfi Cænobio adhuc hodiè cernitur pulchra Imago Deiparæ Virginis, ad quam multa patrata sunt miracula, quorum vnum celeberrimum describere libet. Cum Incolæ Fulienfis Oppidi ad arma processissent contra habitatores Baratenses propter ortam discordiam de finium suorum terminis, Cistercienses Monachi processionaliter detulerunt Imaginem ad locum certaminis. Priusquam verò deferretur Imago prædicta, cæpit lacrymari, magnasque guttas profundere, quod magnam admirationem cunctis videntibus mouit. Statuta ergo in medio utriusque partis, cum Monachi canerent hymnos,*

hymnos, laudesque ad honorem Beata Virginis, respondebant eis, & simul canebant amba partes. Tantoperè autem commoti sunt omnes ex aspectu Imaginis, ut inimicitias deponentes ad amplexus, & oscula corruerint, fadusque perpetuum inierint. Quibus peractis Sacratissima illa Imago seueriorem, tristemque vultum in latum, serenum, subridentemque commutauit. Hæc Benedictus Cononus. Sin autem Syluestro Maurolico habenda fides, hæc ipsa effigies visa multoties prodigiosè impressa folijs arborum sacra circumplectentium Claustra, attitulationem Collegio adiecit Fulienfis, siuè Foliensis. Ita ille in suo Mari Oceano Religionum.

Sed huiusmodi antiquæ laudis onerari lacinijs Fulij gloria non patitur, postquam Barrerij contentionibus excussit disciplinæ squallorem, & erectum in celebris Congregationis caput apricari cepit in meridie existimationis oppidò præstantioris. Luctuosa quidem sacri secessus facies post vitia à temporibus facta. Prostrata sædum in modum disciplina, ædes quæ fatiscentes, quæ euersæ, facultates inter raptores discissæ, iura neglecta. At vbi in vindicias commendatæ familiæ incumbere Barrerius cepit, vbi facessere morum corruptelas iussit, vbi nouis Alumnis suum adflauit feruorem: quinam restitutus loco nitor? quantam assurrexit in celebritatem? A suæ electionis plumbatis acceptis literis versari in consilio Barrerius cepit erigendi Monachorum indolem conuersationis exemplo. Septem omnino annos sublimis tenuit agitatio mentis. Nec à supremo afflatu exequendo statim retrahebat præclariùs ducere alios absorberet Sacerdotis opes luxus splendore, degeretque commodiùs in Sæculo, sed laboriosam affatim ingredi contentionem, disciplina infimo nimis posita loco. Cum Deo tandem res transacta anno 1573. Feriarum Quadragesimæ Dominica prima ad Cartusianorum secus Lutetiam Templū concessit. Diem à summo manè ad primas tenebras ieiunus insumpsit in precibus, lacrymisque fundendis. Reçessit exæstiuans amplectendæ institutionis desiderio, Fulium continuò cogitauit, habitum sumpsit, vota que nuncupauit solemnia festiuitatum Pentecostes altera die post Vesperas.

Regularis iam Abbas ex Sæculari accendere ad propositi Observantiam Monachorum pectora contendebat cum ardenti cohortationum vi, tum optimi consabellatione exempli. Sed flamma inic-

Et in alijs subsidebat veluti sub cineribus, in alijs inualescebat ad momenta. Ad liberiorum ablegationem consuetudinum incallescerebat nemo. Hæc ad quadriennium. Quo emenso, nec refrigerante se ququam ad castigatioris rationem vitæ, in Festo Exaltationis Sanctæ Crucis 1577. Capitulum ingressus aperuit suæ mentis esse integram Regulæ Observantiam ab illa inirent luce, vellentque, nollentque, ad legum D. Benedicti amussim cuncta domi disposuit, ut ab illa proinde die libeat Reformationis exordiri crepundia. Nec propterea in exacte arenam disciplinæ Fulium abiit actutum. Monachi austeritatem exosi, omnia post indolis dissolutionem habebant. Insidijs atrocioribus in ipsam Antistitis necem coniurabant. Operæ fuit pretium eorumdem prius conspirantem iugulare nequitiam, veneni propinationem, immissionem grassatorum infracta vi spiritus eludere, omnes exinde ab exacte militiæ castris dimittere, delectosque è Sæculo Candidatos in familiam censere, qui prima sub signis stipendia facientes, totos se illi informandos committerent. Hac ratione Fuliense Claustrum, exuto veluti senio, præbuit Cistercij renascentis vernos flores, quos Cardinalis Comus nomine Gregorij decimi tertij magnificè laudatos voluit in Epistola ad eundem Barrerium latinis hic verbis redditam.

*Reuerendissimo Patri mihi Charissimo
Abbati Fuliensi. Tolosam.*

Tua probitas conuersationis, pietasque votorum, quibus ad diuini decorem cultus, religiosoque reparationem Institutionis pro virili insistis, Papæ Sanctitati satis comperta sunt, qui mihi imposuit tua commendarem suo nomine studia, hortarerque componendis, ut poteris sanctius, rebus pergas in dies sollicitiorem operam impendere. In quam Sæ Sanctitatis mentem cum tuas curas acui extimulatione nequaquam indigeas, finem facio, & prospera, ac felicia tibi cuncta deuoueo. Romæ Calendis Maij 1581,

*Tuis votis
Cardinalis Comensis.*

Res sacras è Petri Cathedra temperanti, suarumque contentionum approbatori, incentori, humilis, & obsequens filius in hæc verba respondit.

*Prostratus ad beatissimos Tue Sanctitatis pedes Ego Cœnobij Fulien-
sis in partibus Tolosanis humilis Monachus, & omnium Abbatum ulti-
mus, Tue Sanctitatis obsequentissimus Tibi fidelium omnium Patri, &
Reipublica Christiana Parenti immortales habeo, & ago gratias, quod
mei memineris, & me homunculum literis, quas Illustrissimus Cardina-
lis Comus Tuo nomine scripsit, ornaueris; verum quia gratiam referre non
possum, dabo operam Deo Optimo Maximo iuuante, ne tua de me
nascens opinio extabescat. Mandata Tua studiosè exequar, Sanctæ
Regule præcepta non sinam fieri irrita, aut negligi veterum Patrum
exempla; neque unquam ex animo meo discedet hoc diuinum litera-
rum tuarum oraculum, ut omnia se habeant quanto rectius poterunt.
Deum verò immortalem, cuius nutui parent omnia, noctū, interdū-
que cum Fulienfianis Fratribus precabor, ut Sanctitatem Tuam, ex
cuius incolumitate vniuersi Christiani Orbis salutem pendere agno-
sco, nobis, & vniuerso Orbi perdiū saluum, & incolumen conseruet.
Tolosa Idibus Augusti 1581. Sanctitatis, & Beatitudinis Tue Hu-
milimus, & Indignus Seruus Fr. Ioannes Abbas Fulienfis.*

Ceterum qui reformando Cœnobio accurata iam opera inhērebat,
post acceptam Apostolicam, adeoque præclaram comprobationem
laborum, vti se obstrinxerat acturum, ita initum veluti in Cyro
cursum, concitatori deinceps studio absoluit. Quod vnum euin-
cendum intercedebat impedimentum, ius nimirum Abbatis Cister-
cij in Coloniam subiectam, ita coercendum moderatione Pontificia
curauit, ut ab impediendę strictioris consuetudinis excideret faculta-
te. Interpellationem ad Dei vices in terris agentem extrema operis da-
bit pars, vbi approbationem flagrantis Obseruantię, & interdictio-
nem Superioribus Ordinis ne remittere cogerent, præbit libellus sup-
plex, primò quidem oblatus Gregorio XIII. eoque intereà ad melio-
res raptò, successorì Sixto quinto, à quo ipsa approbationis Bulla
emanauit.

Itaque in conferto virtutum Theatro, vbi dotes serui Dei Ioannis
cum multę sint, singulę etiã de principatu decertant, suspiciendus
primo loco occurrit zeli ardor in expolienda disciplina commendatū
Cœnobij perferuidus. Ampliori prætereà non ducebatur concilio, sed
cum celebritate excrecente plurimo Affectarum numero, nimium
quam cœmulo desiderio propositi Colonię deprecantentur, cœū citra,

ceū vltra Alpes. Cætera cum exhibere inuitamenta non vacet, at-
texendæ profectò epistolæ à Regia Galliarum Aula secessus cultori
nihil minus cogitanti delatæ.

Henricus III. Rex, & Regina Mater Catharina Medicæ Tolosa
euocarunt ad Aulam. Epistolæ ex Gallico Latinæ inquirunt.

Domino Abbati Fuliensi.

*Domine Abbas. Optimi tui exempli rumor apud meas etiam au-
res inualuit, desideriumque fouet ingens te habendi penes me ad spa-
tia saltem mensura duo. Quare appropere ubi fuerim rogo ad Ca-
lendas sextiles. Aduentus erit è re tua, mihi verò omnia supra vo-
ta gratissimus. Venias ergo oro, & obsecro sensibus adeò intimis, ut
presentes mea scripserim manu. Protectionem optime vertet Deus,
hanc mihi facio fidem, ea potissimum, quam agito mente, & Rex
tuus æternum tibi debebit. Interea è Cælo incolumen te volo. Pari-
sij 20. Maij 1583.*

Henricus.

Domino Abbati Fuliensi.

*Domine Abbas. Etiam apud Regem filium meum plurima tua
virtutis, prudentiaque increbuit fama. Quanto feratur desiderio ad
Aulam venias, data commonstrat Epistola. Vbi verò presentes hæc
meas acceperis, via incunctanter te dones, & ipsa precor, futurus
virique acceptior. Opportuna commeatui, uti iussimus, præbebit Pro-
topreses Tolosa, & Deum quæso te sospitem cælesti suo patrocinio ser-
uet. Lutetia 20. Maij 1583.*

Catharina.

Dell Aubespine.

Profectum Lutetias duobus mensibus Rex detinuit secum, dimi-
sitque ad satagendas Abbatæ sollicitudines. Sed cum pari flagra-
rent desiderio, Ioannes quidem incolendi Eremum, Henricus verò
alloquio proficiendi, ac frequentia Ioannis, quadrienniò post abrum-
penda Rex censuit absentia impedimenta compositis literis, quæ &
expectationem disertè annuerent, & Cætus in Principe Regni Vrbe
constabiliendi animum sponderent amplissimum. Tolosano præterea signi-

significauit Præfidi aduentum vrgeret, & aduenturum commearum munificè instrueret. Tenor epistolarum est.

Domino Abbati Fulienfi.

Domine Abbas. Hac tandem ratione meis votis facies satis, Deumque cernam à te, & tuatesserahominibus exacto magnificatum obsequio in Abbatia, in qua ipsos collocauero ad sexaginta. Age ne vel uno minor sit numerus, si quod mihi debes obsequium, si cordi est tuum quantocius efflorescere Catum, cuius sanè incrementis praesentissimam, & tempestiuam operam debes, ad amplificandam maximè Dei Optimi gloriam. Ea propter teque, Alumnosque tuos Parisijs omninò reddes, saltem ad Decimo Calendarum Martij. Pleno dilectionis sinu aduenias exposco. Idipsum mandat Abbas Cistercij, cuius epistolam mitto. Te indubitanter expecto. Valeas in Domino. infra adiecit. Venito rem mihi factururus gratissimam.

Henricus.

Protopræfidi autem Tolosano scripsit.

Religionis te zelo inardescere compertum mihi, ultroque complecti, qua diuini respiciunt incrementa honoris, & gloria. Hac idè scribo volens in pia mea studia incumbas. Ità debes. Ità te acturum confido. Facies autem, si bonum illum Abbatem Fuliensem cures ad me venire, vnàque desideratum ex eius disciplina Ascetarum numerum, cui Abbatiam Lutetia condam, & feruenti diuino obsequio, deuota prece, sanctaque conuersatione mea vota iuuent, eorumque apud Deum interuentione complere valeam opere, qua pro Deo Sancta concepi desideria. Tempus condixi, quo Parisijs sint, iterumque precor, & mando manum illis porrigas adiutricem, id quod à te expecto, & Deus te seruet. Domine Praeses.

Henricus.

In Regios caractères beneuolentiæ, & existimationis stylo exaratos cum Barrerius concessisset, cum sua, tum præcipuorum ex Alumnis nauitate hac, illacque inceptum propositi dilatare propagines. Et primò

primò ad Hentici vota extensæ Lutetias, deindè per Gallias quidem immisissæ Coloniam, Tolosam, Burdigalam; per Italiam verò Romam, Sermonetam, ad Montem-Soraactem; in Subalpinis Taurinum, Pinarolium, Montem-Regalem. Destinatae & aliæ, quæ postmodum reuocatae, Siracusam in Sicilia, Lucam in Tuscia, Ameriam in Umbria ad oppida S. Cassiani Montis Asperi. Ad hæc Monialibus eiusdem professionis aptatum pro tempore primum Gynæceum apud Montem Squion in Volustre, vndè nobilioribus donatae septis, breuè euasere Tolosam. Asceterium Fuliense huiuscemodi emissionem palmitum in caput assurrexit noui sodalitij ab incunabulorum cognomento B. Mariæ Fulienfis appellandi. Barrerius, vti fecundiora, ita feruentiora perrexit gestare pectora, vorare itinerum incommoda, curarumque labores, ne alicubi deferuisceret hausta ab eo nitidioris obferuantis flamma.

Verum cùm in collapsæ disciplinæ Claustro arctiores excolere vitæ monasticæ rationes, cùm recentem, & absolutissimè notæ monasticum condere Cætum, propagate, dirigere modici haberet pensû, solempne erat exëstuant in sinu informandarum flammæ animarum erumpere, & ad procurandam proximorum salutem totam peragrate Aquitaniam. In ferijs Aduentus Dominici, & magni ieiunij implebat Ciuitatum suggesta, ceteris per annum diebus festis dicebat ad Dioecesium frequentias. Siuè autem ad nobiliora, siuè ad popularia declamaret subsellia, dominabatur inter mortalium affluxus idea dictionis, quam depositæ peccatorum sarcinæ attollebant aptam planè incutiendo diuinæ distractionis terrori, flectendisque ad resipiscenciam sonitibus omninò accommodatam. Concio ab Apostolicæ vi facundie robusta, sanctaque ab animi ardore inualescebat vehementius, cudebat quippè Orator in pectore diuino amore saucio non effundendum ad verborum pompam, famamque captandam vulgi sermonem, sed intorquendum, veluti fulmen ad terrorem, & gliscentium arietationem vitiorum. Nec ideo diserta minus oratio. Enim verò pabulum daturus excitato igni, passim bis in die perorabat, & tertio, cumque facturus iterum verba ab vna ad aliam properaret Ecclesiam, cùm extra Vrbes ab oppido ad viciniora pergeret oppida, tota illum consequebatur celebritas, ac mirabatur habere semper in promptu, quod noui Auditoribus propinaret. Nunquam contigit fermocinari, ac-
cursu

curſu non equante Templorum amplitudinem, imò occupatis fenestris, ſacellorumque cancellis per ipſam, quæ ad Templi fores pateret, aream non effuſa. Nec frequentiam implebant è plebe homines, ſed prima nobilitatis, ingenijque capita. Planè vt eminent celebrium Academicarum plauſus, tum Vniuerſitatis Toſanæ ſplendidiffimus erat, cuius illa vox: *conueniamus ad auſcultandum Sanctum Vaſconie Abbatem*, nimirum, Barrerio obaudito, lectiſſimus ille ſlos iuuentutis commouebatur acriùs ad proterendam Sæculi vanitatem, & plurimi poſt aures auditioni præbitas, diſciplinæ ſe mancipes deuoueant.

Par famè vox detonanti apud Moretum. Nauarræ Regina Mater, & Regina Sponſa eò loci pertranſeunt non diſcedendum cenſuere ante delibatam auribus ſacræ vim eloquentiæ ad intimos vſque animæ reſceſſus pertingentis. Conuenere idè ad Minores de Obſeruantia; quos penes conuerſabatur, & poſt celebratùm ſacrum verba facientem è Superiore loco Auſcultantes viſe inardescere à dictione. Rex ipſe Nauarræ Henricus inuiſere, & alloqui voluit. Carolus Borbonius Sanctæ Romanæ Eccleſiæ Cardinalis toto quadrageſimali ſpatio celebratam concionis ſua adauxit Principe Purpura, diſertoque ardore, & vitæ ſanctimonia captus, nullum deinceps officiij genus in illo cohoneſtando non collocauit, quemadmodum annuit litera ex vernaculo idiomate Latinè expoſita.

Epistoła redditor miſſionis cauſam ſignificabit uberius. Audies credo cum voluptate. Certè ſtat animus opportunitati occurrere, nec ullas prætermittere partes hominis additiſſimi erga te, plurima mihi exiſtimatione, & amorè inter beneuolentiæ tuæ, orationumque participes me quaſo recenſeas, ſimulque teneas res tuas. Commendaturum te nemini, qui animo ſupra meum ſtudioſiori tua promoturus ſit commoda, eodem nimirum quo precibus cum Deo agam meliora tuâ vota ſecundet. Pariſijs 30. Iunij 1584.

Amicus ex corde

Carolus Cardinalis Borbonius.

Habebat & ex Religionis, ac doctrinæ inſtituta apud Fulium ſchola eiufdem ſuæ diuino quodam ſpiritu animatæ facundia imbutos plurimos, qui dimiſſi ad promouendos virtutis prouentus, incitatiore eloquentia gladium Verbi Dei in culparum iugulum vibrabant intentiùs.

tius. Exstitisse non paucos commonstrat responsio ad Henricum petentem ingrederetur iter, & cum sexaginta ex ipsis sisteret se Parisijs pro 20. Februarij. Deprecaturus scilicet proficiscendi moram rescripsit. Ineunte Februario accepi Epistolas Maiestatis vestra, & Abbatis Cistercij per expressè amandatum à Domino Protopraside in vestro Tolosano Senatumibi delatas. Nec Regia fefellissem mandata, quinimò obedientia ergo, studijque in piam vestram mentem profectionem continuò adornassem, nisi sexaginta socij unà aduenturi Quadragesimali hoc tempore desudarent animarum quaestui in locis à Monasterio disitis, quæ sanè loca feriant, si illos euocauero, ab auditione Verbi Dei, alijs sacris declamatoribus aliò adlaborantibus. Post Pascha solemnia, Deo volente, Maiestatem vestram certò adibo cum sodalium delectu, debitumque obsequium operis præbitione conprobabo. Interea Rex cum toto Fuliensium Cœtu intercedere apud Deum Omnipotentem curabo pro Maiestatis vestra sospitate, Tuque felicitate Regni. Terrio Calend. Martij 1587.

Humilimus, ac obsequentissimus

Seruus, Subditus, & Orator

F. Ioannes Abbas Fuliensis

A studijs inter Congregationis incrementa, proximorumque salutem partitis, gradum nunc faceret sermo ad vota conuersationis ab hominum consortio planè sequestris, nisi gressum consistere virtutum Princeps iuberet charitas. Ab eius flamma de arctioris solitudinis vehementiori desiderio triumphatum in Barrerio præclare. Postquam trium annorum spatio disciplinæ erectioni accuratè apud Fulium insudasset, habuit cogitationem, imò penè decretum abeundi ex Abbate Cœnobitico in Anachoretam. Agitanti consilium ponderis erat ludere cum Monachis operam. Exemplo, adhortamentis, legum vi, ad expolitiorem non assurgere indolem, prolabi magis in insidias, calumniae suæ: Nec degere in contubernio vitæ securum, nec dicere ius regulare cum subditorum fructu. Erat & incitamento Diuum Benedictum cum deprauatione Ascetarum contentionis fallentem, abdicasse & ipsum Insulam, ac se recepisse ad tranquiliorem solitudinis sinum. Iam cogitauerat remotam à Galliæ Cœlo eremum aptam vacaturo duntaxat orationi, ac contemplationi. Cum in suæ adorandæ

mandę partę proposito confirmavit hausta à Diui Bernardi vigilijs sanior sententia . Constabiliuit & immutatam mentem aperuisse Reginaldo Dossaro. Nempe summatę à Viro, ob doctrinę, virtutumque præstantiam honore Vaticanani Senatus postea adaucto responsionem accepit cum Latina versione summę tantum hic delibandam : *Postridie Iduum Aprilis, primo hæc Dossati verba, nec antea habui litteras tuas 8. Martij datas, & habui apud Aureliacum, ubi in commendata sibi Abbatia placuit Fuxiensi Domino Paschales transigere dies. Multo sunt officio referta, multis insignes existimationis notis, sed quod magis me capit, est legisse, te incipere quodammodo reconciliare hominibus, nec eos ita odisse, ut cum valeas ad meliorem reuocare frugem, malis ab omnium te societate subducere. Nomen idę Diui Bernardi nunquam mihi non sacrum, sanctumque, solemnioris in posterum erit venerationis loco, ex quò suis te scriptis edocuit, velle potius benemereri de mortalibus, quàm eorumdem compendia infra solitudinis amorem locare. Itaque, longę post subdit, colenda societati cum nemo non teneatur mortalium, ipsi nuntium mittere tibi piaculum sit. Sacris es initiatus ordinibus, Monachi nuncupasti vota, Abbatiali emines dignitate. Nuda nequaquam hac nomina putes. Munerum characteres sunt, & appellationes curarum. Easdem obire curas sacro te iure iurando obstrinxisti. Desungi autem non vales, nisi inter homines agas. Si antra cogites, si petas, hominum iam non visurus quempiam, nominibus deficies tuis, Sacramenti præuicator eris. Te præterea sui Verbi præconem Deus voluit eximium. Fertur per omnium ora te declamare cum ingenti animarum quæstu, & auscultantium laude iuxta ac admiratione. Eapropter linguae ministerio designatum illud Apostoli tangit: Veli mihi si non euangelizem. Latam etiam nosti sententiam in talenti fructus negligentem: Inutilem seruum eijcite in tenebras exteriores, ubi erit fletus, & stridor dentium. Vbi autem proximę claudit epistolam, inquit: Amas solitudinem? habes profectò, mihi planę solitarius videris. Sentio namque tuę nota virum, qui postquam aliquot horas pijs commentationibus dedit, tenuitque cellulam solus, in Ecclesiam descendit, ubi illum auditorum frequentia cunctatur, perorat, interturbante nemine, ad clepsydram, conclauē exindere petit, quiescit aliquantulum, sobriam refectionem sumit, mox studijs assidet iterum, is plane, præterquam quod & sibi,*

sibi, & proximis impendit quod debet, satis superque solitudinem colit. Porro hac fuit tunc ratio vite in Aduentu, & Quadragesima dudum elapsis.

Neque is erat Venerabilis Ioannes, qui iuuandis duntaxat in spiritu mortalibus defudaret, quando dilectionis aliam haberet scatebram, pergeretque ad externa eorumdem commoda consimili prorsus studio procutanda. Experiebantur domestici amantissimum Antistitem producere curandis egrotis teneriora vbera matris. Agere penè valetudinarium, & emensis diei ministerijs, transigere noctem ad pedes grauius decumbentis, obdormiendo supra stragulum in solo explicatum, & capite reclinato ad extremam lectuli otam. Experiebantur exteri à Fulienfis Cœnobij temperanda suscepta re, simul erigendæ domi disciplinæ, simul subleuandæ foris inopiæ vacare. Intimè siquidem afficiebatur extremis pauperum ea tempestate miserijs. Sentiebat & cor vulnerari à nuncupatione Cœnobij, ac si illum appellari à Domina nostra de Charitate pectora pulsarit monendo, haud sineret refrigerare charitatem in Charitatis cubili, cuius æquando nomini largiori vellet manu consultum. Patere idè iussit pietatis ostia, & grassanti occurrere inopiæ. Id quod vbi vulgò manauit, visi illuc pauperes conuenire turmatim ab Vrbe Tolosa, à Fulij oppido, totaque circumiacente regione. Affluxus censèbatur octingentorum quotidie pauperum, & in hyemali ab agri laboribus feratione supra milenos. Præter hanc elatgitionem ad ianuam erat domi frequentissima hospitem, & peregrinorum collectio. Quædam verò copiosam aded, continuamque erogationem hanc honestabant, nequaquam hic reticenda. Argenteorum sesquimille tota erant domus eo temporis opulentia. Nihil æris alieni contractum, nihil eleemosinarum allatum viro Dei, resecta Templi molitio, restaurata Monasterij septa, & census præterea aded tenuis ad tantam egenorum alendam vim sufficiebat abundè. At cuiuspiam citrà admirationem sit charitati redundare horrea, seu annonam excrefcere inter hospitales manus. Hospitalitatis rationem nemo profectò non suspiciat. Sustinebat Barrerius ieiunia vsque ad primas faces, siue ad alteram noctis horam, quando discumberet ad peregrinorum mensam. Ex ferculis copiosè paratis cum degustaret nihil, cœnabat solo acetario crudo, & aquæ potu. Recumbentibus coram comedebat genibus flexis, veluti diuinam quan-

quandam maiestatem pauper conuiuia præ se ferret, & præferre profecto agnoscebat, colebatque. Nisi autem excepti in domo Aduenæ dilaberentur spontè, à nemine dimissi, commorabantur ad duos, ad quinque, ad sex plus menses. Erat & designatus excubitor, qui summa etiam nocte adcentes exciperet perquam promptè, Abbatem, totamque familiam à somno excitam euocaret ad obsequia, ac curaret forent in promptu obsonia scitè condita, ignis, cubile, & cubitum antequam irent, solemnibus lotio pedum cum psalmodia, & reliqua de more prece.

Charitatis flammæ par laus constantiæ. Nunquam enim in excitando Dei obsequio, nunquam in promouendis proximorum commodis audet quis magna sine robore animi ad excipienda aduersa parati. Vitæ Claustrali in crastinum se deuincturus grauius quàm antea comitali iacuit ex morbo, magnis vitis frequenti, regio ideò, altoque malo appellato. Nec cadendo, ab ardore excidit concepta dicendi vota. Surrexit imò paratior, & veluti proiectus in terram, hostem prostrasset suum, Epilepsiam ex tunc excussit, nec laborauit ultra infirmitate, sensus antea, totumque hominem passim capiente. Corporis quoque voluntaria afflictatio affixit non semel strato mox conclamandum. Nec propterea confirmatus à languoribus agebat minus asperè secum. Fortis pectore humanæ fragilitatis inter incommoda. At generosior animus externis obsessus cladibus. Ab Hæreticis comminata illi semper extrema. A Monachis prauis ingenij intentatæ illi continuò insidiæ. Cum suorum pateretur odia Ascetarum, Abbatem etiam Cistercij aduersarium sustinuit. Propinandum venenum semel, ac secundo euasit. Bis quoque sicariorum ferrum vix declinauit. Nihil propius fuit, quàm raptum Tolosam damnari capite. Destinatum ad necem carceris ruina seruauit, quæ trabis pondere vulneratum enormiter, ne abduceretur ad mortem, propè mortuum strauit. Cominus vidit familiæ internecionem, Coenobij ruinam, rapinamque bonorum; hinc potentis ira Equitis, amandantè ad necem milite, hinc conuolantibus ad direptionem Fuxianis, & Insulanis, hinc martialibus ipsis tormentis ad Claustri euersionem iam emissis. Non erant hæc aduersa, quæ Barrerij constantiam liberent. Non trepidare vnquam visus, non consternari. Occurrere potius calamitati precum subsidio, haurire ab ærumna vigo-

rem, & probatam tentatione operam strenuè sperare felicem. Caterarum ducit chorum virtutum vitæ rigor, quo refractariæ carnis contumacia mulctata, spiritui ad cœlestia enitenti regiam munivit viam. Sæuebat in compescendum corpus contexto horridè cilicio, & manu ad verberationes frequenti, veluti fustuario cum mancipio res foret. Apostolicorum Orbem laborum, lustrationem censoriam familiarum Cistercij in dependentia Tolosana, longa quoque viarum spatia Tolosa Lutetias, Romam, Neapolim in Apulia, aliaque itinera, nudis ementiebatur vestigijs, victitans intereà pane tenuis & aqua. Cardinalis Dossati epistola superiore faciente fidem diù abrupti ieiunia quotidiana solis arborum folijs. Acetabulo etiam ex rosas aliquandiù vixit, nec cibi adeò tenuis sumptio, nisi post solis occubitum. Familiaris item parcitas somni, vsusque horarum dici, ac noctis in orando, laborando, elucubrando. Quanta verò asperitate incunabula Reformationis postmodum imbuerit vix concipi potest. Illam concelebrabat ætas, nostrates non Fulienfes, vt in præsentiarum, sed Monachos appellans S. Bernardi de poenitentia. Luculentiori illius nitore Ecclesiastes Catholici arguebant ad hominem Hæreticorum perfidiam fabulæ dantem eremicolas Ægypti, & Nitriæ humanam supra fidem austeros. Amandabant quippe illos ad Fulienfes, monebantque: Conspicite moderna illa tolerantie prodigia, & proprijs excipientes obtutibus quid hac tempestate, seu perditis quid his temporibus agatur, in Græcos, Latinosue scriptores concedite, ac eximias suspicitote virtutes florentis Ecclesiæ felicia illa secula decorantes. Commendant & illam egregiè Constitutiones Pontificiæ continuatæ à Greg. IX. ad Sixtum quintum, vbi inquirunt. *Novissimè totius Gallia applausu, Regisque Christianissimi voluptate Lutetia visus est Abbas Cœnobij cuiusdam in agro Tectosagiensi stupenda austeritatis, qui concisis mundi oblectamentis Regulam Ordinis Cisterciensis purioris, & sanctioris prolis fœtu superadificauit. Non humanarum esse virium existimo tam seuerum, & arduum vitæ institutum, quod facilius probamus, quàm incitatur insequi. Quid enim corporis habitui, & compagini grauius, quàm aperto capite, pedibus nudis incedere, hirsuta toga indui, & quod longè discilimum est, à vino, à carnibus, ab ouis, à lacticinys, à piscibus abstinere, solis oleribus, & leguminibus, nullo sale, nullo oleo, & butyro conditis victitare. Dicis*

pro-

profecto hos Beatos viros nihil cuiquam cedere in rigidissima hac vita consuetudine priscis illis *Aegypti Anachoretis*.

Exemplis illam arctioris institutionis Anonymus etiam inserit modernus scriptor, deducitq; in arenam ad nouissima hæc tempora cum sanctiore Priscorum Ascetarum æuo comparanda. Ita titulo x91. dissertationis Gallica lingua emanatæ Parisijs 1661. de emina vini, ac libra panis à Cœnobitarum Legislatore Benedicto Monachis constituta. *Quot Ordines Regulares, quot familia virorum iuxta ac feminarum nostris etiam modo conspectibus obuersantur, qua maceratione carnis durius secum agunt, quàm ad frangendam sensuum prauitatem in sua Regula Diuus Benedictus præscribat? Percurrat oculus Menologium Cistercij à Chrysostomo Henriquez, concinnatum sub die 28. Aprilis, ubi de sartatecta Fuliensi superioris prope ani periodum instituta. Multa illic supra veterum pœnitentiam Patrum. Cœui illi sanctorum ne dum sufficiebat vini mensura à S. Benedicto taxata, sed nec vinum quidem gustabat. Ab epulis non proscripta duntaxat carnes, sed ablegata simul oua, pisces, lacticia, sal, oleumque. Ieiunantium refectio erat in hyeme tertia, æstiuo autem tempore quarta post meridiem hora. Vespere nihil accipiebant, nec quidem aquæ guttam. Maior adhuc Antistitis abstinencia. Gunctabatur diei periodum, hospitumque turbam quibuscum sumere Abbates cibum vult Regula. Complectebatur vel eorumdem infimos, & eos maxime, in quibus nimirum obseruaret Christum, obsequereturque deuotius. Porro hospites ipsos cum haberet liberaliter, cana cum ipso, tum Monachorum una secum commensalium laudatam intra sobrietatem stabat. En Lector fructus delibatos ex feruore atatis dudum transactæ. Nec tamen ceteras asperitates denarro, quales erant nudi semper gressus, domi nunquam operire caput, brevis nocte quies, duroque capta in solo, vestis ex rudi panno, sine prorsus industo neque ex morbidiori lana.*

Et aptissima quidem animo ad fiderea subleuando durior erat hæc carnis acceptio, tamen modum poscebat afflictationi imponendum, ne grauiori sub pondere seueritatis mortalium vires fatiscerent. Remittendum idè aliquantisper suadebant plurimi, quos inter Cardinalis Carafa pro suis in Congregationem studijs scribebat. *Quod pertinet ad cultum corporis magnoperè hortor, suadeoque, ut domi itidem atque foris tegumenta capiti, pedibusque ligneos socculos adhibeatis,*

beatis, eo videlicet consilio, ut ab hoc Romani Cæli rigore defendere vos diutius possitis, quo nomine humi etiam cubitum super nudo asserere non equidem probo, probarem sanè, si stratum insuper paleam Capucinatorum more adhiberetis, quod ni fiat magnoperè verendum est, ne cæteris contingat, quod duobus prioribus Decanis magno omnium nostrum marore contigisse iam vidimus, quando alter post alterum immatura morte suis, nobisque prærepti sunt. Verendum est inquam ne vester in Dei famulatu conatus non sit diuturnior, & per consequens fructus in proximorum salute, verbo, & exemplo per vos procuranda tenuior, quàm horum temporum conditionem flagitare videatur. Postremò illud quoque inciuile videri possit, quod humi assideatis, dum cibum sumitis. Morem à nullis hucusque Religiosis viris improbatum insequendum ducerem, accumbendū videlicet ad mensam, non quidem extantam, latisque mantilibus paratam, sed mapulis quibusdam ad os, manusque tergendas adhibitis, quemadmodum Patres Capucini adhibere consueuerunt. Hac porro ea sunt de quibus P. T. pro mea in vos charitate admonitam volui, putans fore, ut quemadmodum boni consulat, & animum aduertat, ut quando ineunte vere Romam cogitat, quod summopere commendo, in re prasenti, quod optimum factū visum fuerit pro Congregatione sua constabilienda, & propaganda, proque vestra Monastica disciplina forma dirigenda constituat. Valeat interim in Domino, & me suo Ordini deuotum suis apud Deum Opr. Max. precibus, & sacrificijs adiuet. Roma pridie Cal. Nouemb. 588. P. T. uti Frater in Domino amantissimus.

A. Cardinalis Carafa.

Quas verò pænalitates mitiores consulebant alij, mitigatas Pontificio sancito voluit Clemens VIII. & prouidentissimè quidem: Nam Auctori vitæ D. Eustachij Asseline cap. XI. pag. 95. quò merereferam: Deo inspirante Sanctitas sua huiusmodi capit consilium Reformationi conseruandæ perquam opportunum. Ut enim à primis Patribus, quorum nonnulli adhuc in viuis agunt, passim audiuiamus, Congregationem totam è medio iam sustulisset mors, nisi Apostolica Sedes mitiorem vitæ rationem imperasset. Hæc sodalitio. Nam Barrelius suo præ seruore leuem habebat enormem alijs obseruantiam.

Quare,

Quare, ipso annuente Papa, initialis vim tolerantiae ad vitam usque articulum fortiter exantlauit semper abstemius, nunquam usus pro cubili sacco palea facto, aut capitali; nunquam exhilarando conuiuio, adhibitis saltem vigiliae ferculis, siue oleo, butyroque, sed herbis solummodo pura lixatis aqua.

Magnam porrò lucem, maiestatemque denarratis faciebat studijs contentionum sanctiorum excelsum decus humilitas. Exteriores eius gradus attigit sermo, dum accuratè descripturus gesta illum incedentem exhibuit declinatis semper in terram oculis, aspera, & breui amictum tunica, sine capitis tegumento, gressibus omninò discalceatis, confectas etiam poenitentibus epulas panem, & aquam, poenitentium item de more sumentem, sedendo humi cum inter Sodales cenaret, positus autem in solo genibus, cum discumberet ad hospitem mensam. Nobiliora momenta rapim hic perstringenda.

Institutæ Congregationis peripsema, non caput se se passim aiebat. Ærumnas, calumnias, insidias non vitio dabat mortalium, aut dæmonis iræ in exosos inferno labores, sed incuriæ tribuebat suæ in diuina mente pro virili adimplenda. Monasticam asserere obseruantiam vbi iacebat, hominis longè præstantioris esse provinciam. Informatione egentem virum ad suæ ruborem ineptiæ in aliorum Institutorem assumptum. Quales ex corde humiles sensus, adolescente postmodum Cœtu, & Colonijs iam dilatato luculentius adhuc confirmauit. Ad capitis dignitatem collimabat Monachus non vltimè notæ. Ioannem in Apuliam sequutus, ad regiminis abdicationem inducere aggreditur. Composito alloquio recenset coram digni Antistitis characteres. Inesse illi aptiores negat apertè, ingenium maximè Reipublicæ idoneum moderandæ. Incrementa idè Congregationis lentè procedere dolet. Vnum attollit seipsum naturæ adiumentis, ac indole negotiorum capaci in paucis instructum. Suam interponat sententiam. Habeat satis audire Congregationis Auctor, velit etiam Congregationis amplitudinem, stabilitatem, seu pateretur superiorem sibi contingere locum, viro nempe de Cœtu multis benemerito sedem denique occupaturo cum amplioris spe vtilitatis. Qui de se ipso demissè, de alijs sentiebat præclare Ioannes ambitionis peroratorem cum laude modestiæ affatim celebrandæ exceptit. Annuit noscere se Monasticis ducendis habenis planè imparè. Stare cordi
abire

abire à munere, cedere dignitatem digniori, cedere ipsi. Adiecit nequaquam putaret stare dimissionem intrà verba, sed successionis ad munus haberet omen ipsam traditionem sigilli. En Lector Exabbatem Barterium, Abbatem Alumnum, à Barrerij indole, quin potius à suorum assequutione votorum longè aberrantem. Nimirum humilium euektor, coronatorque Deus despexit supra se cogitantem virum, & deiecit. Designat ille è vestigio rerum agendarum Assessorum alterum, alterum à conscribendis epistolis. Romam cogitat. In via commodiori posthabet itineri strictioris specimen consuetudinis, equo vehitur, ieiunia violat, vino iucundatur. Adeò rarò crimine vacant alio ambitiosi, & animo elati contra leges ferè semper insurgunt. Sed Neapolim vix peruenit, cum viscera calefcere sensit diro igne. Ardet lethaliter, nec à potionibus arte conditis, nec à linteis frigida madidis quidpiam haurit roris. Pergit ad cineres flamma inardescens nullo extinguenda Medicorum præsidio. Qua animadversione cum iuxta commendatam voluerit Deus alienationem ab Insula in Antistite, ac mulctatam in discipulo vesanam honoris cupidinem, à laudanda Barrerij humilitate temperatum ibi narratio, eundem ex Apulia consociatura Romam, vbi, probis inustus, præstantiorum virtutum specimen præbuit omnem supra laudis celebrationem egregium.

Nouerat criminatores. Nouerat agi alios ambitionis estu, artibus alios Edmundi à Cruce Cisterciensium Archimandrite, ea propter Romæ commorantis, quò, Reformatore vitij postulato, Reformationem sobolescentem euerteret. Nunquam tamen accepit asperè ex ipsis quempiam, vel dissipandis vacauit molitionibus improbis. Accidit conspiracy Auctorem totam dedisse diem inumbrando eius nomini apud Summum Pontificem, & Vaticani Senatus Patres. Pluvia ipsa eadem erat dies, redijtque vespere domum madidus imbre, & luto fœdatus. Egit vt moris est. Ingressus Monasterium adiit illico Abbatem petiturus benedici. Qui insectatorem suum humaniter amplexatus, vt vidit aqua disfluentem, statim etiam Vestispico aduocato, mutatoriam adferat, mandat: Illo autem respondente non haberi in vestiario, propriam festinanter exutus tunicam eidem imposuit, indueretque coegit. Extulit insuper dilaudandæ in offensorem humanitatis nobile vestigium præclariori momento. Quòd enim bre-

nioris

uioris ille foret staturæ, forbice arrepto effluentes in terram decurtauit lacinias, æquauitque indumentum gestanti. Interea à viro grauissimo accepit Monachos interpellare quotidie Augustum Sacræ Congregationis confessum. Nec leuia præterea de eo crimina auribus insusurrare Pontificis. A Sanctitate Sua rigorosè admodum in illum statutum iri. Lædi opinionem, velis, remilque fugeret. Se ideo restitueret Lutetijs quantocius. Inscio quoque Vrbe egressurus suo vteretur curru: Futurum breui emergeret veritas, & cum Henrici Regis opera, tum suis officijs Papalis deferuisceret indignatio. Cui Barrerius: Absit, inquit, hac de causâ me ab Vrbe subducam, qui si in Gallijs agerem, ad Sanctitatis Sux vestigia inuolarem extemplò, eiusque me distractioni subijcerem.

Postera die vocatus in iudicium ante cognitorem causæ à Pontifice designatum, audiit euentus enormiter sanctè inceptis, & cumulasse libidini crapulam, crapulæ, & libidini hæresim, ne parentis in Monastica institutione præclarum nomen vno commacularet dedecore. At quomodò ab assequutæ virtutis apice excidisse dicendus turpi adeò lapsu? In Urbem venit, vidit in Romana pube Congregationi adiuncta Reformationis segetem in Italia excrecentem. Facturus animos vitæ strictioris rudimenta ponentibus egerat cum ipsis mitius. Nonnullis etiam tentatione redeundi ad Sæculum vellicatis salutaria instillauerat monita, nec ad confirmandos in religioso proposito abstinerat ab osculis, publicè tamen, de more Gallici Cœli, & paternè iuxta ac innocenter. Hinc obscæni flagitij instructa accusatio, Deperire scilicet Adolescentes Monachos, nec à deosculandis, blandè alloquendis, contrectandis manibus, palpendoque vultu prauum valere genium compescere toto spectante Conuentu. Quòd verò sine Cerere, & Baccho frigescat Venus, & hæc appositâ culpa, exardescere pessima Venere, ex secreta intemperantia. In Sodalium conspectu abstinentiam colere, clâm cæteris vacare epulis, indulgere vino. Allati insuper codices ob hæresim damnati in Indice, & asseueratum repertos sub cervicali criminosi etiam in fide. Apostolicus Censor minimum posuit operis in expendendo an exprobratas noxas factiosa composuissent ingenia, an corrupti patrasent Barrerij mores. Præter delatores, & cum delatoribus consentientes Patrum melioris notæ nullum audiuit. Posthabuit pro Abbate intactæ indolis perora-

re sanctè gesta, famamque, vultumque. Pessimam de viro optimo concepit mentem, effecitque indueret & Clemens VIII. qui in audiendo delicta exandescens zelo, Ioannem habendum deinceps in Congregatione censuit, non Institutoris, sed præuaricatoris loco. Rediret eodem temporis ad S. Bernardi, & pleno adstante Patrum congressu Pontificio illum nomine exauthoraret à munere Abbatis, interdiceret à celebratione Sacri, & sanctiori mandato prohiberet, ne ab Vrbe pedem efferret. Actum vt rerum sacrarum moderator summus mandauerat. Barrierius se totum tolerantiae permisit. Difflandi accusationes, ac boni nominis euadendi lacunam nihil habuit pensu. Hausit obiurgationes, excepit sententiam animo ad Christianam fortitudinem, insignemque humilitatem composito. Duo, nec plura pronuntiauit verba, nempe: Peccator sum. Ad hæc frontem graui atreâ occupatam seueritate, mira quædam serenitas ex tunc in posterum exhilarauit. Nimirum acceptius nihil contingere poterat anhelanti ad opprobria pectori, emanabatque in vultus, quæ dominabatur in corde, iucunditas. Fecit & cum tentatione prouentum. Expolitior attrita aduersis patientia. Sublimior humilitas, cui ad celsitudinem gradum faceret ipsa ab Antistitis gradu deiectio. Obedientiae iuxta addictus, ac illa humilitati affinis. In feriatione à regimine suauiora orationis, & contemplationis otia. In probri Auctores adco concitata charitatis flamma, vt quoties Thermarum Collegio, vbi morabantur, accederet, eosdem in cubiculo inuiseret, & flexus coram in genua, pedes ad osculum sibi præberi deposceret. Integro octennio probatus contumelia, æquiritatis, & in pressura tranquillitatis egregium fecit periculum.

Interea cum pauci conuitiatores deturbasse è prima Sede exultarent, iidemque se se iactarent latitantem sub sanctitatis specie in lucem eduxisse prauitatem, filiorum cæteri, eosque inter vitæ spiritualis scientes magis concipiebant morem diuinæ sapientiæ amplificantis ærumna collimantium perfectioni virtutem. Indubium apud eosdem depositionem illam ab Insula ideo tolerasse Cœlum, vt disciplinæ Reparator, iniuria tanta honestatus, discipulos quoque initiaret suos ad omnem patientiæ aleam alacriter subeundam. Qui vices obibat regiminis Ioannes à S. Hieronymo vir absolutissimus colere pergebat vt Patrem, temperabatque obseruantiae ergo à quidpiam ei precipiendo.

do . A cuius tamen modestia cum extorquere ille nequiret, ut Superiorem se nosceret, excerceretque obsequio, delibandi obedientiæ appetitos fructus aliam inibat rationem, agere nempe semper quod Superiori sciret placere magis, imperaturumque, si Antistitem se gerere in illum quoque libuisset . Purpuratos apud grauiores nihil insperfit umbræ, criminatio . Maiori adhuc in pretio habebant . Frequentiam idè colloquij, postulationem precum, aliaque augebant existimationis argumenta . Omnia collaturos pollicebantur studia restitueretur, si vellet, quamprimum dignitatis insignibus . At ille obsecrabat cunctos, pro sanctiori in Deum amore, pro intimæ beneuolentiæ tessera diuinam sinerent misericordiam poenitentia demereri . A meliorum datore charissimum solidum potius impetrarent pectus versanti in patientiæ discrimine . Verùm Catharina Nobilis Sfortia, Iulij Papæ Tertij Neptis, Roberti de Nobilibus Cardinalis ad sanctimoniam probati soror, S. Floræ Comitissa, splendore generis, opum claritate ornatissima, Cænobij ad Thèrmas fundatrix, & Viri Dei in paucis deuota, cum demirandæ virtutis hominem obuolui diuturniori famæ eclipsi ferre nequiret, sategit, vitæ, mores iterum ad censuram venirent . Annuit Sanctitas Sua, imposuitque deprecatau prouinciam Roberto Bellarmino . Is supra probitatem, doctrinam, purpuramque, prudentia eximius facili negotio comperiit euulgata crimina ex nebulonum officina manasse . Quare ad Pontificem ingressus, fertur coram alijs amplissimæ dignitatis Collegis in hæc verba locutus . Fulgensium Abbatem à conflata calumnia olim penes me absoluebant nuntius ab adolescentia missus sensuum oblectamentis, ducta per omnem asperitatem ætas, flexa ad summam honestatem, modestiamque indoles, sacrarum ardor contentionum quæ Monasticis sodalitijs ad sanctioris obseruantia numeros reducendis, quæ dissipandis Hæreticorum erroribus, quæ in perditas Sæculi consuetudines declamando, æquanimis in ærumna, serenitas in opprobrio . Postquam verò, Beatissime Pater, de mandato Sanctitatis Vestræ sedi cognitor, dilucidè conplexi Ascetam intacti pudoris, rigidæ abstinentiæ, & sanioris doctrinæ per summam malignantium nequitiam laborare infamia incontinentis, intemperantis, hæsitantis in fide . Paterni vestigia affectus perperam audire libidinis illecebra in viro ab incunabulis pietati addicto, & præterquam pudicitia nunquam non studioso, annis

iam longæuo, asperitatibus confecto. Malè etiam collata illi crapulæ nota, nimirum clandestinis comestationibus nec quidem locus in religiosa domo ea ratione exædificata, vt Antistes, Sodalesque vna simul maiori in cella die, nocteque commorentur omnes. Libri interdictæ lectionis strato dolosè suppositi. In parenti cunctis cubili facilis prauitas tanta molitoribus iniquissimis. Ad hæc noxarum testes non alij à criminatoribus. Adiudicatus reus causam dixit suam more innocentiae perindè humilis, ac inculpatæ. Peccatorem se asseruit: Quis enim iustus, qui non septies cadat in die? Cæterum obiecta vitia, quæ non commiserat, nec admisit, nec iuit inficias. Quare consummata virtutis tantum esse virum censeo, qui in diuturna contumeliæ tolerantia perfectæ patientiæ opere eminet. Et placuit quidem regentis Fulcensium familiæ ædicatori Deo illius antesignanum reprobari pressura, sed disposuisse reprobaretur ideo sentio, vt comprobata postmodum innocentia, fieret iterum in caput anguli, renuntiatus celebrior, & gloriosior præcellentis Congregationis Parens. Id quod vbi Sanctitas Vestra annuat, & exemptum à probro bono nomini, sacrorum operationi, officij insignibus restituat iterum, eduxisse dixerim à calumniæ tenebris luculentum Ecclesiæ militantis sidus, illumque consonæ existimationis promerito vindicasse nitore.

Haud facillè dictu quantam celebritatem conciliarit Barrerio detecta Bellarmini opera eius integritas. Clemens Papa suis nominibus honestatum mox voluit, misso iterum ad Monasterium præstantissimo Cardinali, qui & à nota absolueret, & effusa cum laude ignominiae patienter exantlatæ repositum in Cœlo præmium gratularetur. Insignia etiam Abbatialia Mitram, baculum, annulum eidem misisse, aliqua tradunt monumenta. Insectatorum malitiam dirè execratus, ex tunc dicere identidem consuevit: A fratrum odio bonum quemque defendat Deus. Nec multò post succensuit pro merito in illum, qui reatus falsò impositos præcipiti sententia damnauerat. Siquidem cum de certo acturus negotio ad sacra pedum oscula accessisset, seuerà illum animaduersione reiecit, cuius dolore intimè punctus accelleravit ad fata gradum. Siccine, inquit, prudentiam probasti tuam in quæstione instituta de moribus boni Abbatis Barrerij? Nonnè subolere tibi poterat infensorum liuor? Est nè longa rerum experientia edocti non dignoscere insidiarum vultus, odij machinameta non pene-

trare, detrectatoribus facile credere, plectere in fontem? Apagè grauius adhiberi curis ineptus. Sceleris conscientia impulit reum facti adire Papam, & postulata impunitate fateri volumina impiæ doctrinæ à se strato subiecta. Vrbe sui admiratione suspensa cœpit in omnium ore versari, commendantibus magnificè cunctis, virtutem luculentius ab iniuria effulgentem. Plurimus quoque ad Monasterium affluxus ex certatim cupientibus implorare preces, deosculari vestes, seu de animæ salute consulere. Genere, doctrina, pietate illustri, publici præterea plausus in vertice constituto sublimior adhuc dignitas à Pontifice parabatur. Sed splendidior manebat Cœlo merces, à cuius fastigio ne aura mûndanæ gloriæ deturbaretur enixè Deum rogauit reuocari quantocitiùs ab humanis. Itaque infrà annum à gloriôsè emensa tribulationis, & opprobrij compendiaria ad perfectionem semita, temporalis quoque cursum vitæ clausula præpropera absoluit. Diuino collustratus lumine instare exitum communem agnouit. Quare incolumis licet ad valetudinarium se contulit. Extremis voluit muniri Sacramentis, composuitque se se in strato è nudis asseribus, poenitenter, vt vixerat, momentum operiturus, à quo penderet æternitas. Corruptus hinc morbo reliquos vitæ dies expleuit, inter Cœli suspiria, amorisque deliquia. Sodalibus demum complexis ad vnum, & verbis Deo plenis supremum affatus, in eorundem sinu piissimum spiritum posuit Quarto Calend. Maij anni sæcularis 1600. Exequiæ ductæ primùm à Patribus intra modum priuati funeris, & Religiosæ demissionis. Deindè, quæ fuit Comitissæ S. Floræ in virum ornatissimum deuotio, solempni illi lacryma parentatum. Ecclesia S. Bernardi attrato panno conuestita, ac multa face longè splendidissima, excitata sepulchralis moles, celebrata etiã indoles, panegyrica inter rem diuinam laude, transijtque in prouerbiũ: *Non tibi iusta contingēt funere Abbatis Fulienſis illustriora*. Corpus balsamo delibutum, & capsâ plumbea inclusum pro tempore datur tumulo ad læuam aræ Principis intra odeum. Cor miræ magnitudinis repertum reponitur in theca argentea, Abbatix Fulienſi destinatum pignus. Crescente postmodum ad sepulcrum affluxu, anno à depositione sexto & vigesimo transfertur in Ecclesiam condendum sub monumento marmoreo erecto ad latus Epistolæ cum effigie illustri pennicillo expressa.

Ex benedictis eius reliquijs caput vnà cum corde asseruatur in Abbatia Fulienſi, pedes Lutetiæ, coxendix Taurinorum Auguſtæ. Porro reuelationibus ante, & poſt mortem claruit, nec defuere cum alijs ſanctitatis indiſijs collata mortalibus beneficia, quæ Cœlitum beatitate donatum illum commoſtrarent. Attactis reliquijs reſtituti incolumitati quamplures affecti corporis. Implorato patrocinio euafere alij ab æquoris æſtuantis præſenti diſcrimine. Ad inuocati pronuntiationem nominis multa ſequebatur malorum geniorum à corporibus obſeſſis propulſatio, nec huiuſcemodi occupatorum à caco-dæmone adduxiſſe vnquam ad eius ſepulcrum quempiam, à quo vexatores ſpiritus non faceſſerent, teſtatum reliquit D. Rodulphus à S. Catharina Senenſi in arreptis exorcismorum vi iuuandis continuus. Cor 26. poſt inferias anno, Fulium mittendum, ideog; aperta in theca inſpectum, ſub putridis inuolucris, viuidiorem exhibuit oculis rubeſcentis, colorem purpuræ, nimirum ſua incorruptione factam declarauit corpori iniuriam pretioſi perunctione ſucci, quando præſeruacioni à tabe ſufficeret extitiſſe domicilium animæ moribus integerrimæ. Sed hæc, aliaque ſanctitatis veſtigia rito Sedis Apoſtolicæ examini noſtratum Cetus adornat, quò Inſtitutoris virtus priuato hæctenus mortalium plauſu ſpectatiſſima, adſtipulante tandem cum Auguſtorum Patrum iudicio, tum ſummi rerum ſacrarum Antiſtitis decreto ſolemni colatur Apotheoſi, diuorumque tabulas, publica litante religione, Barrerius adaugeat, cuius vitæ hanc qualemcumque enarrationem claudendam cenſeo Epitaphio à D. Martiali à S. Bernardo Superiore Generali anno 1612. conſcripto.

D. O. M.

Reuerendiſſimo in Chriſto P. D. Ioanni Barrerio Abbati Fulienſi, nobili apud Cadurcenſes genere in Gallijs oriundo, ac nobiliori Monachica diſciplina Ord. Ciſt. diu collapsæ in ſuo Monasterio Reſtitutori, & inde Congregationis B. Mariæ Fulienſis, in aliquot Italiæ, Galliaque Prouincias Apoſtolica Sedis auctoritate ab ipſo propagatæ, Fundatori meritiſſimo, mortalium quamplurimorum ſaluti tum vitæ planè cœleſtis exemplo, tum publicis concionibus, ac cohortationibus priuatis vigilantiffimo Conſultori: ab omni ſancto corporis, & animi
labo-

labore semper inuicto, asperrimæque viuendi rationis semel susceptæ usque ad extremum vitæ spiritum obseruatori tenacissimo: Tandem sparsæ miræ sanctitatis, ac omnium virtutum per Urbem, & Orbem odore, Roma anno lubilæi 1600. in Domino feliciter obdormienti, Parenti optimo, & Institutori præclarissimo, deuotissimi in Christo filij posuere. Vixit annos 56: mens. 11. Obijt 4. Cal. Maij.

1585. *Ioannes Iacobus De Loupes*, sanguinis nobilitate Duci de Ioieuse coniunctus, martiali animo, martiali se instructum corpore Melitenses inter Equites comprobabat. Castrorum labores sustinebat fortius, ad militares congressus conuolabat alacrior, quòd inter Christianæ Fidei illustriores Athletas bellaret bella Domini, & victoriarum laurus foret Religionis triumphus. Seruabat interea mentem probi, rectique tenacem, ac inter multam fortitudinis laudem castigatioris amore vitæ in tantum exarsit, vt transeundi à Melitensibus ad Fulientium signa subiret animus. Quæ dies Virginem Dei puerperio Cœlitus delectam Orbi produxit, eadem Io. Iacobum Loupes Monachum ex milite præbuit, adiecitque a. 1578. Barrerio, primis strictioris Obseruantie candidatis quarto accensendum loco. Ex quo verò sanctiori militiæ nomen dedit, nihil in stirpis ingenuitate præclaro eluxit minus, quàm generis splendor. Pro Equestri Cruce temporalis belli nobili authoramento arctissimam austeritatem, grauiorem æquè, ac gloriosorem spiritualis pugnæ crucem gestare incepit, gestauitque sexennio, nimirum vsque ad diem fatalem. Nihil illi iucundius, quàm se se verè penitentem exhibere, ore quidem exacta de obseruantia frequenter loquendo, corde illam, si quis alius, feruidè amando, toto denique corpore, flagris, ieiunijs, cilicie in se agendo. Admonitus seueriori parceret pœnitentiæ, à cuius rigore nimium pallorem vultus iam induisset, subdidit: Monachi color pallor est.

Ad hæc obedientiæ primas dabat, & charitati. Abiectione doctus exercitia hauriebat auidius, ad hospitum, inopumque obsequia, ad summum veluti quæstum, conuolabat sollicitè. Verborum parcus, nonnisi pauca, eaque fructuosissima loquebatur. Horum specimen sunt: Verè pœnitenti voluptatum abnegatio summa voluptas. Corporis languores sunt animæ sanitas, & deuotionis palæstra. Æquanimitas in aduersis ardua præ cæteris virtus. Cedunt profecto reliquæ,

quæ, vbi hæc diuinæ voluntati conformitatem præ se fert. Patientia nedum vires spiritus acuit, sed etiam doloris minuit acerbicatem. Nemo criminis expertus. Alterutrum supportare debemus. Magis à consilio, quam à consiliario cauendum. Vbi dominatur libido, exultat æquitas. Charitas laceßita seipsam defendit, & hostem seruat. Improba doctrina, quam morum perfectio non consequitur. Eadem sapientiæ, ac diuitiarum, ingenijque conditio, non enim quicumque vult, nec quantum quisque vult illam attingit. Passionibus animi indicendum pro virili bellum. Eisdem superandis tempus, & prudentia ex æquo conferunt, Vesana gloriæ cupiditas generosiores animos ad grauiores noxas impellit. Christiano turpe est pendere ab hominum opinione. Solum Dei iudicium pertimescat fas est. Quemadmodum Nero Cæsar Martyres à leonibus dilaniandos belluarum pellibus opperiebat, prætexunt inuidi inculpabilia aliorum gesta malitiæ velo, eaque ratione efficiunt inuisa. Iniqua mente laborant, nec bene audiunt commendata in alijs ornamenta virtutum, quarum decore semetipsos norunt exortes. Captandum quodcumque resipiscentiæ tempus, & licet serum, vile tamen. His, alijsque scitè, & ad ædificationem dictis, internam sui animi effigiem exprimebat. Iam verò de pia mortalitatis clausula anxius, maiores illi curas impendere. Corpus, aiebat, in mortis confinio est. Faxit Deus animam in beatæ æternitatis limine colloceam. Pudet innocentem non egisse vitam. Vtinam supremum vitæ actum deuoto compleam, & compuncto agone! Id vnice in votis habebat, id testimonio adstantium obtinuit, efflauitque pijsimè animam Nonis Augusti 1585.

1588. *Jacobus de Rupe*, vir præter natalium claritatem, doctrinæ famam, magnique Aluerniæ Prioris Generalem Vicarium, Monachus olim in Abbatia Casæ Dei, ac virtutis consummata flagrantior. Eapropter ad reparati Cistercij fulgidum diluculum exhilaratus mirificè, anno 1580. tertium & decimum illi Asseclam adiecit. Et qualem? Indoles mitiori in Cœnobio iam castigatior, ad Sodalitatem strictioris obseruantia translata, opportuna veluti in areola collocata est, in qua luculentius se se explicaret. A Religionis laude feruentior Dei famulus censerì poterat vel ipsos inter Casæ Dei Sodales. Quare ad Filsiensum stipendia transgressus commilitonum illos æmulabatur libentiùs, quorum pœnitentiæ votis leuior adhuc erat vitæ asperitas credi-

Credita supra mortalium vires . Sanè arctioris in puluere consuetudinis nedum rigoris numeros implere omnes studebat, sed ad peculiarem quamdam asperrimæ conuersationis excellentiam enitebatur . Itaque in seueriora ingenia vltronè concedens , quotidianam victus parsimoniam augebat cibo alternis tantum diebus sumpto, nec alio quàm pane , & lymphâ . Somno autem in humo breuiorem addebat somni mensuram ad duarum, vel trium spatium horarum , nec p salmodiam nocturnam proximè vnquam è strato petere, sed illa anteuersa, præmittere Choro alias priuatim preces, flagrorumque supplicia . Pallore autem, ac vultus macie cum apertè ostenderet quàm rigida manu in discruciendo corpore vteretur, verebatur tamen mitius se gerere, quàm par foret . Austeriori viuendi normæ addicte illa duntaxat remissio contemplationi vacare, via compendij, seu affectibus iaculatorijs quærere cum Deo vnionem , planè vt corporis comoda non tantum effugeret, sed abhorreret . Iam & à contemplationis æstu, rerumque cælestium affectibus concalescens diuini feruor obsequij , vt cum summoperè iucundaretur restaurari Fuliensi Reformatione quidquid vitij in religiosissimum Cisterciensem Ordinem fecissent tempora, inardesceret etiam zelo lucem faciendi Sæculo, vitij, bellis, hæresibus perditissimo . Erumperet foras depascens pectora ignis opus fuit . Adibat Vrbes, Pagos, declamabat in Templis, in plateis, in compitis, & oborta occasione nonnunquam etiam in agris . Naturæ dotes, literarumque præsidia complebant præuium Apostolico muneri apparatus, robur nimirum precum, ieiuniorum vim, & corporis diuerberationem . Hac ratione comparabat dictio- ni supernum robur, faciebatque operæ pretium animarum compendijs . Descendebat in pectoris intima efficax sermo . Adolescentes indolis incorruptæ ad lectissimum pudicitæ decus disertè expressum oppignorabant, conceptis religionis votis, puritatem Cœlo , cuius florem decuti malitia nolebant ætatis . Qui conscientiam abiecerant, ad propinatum peccati horrorem cogitabant seriò, quanta noxarum labe fœdassent animam, quamnam ludicis districti conflarent indignationem, quam damnationis æternæ subirent aleam . Testabantur pauorem lacrymis, execrabantur poenitentia vitam cum prauitate traductam . Multa etiam Hæreticorum millia à nersuosa eius facundia admittebant veritatis lumen, quos ipse, profligato errore, Eccle-

sic restituebat Catholicæ. Dum Tolosæ de fide Romana verba in foro haberet, Optimatum primæ notæ vnus loco fortè pertransiens, rem ioco petijt, risitque maximè conscientiæ depositionem ad aures Confessarij, cuius ille necessitatem adstrueret. Sed factò Iacobus gradu, & insigni cum spiritus altitudine virum sistens: Accipe, inquit, quæ de sacramentali expiatione culparum Apostolica Sedes edoceat. Tum orationem prosequens, adductisque Sacramenti momentis, audiri nequijt sine adstantium plausu, & aberrantis resipiscencia.

At enimuero potiora adhuc supersunt, quæ in egregio Reformationis Alumno concelebrentur. Quidquid ageret, humilitatem indiuiduam amabat comitem. Quæ si virtus sociorum nemini non communis, illud singulare Iacobo, genere, & virtute præcellentem, honorum ambitu frustra pulsatum, quem in ipsa etiam Episcopaliū Infularum delatione non semel egregiè elusit, nuntio promotionibus constantissimè misso. Singulare præterea pollere ad formandos mortalium mores religione, experientia, doctrina, nihil tamen in suo expoliendo spiritu consueuisse, quod feruentiorum vsu non cerneret approbatum. Qui etiam Barrenij virtutes cominus suspiciens, illum summè colebat, suoque Angelo tutelari gratias quotidie exsoluebat ob talem, tantumque nactum suæ animæ directorem. Verùm Barrenius eximium in illo religiosæ disciplinæ sensum iuxta demiratus, ac indolem ad animarum quæstum enatam, initæ conuersationis magistrum alterum consueuerat appellare. Quare ablegaturus virum, qui nitidum Reformationis exemplar Romæ præberet, ac per Italiam ampliaret, Iacobum delegit comite designato Ioanne Baladio Tolosano, inter nos dicto à S. Mauro, nam ceteri, quos Vrbeim simul ingressos alibi diximus, nonnisi aliquot post annos, & re iam confecta, submissos postea comperimus.

Æqua probitatis lance stabat cum Iacobo de Rupe Ioannes Baladius. Sanè Religionis, prudentiæ, & aptitudinis ad curas exhauriendas grauiores eadem prorsus lineamenta in vtroque. Parcā dicere, quamnam secum & ipse Ioannes similitatem exercebat continua laborum clade corporis insectator, nullius indultor illecebræ, culcitra stramentitia deciduo vix vsus in senio, nocte intempesta, seu cum de rigida afflictationis laude nihil decerpere posset oculus, flagellis ex-

crucia-

cruciator, & à laboribus pro Reipublicæ commodis interspirando solo studio orationis, quam vnicè in delicijs habebat. Parcā dicere, quando Cardinalis Dossatus viri decora luculento testimonio recenset in epistola duodeuigesima supra biscentum, qua Henricum quartum Galliarum Regem monuit de sequuta postmodum ipsius Ioannis suffeptione in Abbatem Fuliensem, Barterio è viuis sublato. Epistolam ipsā subijcio non quidem suā, sed latinā loquentem lingua. *Papa inherens reseruatiōi beneficiorum in Curia Romana vacantium commendauit Abbatiam Fuliensem Ioanni à S. Mauro Toloſawo, Religioso Gallo, quo non prestantior alter Monachus, sem in dicto Cœnobio, seu in toto institutionis Sodalitio, qui nimirum cum Priore S. Bernardi ad Thermas Vicarium agit Generalem in tota Italia, postquam vna cum socio ad meliores euocato Congregationis suæ propaginem per Italiam deduxit, & Deo fauente inity, ac incrementi existentium in Italia familiarum extitit Auctor. Quia verò nuncupatis in Cœnobio Fuliensi votis ibidem etiam, prædecessore Abbate donante habitum, induerat Monachum, eodē postmodum Barterio calumnijs circumuento, ab illo stetit semper affectu, reuerentia, solatio, nec ad obtestantium partes deflexit unquam. Pollere etiam moderatione agnoui, & Maiestati Vestrā prospera cuncta vouentem. Ipsa fuere momenta, cur Pontifici interroganti, cuinam potissimum deferendum Fulij regimen censerem, dixerim pro Deo, & conscientia, neminem Ioanne digniorem, & Deus semper Maiestati Vestrā &c. Roma octauo Idus Maij 1600.*

Sed vt ad domicilium in Vrbe reuertar, num spartam impositam adornarint ad vota; num consuetudine, quam nemo non miraretur, florerent; num conscenso virtutis vertice, laudum quoque attigerint celsitudinem, proindeque vota concitarint statim viroꝝ probatæ adedò vitæ maiorem ex Gallia aduocandi copiam, & molitis Ecclesiæ, Cœnobioque, ibidem sede figendi, contestantur prima Sacri Senatus nomina Estensis, Borromæus, Carafa, Pelleucius, Rambouilletus Cardinales amplissimi directis mox ad Barterium literis, quæ studij perindè, ac existimationis argumenta ad Lectori faciendum satis hic apponuntur.

Cistercij Restorescentis
Epistola Cardinalis Estensis.

Domino Abbati Fuliensi.

Accepistis à duobus Religiosis vestris Roma agentibus habere mihi res vestras, & literis datis decimo septimo Cal. Octobris habetis gratias. Exhibui profectò operam, & toto pectoris sinu exhibebo semper, nedum vti totius vestri Protector Ordinis, sed ob singularem, quam de præcellenti vestra virtute, sanctæque conversatione existimationem concepi. Lentè res pergat duobus eisdem tribuendum fratribus. Infirma mea valetudo postulat excitari. Curarum reliquæ frequenter interpellant. Vestros habet solitudo. Deo rem sinunt. Me rarò conveniunt. Silent. Iam verò quando illi non me vellicant, ero sollicitior ipse. Oretis autem pro mea incolumitate, ut promittitis, nimum quàm avidè audiam, conscius maximè manare preces ab homine Deo multum gratiofo, quem vestra secundare vota & ipse precabor. Tibure 30. Decembris 1585.

Amicorum addictior Ludouicus Cardinalis Estensis.

Epistola Cardinalis Carafæ.

Admodum Reuerendo Patri mihi in Christo Dilectissimo
Ioanni Abbati Fuliensi.

Pater Admodum Reuerende, mihiq; in Domino dilectissime. Cum omnibus Iesu Christi famulis omnia mea studia, & officia me debere profitear, tum præcipuè ijs debeo, qui vestram, Monasticamque Sanctorum Patrum disciplinam temporum iniuria, aut hominum incuria, vel natura potius semper ad deteriora prolabente collapsam in integrum restituere conantur. Quo in genere cum mihi mirificum in Domino studium, & contentionem vestram à certis auctoribus cognovisse, atque adedò in binis vestris fratribus Roma degentibus tanquam in animatis prisca Religionis, & Monastica Sanctitatis imaginibus cernere illam liceret, dici vix poterit quantum illud vestrum nuper institutum, vel potius ad normam viuendi Patrum restitutum, eiusq;
Ceno-

Cænobiarcham, & singulos quosque fratres licet longè positos, charitate tamen sim complexus. Et quoniam ex binis Cherubim se mutuò respicientibus, & ad propitiatorium conuersis mutuam oportere esse charitatem, & quacunque charitas suggesserit à diuina propitiatione postulanda didicistis, non dubito quin me quoque intuitu charitatis respiciatis, & quacunque muneri nostro gerendo necessaria sunt, à vero propitiatore Iesu Christo nobis impetretis. Itaque ipse in lucro ponam omnem, quacunque se offeret, de isto Cænobio benemerendi occasionem, & vobis post hac apud me minimè erunt necessaria gratiarum actiones, dum vestris, meisque item rebus eodem tempore prospiciam, si quidem pro temporalibus, qua seminauero, spiritualia metam. Incumbamus igitur utrique nostrum in suam quisque curam, Vos ut me vestro apud Deum, Ego ut vos meo apud hominem iuueni patrociniò. Bene valete in Domino. Roma ix. Cal. Octob. 1586.

*Vti Frater in Domino
A. Cardinalis Carafa.*

Epistola Cardinalis Pelleucij

Domino Abbati Fulienfi.

Domine Abbas. De vestrorum Ascetarum Roma degentium indole iuremeritò dixerim suauiore illos Christi odorem in dies effundere, eamque maiorem Religiosæ probitatis inhalare fragrantiam, quam valeam ipse describere. Si alios immiseritis ad duodecim, Coloniam in Vrbe facilè constabiliens. Ecclesia, & Cænobij opportunitas iam est ad manus. Erigite vos etiam in spem incrementi. Non deerunt qui Institutionem deposcant, & censum adaugeant. Vestros, vestrorumque conatus ità benè versant Superi, ut ipse in optatis habeo. Vbi patrocinijs necessitas interceperit, habebitis, quo facilè uti possitis. Mei tantum in Deum precando memineritis, & de beneficio vobis deuinctus ero. Nec plura. Vestris orationibus imis me votis commendo, ipseque Deum precabor sua vos protectione custodiat. Roma vndeagesima Maij anno 1586.

*Amicus intimus, imò uti Frater
Nicolaus Cardinalis Pelleueius.
Epi-*

Epistola Cardinalis Rambouilleti

Domino, Domino Abbati Fulienfi.

Religiosi ex Vestrīs anno nondum elapso Romam ablegati spectatam adeo vitæ rationem ducunt, ut præclari nitore exempli, cum omnium Ordinum plausu, & commendatione, magnam quoque sibi existimationem comparauerint apud Sanctitatem suam, proprio in Urbe domicilio quantocius ab illa donandi, quo ipsimet Vrbi utilitati sint, & ornamento. Qui Pontificia nuntius benignitatis à F. Iacobo missus ad vos venit, Cornetum ad me diuertit, eodemque literarum latore unà vobis significatum volui me complexurum venientes à Paternitate Vestra illa planè benevolentia, qua fratres exciperem meos, si Roma accederent. Urbem Romam Orbis Christiani parentem esse, & caput optimè nostis. Eapropter fore è re diuini cultus, ac gloria procul dubio tenco, si Religiosorum absoluta adeo nota manipulum ad eam submittatis, qui non secus oratione, & precibus, quàm concionibus, opera quoque sua nobilitatem in promouenda re Christiana & ipsi probent. Expeditionem itaque & laudo, & exposco. Illam decernite. Sponsor vobis sum. Inueniet omnes sui volentes. Intra quatuor, vel quinque dies me in Vrbe restituum, eroque diuturnior. Illic, & ubi poposceritis, vobis præsto ero, & ardentiori illa officiorum consuetudine, qua vestris orationibus me commendatum volo apud Deum, à quo vobis longauum, felicemque voueo vitæ cursum. Corneti xi. Maij 1586.

Amicorum tuorum benevolentior
Cardinalis Rambouilletus.

Epistola Cardinalis Borromæi.

Adm. Rev. Patri Generali Congregationis Fulienfis.

Admodum Rev. Pater. Ea est vestri Ordinis hominum virtus, hic in omni Religiosa disciplina progressus, ea sanctitas, ut nemo sit, qui præclarum sibi, atque honorificum esse non ducat eius patrocini-
um, quamquam quid opus habeat patrocinio virtus? Ego quidem
liceat

licet non ignorem, quàm parum egeant vestra Religionis instituta praesidio, aut fauore, in Vrbe praesertim, ubi cum summa omnium non solum adificatione propter pietatem, sed & admiratione propter disciplina seueritatem versantur, cupide admodum auctoritatem, quam mihi Cardinalatus adiungit, & nervos omnes industriae semper impendam, ut quacumque re possim ipsorum conatus, & in via Domini labores vel subleuem, vel remoueam. Videor enim mihi hac in re magnoperè, & Iesu Christi, cui se Patres totos deuouerunt, nomen illustrare, & huius populi spiritualem utilitatem amplificare. Quare quòd Paternitas Vestra mihi gratias agat, singulari ipsius humanitati acceptum refero. Quòd verò polliceatur Parenti rerum omnium Deo se pro me supplicaturum, id verè magno thesauri loco duco, & ut supplicare perseueret, etiam atque etiam rogo. Vale. Roma tertio Idus Octobris 1588.

Paternitatis Vestrae

*Vri frater amantissimus
Federicus Cardinalis Borromaeus.*

Et reuerà Iacobi de Rupe, & Ioannis Baladij, quorum in Epistolis tanta cum laude mentio, illi erant ad exactiores vitae Monasticæ numeros formati mores, ut almæ totius Urbis promeritis cum plausibus oculos caperent. Sed & religiosas alias Institutiones in se experiebantur benignas, Regulares præcipuè Clericos Theatinos, quorum historicis monumentis, Ioseph Silos disertissimus concinnator Tomo primo, & pagina 643. subnectendum hic pronæ in nos voluntatis testimonium inseruit. *Sub Sixti Quinti Pontificatus initium par hominum Religiosorum Congregationis, quam Fuliensem vocant, Romam appulit, amictu quidem rudi, at nuceo, nudis pedibus, calceis ligneis, & qui toto corporis cultu vitæ asperitatem præ se ferebant. Auctor eius Congregationis Ioannes à Barrera homo Gallus, diues perindè, ac nobilis, qui rerum humanarum pertasus, iisque valere iussis, in Fulienti Gallia Cœnobio, quod in Bricensi(Riueni) Diocesi est, Deo se se mancipauit, ea planè regularis vitæ obseruantia, ut dilapsam in eo Monasterio Diui Bernardi disciplinam ad priscam Cisterciensis regulam, ac seueritatis formam restituerit; excitata per*
sum-

summos labores noua hac familia, in qua & vixit ipse sanctissimè, & spiritum non sine miraculorum testimonio posuit. Ex hac igitur Congregatione figendo Domina in Vrbe domicilio Romam cum peruenissent, quos diximus, Monachi, quorum vnus Iacobus Bucca (à Rupe) vocabatur, alter Ioannes à Sancto Mauro, Abbas postea Fulienfis, totiusque Ordinis Praefectus, in Disi Bernardi Aede ad Columnam Traianam primum confedere. Et quòd exteri, ignarique Romani, atque Itali moris essent, Religiosos viros, quorum sese clientela committerent, eorumque ductu, atque auspicijs ad regionis maximè usum sua regerent, diligenter peruestigarunt; ac visi mox Theatinos Quirinali in Colle Patres deligere, quorum passim commendari Sanctioris vita famam inaudiebant. Placuitque nostratibus hac Fulienfium in nostrum Ordinem propensio, ac fides; statimque illos prosequi studijs omnibus, ac praeipuis beneuolentia argumentis occipere. Demandata in primis eius rei cura Matthaeo Bencio fuit, qui ob insignem, qua in Diuum Bernardum ferebatur, pietatem beneficij loco tulit, hanc eius Instituti Patribus nauare operam, ac beneuolentiam posse.

Cæterùm Congregationis amplificatorum par sanè praeclarum diuersa mortalitatis clausula vitam oppetit perennem. Iacobus cum ex Vrbe regressum acceleraret in Gallias, instare sibi vltimum vitae actum Narniae agnouit, quem sanctè absoluit. Ad suprema sacra manare lacrymis visus, & effundere sicut aquam cor suum ante conspectum Domini sui. Mox pluentes oculos in adstantes conuertens: Valere, inquit, charissimi Fratres. Ego praecedam, vos subsequemini, vnusquisque qua vitae, mortisque supremo iudici placuerit hora. Hinc Christum è Cruce pendentem ori deuotissimè admouens: mane mecum Domine, mecum mane, repetebat, quoniam aduersperascit. Iam visus, iam auditus, iam loquela recedunt, iam deficio. Vna meae animae salus; dulcissime, suauissime Iesu, ne me derelinquas, dum me cuncta destituunt. Hæc inter verba somnum mortis obdormiuit anno 1588. placidissimè quidem, ac si quiesceret. Defuncti corpus Narniae iacet, nimirum ne Romam, aut Fulium deportaretur apponendum ad Sodalium cineres, obstitit Ciuium pietas, ac si cadauer penes se detinendo Sancti alicuius potirentur reliquijs.

Ioanni verò cum vltima lex fati longè post contigerit, æuum diutius propagauit pietate, ac muneribus spectatissimum. Alias quippè
inter

inter curas renunciatus Prior S. Bernardi ad Thermas, Vicarius Generalis in Italia, postmodum Abbas Fulienſis, & tandem iuris Cœnobitici meritiſſimus pronuntiator in toto Cœtu. Adauctus porro infulis meritorum cumulauit præconia, nam Abbatia collatæ pedem abdicare conſtituit, abdicauitque in fauorem Congregationis Comendatorum iure in poſterum excuſſo. Ex Abbate Fulienſi ad rerum ſummam in Ordine attemperandam euectus, Sedem generalitiam institutionis zelo, & propagationis ſtudio implebat, cum familiarum diſciplinam cenſoria illuſtratione coram inſpecturus, Auguſta Taurinorum obdormiuit in Domino anno 1610.

1593. Io. Marionus ex Oppido de Funioux in Gallia Narbonenſi. Fulienſibus candidatis ſub cognomento Ioannis à S. Baſilio ſe adiunxit, quando in capeſſenda virtute adhuc omnibus verſabatur ob oculos viuum perfectionis Monafterii exemplar in abſolutiſſimo Inſtitutore Barrerio; quando ſcilicet incaleſcente comparandæ perfectionis ſtudio, ad ſublimiores apices anhelabant cuncti, & de promptiori obedientia, demiffiori humilitate, charitate ardentiori, rigidiori victu, ac pauperiori cultu adinuicem decertabant. Tantos inter Antagoniſtas nimium quo feruore palmam multis raperet Marionus. Penarum ſitientiffimus addebat ad flagrorum diuerberationes, ad frigida potum, olerumque eſcam, ad dormitiones ſuper lectulum ex tabulis, ad noctes in orando vigilatas morborum incommoda patientiam periclitantia, & corpori alijs, aliſque modis afflictato vernantem in fronte iucundam animi ſerenitatem; Langueſcere naturæ viſ, non tolerantia ardor in eo potuit. Reformationis leges, ſcriptis licet non conſtarent, ſed vigerent ſolummodo conſuetudine, ſeruabat ad vnam. Inardeſcebat præterea æſtu charitatis. Cui præ corporis diſcruciatione deerat penè propagandæ vitæ facultas, ad excutiendum Sæculum ſuis flagitijs indormiens ſupererat infractum animi robur. Diſcurrebat hæc, illacque quod deprauati eum mores expoſcerent. Nec phaleratis vana eloquentia concionibus detonabat in mortales perditæ ſalutis; ſed inflammata dicendi ratione, è qua non effluerent verba, ſed iacularentur fulmina, foedisque voluptatibus implicitis vitiolorum obſcena obijceretur turpitude, expaueſcendum comminaretur iudicium, interminabilis indiceretur poena. Nec deerat profunda humilitas patientiam, charitatem, aliarumque virtutum

coronidem miro suo decore efferens. Confirmabat quidem constantiæ exemplo, quos spiritualium Commilitonum Institutionis terrebatur austeritas. Cœtui adaugendo inhærebat feruidius. Verùm Sodalitatis enascentis non tam sectatorem, quàm parentem haberi alterum animo promeritam laudem aduersante, refugiebat. Reprobis Sæculi moribus inferebat sanè bellum, expugnabat declamando peccata, capiebat consopitas in sordibus animas. At euehi ad Ecclesiarum regimen terque, quaterque recusauit, maluitque, posthabito sacerdotalis fastigij culmine, vitæ cursum consummare intra sanctæ consuetudinis Claustra, ubi seuerior poenitentia eum decennio sustulit, reddiditque Cœlo, austeriori rigore breui exhaustum, ac præmio sublimiori citius donandum. Id contigit in Pinerolij Abbazia Congregationi recenter adaucta.

Lapidem initialem debuerat illa Adelasiæ, Oldrici Manfredi, Secusiæ Marchionis filiæ, & hæredi, quæ sicut Amedeo, alijs Vmber-to, Maurianæ Comiti matrimonio iuncta auitas ditiones Sabauda Sceptro fecerat vestigiales, ita regia diuitiarum effusione in pietatis monumenta propensior, celeberrimam Abbatiam fundacione planè splendida anno 1064. excitauit. Assurgit ad radices Montis Genebri in Vico Sancti Verani olim dicto, extra verò portam Oppidi, cui à Pincarum syluis indictum Pinerolij cognomentum, & à fortalicio vnde quaque munitissimo, à præclaris familijs, à Sacris Septis, à nundinarum frequentia accedere posset nomenclatio Ciuitatis. Templum attollit Virgini ad Æthera assumptæ nuncupatum, cuique à speciei elegantia, & ab ideæ vastitate moles digna summa Matre. Claustra sumptuosam molitionem & ipsa præferunt. Latifundia, Dominia, Censuum Principem dotatricem commendant.

Disciplina regularis in luculento vsque adeò Asceterio supra ædium laxitatem, opumque lautitiem diù nitidior. Sed tandem à commendatione Coenobij, & à malitia temporum offusæ claritati densiores tenebræ, quas tamen longè propulsauit, & fulgidiorum post nubila effecit renuntiatio Rugerij Tritonij in Abbatem, & Cistercij restauratio apud Fulium adolescens. Tritonius diuini cultus studiosior in eam potissimum solertiam incubuit, vt eò euocarentur Barrerij Alumni. Pinerolio nihil potuit contingere auspiciatius, quàm inducta nostratum viuendi norma, celebrari iterum Ecclesiam Ciui-

tatis Matricem, resonare psalmodijs Chorum, & inhabitantium conuersatione religiosam effulgere mansionem. Hic idem animi sensus Carolo Em. primo Sabaudia Ducis, Subalpinorum Principi, qui Fulienti nomini addictior, sicut institutione ornari Regni Sedem Taurinorum Augustam iam probauerat, ita benignitate Sua Celsitudine excelsiori iucundabatur propagari in tota Solij extensione citra, ultraque montes.

Quandiù Reformatio intra vnâ Congregationem stetit, Abbatia Gallis, ac Italis limitanea generales Patrum Confessus opportunitate loci non semel inuitauit, excepitque aliquando Præsides S. Francisco Salesio. Cœtu postmodum toto in vnum, alterumque partito adiudicata fuit Prouinciæ Pedemontij. Sed Pinerolio Gallici iuris facto, cederet Fuliensibus suis Ludouicus decimus tertius regia pro potestate mandauit, inductique ideo ab Antonio de Toulongion, qui diem suum obiens condi in Ecclesiæ medio voluit cum epigraphæ sepulchrali rem à se gestam indicante.

Hic iacet celsus, & potens Dominus

D. Antonius de Toulongion Eques,

Comes dicti loci, Dalorme, & Montelonij in Burgundia,

Inter Regis Christianissimi excubias vnus Dux Cohortis

Pro Regia eadem Maiestate,

Ciuitatis, & Arcis Pinerolij,

Fortalitijs S. Birgitta, Perusia, & totius subiectæ regionis

Moderator, ac Generalis Locum tenens,

Qui Monachos Gallos in hoc Monasterio

Rege mandante, constabiliuit,

Et obiit postridie Iduum Septembris MDCXXXIII.

Orate Deum pro eo.

D. Francisca de Rabutin, Chantal eius contoralis fundauit duas Missas annuatim, in ista Ecclesia, perpetuoque pro eius anima celebrandas x. Iunij & xiv. Septembris.

Sed reuocanda ad Marionum narratio. Cum eximie prudentiæ primum aliquem Moderatorem noua Pinerolij familia expeteret, in illum electorum suffragia concessere, pergeretque ad gubernandum clauum operæ pretium fuit. Viam itaque ingreditur, temporalem, ac spiritualem Monasterij statum maiori cum plausu componit, sed

atque iam dudum viribus infuetos labores non diù sustinuit, spiritumque emisit 1593. octavo Cal. Septembris. Hic à Chrysostomo Henriquez Cisterciensi Menologio inseritur illis verbis. *In Gallia Narbonensi beata memoria Ioannes Marionus, Cisterciensis rigoris severissimus amulator, & Fulienfis Congregationis promotor insignis: qui malens abiectus esse in domo Domini, honores Ecclesiasticos, & dignitatem Episcopalem religiosa humilitate recusavit.* Consonè scilicet ad syllabum professorum ante conditas Constitutiones, & Catalogo Fulienfium sanctitate illustrium D. Caroli à S. Maria Prioris Parisiensis, quorum ille ait: *Ioannes à S. Basilio, cognomento Marion, Gallus, de Funitux in Gallia Narbonensi, professus fuit in Monasterio Fulienfi anno 1582. Fuit vir sanctitatis titulo celeberrimus, verbi Dei concionator eximius, qui obijt in Monasterio Pineroliensi Prior die 25. Augusti anno 1593. Ille verò inquit: Io. Marionus Vir Sanctitatis titulo celeberrimus, verbi Dei concionator eximius, & Monastica perfectionis cultor, & observator studiosissimus.*

1596. *Nicolaus de Faur*, locupleti gente editus *Carcassone*, in Institutionem Claræuallis nitidiùs apud Fulium elucescentem concesserat anno 1580. Sectatorum vndecimus. Initam Orbitam pede præsurus egregio, cum à Mellifluo Abbate cognominari voluisset *Nicolaus à S. Bernardo*, propè etiam Parenti accessit Monasticarum suaveolentia virtutum, studiosiori Virginis intemeratæ cultu, facundia dulcore, quæ fauam saperet, & peculiari quadam facilitate in tractatione animorum. Singulares adedò dotes post septennium à dicto proposito Sacramento virum extulere ad gubernandum clauum Monasterij Romæ excitandi. Nolens quippè Sixtus Quintus recentem plantationem, quam à se approbatam, vbiuis gentium suas etiam propagines extendere indulerat, ædes Archiconfratriæ Sancti Bernardi ad columnam Traianam precario nomine inhabitare, meliore, propriaque eandem statione donauerat ad S. Pudencianæ inter colles Viminalem, & Exquilinum. Henricus etiam Caietanus Tituli eiusdem S. Pudencianæ Cardinalis cum optimam de nostratum præstantia, maxime verò de Nicolai virtute induisset mentem, & facile in Pontificis vota concesserat, & quò faciliùs Colonia exiret, demanderetur ipsi Nicolao curauerat. Extat epistola Barrerij ad eundem Cardinalem de hac re, & incipit: *Quæ literis Roma datis man-*
dare

dare placuit, Deo fauente, quantò citiùs implebo, nec menti amplissima Dominationis vestra nunquam non morem geram. Velle autem Dominationem Vestram F. Nicolaum improba nunc hyeme longum adèd iter ingredi, non crediderim. Adueniet vere nouo, magnamque capiam voluptatem, si Deo placuerit me, cumque ipso Fratre, totam etiam Congregationem Dominationi Vestra grato esse obsequio.

Magni idèd ponderis erat euocari è Gallia in Urbem, partam implere famam, Aulae Romanæ oculos promereri, & plausum, maximè verò cum Pontificis maximi Sodalitij approbatoris, & propagatoris, Henrici etiam benemerentissimi Cardinalis, Monasteriumque moderari, & moliri, ac familiam non regere tantum, sed facere. Plurima sanè antiquioris non deerant laudis, quæ in destinatae Sedis celebritatem verterentur, decusue; Palatium videlicet extitisse Sancti Pudentis amplissimi inter Quirites Senatoris, Petri Apostoli tutum effugium ad Sacra peragenda mysteria, & recentes idolorum ciuratores saluari lauacro regenerandos, à Sancto Pio Papa diuinam in Ædem consecratam sub Sanctæ Pudentianæ auspicijs, quæ puritatis lilio florens, & pietate in Martyres martyribus super, è cæsis eorundem corporibus tria millia in profundo eiusdem sui Palatij consepelierat puteo; à præfato Pio summo rerum sacrarum Antistite in titulum datam Hermeti, seu Pastori fratri suo, à quo titulum Pastoris exindè vsurpauit; ruinam vetustate minitantem bis, & tertio restitutam ab Adriano primo, & deindè à Benedicto, & Rainulpho presbyteris Cardinalibus; tandemque incolarum successione transiisse à Clericis Sæcularibus ad Canonicos Regulares Congregationis Renanz, à Canonicis defecisse ad Monachos, donec Monachis conuasantibus concedita fuit Patribus Ordinis Prædicatorum Basilicæ Liberianæ Pœnitentiarijs.

Sed nouissimi splendoris ei multum accreuit post nostrorum incolarum, maximè autem post Nicolai aduentum ad promouenda exordia, regendumque Cœtum. Optimum mox ille occupauit nomen in Vrbe. A paucis, ijsque grauissimis viris, qui eum familiariter noscerent, suspiciebatur Asceta corporis afflictatione asperrimus, spiritus feruore incalescens, temporalium contemptor honorum, mente, animoque affixus Cœlo, religione, castimonia, charitate præcipuus. Solitudinis legum sectator in paucis, exactorque à suis. Fulcens dege-
re inter Quirites sciebat fama, nesciebant oculi. Si rei momentum
querat.

quempiam euocaret è Claustri limine discurrerebat statim rei mirè rumor, vt alij ciuium festinarent ad fenestras, alij verò egredierentur domibus, vitori homines, quos aspicere perquam rarò, & ferè nunquam contingeret. Quò autem ipse, sociique leptom tenaciores, cò concipiebant plures disciplinæ vorum, affluebantq; ad habitus susceptionem propensi, vnde breui amplificatus oppidò capitum numerus. Verùm labans, & ferè labens erat Templum, angustiores admodum Ædes, nulla rei domesticæ copia. At vbi Nicolai virtus tanta affulsit, facilè cuncta præbuit excita pietas. Henricus Caietanus Purpuratorum decus gaudebat affatim Cardinalitium suum iterum frequentari Titulum, psallentium Deo vocibus resonare Chorum, quemadmodum & Martyrum cineribus deuotum impendere obsequium Monachos, qui rigidissima viuendi forma Martyrum etiam anhelarent palmis, emularentur vestigia. Datis ad Barrerium literis, quanto exultaret gaudio, disertè expressit. Literè inquit.

*Admodum Reuerendo vti Fratri, Patri Abbati
Congregationis Fulienfis.*

*Admodum Reu. Pater. Literas, quas ad me amoris, & officij
plenas direxisti, libenter legi, ex eo enim tempore, quo Regularis vestra
disciplina Romana Vrbi innotuit, ardens Congregationis vestra
studium, & Sanctissimum Institutum admiratus sum, & antiqua ob-
seruantia cultores dignissimos indicaui, quos Sanctiss. D. N. paterna
charitate amplecteretur, & nos, quos Deus in Ecclesia sua hac digni-
tate decorauit, studijs effusis prosequamur. Itaque Oratorium, quod
optastis, concessum vobis fuisse mirificè gauisus sum, & qua in vos à
me officia perfectà esse scribitis, ea & Ecclesia mihi commissæ cultui,
& vestra fuerunt debita virtuti. Gratia igitur vobis à me potius
reddenda sunt, quòd ignitis vestris ad Deum Opt. Max. precibus
adiutus sperare aliquando possum, vt in laboribus, & necessitatibus
meis diuina protectione dignus inueniar. Oratos ideò vos velim, vt
mei memoriam sinè intermissione seruetis. Ego qua ad Congregatio-
nis vestra vsum, atque incrementa pertinere videbuntur, omni semper
studio, & diligentia curare non desinam. Valete. Roma 4. Calend.
Maij 1588.*

Vti frater Henricus Cardinalis Caietanus.

Quod

Quod plurimę venerationis, & antiquitatis decrat templo, structurę nimirum soliditatem, ornatum, id omne providere suo nummo ipsemet Cardinalis Caietanus constituit. Opportunam ideò fartamentam, & elegantiam à prima ad summam perduxit manum, apposita pro Ecclesię foribus inscriptione

Henricus Caietanus

S. R. E.

Cardinalis Camerarius

MDLXXXVIII.

Sacellum præterea appellatum Pastoris consecrauit Epiphanię D. N. Iesu Christi, marmoribus selectissimis musuo, plastico opere auro superinducto ad cęterorum per Urbem inuidiam ornavit, & sub Caietanę suę gentis iure constituit, pro qua tumultum etiam aptavit lapideis urnis instructum ad singulorum tum Cardinalium, tum Principum, qui ex eadem decederent, corpora singulariter recondenda. Ipsi Capellę, & reliquorum altarium supellectilem, Administratorumque indumenta audere aliquid supra Fulcentinam paupertatem sua munificentia voluit, deditque cum argenteis, non exigui ponderis, candelabris, & Cruce omnes domestici sui Sacrarij opes, & vestes, alias crispanti argento, alias auro, alias attalico intertextas acu, omnes Sacri Principis splendore condignas.

Henrici pietatem sequutus Desiderius Collinus, Capellam venustavit ad læuam Arę Maioris, in qua pia traditione fertur S. Petrum celebrasse. Cum verò idem Desiderius Collinus 9. Nouembris, pridie quam supremam exleret diem, Patres ex asse instituisset hæredes, distractis montium locis, soluta sunt decem millia scutorum Apostolicę Camerę, quę Chirographo Clementis VIII. sub hac cautione signato iuri spoliolum cesserat, & quod reliquum erat pecunię ædificio Monasterij applicatum. Adiere nostrates, & possessionem ædium plateę Ecclesię hinc inde adiacentium, quarum aliz Patribus pœnitentiarijs inserviebant, aliz à Nicolao Cardinali Albegato instauratę olim fuerant, & nonnunquam inhabitatę. Annuente Alexandro Cardinali Montalto non modica aquę Felicis copia deducta est ex Perettanis eiusdem hortis, sitis è regione Monasterij in medium Viridarij vasto Claustri ambitu circumdato, quę ut arduo in altum conatu aliquandiù in aere lussit, grato deinde murmure subiectam

bicetam in concham, indeque in continentem relabatur, ac plumbeis fistulis in omnes Cœnobij officinas abundè deriuatur. Vincentius Bragadinus Venetus adiecit ad valetudinarium instruendum domunculam cum viridario in via felici, eam scilicet, quam Ordo S. Pauli primi Eremitæ, ex benigna nostrorum concessione, in suorum Cœnobium postea accommodauit. Census à crepundijs admodum tenuis, totusque ex eleemosinis, ut aiunt, Palatij, nimirum Pontificiæ charitatis, addictiorumque Sacri Collegij Patrum, ac Præsulum Romanorum, impinguatus subinde est varijs piorum largitionibus Alexandræ Micaræ Romanæ, Egidij Vrsini de Romanis, opibus familiæ Cribellæ deuolutis ab intestato D. Hieronymo à S. Bonauentura nostræ disciplinæ adiuncto, sed in primis sororum trium Victoræ, Lucretiæ, Dorotæ ex nobili Crescentiorum stipite, Auroræ Capizucchæ, nec non Pompei Angelij Patritij Romani, S. Mariæ ad Præsepe Canonici, qui & sepulturam sibi in Ecclesiâ delegit, Epitaphio, & grato animi monumento à nostris condecoratam.

Non acta hæc omnia Nicolao de Faur familiæ moderatore, illi tamen tribuenda potissimum, in quem Abbatia præcellens sua primordia refert, quique Desiderij Collini, de Cœnobio præ cæteris benemeriti, beneuolentiam comparauerat primus, feceratque gradum æquè extremis eiusdem cetis in eiusdem familiæ incrementa conscribendis, ac splendidis aliorum donationibus. At enimuero Romanæ inter excitationem domus, Fulcensi hominum genere celesti quadam ratione Neapoli ostenso, erectioni Parthenopææ diuina iam bonitas præludebat. Medicorum consilium desperauerat sanitatem Marthæi Bencij ornatissimi è Theatinorum disciplina viri, qui multiplicem supra vitæ sanctimoniam intus in Diuum Bernardum deuotionis, egrotabat Neapoli in Paulina eorumdem Æde ex morbo æstiuus caloribus hausto. Ferebatur is desiderio ponendi spiritum in festiua S. Abbatis die, quod & futurum multò ante prædixerat, & illo intercessore adhibito impetrauit. Cum enim vndeuigesima Augusti vesperinas perurgilijs laudes decantari à Sodalibus audisset, ipse (verba sunt Iosephi Silos Annalistæ domestici historiarum partis secundæ fol. 54.) *ad pendentis è Cruce Saluatoris imaginem conuersus precatus entæ est, ut ea se luce claudere diem suum contingeret: Tum Bernardum ipsum rogauit, ut hoc ipsum Clienti suo impetraret. Fausitq;*

Cælum

Cælum votis : insequenti siquidem die inter pios affectus animam efflauit . Neque verò vna hæc in præstantem Ascetam Bernardi illecebra . Laborabat in extremis vir piissimus , ita laudatus Auctor prosequitur , cum visi ad ianuam domus Religiosi viri duo , qui ab indumenti genere è strictiore D. Bernardi familia, Fulienfis videlicet Congregationis, se esse præ se ferebant . Aditum ad Matthæum Bencium petunt : quibus Ianitor, illum eo loci esse, vt aduentantes consolationi esse minimè possent . Vrgent nihilominus Monachi, id se maximè cupere, vt supremo spiritu consalutarent . Ergo dum facultati impetranda aditur Præpositus, facessunt Religiosi : Nec domi, aut Neapolitana in Vrbe amplius visi . Quare cum Monachorum id genus, nec consideret tum Neapoli, nec vnquam aliàs inibi fuerint, in eam plerique venere sententiam, vt existimarent D. ipsum Bernardum monere eo conspectu voluisse , præcipua sibi cura esse in eo rerum articulo suum Bencium : nec longius abesse , vbi clientis necessitas opem posceret . Delatum etiam Monte Politiano Neapolim Catharinam Benciam alteram Matthæi sororem in Monasterio Cisterciensi Sanctimonialem sub primis tenebris diei , qua acceperat piissimum fratrem exuisse Neapoli mortalitatem, antequam somno se daret, Matthæum ipsum vidisse pullata quidem veste, sed qui aderat graui specie socium alba indutum tunica (Reformationis tunc habitum) Agnouit fratrem (præfato me Auctori refero) Catharina : deinde interrogare : quis ille Candidatus ? Respondit Matthæus esse D. Bernardum : quo dicto vrerque confestim abiit . Hac illa Confessario, nec dormienti, sed vigili contigisse spectaculum asseruit .

Institutionum regularium studiosa Neapolis, præstantiorum in paucis. Fulienfis recenter exortæ delibata fama, Ciuium maiori flagrantium pietate sententia fuit : ideo B. Bernardum sub eiusdem lagena Neapolitanis se se inspiciendum præbuisse, vt excitaret in suos vota, & quando antiquum semper desiderassent Cistercium, Sobolem accerferent adolescentem, haberentque disciplinæ expolitione ab omni labe æni renouatam . Simul vehemens insedit animis studium, simul indicatum Romæ Patribus accederent, præclaræ couersationis præberent & Neapoli exempla, nihil illos prætermisso officij, plenæ nihil manus contingeret spectabili viuendi normæ commodum domicilium . Inuitamenta complectuntur Patres . Nicolaum de Faur

ad figendam sedem dimitunt . Adlaborat non sine curarum pretio . Res si non acta, inchoata, imò acta, quia à Nicolao incepta . Licet enim, molimina intercipiente fato, abierit ad meliores, corporis tamen sarcina ibidem deposita, spem reliquit gratiosum Deo virum curaturum prece inter Superos , quam sua nauitate promouebat inter mortales operam . Ita planè . Anno nempe 1619. placuit Gregorio decimoquinto monere Decium Cardinalem Carasam inter curarum momenta, & Archiepiscopales vigilias, descenderet etiam ad Fulien-
 sium commoda . Quare illo adnitente designata actutum statio in Virginum suburbij nobili situ, nobiliori futuro nostrorum virtute In-
 colarum, seu substructione Monasterij, & Ecclesiæ S. Carolo maiori nuncupatæ; cuius quidem Ecclesiæ præminenti appellationi respon-
 debit & splendor ædificij, si vastum molis ambitum excelso suo fas-
 tigio testudo superimponenda perficiet.

1598. *Margarita de Polastron*, domo præclara enata, nuptijs quoque pari nobilitate ornatis tradenda, Maritali toro coniuncta est Annæ de Dimpatalla, Domino Castri de Mareastaldo, attingitque se-
 nium in Coniugio . Post viri conclamationem inter res domesticas cum incremento componendas, inter filios ad omnem modestiam in-
 formandos de secessione à Mundo iam ferè sexagenaria deliberabat . Contigit eo ipso tempore Barrerium quoque arduam agitare mentem de propaganda etiam inter Moniales restauratione Cisterciensi, efflo-
 rescente iam inter Monachos . Virilem, foemineamque sobolem concipiebat Barrerij zelus, dedit Numinis bonitas . Cuius afflatu Margarita, posthabitis eximijs alijs sacrarum Deo mulierum septis,
 Fulien- sium Reformationi vnice adhæsit, imò Iacquelina filia à cadu-
 eis secum abducta, sua etiam prole amplificare sategit . Ergo ad Margaritæ, & Iacquelinæ exemplum concitatæ aliæ ex Viduis, Vir-
 ginibusque lectissimæ, sesquidecem numero Reformationem depo-
 scunt, ineuntque in Xenodochio apud Montem-Squion Sacrum in earundem Collegium aptato . Coetum castimonia niueum velo, lage-
 naq; candidis Riuensium Antistes induit vnde vigesima Iunij 1588. & Margaritam omnium primam nempe suo ex nomine signantem albo la-
 pillò diem, vtque ducem, ita sodalitio moderando delectam . Quæ quidem vbi & Religiosam induisse personam, & Sororum indolem suo ab exemplo pendere conspexit, si quondam in Sæculum Virgo,
 Coniux,

Coniux, Mater, Vidua degerat semper morum probitate spectabilis, in Claustro Sanctimoniali egit, & Antistitam à perfectionis fragrantia, prudentiæque laude summopere attollendam. Versabatur suo in pulvere quàm egregiè. Puella condignum honorem virginitatis decori detulisset libentiùs. Sponsum admiserat, quò parentibus morem gereret. Itaque in castimoniæ ludo Virginitatis laudes celebrabat disertius, cuius etiam excellentiæ existimationem testatam cupiens, Iacquelinæ filiæ semper primas detulit, ordine ipsa in Monasterio secunda. Sed & Sodales docebat colere principe quodam studio vexilliferam puritatis Mariam, quam ipsa semper in corde, semper in ore habebat dulcissimam Matrem, Matrem pulchræ dilectionis, sanctitatis præsidium eandem frequentius consalutans. Monasticum etiam cognomentum, in quod gentilitium agnomen conuertit, fuit *Margarita à S. Anna*. Enimvero satagebat reuereri filiam etiam in genitrice, seu magnæ filiæ gratiam sibi promereri ampliorem, Matre in patronam assumpta. Statuta manibus assidue terens, nec leuiore obseruantia apices dilabi è memoria sinebat, & si subdita informando, exactiorem obseruantiam attollebat multis, Regulæ sollicitior ipsa parebat, nec latum quidem vnguem ab ea secedens. Sermone, aspectu, incessu optimè composita, suauem quandam grauitatem præ se ferebat. Occurrebat intuentibus eodem semper aspectu iucundo, sed modesto, nec ira commoto, nec mestitia obruto. Aderat sacris commentationibus, exercitijs externis, & ubicumque directricis illam partes postularent: Sed quod ad reliquum attinet, cellula se continens cauebat à familiariori consuetudine, addebatque benignitatis laudi reuerentiæ momenta. Difficiliora munera obibat ipsa, demandabat cæteris leuiora. Agebat aperta quadam moderandi ratione, libertate prædita, sed generosa, & discreta. Multa erat in æmulatione auertenda, prudentiorum quidem vtens cum opera, tum consilio, sed quam teneriori dilectione sapientiores complecteretur cautè dissimulans. Torquebatur aliarum morbis æquè ac suis. Ad hæc plurimam impendebat curam in indole totius familiæ benè dignoscenda, ædificandaque semper exemplo castigatori. A temperante auctoritatem suauitate nunquam audijsset: Ita mando, quin potius ita iubet regula, hoc statuta præcipiunt. Fulienfis viuendi ratio, vitæ genus satis asperum est. Hoc illa senio licet grauis, & in delicijs enutrita à votorum

ditione ad extremam vsque vitæ horam constantissimè tenuit. Porro ciliciorum vsus, flagellorum diuerberationes, ieiunia longiora, quàm à Crucis exaltatæ ad Christi resurgentis solemnia, quemadmodum etiam amotionem stipulæ, seu asserum à lectulo, aliaq austeriora à statutis, non quidem imposita, sed tolerata amplectebatur quàm auidè, sed cauebat ab imitatione, ne adolescentes pœnitentia vitæ discriminosâ corpuscula delicatiora attererent. Silentium quoque sanctiores inter Monachorum consuetudines computatur. A primis tenebris ad solis exortum seruatur arctissimè in toto Monasterio. Reliquo tempore loquuturis binæ patent stationes. At in Choro, in Sacratio, in Peristyllo, in Dormitorio, in Refectionis, & in Capituli aula conticescere, seu Monachi, seu Moniales iubentur. Domorum administris os aperire duntaxat licet, occasione poscente. Verùm Margarita sacrae huiuscemodi taciturnitatis vsque ad eò erat seruantissima, vt signis ad res innuendas mirè eruditis, vteretur potiùs quàm verbis. Pro vsu nedum deteriora sibi deberi, ad mentem regulæ, cogitabat, sed eligebat, vestem magis vsu consumptam, conclaue minus stationi commodum, supellectilem omnium viliores, & quam alijs assignare puderet. Super hæc nihil agebat inconsulto præstanti ex nostris D. Pantalœone à S. Placido, Amadesio spiritali directore, vigilijsque Monialium immortuo anno 1595.

Quòd si ad enascentis cuiuscunque regularis institutionis progressionem multum refert absolutos habuisse directores, qui disciplinæ incunabula rexerint, Fulienfium crepundijs Monialium interfuit plurimum Margaritam de Polastron duxisse rudimentorum habenas. Adolescebant ad sanctitatem mores. Luculenta conuersationis fama Gallias breui impleuit, nulloque iam in ore obmutescens ferebat cœlestem sponsum inter lilia apud Montem-Squion vernantia suauius pasci. Rumor ciebat puellas clariori è sanguine. Conuolabant certatim vt excrefcenti admodum numero deberi par Theatrum, & laxiora tecta, ipsius etiam Clementis Papæ octauæ sententia foret. Et summus quidem rerum Ecclesiasticarum temperator, qui regularium domos splendidiorè promouere disciplina præclarum, ac Sacerdotio zelo maximo dignum censebat, euocari Tolosam suo nutu voluit, & Beguinarum domum implerent mandauit. Verùm quod Beguinis interpellantibus Pontificius fauor catuisset successu, Patres ipsi loco cesse-

cessere, deriuaruntque in earum commoda ædes, ac viridarium, quod à Consiliario Dupin habuerant pro excitatione vnus virorum Monasterij in Suburbio S. Cypriani. In nouas concessæ sedes pro illarum deuotione in germanam S. Benedicti sororem à S. Scholastica appellatas, nimiùm quàm facillè cœperint Tolosatam oculos. Existimatione virtutis fuere illicò in omnium animis, in omnium admiratione. Incensæ vehementiùs Fulienfis studio normæ Matronæ, puellæ præclaro editæ loco. Vnam in medio deduxero Antoniam de Orleans, natam Ducis de Longa-Villa, nuptam verò Duci de Rhets, cui Principi femina, si præpediente viri consortio, conformari se se expetitæ consuetudini tam citò minimè licuit, in sinu tamen cogitare cœpit id, quod, complorato Duce Marito, postea impleuit; ponere nimirum totam Aulæ gloriam, auitumque splendorem, & sanctiori hærere luci, quam in animam refunderet Fulienfis ad claustra secessus, vt in loco dicemus. Hæc inter Margarita à S. Anna sicut inter mortales quandiù fuerat, præclara exhibuerat documenta virtutum, ita meritis cumulata soluit naturæ pensum vndecimo Cal. Decembris anno 1598. ætatis suæ tertio supra septuagesimum, laudata à Patre Ioanne à S. Scholastica, post D. Pantaleonem à S. Placido, Monasterij Confessario in Panegyri emortuali, à Catello in historicis Occitaniz monumentis, ab Arturo in sacrarum mulierum Gynæceo, A Thesauri Chronologici Auctore, cui placet viuere desijisse in Monasterio Montis-Squion, & à Carolo à S. Maria, quemadmodum & à Cisterciensium concinnatore fastorum, qui ponunt defecisse Tolosæ.

1601. Moramur adhuc intra Tolosana Fulientinarum septa, in quibus, ætatis labentis anno primo *Margarita* altera in sæculo inter verè Viduas, in Claustro autem præcellentes inter Sanctimoniales locanda & ipsa, rudimenta incœpit ornatissimæ conuersationis, & ad annos vnum & viginti continuauit, immigrauitque Lutetias, illic præbitura Antistitæ lectissimæ documenta. Ipsa Galliarum Regina regens Anna Medicea Regiæ Parisiorum Vibi indecorum duxit non commune habere cum Tolosatis filiarum Cistercio-Fulienfium nitidum decus. Suis propterea auspicijs cum euocandas constituisset, Generalibus Comitijs anno 1622. apud Pinerolium celebrandis literas direxit, quas Latine, accommodatas in medium producimus.

*Charissimis, & Nobis Dilectissimis Patribus Congregationis
Beata Maria Fuliensis pro Comitibus Generalibus
Pinerolij Congregatis.*

*Charissimi, & dilectissimi Patres. A nostro in Galliarum Regnum
aduentu perspeximus statim Regis Domini nostri, & Sponsi pronam
in vestrum Ordinem voluntatem. Cumque ab eodem temporis pectori
firmissime infederit ad eius nos studia componere, ad ea maxime, qua
pietatem curarum potissimam tangunt, Regia erga vos deuotioni no-
stram cumulauimus. Quam etiam maiori semper cum reuerentia, &
consolatione, ut prosequamur, cum intellexerimus in toto Galliarum
Regno unum duntaxat Tolosanum existere Virginum Fulientinarum
Collegium, aliud Lutetia ponere constituimus. Verum quia rei mo-
mentum vestra in primis sollicitudinis interest, nec moliri velimus,
nisi vestrarum certiores partium, capta occasione Generalis vestri con-
fessus, D. Ioanni à S. Francisco diximus quid habeamus in votis, cui
quidem Patri Ioanni à S. Francisco, etiam in mandatis dedimus no-
stram vobis mentem significet. Qua igitur nostro nomine hac desuper
re ipse vobis exponet, auscultate, & quantum vestra refert, satagite
bonum ad eò opus compleatur ad ampliorem Dei gloriam, quem ora-
mus in sancta sua gratia vos constabiliat. Dat. Parisijs quinto Idus
Maij 1622.*

Anna.

De Beauclere Secretarius.

Tanta Reginae propensio acuit cum Patrum curis pietatem quo-
que Annae Gobellinae Ducis de Estormoul Contoralis, cuius nummo
figendae Coloniae comparatum solum in via ad S. Iacobum, molita
conclauia, templumque sub inuocatione Dominae Nostrae de Char-
tate. Cum autem propaginis emittendae, potissimum verò Priorissae
deligendae maturandum consilium fuit, Ioanni à S. Martiali Prouinciæ
Parisiensis Censori, Margarita hæc, de qua loquimur, vna visa est, in
qua prudenter deliberantis animus sisteret. Originem duxerat à
familia Clauffe, Patre Henrico Equite, Domino de Fleury, sylvarum,
aquarumque in tota Gallia magno Magistro, Genitrice verò celebris
illius Marchionis de Villaroy Regij administri, Regique à secretis
filia. Mundi vanitatem experientia didicerat in nuptijs cum Salo-
mone de Betuna Equite, Fratre minore Ducis de Sully, Domino de
Rhosni, non multos intra coniugij annos fatis sublato. Religionis
vota

vota conceperat in Tolosano S. Scholasticæ habitaculo, cuius ingressa stationem, Margaritæ de Polastron flagrantis in assequenda perfectione pectoris se in paucis conformauerat. Ipsa quapropter administrandæ recentioris familiæ aptior adiudicata arripuit Parisiense iter vnâ cum Sodalium flore Maria Magdalena à S. Ioanne, & Maria à S. Benedicto sororibus de la Guiconiere, quarum genitor inter Cartusianos diem suum pijsimè dixerat, Blanca à S. Agnete, Caelât, Ioanna à S. Hieronymo, Bourdelesia, cognominata de la Haye, & Catharina ab Omnibus Sanctis, Gasquet. Sacrum agmen Regiam Urbem ingressum hospitio perhumaniter exceperunt Virgines discalceatæ Montis Carmeli. Inde postea solemniter adornata immigratio, ad propriam B. Mariæ de Charitate Sedem. Præibat Clericus semitam, qua pergendum, aqua lustrali irrorans. Sequebatur elata gestator Crucis, mox Prouinciæ Franciæ Prouincialis, & Prior S. Bernardi cum terdenis ex nostratibus Canticum *Benedictus* alternatim decantantibus. Incedebant denique Moniales sex vultu suspiciendam ad modestiam composito, & oculis defixis in Christi crucifixi imaginem, quam vnâquæque manu tenebat. Complebat viam omnium affluxus Ordinum. Nobilissimæ præterea foeminæ singulæ Moniales singulas associabant ad læuam, nimirum Ducissa Mercurij Margaritam Priorissam, puella maior natu Ducis Longauillani Mariam Magdalenam à S. Ioanne, Ducissa Mortui maris Mariam à S. Benedicto, Marchionissa de Maingnelay Blancam à S. Agnete, Comitissa de Pleinville Ioannam à S. Hieronymo, & coniux Præsidis de Escalopier postremam Catharinam ab Omnibus Sanctis. Cum peruentum est ad Ecclesiam niuæ Vestales demisere genua ante gradus Aræ maioris. Ioannes à S. Martiali Prouincialis Sacerdotali indutus apparatu benedictionem celebritati impertijt, indeque perrexit ad ritè benedicendum & incolendis mænijs, in quæ tandem processionalter inductæ sunt, alterna Monachorum modulatione hymnum *Te Deum Laudamus* concinente, Procerum comitatu foeminarum, ad Penetralia vsque stipante, reliquo verò concursu faulstè omnia ad septorum ianuam gratulante.

Margarita autem à S. Maria postquam demandati Priorissæ muneris exantlandas assumpsit partes, easdem repetitis suffragijs ad annos septem & viginti sustinuit, seditque ad clauum distractionis, ac discretionis, priuati forma cultus, & publici nitore exempli laudatissima.

Vacan-

Vacandi sibi, incumbendi & cæteris alternæ erant vices. Frequentissima in Ciuitate inuisentium aduersabatur frequentiam. Penetratitiam, & conticentiæ in Conuentu addicta. Excolendi spiritus, & abnegandi corporis ergo defixo erat animo in exercenda seueriori penitentia. Fluebat lacrymis, quoties pro eluenda à noxijs conscientia adibat Confessarium, incalescebat amore, à quo arderent & vultus, quoties, Eucharisticum sumptura epulum diuinæ accederet mensæ. Grauitate, solertia par informationi domus, par incremento, id quod non defuit primis quinque sororibus breui ad octoginta adauctis. Quæ vixerat meritis cumulata, cumulator deuixit religiosa mortalitatis periodo, composuitque sese ad æternitatem annis octoginta maior.

1603. *Ludouicus à S. Malachia*, patria *Viennensis*, gente verò *Eustache* varia & ipse virtute prima Institutionis capita æquabat. Solitudinis, literarumque amantissimus, plurimas sibi ab angulo, & Minerva recensebat vtilitates, eludere otium, vacare Deo, assequi sapientiam, possidere seipsum, ac publico commodo aliquid semper eruditionis elucubrare. Qui si vrbانيتati, aut charitati daturus locum alloquio quempiam admitteret, nescias an religionis exemplo, magis quàm acumine ingenij suspenderet animos. Definiebat mundum hortum lilijs vernantem, sed efflorescentibus inter spinas; campum palæ æquè feracem, ac tritici; sagenam piscibus copiosam bonis, & malis; arcam vbi beluæ cum hominibus, corui cum columbis, lupi permixti cum agnis commorantur. Noxias corporis voluptates aptè expressurus: sunt, inquit, virulenta Sardinæ herba, quam qui degustant, pereunt, & pereundo rident; scorpio ore blandiens, cauda inficiens; babilonica meretrix propinans abominationes aureo schypho; vinum flauum in vitro, suauis in ore, sed in nouissimo mordens adinstar colubti. Quæ literarum edidit monumenta, optimis accedunt ingenijs, maximè autem volumen latini metri Romæ excusum, vbi que cum plausu exceptum, in quo musa elucet & ab ornatu comprior, & ab amenitate exquisitior, deuota, seria, grauis, sed & iucunda, & cui à florum nitore, & fructuum copia elegantia, ac decus. Typis consignauit & nobilem carminum appendicem de pœsi ad honestas res vertenda, vates vsque adeò pudoris amicus, vt musas omnes suum inducere candorem auidius desideraret. Interrogante quodam, an profundè

fundè consensescere cuperet: sapientiores, inquit, ætate sumus: Tanti faciendum diuturnius ævum; quanti maturior mens. Iam quòd inessent consilij, studijque in Rempublicam numeri, cohonestatus etiam varijs Congregationis muneribus, Monasteria rexit, adfuitque Romæ Antistiti Generali eius Assessor delectus. Quo quidem in officio licet suam sententiam cæteris vellet posthaberi, maioris tamèn ponderis semper erat, maluitque prudentia ad apprimè benemerendum de tota societate. Condecorabat morum, literarum, munerumque lumina humilitatis fastigio. Celsiori præ cæteris virtuti Principem tribuebat locum. In infirmorum obsequio nullum præteribat officium. Deposcebat sibi viliora valetudinarij ministeria. In euerrenda Ecclesia, omnique domo Laicos præibat, etiam eum Monasterij præfecturam exantlaret. Præstò erat senibus, & debilibus in dealbatione indumentorum. Ad hæc Ludouicus corpori suo consentaneum duntaxat cibum, somnumque non negabat. Ceterum macerabat abstinentia corpus, dabatque orationi noctis horas. Et orationi ita erat addictus, ut suis auelleretur à delicijs, cum preces abrumperet. Orabat autem ferè semper genuflexus, maxime post absolutam Matutinam laudem, postquam durabat in Choro, usque dum elucesceret dies. His alijsque virtutum cumulis onustus fati legem impleuit plusquam octogenarius Romæ 11. Ianuarij 1603. *quæ tunc dicitur in hanc formam*

1606. *Petrus à S. Bernardo* Generalatu secundò defungens morte iustorum occumbit. Celebratur Aseeta alti, & sublimis spiritus; verus humanarum, & secretiorum cogitationum inspector, cuius singulæ actiones, aspectus, verba, & totus homo exterior interni decoris indicium, nihil non sanctum, & supernaturale spirabant. Ad tantum virtutis culmen gradum sibi fecit charitate, poenitentia, humilitate. Ex quo adolescens vertit mundo terga, intimo semper exarsit amore sequendi præeuntem extra castra; eiusque improperium generosa imitatione baiulandi. Frons graui, religiosaq; generositate composita, visa Cruce, tristitia actutum offundebatur. Manabant & lacrymis oculi, quos mundi Redemptoris sanguine vbertim pluentis compungebat aspectus. Meditationum frequentior erat Numinis patientis vulnera mente ingredi, & diuinæ cubacula charitatis ad plurimam horam quam suauissimè incolere. Amoris, ac doloris erga passionem Dominicam sensui addebat poenitentiarum, & angorum

inexpletam iugiter auiditatem . In strictioris obseruantiz leges incumbebat totus, quod illis exactè inhaerens grauem præ pondere, leuem præ amore exantlaret. Crucem. Singulis sextis ferijs, totaque Maiori Hebdomada in memoriam fells Christo sienti propinati amaros succos potui immiscebat suo : Morbis licet afflictatus, noctis tamen intempestæ tacitis horis surgebat è lectulo, oraturus in solo, & corpus discruciaturus flagellis . Nec à ieiunijs regularibus eximebat se vnquam, nec ægritudine laborans, alijs quàm cibis Quadragesimæ utebatur, dicere consuetus: carnis languores non carniū esu, sed spiritus vi deliniendos . Nec corpus cum blanditijs tantummodo, & commodis configebat suis, sed spectabiliori hominis interioris crucifixioni vacabat enixius . Argumenta erant curarum Sæculi fuga, propriæ voluntatis tyrannidem pro virili frangere, vanæ mundi existimationi ire semper ex aduerso, nec vnquam semetipsum sibi non abnegare . Gaudebat exerceri duris, & asperis . Deposcebat quoque domus munera alijs onerosa, quæque inter Superioris mandata genio conueniebant minus, illa excipiebat iucundius . Pluteolus ad librorum repositionem, scamnum è ligno, stratum cum stipula, pie imagines, nec plures quàm vna & altera, tota erant domicilij supellex . Et tamen paucarum adeo rerum suo vsui concessarum pluries inter annum tradebat syllabum Superiori, vt ab eo demeret quidquid superuacuum existimaret . Cuius præterea Antistitis directioni in tantum se committebat, vt ipsa mentis arcana libello per diem consignaret, omniaque nuda illi veritate ad vesperam aperiret . Quæ licet laudes ad obedientiam, & paupertatem pertinere ex æquo censeantur, humilitatem tamen petissimum in eo efferunt . De se ipso loquebatur, si adesset, quod reprehenderet, de cæteris filebat, nisi occurreret quod commendaret . Omnium infimus gratulabatur haberi . Cùm doctrina polleret, nullum tamen è cedro dignis sui calami monumentis superesse passus est, nisi fortè Institutionem Nouitiorum exiguam, & ineditam vsqueadeo opellam, verum auctoris sui doctrinam perinde exprimens, ac pietatem, aptamque postuma luce, si quempiam tangat Congregationis decor, ac sanctior eorundem Tyronum disciplina . Feruore licet muto æstuaret, cum tamen adessent testes à singularitate cauebat, sollicitè adimaduertens, quid maiorum consuetudines ferrent, quid ratio loci posceret, quid Institutorum vis præscriberet.

beret. Prudentia quoque plurima valens aliorum sententiâ suâ opinioni anteferebat. Si errasse quempiam audiret, minori aduertentiæ defectum tribuebat potius quàm voluntatis crimini. Sin autem excusare voluntatem nequaquam posset, oculis in Cœlum erectis diuinam precabatur bonitatem se primùm, alios deinde à noxa consimili auerteret. Erat deinde sublimior, quem in Petro laudares, humilitatis gradus, procul à Superioratum præminentijs animus. Et si quod ad munerum appellationem spectat, minores, maioresque obire præfecturas, oportuerit. Conscendendi verò ad superiorem locum partes, quemadmodum & eius optimam in Congregatione temperanda methodum disertè tradit Auctor Thesauri Chronologici Parte tertia, pag. 795. vbi ait. *Vir regimini in paucis natus. Profunda honorum affectatione vellicari quempiam malo tribuitur omni, deteriori verò cum affectatores eorundem assequutione nimium sibi placent, seque ipsos magnificant; pessimo autem ubi oderunt in ordinem redigi, seu graduum amissionis solo timore agitantur. Petro à S. Bernardo cordi erat demissio, longè aberat ambitionis astui locum dare. Generalisio pedo cohonestari maluisset alterum; quo ipse dignitatem falleret. Quanta cum modestia laude primam Sedem occupauerit, neminem latet. In suum verti probrum aiebat Canonitis se multò perfectioribus Monasticas præscribere leges. Neminem non in honore habebat seniore, inferiore obuium quemque salutans, paternam beneuolentia ad vnum complectens. Præerat remota prorsus inaequalitate illa affectuum, quæ religiosos Cœtus grauius in discrimina multoties vocat. Solo boni communis, aut spiritualis incrementi studio dignoscatur Antistes, ceterùm agebat veluti Sodalium vnus. Exempli præstantia, potius quàm vi imperij quæ vniuscuiusque forent partes edocebat, optimè gnarus exempli linguam à barbaris ipsis intelligi, nec virtutem amanti duntaxat acceptam, sed & abhorrenti. Familiare & ipsi illud Sapientis monitum. Munere eminentes summam decere moderationem, quando vnica auctoritatis norma æquitas sit.*

Ad hæc optimam Reipublicæ moderationem cumulauerit ne eiusdem amplificandæ studio commonstrant Monasteria S. Mariæ de Ouille in Normandia, S. Mariæ de Abundantia in Sabaudia. Montisgrossi, & Stafardæ in Pedemontio, ac Florentiæ in Lombardia.

In Beatam Mariam de Ouille Prioratum Regularem Canonico-

rum Ordinis S. Augustini, eorundem Canonicorum Prior Dominus de Bouyn nos induxit an. 1603. nimirum maluit sui propositi inde potius facessere sectatores, quàm claustrale in eo propositum non florere.

Abundantiæ Abbatia elogium deposcit Vespasiani Agatiæ inter Nostrates postea Gregorius à S. Eusebio dicti, quò & Abbatem præbeat ex Sæculari Monachum, & Monasterium exhibeat ex Canonico-regulari Cistercio-fuliensem. Itaque de accessione Congregationi facta vnà cum præcellentis laude Abbatis agemus infra anno 1630.

Mons-grossus Oppidum est Comitatus Astenfis quarto ab Asta Pompeia lapide. In eius confinijis cum Aloysius Cribellus Lumelli Comes erexisset Ecclesiam concinnæ satis formæ ad honorem Beatæ Mariæ de Intercessione, & consonum etiam Cœnobium Templo adiecisset, virumque Reformationi attribuit anno 1604. Modicam alit familiam pinguioris defectu dotis. Cæterum statio est ob Cœli temperiem, lautum agrum, collium, & conuallium amenitatem assatim grata, maxime verò à Religiosis contemplationis, & bonarum artium amore captis planè expetenda.

Abbatiam Beatæ Mariæ de Stafarda in Pedemontio Ferdinandus Vghellus tomo primo Italiæ Sacræ pagina 147. lineâ 23. collocat in Sabaudia. At in Tuscia, & in Vrbe pro Sabaudis veniunt etiâ Pedemontani, ex quo corrupto dicendi modo diligentissimo Scriptori palmare mendum irrepsit: Incunabula Cærolus de Vvisch, & Angelus Manriquez reijciunt in annum 1135. cum Franc. August. ab Ecclesia, cuius auctoritati potissimum defero, eadem exordiat ab anno 1122. duodennio ante. Auxit lineam Morimundi, colonia deducta ex Abbatia Bellæ-Vallis. De patrimonio consulendus laudatus ab Ecclesia. *A Manfredo, inquit, fundatur, & adiuuantibus Sabaudia Comitibus, Buscha, & Romagnani, Regulis, Dominis Reuelli, Bargearum, Bagnolij, Verzolij, Soleriarum, Lucerna, Scarnasfixi, & aliorum locorum tot redditibus locupletauit, ut merito inter præcipuas Pedemontij Abbatis numeretur: nam etsi Abbates diuersis temporibus Droxi, Carpanetta, & Morra Castella, & alia bona alienauerint, adhuc tamen hodie ipsius redditus sex millia ducatorum summam excedunt. Edificij quoque nitore, Templi vniuersitate, Odeo ex nuce affabrè cælata, omnium propemodum artium officinis, primæum Ordinis*
Cister-

Cisterciensis splendorem, adhuc in præsentiarum iactat, quamvis potiori ex parte ruderibus obruatur. Cisterciensium à solempni adeo Abbatia abeuntium nostros homines designauit successores Alexander Scaglia, Comitis Verrucæ filius, Abbas Sæcularis, constabilijsque diplomate Clementis VIII. à quo tempore illam durarunt incolere, licet vsus inductus ferendi circumpositam glebam oryza pro tritico, limosis paludibus aerem grauet, & familiæ incolumitati officiat. Enimuerò huiuscemodi incommodum stationis Monachos ad Diui Bernardi vota efformat, efficitque quò magis carne infirmos, eò ad cœlestia spiritu vegetiores. Abbatum Commendatariorum seriem sui nominis, ac virtutis coropa absoluit Eminentissimus Cardinalis Cæsar D'Etrè, qui postremus inauguratus, non minus de Abbatia, quàm de nostris Ascetis pro sua animi amplitudine, & pietate plurimis benemereri non desinit.

Florentiæ Domus duas complectitur ex antiquis Monachorum familijs, alteram Præposituram Humiliatorum sitam in via Emilia inter Placentiam, & Parmam; alteram Prioratum Benedictinorum in agro Placentino cum animarum Pærcia; hanc dictam Basilicam Ducis, & SS. Felici, ac Tranquillino inscriptam; illam verò atticulatam Præcurfori Verbi incarnati D. Io: Baptistæ. Vtramque Abbatia Castilionis vnitam ab illa sciungendam, ac transferendam in censum Reformationis enascentis censuit Franciscus Sfortia S. R. E. Cardinalis Commendatarius, cum optione erigendi disciplinæ Septra penes quam Nostri vellent, & Curam animarum Basilicæ Ducis regendi vel per se, vel per Presbyterum Sæcularem. Patribus domicilium moliri placuit ad S. Io. Baptistæ de Florentiola. Et reuera opportunior hæc mansio, quippe viæ Romanæ frequentia, nobilis situ Oppidi, diuite agro, vastis pomerijs, domesticis piscinis, ædium etiam laxitate, peristylij, alijsque nunc gaudet commodis, quorum momento artium licæum studiosæ nostræ pubi nunquam non aperit, & Comitiorum Generalium Patres conscriptos excipit quàm frequenter. Habet nunc Abbatem Iosephum Vrsinum, Romano-Pedemontanum, virum, sicut inclitæ Sfortiadum, & Vrsinorum genti coniunctum sanguine, ita religionis in Deum, & benignitatis in restauratam Diui Bernardi Sobolem hæredem eximium.

Iam verò Petri virtutes, Sodalitij extensionem, aliasque regiminis præ-

præſtantias complere fas eſt veraci narratione conſimili Hiſtoriæ Marci Syri ex Monacho captiui, iterumque poſt captiuitatem Monachi, quemadmodum tradit cum Theodoro, & Hieronymo, Annalium Eccleſiaſticorum Auſtor Cardinalis Baronius. Conuerſus Siculus in Monaſterio S. Pudentianæ Pharmacopolam agens, repetita poſtulatione inſtabat pro migratione ad Camaldulenſes. Petrus Generalis Superior miſſionem deprecanti diù præbuit aures ſurdas. Laudabat magis vocationem ſuam conſtanter impleret. Monaſticam quamcunque diſciplinam, Spiritu Sancto dictante erectam, ducere currentes ad perfectionis metam: Callidum dæmonem artes ſuas decora pietatis ſpecie prætexere. At ille preſare perrexit Antiſtitem, vt cæptis inſiſtens abeundi poteſtatem extorſerit potiùs quàm impetrarit. Abijt ergo. Sed Eremo Camaldulenſi nomen daturus, Panorum antea petere conſtituit. Degebant illic parentes conſalutandi ſemel priùs quàm perpetua ſe clauderet ſolitudine. Iter habens incidit in viſitantiem infami Chriſtianorum mercimonio. Mortalium vaſerrimus obuium blando alloquio complectitur, beneuolentiam ſimulat, domum exhibet, prandio admittit. Amota poſt refectionem menſa fingit debere ſe ſe quantocyus egregiæ cuidam piſcationi. Confluiffe illò alios quamplures. Velle & ipſum habere comitem. Fruituros ſimul curioſo aſpectu ingentis, ignotique cuiuſdam piſcis trahendis mox in retibus concluſi. Pergunt ſimul, alijs dolo itidem captis iunguntur, quos omnes Turcæ Trierarchæ laütanti intra ſinum rupis propè adiacentis venditor iniquiſſimus prodidit. Abductioni in ſeruitutem acceſſit durior appendix coactio ad triremes. Ea mitior videri poterat, quippe atrocior ſequuta haud diù poſt alteri hero venditio, Siculo quidem, ſed impio Chriſtiani nominis deſertori, cui fortunæ bonis inter Turcas locupleti erant ruri pernobiles greges equorum curæ noui mancipij illico demandati. Infelix Monachus naſtus in ſolitudine vitæ religioſæ ſpecimen aliquod leniebat infortunium æmulatione monaſtici moris, recitatione precum, victus parſimonia, elongatione à turbis, & quod ipſi apprimè dulce, ſuauiſſima Ieſus, & Mariæ nomina arborum corticibus inſculpando. At Dominus, illoque ſtudioſius vxor famuli cum Religionem, tum votam in Cœnobio pudicitiam periclitabantur quotidie conſortij allicio, opum ſponſione, intentatis etiam minis, niſi ad Saracenos tranſiret.

Serui-

Seruitutis calamitatem, & supra seruitutem exosas in Religionem, & castitatem insidias quadriennio perpessus, restituere se Monasterio maturè tandem deliberavit. Verùm initurus fugam quantis obsidebatur periculis? Heri nec oculos, nec indignationem facile declinasset. Salua ne vita deteato in fuga? Agrorum præterea, sylvarumque amplitudo latè protendebatur ad oram vasti fluminis. Traiſciendo linter deerat. Vado erat transnatandum. Sed graue excussuros iugum quæ remorantur discrimina? Traiectioni se quotidie parabat, generosum equum conscendens, & paulò vltra gurgites intra altiores procedens, retrahensque gressus, donec equo eodem pro die conducta benè enutrito, inuocatoque Mariæ patrocinio totam aluei profunditatem tentauit, euasitque feliciter ad vltiorem ripam. Superato amne magnis deinde itineribus ad mare contendit, vbi reperta naui ventis dante vela, illa conscensa, Panormitano litori appulſa. Parentibus consalutatis enarrauit quales diræ inconstantem in arrepta Monastica viuendi forma fuissent insequutæ. Dei opè libertati restitutum se noscere. Velle quantociùs Claustro se reddere, à quo discesserat, reddiditque, & in eodem præteritæ leuitatis dolore, lacrymis, singultibus, constantique conuersatione ad mortem vsque litauit.

Sed ad Petrum reuertamur, altero secundi Generalatus anno, & à Congregationis regendo clauo, & à mortalitatis deportanda sarcina exemptum. Eius vitæ caracter mors ipsa fuit, Cuius enim sollicitiores curæ intra feruentes Crucis amplexus semper constiterant, obitus incidit in ipsam pænalem Saluatoris hæbdomadam, visus commori Christo, qui Christo conuixerat. Seueriori poenitentia sublatis planè creditus est. Cum enim toto magni ieiunij decursu grauius, quam antea sustinisset macerationum, & vigiliarum pondus, diebus postmodum mysterijs nostræ reparationis sacris Dominicæ passioni se se conformandi votis eò vsque flagrantibus incensus est, vt dum cruci se se configere feruentius exoptaret, requieuerit, carne solutus, in Christo 22. Martij anno 1606.

1610. *Placidus Bernarducci, Italus.* Solemni votorum dictione in Fulienses iurauit leges ad S. Pudentianæ de Vrbe anno 1589. vertitque auitum agnomen in Monasticum *Placidi à S. Mauro.* Ab eo tempore semper quidem præbuit Coenobitam suauissimæ consuetudinis, vnde inuenisse Placidi nomen quis crederet, simplicitatis planè

planè columbinæ, innocentæ propemodum infantilis, probatissimæ obedientiæ, profundæ humilitatis. Sed charisma in eo præcellentius fuisse charitatem in Deum, & proximum nemo ibit inficias. Virtutum cæteris supereminenti, diuino amoris excolendo, additiorem nauare operam demonstrabat, institutionis asperitates, ieiunia, vigiliæ, labores, solitudines deuorare dilectionis feruore, in acerbiores semper propendere, ipsis fidei Athletis martyriorum inuidere lanienas, vnâque stare animos conijci in carceres, distorqueri equuleis, à feris discerpi, gladijs proscindi, igne consumi, mergi fluctibus, tantum salutis Auctori, dolorum Regi, amoris suo conuiueret, commoreretur. Nec facillè siluerim, quæ præterea amoris momenta inter orandum, contemplandumque exhibebat, maximè cum oculis obuersabatur Dominicæ passionis imago. Longior tunc semper precatio, nimirum postquam ante diuinæ bonitatis aram semel in genua procidisset, surgere iam non valebat, defixus admiratione tantæ victimæ pro incauti hominis reparando lapsu conflagrantis. Omnia simul ardor habebat. Ardebant oculi à patientis Numinis conspecta flamma succenssi. Ardebat cor præ concepto in meditatione igne concalescens. Ardebant æstu interiori erumpente foras & ora. Ardebant ipsæ preces plurimo singultu, arcani iudice incendij. Ardebant manus corpori excruciendo armatæ ferro, & multo verberum vulnere infixæ cordi vulnera lenituræ. Aliæ adhuc partes in dilectionis sensibus incitatisimo dilaudandæ. Illæ erant, doloris morsu pungi cum ineffabilem bonitatem, ingrauescentibus mortalium flagitijs, magis magisque in dies lædi inaudiret. Ad auertendam offensam, ad flectendam clementiam, conduplicare ieiunia, interponere preces. Silere, aut instituere de Deo sermonem. Rapi ipse mentis excessu in loquendo, inflammare Audientium pectora, ac ignitis veluti telis ferire. Conari coram Deo ambulare. Quidquid humanorum actuum perageret, ac si ille præsens adesset peragere. Ad eius se præsentiam facillè reuocare. Non priùs ire cubitum, quàm aliquo ad dilectionem fouendam stimulo imbuisset mentem, vt nunquàm non dicere posset: *Dilectus meus mihi, & ego illi*. Sancitam votis paupertatem sanctiùs colere, quòd in summo, & vnice concupito bono Deum haberet, & omnia. Contumelias, & obiurgationes generoso conçoquere animo, est enim charitas *patientis*, benigna, omnia fert, omnia sustinet.

Iam verò à Dei amore ad effusam etiam in Sodales charitatem. Pleno decennio Abbatiae Fulienſis infirmarium exercuit. Et qualem amabò? omnia vnus erat. Ipſe cibos ægroto ingerendos, ipſe decocta iulapia, electuaria medicè ſua manu parabat. Ipſe eluebat lixiuio linteos, ſcoparius euerrebat cellulas. Cum vel vnus ægrotaret, ſola Valetudinarij, & Chori terebat limina. Et diei quidem decurſa nunquam à languentis latere abſcedebat, noctem verò ſi non ducebat inſomnem, ſtrato ad lectuli pedes explicato, excubabat etiam obdormiens. Alto etiam in conticinio, rupto ſomno, lectulos obire conſueuerat, argentes ignitabulo calefacere, ſiticuloſos modica adaquatione refocillare, explorare pulſum, ibolos medicatos hora condita exhibere, varioque alio ſolatorum opportuno obſequio tempeſtiuè adeſſe, iterumque accumbere. Grauius iacebat quiſpiam? affectu ſupra paternum verſanti in ſalutis discrimine inuigilabat. Obſeruabat, edocebatque Medicum ſingula morbi ſyntomata. Quando cibum per ſe non ſumeret, ori ipſe immittebat. Si prorsus reſpueret, varijs bellariorum condimentis ſua manu elaboratis reſtaurabat. Atque huiuſcemodi fuit ornatiffimi Monachi conuerſatio, quam ille inter Charitatis actus mirificè traductam, feruentiffimè etiam abſoluit, diuini amoris flamma in mortis conſinio vehementiùs exardeſcens. Ipſum autem amoris incrementum à coeleſti lumine fuit, vnde illi etiam innotuit extremus vitæ terminus, non viſurum ſcilicet mortem, niſi priùs cluſceſceret S. Mauri tutelaris ſui feſtiua ſolemnitas. Animum perinde erexit certa ſpes potiundi in proximo immenſo bono, cuius amplexus tantoperè exoptarat. Viſus ex tunc abalienari paſſim à ſenſibus, impotens ferendæ intimi amoris flammæ, impar & ad ſuſtinendas agonis inducias. Nihil ei ſuauius diuinatum concentu laudum, vt etiam, præintonato *Deus in adiutorium*, adſtantes ad conſuetam Horarum Plalmodiam inuitaret, & concinentibus alterna verſiculorum decantatione reſponderet. Ad diuini epuli intra cubiculum illationem, haud facilè dictu, qua vi, viribus licet exhaustus, aſſurrexerit, quàm promptè proſilierit in terram, quàm tenerrimis animi ſenſibus, quibus deliquijs, quibus ſuſpirijs amoris magnitudinem effunderet, quàm blandis verbis ad ſe venientem, vt ad ſe raperet exorauerit, id quod obtinuit impetrata dimiſſione è mortalitatis domicilio 15. Ianuarij non multo poſt à viſo eius ſalutari, adorato, & ſuſcepto.

1610. *Dionysius à S. Bernardo, ex Heluetia oriundus*, Donatorum nostrorum, qui videlicet simplicem obedientiae promissionem emittunt in Congregatione, simplici, & prompta obedientia dilectus Deo, & hominibus, silentij, & mortificationum omnium amator frequentissimus, aliquot annos Congregationem aedificauit exemplo. Quadam autem die cum in oratione coram Deo spiritum totis viribus effunderet, audiuit vocem de Caelo dicentem sibi: *Dionysi frater, dispone conscientiae tuae, morieris enim breui: dimissa tibi sunt peccata*. Retulit ipse quod audierat, inter confessiones Superiori suo; qui se hæc paruipendere simulauit, sed octo post diebus ægrotauit, & Sacramentis maxima deuotione, & insolita ædificatione sumptis, inter paucos dies è vita migravit in Monasterio Sanctæ Pudentianæ de Vrbe.

1611. *Godiferus à S. Mauro, natione Gallus*, ita in corpus suum poenitentiae virtutis ardore scribebat, vt vsque ad multam sanguinis effusionem disciplinas protraheret. Ita deuotus ad sacrum altare sacrificaturus appropinquabat, vt non accederet, nisi prius ante Crucifixi imaginem per horæ, & amplius spatium in contemplatione tanti mysterij prostratus permanisset. Ægrotos, & Agonizantes maxima charitate, & exhortatione erigebat. Omnibus desiderium æternæ vitæ, & dissolutionis è corpore altius imprimebat. Obijt Burdigalæ tertio Ianuarij 1611.

1613. *Ioseph à S. Germano*. Eius gesta paucis tangit Antonius à S. Petro Cap. 9. vbi disertius acturus de Patre Eustachio Asseline socio Sorbonico, raptim præmittit Ecclesiasticis alios redimitos Infulis, alios illustriorum Academiarum præcinctos laureis, eisdemque cœnobiticæ Institutionis deuotè amplexatæ decore nobiliores, ac laude. Inquit igitur:

Nostra B. Mariæ Fulienfis Congregatio duos hac tempestate clarioris famæ dedit viros, non Episcoporum, sed Doctorem ex Canone, qui iuxta D. Paulum pastorali conspicuis dignitate proximè accedunt, eosque si non Sanctos, inclitæ tamen virtutis, celebres Theologos, Auctores sapientissimos, Claustralium reformatores familiarum, eximiae, imò perfectæ consuetudinis rumore præclaros alterum Romæ, Parisijs alterum. Delibauit ille natalem lucem Siraculis in Sicilia, & dictus in Sæculo Ioseph Minittus, postquam in contubernium

vitæ

vitæ associauit se Cistercij Reformati sectatoribus appellatus est *Ioseph à S. Germano*. Theologiam commentatus, vigilas resperfit profunda doctrina, excellentique religione, quorum celebritate nominum non vulgarem existimationem Romæ sibi fecit primò apud Vaticanæ Senatus eminentes Purpura Patres, deinde & apud Paulum quintum summum exercentem Catholici gregis Sacerdotium. Magni ideo momenti expediendis rebus adlegitur, & à Sanctitate sua sedere iubetur Consultor doctissimus inter summates viros Sacrarum Congregationum rerum arbitrar Vrbis. Solus ipse fuit, qui suspiciendo suæ vitæ exemplo, suis curis, suis adhortationibus, suisque contentionibus Sanctæ Cecilie in signe Parthenium disciplinæ splendori restituit. Summo tandem concitatus desiderio captandi ex subiectione obedientiam, & ab humilitate latebras, Religiosi status concedere in gremium constituit. Ex Reformatis autem Ordinibus, cuius potissimum Schema susceperet diù cum maturasset, in nostræ societatis sectanda ratione vota defixit. Sodalitium deposcentis exploratam voluere nostrates vocationem rigorofo integri biennij periculo. In Census tandem illatus, ut sanctis claruerat in Sæculo moribus, ita Angelica effulsit indole in Claustro. Angelica inquam indole. Enimvero homo erat cibi parcissimus, nunquam recumbens dormiturus in lectulo, sed modicum duntaxat capiens somnium, sedendo, & continuo ferè mentis raptu Deo adherens. Paucos postquam annos extrema in vitæ austeritate durasset vna, perpetuaque mortis extasi ad Deum perrexerit. Ad elati diripienda spolia crines, vngues, barbamque mortaliū pietas conuolauit, demirata Sanctitatem, & expositi in feretro non rigere carnes, ut demortui, sed mollescere adhuc, ac si viueret.

1618. *Antonia de Orleans*, cum qua ad suæ incrementum gloriæ ita diuina peregit bonitas, ut puella sacra cogitaret septa, sed traderetur nuptui, nupta autem virum breui conclamaret, & dicatarum Deo foeminarum peteret Claustra, ijsque conclusa, floreret primò Fulienfis alumna restaurationis, mox assumeretur in Fontis-Ebraldi Antistitam, seu ad obseruantie cultricem in Professionis Benedictinæ longæuo iam Ordine; tum demum erecto cœtu Virginum primitiuam profitentium Regulam, euaderet in Benedictini eiusdem propofiti ampliaticem egregiam. Foeminam inclitam, quam ex nobilissima Principe religiosissimam Sanctimoniali laudibus efferunt Hila-

rion à Costa Heroinarum illustri Tomo primo, San-Marthani Fratres
 in sua Gallia Christiana, itemque in Genealogica Galliae Regum Hi-
 storia, Arturus à Monasterio in Sanctorum, ac Beatarum Gynæceo
 mulierum, Catellus Historiae Occitanicae lib. 2. pag. 96. Petrus à S.
 Romualdo in Thesauri Chronologici Tom. 3. R. P. Chrysostomus
 Henriquez in Menologio Cistercij 22. Aprilis, dedere genitores præclari
 Leonorus Aurelianensis, Dux Longauiillæ, & Estouteuillæ, Marchio
 Rothelini, Comes Noui-castrî, Dunensium, ac Tancaruiillæ, Princeps
 de Castellaillon, & Maria Borbonia, nata Francisci Borbonij Comitis
 S. Pauli, ac Adriannæ Estouteuillæ Ducissæ. Leonorus ad eximiam
 bellicæ virtutis laudem constantem in Gallorum Regem adiunxit fi-
 dem, obsequio adedò probato, ut in cruento ad Sanctum Quinti-
 num prælio, quando copioso cum agmine, Gallicæ quoque nobilita-
 tis flos integer hosti cessit, quâ fusus, quâ prostratus, quâ captus, de-
 tentus ipse à milite Hispano, libertatem postea comparauit octogin-
 ta argenteorum millibus, & diuturnis subinde expeditionibus fractus,
 in Castro tandem Blesensi diem obierit suum ætatis anno tertio supra
 trigessimum, dum à longa Rupellæ obsidione rediret. Maria verò cum
 semel & iterum iam antea nupsisset, & primo quidem toro Ioannis
 Borbonij Angiæ Ducis, altero autem Francisci Cluixæ, & Niuerni
 Ducis thalamum honestasset, tertio postmodum Connubio desponsa-
 ta Leonoro Aurelianensi, auitos etiam illius titulos cumulauerat co-
 mitatu S. Pauli, & Ducatu de Estouteuillæ, paternis nimirum, mater-
 nitque ditionibus, quibus vnica proles hæreditario iure successerat.
 Coniugium sublimiori euexit laude soboles ipsa, feminea potissimum,
 generis supra splendorem, mundanæ supra culmen potentiae, animi
 opibus, pietate in paucis commendatior. Et quidem cum martialis
 planè indolis Henricus Longauiillæ Dux, & Franciscus Comes S. Pauli
 natu Maiores exercituum præfecturis, Prouinciarumque moderatio-
 ne, plena honoris, & existimationis aura velificarent ad gloriam se-
 cundissimè, Leonorum autem Principem de Castellaillon tertio edi-
 tum loco primam post pueritiam interceptisset fatum, è puellis Leo-
 nora tantum Comitissa de Turrij, Domina de Montignon ætates in
 sæculo expleuit suas, nam tres reliquæ, triumphata rerum humanarum
 specie claustralibus se disciplinis manciparant, Antonia, de qua
 hic sermo, præferente cæteris facem. Parisiorum Lutetiæ natali ex-
 posi-

posita luci, audijt lustrali ex vnda Antonia, explicauitque continuò indolem vti à mundo oblectamentis abalienatam, ita studio vitæ à mundo sequestris succensam. Sanè in primo æui flore permittebat quidem se se cultus splendori, Aulæ celebritatibus, Nobilium illecebris puellarum, sed permetteret adigebant genus Galliæ Regibus sanguinis propinquitate coniunctum, Principum exemplum familiarum, genitorum imperium. Intimo affectuum sinu complexa nunquam rerum amorem caducarum, capiebatur potius sacrarum Deo Virginum Religiosis Collegijs, tacita à curis vita, Virginitatis decore, consuetudine ad sanctiorem instituta probitatem. Earumdem etiam immixta Gynæceis, amplexata contentiones, nuntium misisset mundo, nisi à parentibus splendido pacto coniugio, nubere oportuisset. Carolo Gondio Marchioni Bellæ-Insulæ, Filio primogenito Alberti Gondij Ducis de Rhets, Franciæ Paris, & Marscalli. Sed egit leniter Numen, disposuitque iniret Vidua rationem vitæ, cui Virgo iam anhelasset, & Monialibus Battrerij institutione imbutis eximia appendix accederet. Carolus, quocum arctissimo charitatis vinculo conuersabatur, paucos intra annos mortalitatis compleuit actus, ingentis expectationis Dux, ignita extinctus glande, dum, pylocastro admoto, perfringere tentaret fores Montis S. Michaelis in Normandia, & Regias copias in modicam, sed munitam inducere Ciuitatem, strata generosè admodum semita.

A Mariti optimi acerbo funere tres dedit Antonia annos implendis Coniugis amantissimæ partibus, in primis religioni instillandæ tenero pectori Henrici Gondij vnicae prolis ab eo susceptæ. Tum demum vitæ regularis studio sollicitius velicante scæminam compede maritali solutam, cedere constituit Sæculo, adiecitque animum Tolosanæ Fulientinarum mansioni celebri de fama notæ. Maturato consilio, vniue duntaxat Priori S. Bernardi Parisiensis D. Ioanni à S. Malachia communicato, paucis comitibus, Tolosam iter intendit. Sed festinanti ad poenitentia optata signa ecce vndique bellum. Suo diuelli natam à sinu conqueritur exulcerata dolore Ducissa parens. Expugnando pectori epistolas admouet blanditijs, minisque exaratas. Increpat illam adornasse à Sæculo fugam, quæ non foret sine acerbo vulnere Matris. Austeriori se deuouisse institutioni, quàm Principis innutritæ delicijs vires ferrent. Reclamant cum Protopræside, cunctoque

Ætoque Tolosano Senatu Urbis moderator Dominus de Villaloin ablegasse cum mundo naturæ, ac sanguinis iura. Esse sæuitiæ speciem abscedere à matre effatæ iam ætatis, relinquere vnicam prolem in annorum lubrico positam. Cogitaret se filiam, auscultaretq; matrem; Cogitaret se matrem, consuleretq; filio. Bernardus Deschaux, Baiocensis Episcopus, Cæsaroduno adueniens, flectere imbutam insigni constantia mentem adlaborat. Si quid in huiusmodi casibus sacri valent adhortamenta viri, & graue consilium, adhibet ille non segniter. Cunctetur saltem, deposcit, cum Régis Christianissimi, consanguineorum etiam Principum sententiam. Henricus Gondius Parisiensis Antistes, præterquam quòd addubitat aliquid in Antonia Cognata leuitatem peccasse, non satis æqui, bonique consulebat elati fratris Viduam Coniugem secessisse in Claustra, filio relicto impubere. Ipse Fulienſium Prouincialis D. Philibertus à S. Pudentiana diuertere à proposito adnuitur, negata admissione ad faciendâ disciplinæ stipendia.

Quænam loco non dimota constantia? Sed afflatu superno obfirmior erat Antonia, quàm vt haustam exueret mentem. Pœnitentiæ lagenam vberiori cum lacryma; flagrantioribus votis deprecatur. Obtestatur indormituram se potius nudo Templi solo, quàm recessuram ab incundæ Religionis vestibulo. Ergo non volucris, sed solidi probata ardoris, Prouinciali ab ipso in Parthenium inducitur adiungenda sodalibus. Quæ vbi felices sibi velitationes primas, factamque potestatem donandi institutioni nomen gratulatur, periclitantibus tenacitatem propositi animos obiecit à delibata victoria fortiores. Albam tunicam, quam fortè aspexit, continuò rapuit; induitque. In comas etiam, ferro ipsa arrepto, inuolauit suas, præciditque, edoctrâ luculenter adstantes: exciderent à spe illam à proposito reuocandi, quando cernerent æquè decidisse à sinu fallacem contempti Sæculi amorem, ac è capite despectam cultioris comæ vanitatem. Tum crucis inter amplexus teneros diuinæ sponsæ vsurpauit affectus: *Inueni quem diligit anima mea, tenui eum, nec dimittam.* Et ne dimittere cogeretur vel inuita, significauit Clementi VIII. sequutam se vocantem. Deum, petijtque summa pro auctoritate mandaret, ne abduceretur è Claustro, id quod summus Catholici gregis Pastor benigne admodum se acturum respondit literis, quæ inquirunt:

Dilecta in Christo filia Antonieta Aurelianensi de S. Scholastica moniali Clemens Papa VIII.

Dilecta in Christo filia salutem, & Apostolicam Benedictionem. Bonas nuptias expetisti, & bonam partem, imò optimam elegisti filia, qua speretis fallacis huius Seculi splendoribus, & caducis bonis, Christum Dominum Tibi sponsum adoptasti, & quemadmodum literis tuis nobis significas, te Deo dicasti in Monasterio isto Sancta Scholastica Tolosa, ubi ancilla Christi Instituti Fulienfis piè, & religiosè viuunt, & sancto Dei Spiritu incensa regularem disciplinam in charitate Christi diligenter obseruant. Gratulamur tibi filia hoc tam insigne Dei donum, qui te è fluctibus, & tempestatibus mundi eripuit, & in portu sancta Religionis collocauit, ut salues animam tuam, & post breues labores, qui non sunt condigni ad futuram gloriam, gaudijs sempiternis perfruaris. Sis benedicta à Deo, & à nobis, & ipse Pater misericordiarum, qui te vocauit, adaugeat in te dona sua, & det tibi spiritum perseverantia usque in finem. Nos ubi opus erit, tui sancti propoliti patroni, & defensores in Domino erimus, scripsimusque Venerabili fratri Episcopo Mutinensi nostro apud Christianissimum Regem Apostolico Nuntio, ut, ubi usus venerit, tibi sit adiumento, ne tua spiritualis quies perturbetur. Tu interea ora assiduè pro nobis ad Dominum, unà cum istis sororibus tuis in Christo, & nos tibi, atque illis nostram Apostolicam Benedictionem benignè impertimur. Datum Roma apud S. Petrum sub annulo Piscatoris die 29. Ianuarij anno Iubilai 1600. Pontificatus nostri anno octauo.

Siluius Antonianus Cardinalis.

Adhæsit itaque Christo Princeps triumphalis cognati vi sanguinis, mundi oblectamenti, obnitentium sententijs, vernanti in ætate, annos quippe nata tres & viginti, egregio certamine profligatis. Iam verò quod sanctioribus persepe votis contingit, ut primo quidem improbatore offendant, ac impedimenta, postmodum autem quà plausibus, quà imitatione attollantur, satam regio sanguine scæminam gloriosum adedò cecinisse à mundo recessum, sicut initio arguentibus non vacauit, ita subinde habuit & excelssæ commendatores mentis, & vestigia præmentes egregia. Lutetiarum Præsul, Tolosa petita, & Antonia audita, secessus Auctorem Deum liquidò agnouit, & Religione iuxta præclarus, ac Insula, laudato proposito, firmitate auspicata, postu-

postulato precum suffragio, discessit, lacrymis etiam præ gaudio exundans. Mater si tanto cum doloris sensu posthabuisse Sæculum Claustro acceperat, vbi mundanæ amplitudinis præ æternitatis comparatione flocci faciendæ domesticum, adeoque nobile specimen habuit ob oculos, vitam christiana pietate ornatiorẽ exinde traduxit, clausitque 1601. apud Pontisaram, dum conscientia diligentissimè expiata, spectatis alijs deuotionis exercitamentis aperiret sibi viam ad Cælum Anno Iubilæi referatum. Ex sororibus, Leonora tantum, calces rebus non illisit humanis, legibus nimirum præpedita connubij; at Catharina, & Margarita strictioris Carmeli leges susceperẽ seruandas, aduocata ex Iberia in Gallias prima eiusdem restaurationis Colonia, & in vico ad S. Iacobum nobili Cœnobio Lutetiæ donata.

Præclaros hos motus excitauit sororis exemplum, quæ postquam mundi, suiue gloriosa planè deuiatrix, disciplinæ Sacramentum enuntiauit, generosos adco spiritus ad religionem excolendam gestare in pectore comprobauit, vt post consuetudinem inter nostrates Sanctimoniales exactam, primò Clemens VIII. & deinde Paulus V. immigrare iusserint ad solemne Fontis-Ebraldi Cœnobium, ibique vehementius res affectare diuinas. Pauli Pontificis literæ inquirunt.

*Dilecta in Christo filia Antonieta Aurelianensi Moniali professa
Monasterij S. Scholastica Ordinis Cisterciensis Ciuitatis Tolosana
Paulus Papa Quintus.*

*Dilecta in Christo filia salutem, & Apostolicam Benedictionem.
Cum Dilecta in Christo filia Eleonora Borbonia Abbâtissa Monasterij Monialium Fontis-Ebraldi sub regula S. Benedicti ob eius ingrauescentem ætatem octuaginta circiter annorum in qua constituta existit, agnoscens se regimen, & gubernium eius Monasterij, quod valde insigne & caput ordinis Fontis-braldensis, & in quo magnus Monialium reperitur numerus ex nobilibus Regni Franciæ per se ipsam commodè gerere, & exercere non posse, cupiat te, qua ipsius Eleonora consanguinea existis, & qua pietate, prudentia, & religionis zelo prestatas sibi in coadiutricem in regimine, & administratione dicti Monasterij per nos deputari, & super hoc nobis humiliter supplicari fecerit: Nos volentes ipsius Eleonora Abbâtissa desiderio aliqua ex parte satisfacere, & ipsius Monasterij gubernio, & administrationi iam spiri-
tuali*

tuali, quàm temporali providere, cum voto etiam, ac consilio Venerabilium fratrum nostrorum S. R. E. Cardinalium prapostitorum Congregationis super negotijs Episcoporum, & Regularium instituta. Te in ipsius Eleonora Abbatisa Coadiutricem perpetuam cum futura successione, vel Vicariam ad annum à die tua ad prædictum Monasterium translationis numerandum deputandam ut infra duximus, prout per præsentis autoritate Apostolica deputamus, Tibique in virtute S. Obedientia, & sub excommunicationis pœna præcipimus, & mandamus, ut statim Te ex tuo Monasterio ad Monasterium Fontis-Ebraldi aliquibus pijs, & honestis matronis associata quamprimum conferas, & ibi, si officium Coadiutricis huiusmodi acceptare volueris, habitum, & regulam Monasticam S. Benedicti dicti Ordinis, prout filia eiusdem Monasterij Moniales suscipias, & profitearis, sin autem hoc facere nolueris, saltem per integrum annum in eodem Monasterio habitu tuo regulari Ordinis Cisterciensis retento omnino commoreris, & interim tanquam Vicaria prædictæ Abbatisæ prædictum Monasterium in spiritualibus, & temporalibus gubernes, & si contingat dicto anno durante ipsam Eleonoram Abbatisam ab humanis decedere, nihilominus in eodem Vicaria officio usque ad finem integri anni perseueres, & si illo expleto ibidem ulterius commorari volueris, nos prius certiores facies, ut super eiusdem Monasterij regimine maturè deliberare valeamus. Quocirca eidem Eleonora Abbatisæ, & dilectis in Christo filiabus Monialibus eiusdem Monasterij Fontis-Ebraldi per præsentis districtè præcipiendo mandamus, ut Te, si habitum dicti Ordinis sub eadem regula S. Benedicti suscipere volueris, ad munus Coadiutricis cum futura successione, sin minus ad munus Vicariæ eiusdem Monasterij dicto anno durante recipiant, & admittant, Tibique respectuè faueant, obediant, & assistant, ac dilectis filijs Superioribus tuis, necnon Priorisæ Conuentus tui Monasterij Sanctæ Scholasticæ similiter præcipimus, & mandamus ut Te mandatis nostris paritüram istinc statim ad Monasterium Fontis-Ebraldi liberè transire permittant. Non obstantibus Constitutionibus, & Ordinationibus Apostolicis, ac utriusque Monasterij, & Ordinis, etiam iuramento, confirmatione Apostolica, vel quavis firmitate alia roboratis statutis, & consuetudinibus, privilegijs quoque, indultis, & literis Apostolicis eisdem Monasterijs, & Ordinibus, illorumque Superioribus, & personis in contra-

rium pramissorum quomodolibet concessis, confirmatis, & approbatis, quibus omnibus, & singulis eorum tenores, ac si de verbo ad verbum infererentur presentibus pro expressis, & ad verbum insertis habentes hac vice duntaxat specialiter, & expresse derogamus, caterisque contrarijs quibuscunque. Volumus autem quod finito anno prædicto si in eodem Monasterio Fontis-Ebraldi permanere volueris, Te in officio Coadiutoria cum futura successione huiusmodi ulteriusingere, vel illud incæptum continuare nequeas, nisi desuper obtenantur prouisione Apostolica ad id requisita, alioquin presentes litera quoad Coadiutoriam huiusmodi nullius sint roboris, vel momenti, tibi que minime suffragentur. Datum Roma apud Sanctum Petrum sub annulo Piscatoris die 4. Iunii 1605. Pontificatus nostri anno primo.

M. Vestrius Barbianus.

Mandatum, cui refragari nefas, attemperauit Pontifex spe adiungendi quidem vigilias suas sollicitudinibus Abbatisæ Eleonoræ Borboniæ, cæterum non deponendi Fuliensem viuendi methodum, nec priuato cultu, nec habitus forma, earundemque regrediendi ad Claustra infra anni spatium. Sed omnia penè præfecturæ momenta illius zelo actutum Eleonora commisit; cumque temperanti habenas operam nauaret à perfectioris obseruantia fragrantia, ac maturioris prudentia laude planè egregiam, prouincia ad annum imposita, propagata illi ad septennium. Sed nec septennio expleto compos dimissionis fuit. Quòd enim intelligeret Summus Pontifex res Fontis-Ebraldi multum accepturas detrimenti, si tanta destituerentur Matre, Antoniam iussam se se componere ad earundem viuendi, vestiendique rationem alio diplomate emanato Romæ anno 1606. renuntiauit Eleonoræ Goadiutricem cum successione ad regimen. Obtemperauit illa, velut ad Dei vocem, sed ita obtemperauit, vt recurrente in animum austerioris vsu Instituti, demissionem à demandato munere impetrare satageret, prout an. 1616. tandem impetrauit opera Francisci Cardinalis Ioyosæ. Quare Eleonora non multò post, nimirum anno 1611. è medio sublata, ipsa proximè consalutanda in Antistitam, animum aperuit à splendida dignitate longè abalienatum, nec euinci potuit vt complecteretur cum sodalitijs precibus, tum adhortationibus regio ei nomine factis ab Armando Plessiaco Episcopo Lucionensi, qui ideo impleret eius locum Ludouica Borbonia curauit.

Abre-

Abrenuntiata Fontis-Ebraldi moderatione transijt à disciplinâ expolienda in Cœnobio celebris etiam Ordinis Capite, ad erigendam Congregationem Sanctimonialium, nomine quidem nuncupandam à Sancta Maria de Monte-Caluario, & S. Scholastica, conuërsatione autem componendam ad amussim primitiuæ Regulæ Sanctissimi Cœnobitarum Legislatoris Benedicti. Primum ipsarum contubernium cum Romanæ Sedis approbatione Pictauiensi in Vrbe collocauit, & in ipso, matura Cœlo, desijt esse in humanis annò Orbis Christiani 1618. septimo Calend. Maij. Decubuit autem haud secus in morte, ac in vita Fulienfis studiosior nominis. Voluit, quippè desumeretur ex eorundem sancitis declarationes Regulæ Magistræ in contubernijs suæ Institutionis quàm sanctius adimplendæ. Conscientijs cum suæ, tum & sodalium non alios adhibuit, nec adhiberi commendauit Procuratores, nisi è nostris hominibus, quos habuit, quandiù vitali ipsa respirauit aura; nam post illius fata Patres ipsi deprecates vltra amplecti vigilias renuere. Cumque suprema sacra, deferente Ioanne à S. Martiali, virorum familiæ, quam Pictauij habemus, moderatore, suscepisset, mortalitatis exuias perinde ac animi studia diuisit inter Pictauienses suas Montis-Caluarij filias, & Tolosanas Fulienfis normæ sorores, nam corde illis legato, corpus voluit istis contingere, quod ideo iussis apponendum cineribus in capsula illuc plumbea delatum.

1620. *Ioannes Gualtheronus*, in euectione ad Principem Magistratum multis iam dilaudatus, pluribus hoc loco commendandus est, quò exhibeatur totus. Honestæ familia Catalauni ad Ararim fluvium genitus agebat laudatissimum causarum Patronum, cum à fori plausibus, ad claustrum silentia, Deo vocante, abducitur. Congregationi autem sub eiusdem initio adiunctus est, initia ipsa consolidaturus, ampliaturus egregiè religione, zelo, muneribus. A militiæ authoramento, cum de priuata eius virtute vulgare nihil rumor afferret, de publica etiam nihil mediocre spondebat, excitabatque præclaram de illo opinionem. Sed quis fuerit post abdicatum sæculum Ioannes, vel ex eo dignosci potest, quòd Venerabilis Abbas Barrerius illum existimauerit dignum, qui, vix egressus Institutionis rudimenta, communes ingrederetur curas, regeretque Sermonetanam domum Congregationi recenter addictam.

Henricus Caietanus Sanctæ Rom. Eccl. Cardinalis cum suam Congregationem (hoc nomine Sodalitium à se prædilectum Princeps amplissimus dignabatur) in Vrbe benignis propagasset auspicijs, eandem donandam censebat Abbatia S. Stephani apud Sermonetam , Campaniæ Romanæ Oppidum sua nobilitate Ciuitatis titulo passim condecoratum, & Excellentissimæ Caietanæ Prosapiæ Splendidam ditio- nem, primumque titulum . Sed Abbatia erat æui, conditorisque incerti, ac aliàs quidem vastissimi agri, multorumque castrorum dominio gaudens, verum ea tempestate obruta squallore, orbata incolis, opibus verò non quidem orbata, sed translatis ad Commendatariorum commoda . Inde migrauerant Græci Ascetæ, inde solum verterrant Equites Templi . Ad Cardinalis itaque vota destinatus Ioannes, qui promouendo nostratum Coloniam, Ecclesiæ simul sacram redderet elegantiam, & mansioni restitueret regularis schema domicilij . Id ille dum pro virili præstare abundè adnititur, inculpato vitæ tenore sui, totiusque Cœtus celebrem cumulauit opinionem, desiderium exciuit, beneuolentiâ cōciliauit populi, Caietanæ item gentis, potissimum autem Cardinalis Henrici . Itaque incunte seculo, in quo viuimus, amandata eò propago . Et post non multum quidem temporis sedi minus commodæ valediximus, defectu crediderim dotis . At suauis Congregationis odore, etiam post recessum ibidem inhalante, anno 1633. operæ pretium fuit relictum claustrum inhabitare secundò, inuitante eadem Caietana familia.

¶ Consimili præterea solidæ virtutis plausu, qui maturandis Reformationis sanctis sex delegere præstantis notæ Patres, in illum etiam contulere suffragium, admoueruntque grauissimæ condendarum Constitutionum prouinciæ . Sed nemo splendidiori cum designatione condecorauit præ sanctissimæ memoriæ Clemente Octauo, qui ad Monasticum ius toti Congregationi dicendum ipsum, Barrerio adhuc in viuis agente, prouexit . Et postquam trium decursu annorum supremam Præfecturam summa cum laude gessit, ampliori adhuc cohonestatione eximiam in virum præclarum mentem comprobauit . Enimuero ad habenas secundò regendas Pontificia pro potestate delegit iterum, vt Congregationi ille spectabilior accederet Archimandrita, qui regimine satis, superque notus dudum posuerat fasces . Seu autem Prior, seu Sexuir, seu Generalis Vicarius in illud incubuisse

com-

commendatus est, vt hominem exprimeret ad exactiores munerum calculos efformatum.

Primam à religione laudem capio. In Sanctos insigniter pius subfellijs condentium leges proposuit agnominum abdicationem secularium, vt qui Diuorum æmulaturi gesta, agnationibus, domibusque abrenuntiauerant, non à stirpium cognomentis, sed ab ipsis Diuorum nominibus distinctam appellationem assumerent, singulique singulos impensius venerarentur, ac essent habituri cum initæ conuersationis norma, nouum etiam nomen, præsidiumque firmissimum. Consilio autem extemplo amplexato, & confidentium suffragijs inter sancita illato, cum à Cælituum alijs alias denominationes pro deuotione cæteri acciperent, ipse intentior comparandis votæ professionis subsidijs, maluit legere in Patronum luculentum vitæ Monasticæ sidus, & *Ioannes à S. Hieronymo* dici. Multus profectò in oratione, quæ mente, in prece, quæ ore concipitur. Quòd illa solitudinis amantior, sibi, alijsque optatum deesse commodum noluit, effecitque quæ sui calculi, quæ rationum pondere antiquaretur mos Cisterciensium vna omnes maiori in Cella commorandi, inducta lege ædificandi in posterum Dormitoria in conclauia distincta, quibus singuli conclusi afflanti auræ supernæ vela in abscondito plena soluerent libertate. Rerum autem coelestium amor non libare tantum contemplationis sinebat oram, sed altum trahebat in pelagus, mergebatque profundo diuinorum mysteriorum sensu. Abducebatur à deliciarum suauioribus, si ab illo, ad gradus sollicitudines euocaretur. Ad Aram facienti ardebant vultus, agentem nimirum cum Numine intima accendebat deuotio. Feriaturus cum Deo, curas seponebat cunctas, & licet Generalatus momentis pro virili insisteret, aderat tamen psalmodiæ regulari nocte, dieque, veluti Monachorum vnus. Vt senex iam capularis, & morbis laborans teneret nocte cubiculum, nec decantationibus antelucanis interesset, sola effecit Comitiorum Generalium auctoritas cum mandato Episcopi Imolensis eorundem Comitiorum Præsidis Pontificij. Feruorem autem in psallenda laude diuina haud satis explicauerim verbis. Perinde enim ac opobalsami fragrantia totum replet cubile, ita suæ ardorem flammæ per totum effundebat Odeum, vt ab illo incalescerent quotquot sacram laudem concinerent. Si itineribus, vel morbis præpeditus à Choro
vaca-

vacaret, consuetum Officij pensum semper recitauit de genu. Id quod præstitit etiam supremò decumbens; cum enim D. Eustachius à S. Paulo illum pridè quàm viam vniuersæ carnis ingrederetur, inuississet, reperit descendisse ex accubitu, & genibus ipsis in solo positus inhærendo, Vesperas recitare.

Iam & spiritum Deo subiecturus consueuerat rigidè accipere corpus, austeritates sorbere, duris indormire tabulis, capitali morbidiores, nimirum saxo, seu latere, se flagellis incescere eo quidem brachio, ut effluens à diuerberatione cruor non modò solum; sed muros etiam respergeret. Ne grauiorum infirmitatum alij in culpam adducerent asperiores pœnitentiam, illarum causanda potiùs, aiebat iterum incommoda, se contulisse in Pedemontium vicibus. vnde viginti, multoties è Gallia concessisse Romam, itemque Roma perrexisse in Gallias, nudo semper pedè, gressuque tantùm sandalijs ligneis munito. Pronos etiam in abstinentiam animos commonstraret fas erat, obseruatusque singulis annis in festo Exaltationis S. Crucis hilarior semper, ac veluti præ gaudio gestiens, nimirum in capite septimestris à cibo parsimonix intima quadam perfundebatur lætitia, è qua vultus ipse festiuam serenitatem indueret. Porro continuata eorundem ieiuniorum duratione vsque ad Sanctum Pascha robustiores ipsos adulescentes in ipso etiam deuexo ad canitiem æuo vincebat. Imò Antonius à S. Petro auctor est sæpius se illum Romæ conspexisse vnam tantùm, & modicam sumere refectionem in die, quarta post meridiem hora. Ad hæc commendandi pœnitentiam nullum faciebat finem. Cumque inter frequentiores compescendæ carnis adhortationes Monachum quem insusurrantem obaudisset: Ergo nulla humanæ fragilitatis habenda ratio, ergo actum de corporali salute. At ipse, caueto, inquit, ne proprii commodi affectationem, imbecillitatis excusatione prætexas. Scito non esse excolentium spiritum adblandiri corpori, nec anhelantis ad victoriam inimicum fouere.

Religionem in Deum, rigidam sui acceptionem consequitur disciplinæ Regularis amor; quo obseruantissimus ipse incalecebat, promouebatque Superior auctoritate, præcipuè cum ad primam euectus sedem exerceret totius cœtus Nauclerum. Pro eliminandis curis propositi rationi minus consentaneis infracto animo stetit. Fulien-
sium missionem, quæ Euangelium in Perside disseminaret, cum Cle-

mens

mens Octauus concepisset, atque enixè optaret, Gualtheronio tamen obnitente, à mandato, cui refragari nefas, abstinuit. In via ad portam Numentanam est in Vrbe S. Susannæ Cisterciensium septum feminarum. Si Ecclesiam spectes, impenfis Cardinalis Rusticucci exquisitori pennicillo, pretiosiori marmore comptam, nihil elegantius. Sin autem Virginum adnexo in Claustro Altissimo famulantium indolem attendas, nihil sanctius. Regi illas in Spiritu à Reformationis hominibus voluisset ipsemet Clemens Octauus, eo motus consilio, quod & Sorores eiusdem forent Cisterciensis viuendi normæ, ac ædes confurgerent è regione nostri ad S. Bernardum Domicilij, adeoque vigilias æquè Monachis commodas, ac Sanctimonialibus speraret perutiles. Sed ille cum prouinciam non facere ad disciplinæ rein perenderet, peculiare quidem gratias Pontifici Max. habuit de Fulgentinæ nauitatis optima existimatione concepta. Verùm terque, quaterque curas complecti strenuè renuit. Commendata itaque alijs procuratio, & ex tunc à propiori huiusmodi Religiosarum consuetudine Congregatio semper abstinuit.

Hæc vna Antistitis ornatissimi laus. Reliquæ modo attexendæ. Pollebat humilitate simplici, recta, & ex corde. Quoties visus est minimo cuiunque Fratri ex Conuersis, vel Laicis se se submittere? Quoties demississimè cessit infimo ex Fratribus sua opinione decepto, postquam nudam illi veritatem aperuisset? Postremis venerabilis senij annis nequaquam dedignatus est imbuere præceptis Grammaticæ recenter Professum linguæ Latinæ rudimenta nescientem. Redolebat certè longè effusum sanctitatis odorem. Diuturnè gesserat præcipua Congregationis munera. Verumtamen suis oculis pusillus admodum erat, & si ius Regulare diuturnè dixit, diceret coegit, quæ inter Claustrales principatur, lex Obedientiæ. Vbi verò humilitatis præscriptæ labes inter Sodales timeretur, nimium, qua contentione discrimini occurreret. Exempla abundè suppetunt. Hoc vnum satis esto. In moris habemus sacrum primò facturos accedere ad aram citrà celebritatem, eodemque prorsus cultu, quo Sacerdotes singuli diuinam hostiam quotidie immolant. Accidit Romæ Monachum Sacerdotio initiatum, affixa pro Ecclesiæ foribus monitione, voluisse notum vicinæ ex Fuliensibus vnum tali die, & hora cœlestia primum operaturum mysteria. Nomen haud apposuit, tantum pecca-

re non ausus in fugam vel ab aliqua functionis luce. In suspicionem venit affectatæ solemnitatis ex Quiritum affluxu ad nouam Missam. Delata res ad Ioannem, qui ne laxari optimæ obseruationem legis contingeret, publicè, acriterque increpatum delinquentem abstinere ab accessu ad litationem voluit, donec ipse annueret, distulitque collati Sacerdotalis muneris vsum ad annum.

Vehementior quoque si irrepere deuotioni languorem, solitudini laxitatem, grauitati familiariorē consuetudinem animaduertetet. Desidis autem otij torporem, inter iuniores in paucis, cernere nesciebat, & sinere impunes, curabatque cunctos, propulsata strenuè ignauia, vacare seriò aut doctis elucubrationibus in cubiculi secessu, aut varijs manuum operibus in Cœnobij officinis. Sin autem de lingua sermo habeatur, qua non labi viri perfecti character est: nulla detractionis, nulla vanæ gloriæ, nulla aut inuidiæ, aut scurrilitatis vox vnquam ab eo audita. Parcissimæ præterea erat loquelæ. Cum Deo penè continuò, cum mortalibus discursum penè nunquam trahebat.

Transigebat cum Christo, vel ipsam horam designatam mutuis colloquijs post egressionem à Cœnaculo manè, ac vespere, cunctisque animi laxamentis posthabebat conuersationem cum illo, quem supra omnia diligebat. Circuitiones per domum, Generalis licet, obibat, ne tempore incongruo taciturnitas vllibi frangeretur, quin potius lege inuiolabili familiam solitariam haberent cella, meditatio, vel sanè libri lectio, seu lectuli quies. Totus vitæ decursus perpetuum quasi silentium fuit. Fuit & periodus vitæ; tempus enim Supremo peregrinationis articulo proximum ita disposuit, vt diem insumpserit audiendo lectionem passionis Dominicæ, & vocales recitando preces, noctem verò dederit exercendis internis affectibus animi ad æternitatem anhelantis, secretisue cum Deo alloquijs, quorum erat vestigium mouere quidem orando labia, verumtamen, seruando conticentiæ studio, abstinere à sonitu vocis. Cumque circum excubantes Fratres inter se confabulari audisset, manuum signo, & graui vultu, tenerent indictam nocte compescentiam verborum, admonuit.

Nec desiderauerit quispiam placidiori regimine inhaesisse disciplinæ nitori. Aspectu, moribus, gestis ardens erat zelator, imò viuens zeli typus; attamen depascentem pectora sacram flammam suauitate Diuini Spiritus, qui totus ignis, & bonitas est, attemperans, apto

tempore, & loco dulciorem quamcunque indolem agendi lenitate anteibat. Sodalium infirmitatibus nemo Gualtheronio compatiens magis; afflictorum nemo consolator acceptior. Quandiu ingenia ad numeros perfectionis Religiosæ minus expolita, salutarium instillatione monitorum elimasset, eorundem imperfectionum tolerantior si quis alius. Hac ratione magnus licet zelator, & inexorabilis Censor, nemini erat iniussus, quinimò beneuolentiam sibi conciliabat animaduersionibus ipsis. Celebrari itaque meritò potest rigidus culparum mulctator, sed bonitate quadam mulctæ asperitatem semper dulcorante. Humilis cum eleuaretur, perquam amabilis in morum censure odijpotius, quàm dilectionis flabello; suavis assatim in zeli flagrantia acri ut plurimum, & exosa; ac charismate à spiritualis præceptoribus vitæ habito inter eminentiora, non cunctas solummodò coluisse virtutes, verùm sublimi quodam in gradu inter se quodammodò oppositas præclaro associasse foedere iustitiam nimirum cum Misericordia, Humilitatem simul cum Magnanimitate, Charitatem vnà cum zelo, animumque submissum cum Generositate.

Et si verò excrescens disciplinæ sanctitas satis Gualtheronio deberet, erat & plurimum in Congregationis amplificatione, quod eius contentionibus tribueretur. Cum renuntiationis in Cœnobiarcham aurea primò illuxere crepundia, Catharina, Nobilis, Sfortia, Comitissa S. Floræ alterum Reformationi Collegium in Vrbe posuit, quod sub inuocatione S. Bernardi ad Thermas Romæ nunc emicat soli amenitatibus, artium gymnasio, selecta, nec modicum ampla Bibliotheca, Templi concinnitate, ac diuinæ rei quàm perfectiùs implendæ studio. Præclaram hanc domum erexit inter duo calidaria amplissimarum Diocletiani Thermarum, Ecclesiam verò pro tempore ibidem positam, voluit inscriptam Sanctis Virginibus Catharinæ Senensi, & Alexandrinæ. Mox calidarium viæ Piæ aditum in Templum sub inuocatione Diui Bernardi magnificè adaptauit, sphericę molis ambitu, ingentique concameratione portentosę veterum Romanorum Architecturę nobilibus vestigijs refarcitis, ac concinnè arte gypsaria ornatis. Pię Fundatricis quamplures leguntur lapides, è quibus satis erit hic appendere incisum tumulo ante aram, vbi iacet.

D. O. M.

Catharina Nobili Sfortia

D d

Fun-

*Fundatrici Optime**Et munificentissima**Grati animi Monumentum**Monachi Congregat. S. Bernardi**Ord. Cisterciensis**Hic quiescenti**Posuerunt**Obijt die 21. Decembris**M. D. C. V.*

Ab initio propagabatur Cœnobium solo ampliori. In via, Pia nuncupata, tenebat Ecclesiam D. Caio Pontifici, & Martyri retro-actis temporibus conditam, & recentioribus ab Urbano Octauo restauratam. Ab ipsa quoque Via Pia viridarium protendebatur introrsum ad Viam vsque Felicem. Angustiori modo clauditur limite, in gratiam Regularium aliarum Sodalitatum. Aream nempe omnem Vię Felici conterminam Nostrates concessere Patribus Norbertinis ad moliendum Lyceum suis Philosophię, ac Theologię Candidatis; S. verò Caij Ecclesiam, Cellulas, & glebam adiacentem transtulere in ius Religiosarum Carmeliticę mitigationis, seu Sanctimonialium Barberinarum, ad instaurandam mansionem puellis Sęcularibus seorsim ab ipsis Sanctimonialibus educandis. Cum Munificentissima Fundatrice benemeruere de Romana hac ad Thermas statione Hieronymus Peyra Hispanus, Ioannes Iacobus Nicoletti, Claudius Bencius Politianus, Albertus ex Magnorum Familia, Felix Palatina, Nobilium domus in paucis deuota, Ioannes Cardinalis Bona. Pręterea Sixtus V. menstruas elemosinas cum immunitate à vectigalibus eque, ac Sanctę Pudentianę contulit, Clemens Octauus adauxit, Clemens Nonus sub Dat. Romę 1669. iussit S. P. Q. R. festiua S. Bernardi die ad hanc eius Ecclesiam solemniter quot annis accedere, & oblatione argentei Calicis ingentes recolere labores, quos Mellissius Doctor pro Dei Ecclesia exanthlauit. Quos omnes placuit recensere, vt Benefactoribus optimis redderet Historia quidquid habet gratitudinis nunquam intermoritura.

Bicennio post ampliari cepimus in Subalpinis à Carolo Emanuele I. Allobrogum Duce, annuente etiam Cardinali Caietano Abbate Commendatario, vocati Taurinorum Augustam, & successores re-

nun-

nuntiati Benedictinorum in Prioratu S. Andree, & Beatę Marię Con-
solatricis, Cœnobio videlicet, non tantum antiquioris etatis laude,
Gunzolarum, Voluerię, S. Dalmatij, aliorumque Oppidorum Domi-
nio, vastis Emphyteuticis iuribus in tota ipsa Gunzolarum regione, in
confinijs Ripularum, Casellarum, in Agro Taurinensi, quinimò &
domorum intra ipsam Taurinorum Urbem, ampla etiam Paręcia so-
lemni, quàm miraculosa Virginis Deiparentis Icone, cuius veneratio-
ni ipsamet Virgo memoranda apparitione, & luminibus Cœco resti-
tutus prospexit. Ab anno 1104. in quem hæc incidere, Virgo Con-
solationis habita semper Taurini propitiatrix Numinis, cum morbo-
rum, tum bellorum propulsatrix, & haud secus Ciuitas ipsa maiori
semper ædium amplitudine, incolarum numero, temporumque fau-
stitate, quam Sabaudię Duces ad Regiam ideo aulam ibidem consta-
biliendam inuitati, intima deuotione frequentant, ac varijs conten-
dunt cumulare muneribus. Visa autem Religio in Cœlorum Do-
minam mirificè propagata post nostros homines Benedictinis suffe-
ctos. Basilica ipsa squallidam mox posuit faciem, induta aptam.
Erecta comptiora Sacella ab Henrico Caietano Virgini ipsi Conso-
latrici; à Sabaudię Duce Carolo Sancto Andree Ecclesię titulo; à
Taurinensi Ciuitate S. Valerico Abbati Urbis Patrono, sacra cuius
lipsana translata è Noualitiensi Cœnobio, & condita sub Altari;
ab Emanuele Philiberto Goueano in Pedemontanis subcellijs inte-
gerrimo Præsidente D. Bernardo Congregationis Parenti; à Marco An-
tonio Baijro S. Michaeli, cunctisque Angelis Tutelaribus. Verumta-
men quia Historia tabulæ eiusdem Marianę Imaginis prodigiosè re-
perter perpetuum aliquod exposcebat monumentum, Patrum nauitate,
& Regio iussu donata nitido stylo narratio, ac lapidi insculpta mar-
moreo, longas Posterorum ætates in hæc verba edocturo.

*O felix cecitas, qua naturali lumine destituitur: ut ipsa cœlestibus
in hac Vrbe radijs, Vrbs tutelariorum numinis sacello, sacellum pristino
venerationis cultu illustretur! O fortunata humana imbecillitatis con-
ditio: que tale diuinę benignitatis ostentum exciuit!*

*Inuentio sacelli, sive Capella Diuę Marię de Consolatione Tau-
rini M. C. IV.*

*Italiam pleræque non minus quidem immites, quàm externa, & bar-
bare nationes, ut memorię proditum est, bellico furore sapius inuasere,*

sed Hunnus, Gotus, Vandalus, & Longobardus, suo quilibet tempore insauit atrocius, Vrbes, Oppida, Vicos, Villas, Tempia euerit, diripuit, profanauit, gentem perdidit, atati, sexui, religioni, minimè parcens. Hasce inter plurimas, dirasque strages, Augusta Taurinorum Vrbs, Gentis illius caput, solo ferè aquata, per multos annos, vt traditur à quibusdam, sine habitatore mansit. Iacebat interim ruinis, ruderibusque coniectum sacellum quoddam, in Ciuitatis angulo, iuxta Pomærium, quod Priscorum Religio in Deipara semperque Virginis, pijs votis honorem crexerat, adeò vt mortalium tunc nemo esset, qui locum inibi sacrum comminisceretur. Caterum vt est homini innatum vt in cæcum ire cupiat, post multos annos rebus se se non nihil melius habentibus, Taurini Populi, vt in desertam Urbem, ad inhabitandum confluant; ades tum priuatas, & sacras reficiant, Sacerdotes legunt, qui rem sacram curent, accersuntur D. Benedicti Monachi, quibus Cænobium ponitur D. Andrea titulo non procul ab occultato sacello, cui Thomas Sillus, vnus ex Diui Solutoris Cænobiis ab Antistite Bremetensi præsicitur.

Currebatque tum ab ortu Seruatoris nostri Iesu Christi annus centesimus quartus supra millesimum, quando vir quidam, ex Brienconis genere nobilissimus ex Rauuachiorum familia, opumque, & rerum ditissimus, qui fuerat à natiuitate cæcus, D. O. M. nutu per visionem accepit se oculorum recepturum lumen, si Virginis Maria Sacellum Taurini inuiseret. Incredibile dictu, quantum hoc nuntio cæcus gesserit; creditum oraculo, tanquam à Cælo misso, remque omnem fratribus, qui tum duo sibi erant imperit, rogatque vehementer, vt itineri duces, ad Urbem esse velint. Abnuunt illi, ad hac hominem, tanquam illusum somno, derident, vtpotè qui animo nimium cupido, & rerum alimentu appetentes, eum in cacitate emori vellent, quò peculij pars tertia eisdem accedat: tum cæcus fraterna destitutus ope, Ancillam, quæ sibi in seruijs erat, appellat, spondetque se ei maritum futurum, si huic suo patrocinetur voto; quid plura: assentitur illa, siue ita volente Deo, siue rerum spe illecta; nocte igitur intempesta itineri se se accingunt. Cum autem ad eum locum peruentum est, qui Putestrato dicitur, oculi cæci, ò rem omninò miram! aperiuntur. Turrim Campanariam perspicuè conspiciunt, agnoscuntque locum, quem sibi Oraculum praestenderat, Ancillam bono animo esse iubet. Occlusis iterum oculis

eam

eam monet, ut eò se deducat. Aberat tum ab Vrbe, ad passus bis mille, plus minus. Vehitur igitur meliori animo gressuque aliquantulum velociore, tandem adoptatum applicatur sacellum, mox genuflectitur, funduntur pientissimè lacrimosèque ad D. O. M. preces, imploraturque Virginis auxilium, dicto citius pijs succurritur animis, restituitur iterum caco lumen subitum, accitur Antistes Amizo, qui Vrbi præerat, concurritur undique ad tam grande spectaculum. Tum autem, arreptis sarculis, uti cæcus dixerat, ceptum est effodi, apparuit intuentibus omnibus ades Parthenia sacra, qua fuerat caco per visionem ostensa, die 20. Iunij Anno M. C. IV. conclamatumque ab omnibus: Benedictus Deus in donis suis, appellataque deinceps in hunc usque diem Virgo Consolatrix.

Quicumque igitur huc accedis, introgrederis, petiturus, supplicaturus, exoraturus, Lippus, Cæcus, Cocles, Surdaster, Mutascens, Cefalicus, Stomacosus, Letargicus, Podagricus, Claudus, Epaticus, Calculosus, Attonitus, Porriginosus, Tabidus, Febriculosus, Contagiosus, atque alijs id genus innumeratis cicatricatus morbis, siue introrsus angitur animus, siue extra insequitur hostis, piè, purè, indefessèq. orato, fugabis enim mox dolores omnes, atque omni ex parte, mihi crede, liberaberis.

Laus D. O. M. & B. V. M.

Quas An. sal. M. C. IV. Virgo Deip. Caci oculis tenebras discussit, cæca nox obliuionis clarissimo miraculo offuderat. Paginam rei gestæ testem Deus An. M. D. XCV. squallidam,apidamque in Solem protulit: prolata exemplum Car. Em. & Catharina Austriaca PP. pientissimi marmoreo monumento exhibent: ut lumen, quod caco affulsit Virginis gloria semper illucescat, bis oculorum lucem cæcus à Virg. ad tempus, ab istis PP. in perpetuum accepit.

Hæc Patres in ipso introductionis limine, nam successu temporis cum angusto Antecessorum domicilio ampliores in ædes dilatato, nouam etiam Ecclesiæ substructionem, veteri prorsus excisa, aggressi sunt, & ædificiorum, ac familiæ celebritate imposituri fastigium, in Abbatiam ex Prioratu erexere.

Sed parum erat Gualtheronio institutum Romæque, Tauriniquæ propagasse, nisi promouisset insignem Abbatiam Beatæ Mariæ secus Vicum, Montis-Regalis suburbium, miraculosa Virginis Puerperæ ima-

imagine, piorum frequentia, Templi mole, Sabaudia Principum conditorijs, Collegio ingenue pubis, ex Marchionum Ceux familijs, Xenodochio ad excipendum inopum conuentum, alijsque titulis Nobilium quorumcunque in Subalpinis Coenobiorum facile Principem. Est Mons-Regalis Ciuitas in Subalpinis, ingeniorum Sublimitate, & vbertate agri satis clara. Pedemontium ad meridiem claudit, cuius etiam Ducibus obnoxia floret, licet ad Apenninum, & Liguriam Geographia legibus pertineat. Ciues, qui ad triginta sex millia censentur, vicatim habitant, & licet quinque Regionibus se inter distincti, regimine tamen coherent. Alij occupant Montis verticem, multiplici nomenclatione Montem-Regalem ab ipso, cui insidet, Montis apice dictum; Plateam à planitie, in quam apex idem se explicat; Urbem etiam nuncupatum à præstantioris Nobilitatis, Ducalis Toparchæ, & Episcopi domicilio. Alij ad radices iacent. Discretior verò pars, Vicus propriè dicta, abest passibus mille quingentis. Eminent Vicus ex editiori colle. In valle autem ad eius radices posita Imago Virginis Deiparæ in pila lateritia depicta anno à Deo homine sesquimillesimo nonagesimo miraculis corruscare repente cepit, quorum fama suis commouit è sedibus conterminas Pedemontio Regionès, Liguriam, Insubriam, deinde autem, facto veluti gradu, Galliam, Iberiam quoque, Belgium, Germaniam, ac breui quatuor mensium spatio vndeiginti centena hominum millia ad sui venerationem attraxit, nec tantum è plebe homines, sed prima etiam capita, Ioseph de Aufugna Mediolanensium Producem; Albertum Austriacum, Flandriarum Comitem, S. R. E. Cardinalem; Amedeum, & Philip-pum Nemeursij Duces; Ducem ipsum Allobrogum Carolum Emanuelem Primum cum Catharina Austriaca ornatissima Coniuge, Regiaque sobole, ac præter ferè omnes Sabaudia, Pedemontij, Liguriæ, & Lombardiæ Antistites, ipsum quoque Iulium Cæsarem Riccardum, Sedis Apostolicæ apud Regiam Celsitudinem Nuntium, qui pijs votis postquam satisfecisset suis, accessit secundò nomine Clementis VIII. Pontificis Maximi, penes quem loci percrebuerat fama. Ex tanta mortalium celebritate nemo vacuas afferebat manus. Sabaudia autem Dux Carolus Emanuel cum Virginis mirabilia suis oculis exceperat, cogitauit extemplo constructionem Basilicæ sua amplitudine, & splendore equaturam loci sanctitatem, mortalium affluxum, Sabau-

baudē etiam Domus magnificentiam, cuius Principibus locum tumuli ibidem exinde constituit. Vertente anno nobiliorem adornauit Peregrinationem, Prole, Coniuge, cum Nobilissimo quoque in comitatu assumptis, & post fufas ante aram preces, ac conscientiam ritē expiatam, initialem lapidem fundamentis aptauit in hæc verba inscriptum.

Deo Optimo Maximo, & Gloriosissima Virgini miraculis coruscanti, Clemente VIII. Pont. Max. Rodulfo II. Imp. Augus. Carolō Em. Catharina Austriaca Ducibus Optimis Regnantibus, cum Principibus Philippo Em. Victorio Amedeo, Emanuele Philiberto dulcissimis filiis manum adiuuentibus. Franciscus Ant. Castrucius Cuius, & Episcopus Montis-Regalis primarium lapidem Ascanio Vuitocio Architecto in fundamentis posuit nonis Julij anno Cl. 17. XCVI.

Eodem temporis cum Regularium nemo non peteret aditum sacro Pilario sibi Monasterium condi, & Mariani cultus demandari sollicitudinem, vna, eademque sententia fuit cum Caroli Em. tum & Clementis VIII. deligendos nostræ disciplinæ viros. Condigna id exigebant momenta. Marianam in primis nos sobolem celebrari, quorum Parentem Robertum pronubo illa desponsauerat anulo; primos Alumnos niueo colore indutos voluerat, suis nimirum insignibus; Sanctum Propugnatorem; decusue Bernardum Virginei pectoris lactauerat vberē, nec à crepundijs dederat vnquam materno affectu fouere. Arduo præterea sacræ Penitentiariæ ibidem instituendæ munere maturè expensō, ideoque solemnī Moralis Theologiæ disputatione indicta, discussorum conscientia casuum doctioris resolutionis palmam, sapientissimorum oraculo iudicium, nostris delatam, eminere Pontificalium vsu, spectabili sacris in solemnitatibus decore; & licet, initialis Reformationis refragante humilitate, Cœnobiolorum Præfectos Abbatiali insignire nuncupatione abstinerent, adigi nullatenus posse ad illam non detrectandam Regiæ foundationis, ac splendidioris Mariani cultus ergo. Coruscare præstanti probitate morum, ac vitæ austeritate, pietati excitandæ, fouendæque aptissima.

In Gallia quoque, Guáltheronio satagente, aliæ pro nostris hominibus exortæ stationes. A. 1593. regiminis secundo ad vota Senatus, & Archiepiscopi, inita Burdigalæ possessio Domus S. Antonij, inde excedere iussis Patribus Missionarijs, qui & ipsi successerant Clericis

Regu-

Regularibus S. Antonij antiquioribus inquilinis . Tolosæ molita Gynæceum Virginum Fulientinarum sub attitulatione S. Scholasticæ , quemadmodum disertius vbi de Margarita Cloche prima eius Antisluta , itemque septum Virorum S. Benedicto nuncupatum varijs donationibus impinguatum ; sed præcipuè Domini Dupin à sanctioribus Regis consilijs , qui Venerabili Ioanni Barrerio intimus , beneficijs grato animo dignis Sodalitium multifariam adiuuit , & Christophori à S. Anna ibidem Ascetæ , cui ex celebri Trapezita ad vitam Cœnobiticam transeunti libuit bonorum temporalium plurimam partem Congregationi attribuire , nimirum caducas diuitias dare ad mensam nummularij cœlestis , ac proficere promissæ felicitatis indeficienti vsura.

Postquam Venerabilis vir æquo extensionis studio , ac gubernij præstantia ad Reformationis clauum per sexennium sedisset , abiens à maiori officio , & Romano ex domicilio perrexit Taurinorum Angustam , vbi Rector Monasterij B. Mariæ Consolatricis eximium dedit specimen suæ in proximos Charitatis . Popularis lucis magnam ciuium copiam sternebat . Pauci cervicem suam pro salute occumbentium deuuebant . Clausa propemodum Tempia , vacua pene Regularium Claustra . Quam calamitatis appendicem Gualtheronius aspiciens Ascetarum suorum alios voluit implere quotidie Chorum Dauidicis Psalmodijs , alios paratos semper porrigendis sacris , & Confessionibus ad aures excipiendis . Ipse Parochum constituit agere , nam Consolatricis Ecclesiæ incumbere eo temporis magna illa animarum sollicitudo , quæ in duas postmodum Paræcias diuisa attributa est Eremitanis S. Augustini Congregationis Lombardiæ , & Clericis Regularibus S. Pauli , vulgò Barnabitis . Gualtheronius cum nonnullis adibat domos pestilentia attractas , alea plenas . Ingrediebatur continuò valetudinaria , furentis mali frequentiores palæstras , & grauiori periculo ardentiorum afflante vigore spiritus , vbique aduolabat , vbi procuraturus conscientias , vbi iuuaturus corpora , vbi morbo extiali occurrendi causa , ne immaniori cum ciuium strage ulterius glisceret . Oculis itaque cæterorum Templis plena erat affluentia ad Basilicam Consolatricis . Conventus Psallentium voces erant iucunditatis , & exultationis auscultantibus Diuinam implorantes clementiam . Prodigio præterea attributum Fulientium neminem sublatum , vel saltem

tem correptum morbo communi, omnes licet desiderarent ponere in ministerio animam exemplo Antistitis, cuius feruore concalescerent omnes. Atque hæc de Ioanne Cualtheronio, cuius deuota vitæ claufula publicam domi, forisque persuasionem cumulauit exuias deposuisse hominem consummata virtutis, & à spiritus præsertim ardore, atque Diuina Charitate incensum.

Eius profectò decessum inter iustorum funera recensendum adstipulantur multa. In proxima à corpore dissolutione perseverauit colere asperitatem. Appropinquare consummationem sensit Romæ, quam Taurino adierat, circa initium Nouembris anni 1620. Oportuit, obedientia compellente, vacaret refocillandis viribus accubitu cum infirmis. Ineunte postmodum mense Decembri Antistes ipse, qui valetudinarium ingrederetur mandauerat, exorari passus est commune adiret Cœnaculum, & ferias Dominici Aduentus transigeret consuetis ieiunijs, & abstinentijs. Sed occidui debilitas senij nequaquam sustinebat periclitari vltra stomachum obseruantie rigore. Coactus itaque fuit refectionem iterum sumere inter ægræ valetudini opportuna commoda concedentes, at constanti semper poenitentiae flagrantia: nam cum victus aliquid nunquam non sibi detraheret, valetudinarij Procurator pia illum arte fallebat, quò alimoniam sumeret sustentationi congruam. Tenere tandem oportuit lectulum, & adornare iter ad mortalitatem cum immortalitate commutandam. Migratio tunc ad præmium recolenda deuotione munita. Adueniente D. Sancio à S. Catharina ad suprema ei facta porrigenda, obstupuit ipse Præpositus Generalis, totus obstupuit Monachorum Conuentus cernere genuflexum in medio cubiculi virum robore destitutum, ac penè agentem animam, die insequenti emissam. Suspexere magis cuncti humilitatem, viso quippe Antistite, vultum posuit ad eius pedes, ac vberè cum fletu: Peccator, inquit, maximus sum, peruersi inter sodales exempli, Superioribus inobediens, tibi potissimum omnium Patri: veniam deponco, ignoscas exoro. Cui Abbas Generalis: Nimum mihi, nimum cæteris dolet egregium in te Congregationis præsidium conclamare. Gratulamur autem proximam ad Domini gaudia assumptionem. In eius conspectu positus mei, totiusque Congregationis, commendo, memineris. Seruis suis pronas aures porrigit Altissimus. Optime cunctis erit, si illius erga nos misericordiam

diam flectas . Ad quæ verba demississimus ille : faciam , respondit, sed pessimus mortalium sum . Alij potiùs pro me interponant ad Deum preces indigeo . Mox vnctionis suscepit Sacramentum, ferculumque diuinum viuificans simul ac muniens . Futuris quoque prænoscendis euentibus superna illustratio non defuit . Grauior ex Patribus, quo cum de Congregatione verba fecit , enarrabat quamplura etiam de illius in posterum statu prænuntiasse, visumque sibi non hominem, sed Angelum audissee loquentem . Famulo Domini de Rantigny renuntianti : Herum suum ipsa quidem die ad illum inuisendum minimè valere accedere, aduenturum autem postera: adueniat, dixit, & me in Ecclesia reperiet , elatum scilicet, & in lectulo emortuali expositum . Acerbum cum morte agonem reuelauit quidem : durus exitus , bis repetens , durus exitus . Verumtamen torquentes intimè dolores patientissimè tulit, obseruatumque, in cadauere de more abluendo, ossa vi morbi carnem fregisse, ac pelle disrupta foras prodire . Ritam animæ commendationem attentiori tandem studio ipsemet absoluit . Tum manibus in sinu decussatis extremam necessitatem excepit primo diluculo decimæ Ianuarij dici incredibili pectoris firmitate, veluti extra omnem metum . Mortui speciem non vultus, non ora ferebant, imò venustior in defuncto forma, quàm in viuente, eratque cernere in exanimi fronte innocentia, ac pietatis characteres . Parentalium celebrationem condecorauit circumfusa multitudo etiam è viris Proceribus, & Aula Prælati . Reliquia etiam expetita in deuotionis analecta . Locum sepulturæ communem cum cæteris accepit fratribus, sed biennio post ab illorum cineribus transferri meruit ad singulare conditorium retro Aram Principem Ecclesiæ S. Pudentianæ . Post viginti autem à migratione annos in conspectum se dedit D. Nicolao à S. Aigulpho in vitæ clausula constituto, ac cælestem ad patriam inuitauit, in qua se dixit exceptum .

1621. *Ioannes Iacobus à S. Scholastica*, Familiæ cognomento de *Berthier*, religione, doctrina, existimatione præcipuis Reformationis sectatoribus accensendus primam spirare coepit mortalem auram in Oppido *Granatensi* Tolosanæ Diocesis , stipendia verò Regularia facere in Fulienfi Abbatia anno septuagesimo octauo supra millesimum quingentesimum . Post Monacatus pronuntiata solemniter vota Ecclesiastem continuò præbuit Euangelicum , nempe morum orna-

men-

mento spectabilem, & charitate in proximos incalescentem. Rigidè agebat nè cum corpore? Maioris ieiunij diebus quinque supra decem concionum cursus ad populos habuit, totidemque tempore expectationi diuini partus feriato, vsus semper pro alimonia pane tantùm, & lympa, pro quiete autem somno quambreuì sedendo propè ignem, & capite super nudam tabulam reclinato. Compesceret, sualoribus pronos nimiam in asperitatem animos, aiebat, austerè adeo carnem excipere, ne ablegaretur à Deo inter declamatores opere reprobos, & verbo duntaxat pios. Mortales è vitiorum ceno ad castigationem indolem abducti ad millenos & millenos recensentur. Subselliorum post diuini sermonis annuntiationem plausus, celebre nomen, præpotentium honores omnia amplificationi diuinæ gloriæ posthabebat, vnice pro Deo laborans, & Deo contentus. Plurimis Religiosarum contubernijs cum egregia disciplinæ restauratione à rebus spiritualibus diù fuit. Ne Sæcularium adolescentularum pubertas optimam desideraret informationem, instituit Burdigalæ, legesque dedit Congregationi Virginum de doctrina nuncupatarum, quibus & cordi, & muneri foret puellas fidei rudimentis imbuere, ad Sacramentorum frequentiam excolere, ad legendum, scribendumue dirigere, & si quæ suo egerent victitare labore, honestarum artium exercitijs aptare. Hæc Congregatio accessit postmodum Vrsulinis, cum à Paulo V. approbatæ, propagandæ per Gallias, adiere Lutetias Regni sedem. Sacrarum tandem in Ioanne Iacobo peritiam rerum, zelum salutis animarum, integritatem, necnon & prudentiam extulit Cardinalis de Sourdis Archiepiscopus Burdigalensis, cum totam temperare Diocesim voluit, & quandiù degeret in humanis Ecclesiastico suo Cõcilio præsidere. Typos quoque illustrare parabat doctæ impressione elucubrationis, titulo Peregrini agonizantis, cum à pietatis propagandæ sollicitudine contendere in Aquitaniam coactus appropinquauit mortalitatis articulo; & Peregrinus in agone constitutus accelerauit gressus ad Patriam anno reparatæ salutis 1621. die 9. Octobris.

1621. *Carolus à S. Bernardo, Parisiensis*. Natalia duxit præclaro à stipite, Patre natus Amore de Texier Equite, Domino de Brie, Matre verò Francisca Durault, Nepte Comitissæ de Chiuerny, Magni Franciæ Cancellarij. Nobilitatem generis sancta conuersatione nobilitaturus magis mereri cogitauit sub Monasticis Fuliensium signis.

Vernantem ætatem, vultusque speciem deformabat oculus corruptus ab humore è capite diffuente, & obcæcatus. At Patres rati habendam in pretio virtutem animi formoso etiam in corpore non aduenientem, inferendum censuere in sociorum album, & Cœnobitica induere lagena anno 1613. Mores ad sanctimoniam probatos, illibatam maximè puritatem, sui despicientiam, obedientiam exactam, afflictationem corporis, orationis, & contemplationis ardorem, & cum infirmitatum patienti perpeffione illustrem quoque miraculis tumultum noster D. Petrus à S. Hilario deserto perstringit opusculo excuso Parisijs anno 1622. apud Ioannem de Heuque-Ville in 8. sub nomine D. de Tournemeulle. Auctor testis de visu, & veritati litator elucubratiunculam hanc nostram compendiarium potius, quàm effusam à prolixiori scriptione rerum à Carolo gestarum absoluit. Quæ laus ad Genesim etiam Collegiorum Congregationis raptim saltem attingendam peculiarem hic commendationem deposcit, celebris est Religio in D. Bernardum, & post susceptum Reflorescentis eius militiæ authoramentum provinciam assumpsisse verendi in Claustrum Reformationis Castrum Fontanense auitam eius domum, ac consecrandi in sacellum penetrare ipsum, vbi suauissimus Ecclesiæ Doctus editus fuerat in lucem ab Adeleida Matre. Solo liberali Parentum manu comparato, & conceptæ mentis pia euulgata præstantia, Rex Christianissimus cultus ergo in D. O. M. & D. Bernardum, ad Fulienfis item incrementum germinis; ad omnium Galliæ Prouinciarum, Burgundiæ in primis gloriosæ eius Patriæ decus, vnâque ad pacem domi, forisque impetrandam, æternumque monimentum quemadmodum ab eo sibi faustitatem spondebat, quo auspicante insecundis genitoribus soboles desideratissima datus fuerat, initian-dæ domus se Auctorem dixit, & omnibus munificentia numeris molliendam vnâ ex Regijs foundationibus declarauit patentibus literis, quæ ex vulgari sermone latinè interpretatæ sonant:

Ludouicus Dei gratia Francia, & Nauarra Rex presentibus, & futuris salutem.

Cum dilectissimi Oratores Religiosi Congreg. B. Maria Fulienfis in ipsis initi à nobis Regni primordijs adierint possessionem Castri Fontanensis secus nostram Diuionis Urbem, seu Paternarum adium D. Bernardi, sub cuius vexillo Altissimo famulantur, Nos huiusmodi acqui-

acquisitionem per eosdem Monachos factam approbamus, eamque Regia auctoritate perpetuo ipsis iure impertimur. Cumque ipsummet cubiculum, in quo idem S. Bernardus in lucem venit conuersum fuerit in sacellum accolis frequentissimum, celeberrimumque miraculis, ob merita famuli sui, ab eo patrata, qui facit mirabilia magna solus, Nos feruentibus exciti votis opus aggrediendi aliquod, quo Deo annuente, eiusdem Sancti fauorem nobis propitiemus, eoque toto vite decursu protecti fortunentur vota, quæ ad publicam felicitatem concepimus, Regnumque pace diuturna, pietate, atque iustitia componere deitur. Sed & memoria recolentes quantum prosperitatis Gallijs accesserit, ex quo Clodouaus Prædecessor noster monitis Clotilda Burgunda eius Consortis salutaris lauacri aquis se tinxit, & Reges inter omnium primus audijs Christianus, gaudemus ter nobilem, quam molimur, Basilicam intra ipsius limites claudi ad illius decora promouenda, æternumque argumentum grati animi in gentem beneficio prorsus singulari de nostra corona in paucis benemeritam. Volentes insuper augere, & maioribus in dies beneficijs cumulare Religiosissimum PP. Fuliensem Cætum nostris in Regnis exortum, à S. Apostolica Sede approbatum, & amplissimis priuilegijs, ac indultis munitum: Quemquam præterea ne lateat eosdem auctos potissimum liberalitate Henrici Magni inuictissima, & celeberrima Memoria Regis, Patris Nostri, & Domini colendissimi, cuius anima sit in gloria; qui cum excitasset ad impetrandam prolem, Parisiensem eorundem Coloniam ipsimet D. Bernardo nuncupatam, in vico S. Honorati non modo noster, sed & Regina dilectissima nostra Socia, & Contoralis natalitius dies infra annum illuxit, Nos hac potissimum de causa, occasionem eundem Sanctum in suo natali solo colendi, vel uti cælitus immissam quàm libentissimè amplectimur.

His de causis ad eius laudem, & gloriam, qui mirabilis in Sanctis suis, cum vnamquamque orbis terrarum plagam, Prouincias præ cæteris Catholica communionis militantis eiusdem Ecclesia firmamentum luculento aliquo Sanctitatis fidere decorauit, Regnum nostrum adornare, & irradiare voluit luculentis virtutibus celeberrimi adeo Confessoris, & Ecclesie Doctoris, qui Populorum reformator, schismatum, & dissidiarum conciliator extitit, Regularis præterea sobolis Patriarcha, miraculorum patrator, Virginis Deipara deuotissimus,

si quis alius, laudatam domum inter venerabiliores nostri Regni censemus, dignam prorsus, qua cohonestata solempni Templo, & cultoribus, beneficiorum in orbem uniuersum fons scatens sit, & à Religiosis eiusdem Institutionis inhabitetur. Itaque presentibus nostra manu signatis titulum, & praconia conditoris Ecclesiae, & Monasterij Fontanensi in celebrato castro adificandorum nobis ipsis assumimus, amplitudinis nostra beneficia in ipsum congesturi, quotiescunque opportuna sese octasio dederit. In praesentiarum foundationem eam Regiam dicimus, & consortem priuilegiorum, & immunitatum, indultorumque, quibus gaudent Monasteria Regni nostri, quaecunque illa sint, praeminenti huiuscemodi nuncupatione decorata. Monachis, qui quandiu adificium Regulari obseruantiae aptum ad fastigium perducatur, diuinis ibidem vacabunt officijs mille lyras donabimus, & obrogabimus, donamus, & obrogamus exigendas annuatim à regijs Burgundiae vectigalibus, ex quibus itidem alia termile infra quidem voluentis annis spatium, sed nonnisi semel tantum enumerabuntur, & has impendendas praecipue ad manum extremam sacello eiusdem Sancti apponendam. Cessabit autem dos praefata lyrarum mille in annos singulos, simul atque vacante aliquo beneficio Ecclesiastico ex ijs, quae Regia nominationi subsunt, de illo prouiderimus, prout promissimus, & iterato promittimus, familiam diuinis ibi obsequijs congruo numero alendam, quae cum opere impleuerimus, Religiosi huius Claustrij inquilini suis orationibus salutem Nobis, & Regno nostro felicitatem à bonorum omnium largitore Deo implorabunt. Vtique Prouinciae, Vici, Oppida, Communia, prodigijs huius S. Patris illustrata nostra in primis Burgundiae Prouincia, & Ciuitas Diuionensis, praclari huius Ecclesiae luminis dignata natalibus, Regni Praesules, & Optimates, alijque, qui huiusmodi nacta opportunitate suam velint largifluam pietatem in Dei famulum exercere, eiusque patrocinium effusa liberalitate demereri, piam mentem valeant adimplere, Nos nemini obicem ponimus, imò, sancta amulatione, ac largitionum copia adificium urgere monemus, & hortamur. Datum apud S. Germanum del Haya mense Iunij. Anno gratiae 1618. Regni nostri nono.

Pro Rege.

Poitiers.

Con-

Concitata deuotione pectora ad solum electissimæ Diui Bernardi natiuitatis Regulari ædificio, ac solemoni Templo condecorandum, quemadmodum diplomate notum voluerat Ludouicus Rex, haud secus compleuit opere. Fundamentis aptatus lapis cæterorum caput cum inscriptione

*Christo Iesu annuente,
Meritis S. Bernardi,
Inclitus Rex
Viuat, vincat, regnet,
Pius, Potens, Felix.*

Ludouici XIII. Francorum, & Nauarra Regis Christianissimi mandato, & nomine, Serenissimaque eius Coniugis Anna Austriaca, Edis sacra D. O. M. in honorem S. Bernardi (cuius felici ortu, signisque patentibus, hunc sibi diuina clementia collem sanctificauit) construenda DD. Rogerius de Bellegarde totius Burgundia à Rege Moderator meritissimus, Galliarum Hipparchus, &c. Hunc capitalem lapidem deuotissimus posuit, die sexta Ianuarij, anno salutis M. DC. XIX.

Reliqui lapides per ordinem columnis suppositi omnes cum pietatis commendatione Regi, Regnoque prospera cuncta auspicientes leguntur penes nostrum Ioannem à S. Malachia in libello de ipsis edito, à quo Chrysostomus Henriquez in Menologio Cisterciensis sub die 20. Augusti. Eisdem Lectorem dimitto. Claudit quippe descriptionem Carolus à S. Bernardo pensi mortalibus cunctis impositi ætatis in flore persolutor, & dum conspicit excreescere sanctuarium, sua quidem pietate ideatum, Regio autem sumptu constructum, euocatus ad Basilicam Gloriæ. Denascitur Lutetiæ pridie Idus Martij anni 1621. Resignasse verò in manibus Conditoris Spiritum excipi dignum fidereo in Regno, cuius amplitudinem aulae coinquinatum nihil ingreditur, fama dixit, ex ore potissimum auditoris conscientiaæ asserentis in generali expiatione nozarum animam se demiratum nulla læthali culpa foedatam.

1621. Montem Soractem condecorat pio decessu Io. Baptista à S. Bernardo ad superos euocatus anno 1621. mense Septembri. Abest Soracte duodecimo ab vrbe lapide. Caput attollit fulmineis nubium telis obnoxium, in latera verò protenditur syluosis saltibus circumfusa.

fusa . Qui auris lenioribus æstiuo tempore gratulatur , ad lyricorum
Coriphæi querulum plectrum rigidiorum Cœli inclementiam in hyme
me accusat:

Vides ut alta stet niue candidum

Soracte: nec iam sustineant onus

Sylvæ laborantes: geluque

Flumina constiterint acuto.

Quandiù falsa Gentilium Religio debitum vero Numini cultum
faxeis impendit Idolis , Mons fuit Apollini sacer , & præstigiosa ob
portenta , Feroniæque lucos celeberrimus . Ex quo autem veræ fidei
meridianâ lucem reparator Dei filius in orbem intulit , superstitione eli
minata , ad excolendâ sanctitatē opportunus recessus actutum fuit . Sanè
postquam excepisset S. Sylvestrum , aliosque Assertores Christi fallen
tes fuga Imperatorum insidiantium iras , transijt in domicilium mit
tentium mundo nuntium , peperitque Cœlo cum ornatissimos Ana
choretas , tum absolutissimos Cœnobitas , alios nempe singulare obse
quium distinctis in cellulis Deo reddentes , alios verò ad claustralem
obseruantia normam compositos , vnâque conuersantes . Eorum vnus
S. Nonnosus fuit , vir , quâ virtutum , quâ miraculorum radijs ipso So
ractis fastigio longè sublimioribus Mundo coruscus . Florebat Non
notus Præpositus Monasterij propè Ecclesiam S. Sylvestri in rupium
vertice exædificati sexta post Deum Hominem ætate , à qua ad annum
vsque octauum , & octuagesimum supra sesquimillesimum , quot
amabò incolæ , & quàm varij Religiosi moris adiere Soractis sedem ,
dimiseruntque ? Cum delecta sociorum manu biennio illam tenuit
Carolus Mannus , Caroli Martelli Francorum Regis Filius , Pipini Fra
ter , restituitque Ecclesiam S. Sylvestri , à Longobardis excisam . Ca
rolo Manno Cassinum profecto fuit Benedictinæ , quæ diutius præ
cæteris , imò ipsum ante S. Nonnosum illam occupauerat . Fuit Ci
sterciensis Institutionis . Transijt ad Paulum Iustinianum , Congre
gationis Montis-Coronæ auctorem , ad Sodalitatem Onophrianam ,
B. Petri de Pisis dictam , ad Minores de Obseruantia ex familia Ara
celitana amandatos . Sed Aracelitanos sex , totam scilicet familiam
percussam fulmine sustulit vna dies . Onophriani vasis colligendis
impigri eludere discrimen . Paulus Iustinianus intra annum naturæ
cessit . Benedictini modò sodalium Coloniam , illuc eduxere , modò
reuo-

reuocarunt, modò Abbatix S. Pauli de Vrbe subiectam rexere per Ascetam, cui incumberet cum Ecclesiæ cultu sollicitudo Eremitarum exlegum, ac supplementum Claustralium incolarum defectum. Habuerunt & Cistercienses, sed vnitam Cœnobio trium fontium, quò proficerent redditibus, nec incommoda sustinerent mansionis. At tandem aliquando commorantium trepiditati tantæ, frequentix tantæ immutatæ sedis vt occurreret Petrus Card. Aldobrandinus, Abbas Commendatarius Soractis domicilium restaurato S. Bernardi cœtui commisit, qui S. Syluestri Ecclesiam cum etiam regat, paulò ab illa inferius opportuniorem domum, Templumque sub inuocatione S. Mariæ Gratiarum suis posuit, tam allectus sanctitate stationis, quàm ad fulminum concussionem impavidus.

Sed actum iam satis de loco dormitionis. Attingenda nunc præconia ornatissimi viri in osculo Domini ibidem occumbentis. Ordini mancipatus in Romana S. Pudentianæ domo, cum obseruantia sequenda Claustrale etiam agnomen *Io. Baptista à S. Bernardo* assumpsit. Cæterum appellabatur *Ioannes Baptista Rodulfus*, qua nobili procreatus origine primam aspexerat lucem in pago Casolano Diocesis Foro-Cornelij in Æmia. A Regularis conuersationis æuo breuior quidem ei laus, vt qui vndecimo eius anno nondum completo excesserit. Sed virtutum compendijs vitæ vsuram pensauit, indeque amplissima ei commendatio. Fragrantior pudicitia, cuius suauolentiam iuxta excolunt vernans ætas, ac elegantia formæ: & humius castimonix ille spirabat odorem. Eximia à sæculo fuga, si consequatur parentum luctu, & victoria: nec aliam ille adornauit. Paupertatis, & austeritatis amplexationi quid præcellentius inest, quando à posthabitis diuitiarum copia, deliciarumque affluentia efferatur? Sed ipsissimæ sunt, quibus se se Ioannes Baptista deuouit. Ardens professio solitudinis amor in Monacho vltraquam Cœnobitici moris Sacramento iam à turbis remoto, se vltius elongante à Sodalium consuetudine Cœnobarum libentiori secum consistentia in cubiculo? hanc verò ille colebat. Humilitatem in Asceta à prosapiæ claritate, ab animi dotibus, ingenijque acumine præcellenti excelsiorem nemo ibit inficias: ideoque sublimem admodum in Ioanne, in quem egregiæ adeo partes confluerent. De corporis afflictatione nihil dixero, edomabat quippe ignitos adolescentiæ stimulos, longioris indumento

subuculæ ex fetis contextæ, quemadmodum & plurima extra ordinem austeritate, pernoctatione, abstinentia. Siluero etiam diuinæ studium Psalmidæ in eo, qui tanta animi alacritate, vocisque contentione in decantandis officijs vteretur, vt afflari liquida cordis voluptate comprobaret. Illud addidero insanabilis acerbitate morbi sicut tentatam patientiam, expolitam reliquam eius virtutem, ac adauctam. Inuasit faciem gangræna, ora, nasum, genas foedè depascens. Hinc deformata vultus species, distillans corrupta sanies, scatentium grex vermiculorum, affluens pestilens odor. Hinc grauior adhuc appendix esse intuentibus fœtore, aspectu grauem, In segregatam reijci cellulam, arceri à communibus Patrum conuentibus, prohiberi ab interesse Choro, imò ab ipsa Ordinum susceptione sacrorum. Hinc tandem, quòd irritis remedijs, non melius Romæ haberet, translatio ad Soractis montem. Sed internarum copia consolationum, virtutisque sanctiùs exercendæ commodo rependebat ibi munificè Deus quidquid molestiæ à corporis clade hauriret. Itaque ille ætumnam magni facere, & ærumnæ detrimenta computare inter beneficia. Et reuerà in tolerantia arena recentior Iob constitutus patientissimi præconium comparare sibi potuit, vt comparauit. Nocturnum, diurnumque Odeum nequaquam obibat; sed interdiu, noctuque erat multo tempore innixus genibus ante simulacrum Virginis, quod etiam nunc visitur, eoque coram longam effundebat precem priuatæ officij recitationi superadditam. Sensim quidem deficiebat tabefacta caro. At ille plenè gratulabatur sua in emarcescente mortalitate ob oculos consummationem habere, in quam tandem humani corporis dissoluta machina desinit. Sciscitatus, an perpessa infirmitas animo molesta inhæreret: Imò, inquit, iucunditate perfundit. Frangit corpus, erigit spiritum, laxatque sinum complectendis libentissimè palmis de carne à se ipsa triumphata facillè demetendis. In cubiculo à cæteris seorsim gaudebat se integrè nactum, quod in voto Religionis statu anxie concupierat, solitudinem, & silentium. Diuina mysteria si conficere ad aram prohibebatur, audiebat Infirmary summo quoque mane celebrantem, & diebus alternis sumebat viuificum Christi corporis ferculum. Tanto cum apparatu virtutum, patientiæ maxime, quæ opus perfectum habet, vltimo occurrit peregrinationis dici, annos natus triginta tres, siquidem editus 1588. 23. Iunij,

in Congregationem cooptatur quarto Id. Martij 1609. Deficit 1621. intra octauam datæ Mundo Virginis, Mundi Reparatricis. In vitæ confinio excubantibus indicauit gestu supernis se recreatum visionibus, & Simoni à S. Mauritio Priori nudè aperuit semel Deiparam, Christum autem semel, iterumque sibi apparuisse. Qua verò nocte agebat animam, die insequenti emissam, Soraëtis fastigium: effulsit luce varijs iridis coloribus distincta. Qui quidem insolens splendor cubiculo decumbentis rectà imminens cum adiacentium incolis Oppidorum, peregrinos etiam Lauretum Via Romana pergentes ad Monasterium attraxit. Cumque probatæ virtutis Monachum in illo ipso articulo naturæ concedentem comperissent, in piam concessere mentem, occidere Mundo lucis filium, cumque Cælo quantociùs oriturum pompam miræ adeo claritatis præcedere. Humo conditus est apud veterem S. Mariæ Gratiarum Ecclesiam in communi quidam ossuario, sed à comparata præcellentioris fama probitatis in loco à reliquis separato. Videtis Antonium cognomento delli effecti in memorijs S. Nonnoli Abbatis in Monte Soraëtæ, locorum Soraëti circum adiacentium, nec non & eorundem pertinentiarum, quemadmodum & censum professorum in Monasterio S. Pudentianæ, vbi reperies

Anno à Natiuitate Domini 1610. die 22. mensis Aprilis Frater Ioannes Baptista à S. Bernardo Clericus, cognominatus in Sæculo Rodulfus, ex Pago Casolano, Diæcesis Forocorneliensis, aliàs Imolensis suam emisit professionem in S. Pudentiana de Vrbe in presentia D. Sanciij à S. Catharina Superioris Generalis nostræ Congregationis, obdormiuit in Domino 1621. die mensis Septembris in Monte Soraëtæ, & nocte illa, quæ præcessit diem obitus sui, lux ex Iride diuersorum colorum in cacumine Montis supra cellam, in qua ager decumbebat apparente, fulgebat, ita vt dies videretur, quemadmodum incolæ Oppidorum iuxta Montem adiacentes testantur, & PP. dicti Monasterij, præsertim D. Simon à S. Mauritio Prior affirmans illi apparuisse bis Christum Dominum Redemptorem Nostrium, & semel B. Virginem Mariam: Fuit iste humilis, obediens, & in graui infirmitate, quæ nares eius, & fauces tabe rodebantur, valde patiens. Natus anno 1588. die 23. Iunij, ætatis suæ 21. completo die duodecimo Martij 1609. ingressus est Religionem, in qua vixit 12 annos, &

mensēs sex cum mortuus sit anno 1621. die ut creditur, eo quod ignoratur dies certus obitus sui, non scriptus in libro professionum, decima quinta mensis Septembris, ætatis suæ 33. completo, quo Dominus noster Iesus Christus mortuus est pro nostra salute, sepultus est in antiqua Ecclesia B. Maria Gratiarum in communi fratrum sepultura, ibique in angulo eius ossa requiescunt, donec veniat immutatio illorum.

1622. Hilarius à S. Ioanne Baptista, Ratis, è comitatu Scalengharum, Pedemontij Oppido obscuritatem generis vnde exijt, virtutum nitore illustravit. Inter professionis prima stipendia prolusit totius vitæ curriculo magis deinceps suspiciendo, implevitque à Philosopho gentili admodum Christianè dictum: *Fugendum ergo, & in se redeundum, imò etiam à se recedendum*. Fugijt nimirum, cum abrenuntiavit Sæculo; In se redijt, cum vim mentis collegit, & ad animi expolitionem vnicè contraxit, insuper & à se ipso recessit totus in verè Monachum abiens abnegatione sui cum amplexatione crucis. Per reliquos inferiores gradus ad primam deinde sedem assumptus anno 1620. præluxit restaurationi æquè superior meritis, ac eminentior dignitate. Antistitis autem regimen discretione, dexteritate attemperatum, ut culpas paucis notas persanaret obtegendo vulnera, consulendo famæ, in publicas autem cum nihil de severitate remitteret, propenderet semper in lenitatem, corripere gaudens ad frugem transgressores ad solam noxæ gravitatem obiectam. Dormiebat quis non cucullatus. Cellam ex inopinato ingressus, violatam conspexit in somno capiendi modestiæ legem. Excitavit quiescentem, increpavitque severiter. Sufficiat palmare adeo erratum commisisse semel. Modò vidisse nolo. Si feceris, secundò, oculos habebō vindices. At moderata licet correctio, efficacissima tamen, quippe confessus postmodum ille, violento veluti percussus fulmine, tota iacuisse nocte. Mane factò festinavit ad eius pedes, & toto prostrato corpore poposcisse veniam, nec ultra violasse sancitum. Tractandis animabus æquè apta manus. Facillima etiam animarum informationis ars versatissimo in SS. Patrum vigilijs, aliarumque institutionum spiritualium opellis. Si quis intimi statūs panderet sinum, is vel scrupulis lancinatus, vel Dæmonis astubus circumventus consilium posceret: aperto codice propinabat statim legendum locum ubi virtutis oppositiæ

contineretur disciplina, & documentis ad retundendum hostem affatim imbutum dimittebat. Humilitas quoque eximia. Supremo Magistratu sublimem attollebant magis inhaerere impensius muneris ponderi, dissimulare studiosius dignitatis lucem. Velle cæteris cense-ri æqualem, manumque dare inter mundantes vel Templi, vel Cœnobij pauimenta. Interesse in fulonica, suaque ipse purgare lintea. Inferuire mensis cum Monachis præceptum sit, Superioribus non iubent statuta, sed commendant. At illi cum id obsequij suo præstare tempore aliquando è memoria excidisset, diluit mox obliuionem, officio insequenti hebdomada repetito, & ad vnā, alteramque continuato. Asperitas in sui tractatione procuditubi summa, quando virum sustulit anno ætatis suæ quadragesimo, seu cum vires florescunt.

Nec minus alijs numeris præesse, & prodesse intus cupidus Reformationis dilationi egregiam nauauit operam. Illo suaseri, & approbato constabilimur Vercellis Ad B. Mariam, & S. Victorem, Confratriæ disciplinantium oratorium, & accipimus in dotem Prioratum titulo S. Bernardi propè eandem Ciuitatem, expeditis breuibus literis Græg. XV. ad preces Iacobi Gorizæ supra famæ vires commendatissimi eiusdem sedis Episcopi.

Franciscus à Ponte Patritius Astensis, nobilitate generis, opum affluxu, eximijs in Aula Sabaudizæ gestis muneribus spectabilis Eques aliud contubernium posuit intra ipsam Urbem Astensem sub inuocatione B. Mariæ Consolatricis, quam nuncupationem adhuc in præsentiarum retinet, licet Excellentissimus Marchio Ghiso Franciscus Villa, bellica celebris laude, vetèri exciso, aliud magnificentius Templum crexerit Diuo Theobaldo Monte-Regali in lucem edito, Albæ verò Pompeiæ quiescenti, vbi miraculis, & vitæ sanctimonia celebris obdormiuit in Domino.

Accessit item in Pedemontio Monasterium B. Mariæ de Mirafflores in Augustæ Taurinorum campetribus, tertio ferè ab Vrbe milliario, fundatore Victore Amedeo I. Sabaudizæ Duce, qui Regalibus suis otijs Villam ædificauit, & huius professionis Ascetis vnice à se dilectis claustrum adiecit. Rus ipsum Palatij mole, vijs quaquauersum arboribus consitis, aquarum decursibus, fontibus ex pario marmore, saltibus, venationibus, piscinis conspicuum, Cœli clementia Tempe nuncupandum, fructuum verò suauitate alterum vel Alcinoi pome-
rium,

rium, vel Panormi Concham, aut si huiusmodi quodpiam celebrius Pomonæ delitium eidem ex æquo conferendum, placuit à copiosa florum varietate Miraflores dicere. Monasterio, Visitationis S. Mariæ, cuius deuotissimus erat, & S. Barnabæ annua veneratione ibidem celebris, nomen dedit. Rus ipsum splendidissimè cum perfecisset, easdem magnificentiæ notas in sacro hoc appendice, Dux pijsimus parabat explere, cum acerbo fato desideratus, posteris reliquit hilarem, quo fruerentur secessum, & Religiosæ domus initium, quod pro innata in Dei Genitricem pietate, & beneuolentia in hanc Reformationem absoluerent.

Sedis autem apud Ecclesiam Beatæ Mariæ de Testona, Oppido olim euerso, è cuius ruderibus Ducalis nunc Montis-Calerij Ciuitas consurgit, alter promotor meritò appellandus est egregia sollicitudine, qua procurauit nostros homines constabili in statione sub prædecessore inchoata, ac censu ad alendos incolas impinguari. Domus consurgit ad vitiferorum radices collium, vbi vassa planities ad Padum vsque protensa explicare se incipit. Adsidet viæ publicæ Cherium, Astam, & Insubriam ducenti. Quo cingitur muri ambitus, non modicum concludit agri spatium vernanti cum Flora, Pomonæ fructibus, & vmbraculis Topiarijs ab æstu protegentibus amènè, vtiliterque constitum, adeoque iucundum Monachis delitium, imò & Regalibus ipsis Sabaudia Celsitudinibus, quandoque è Palatio, quod Christina à Francia proximo Montis-Calerij vertici à fundamentis imposuit, huc secedere delectantur. Cæterum Catharinam Parpalliam Vagnonam coniunctis studijs cum Hieronymo Vagnono Castri-veteris Comite viro suo, & Monasterij fundatore Ecclesiam adornasse, fidem faciunt perpetuam characteres apposti sub eorumdem effigie ad latera forium Templi introrsum. Ad dexteram legitur.

Francisco Hieronymo Vagnono

Domino Castri-veteris

Ex DD. Trussarelli, & Cellarum Comitibus,

Quòd Basilicam Deiparae sacrae

Pium Testona Oppidi monumentum instaurauerit;

Quòd Cœnobium à fundamentis extruxerit,

Et perpetua liberaliter annona muniuerit,

Monachi Cistercienses

Inter

Inter ceteras animi grates. PP. 1643.

Ad læuam verò.

*Catharina Parpalia, Vagnona,
Ex DD. Rouigliaſci,
Et Cellarum Comitibus
Maiorem Aram Virgini, ac Matri;
Et in Odeo pfallentibus ſubſellia
Condidit.*

*Ne conderetur beneficum,
Monachi Ciftercienses multiſariam memores
Bene merenti condiderunt. 1643.*

Conſimili ſtudioꝝ contentione incremento per Gallias adlaboꝝrans alteram foundationem anno reſtauratę ſalutis 1619. à prædeceſſore excogitatam initiauit, ac promouit Lugduni; Alteram verò in Diœceſi Lemouiçenſi à ſe conceptam ſucceſſori ad eundem reliquit anno 1623. eius conſenſus ad Generalis Exedram primò. Conſedere in frequentiffima Vrbe Lugduno, cèleberrimo Galliarum Emporio, ad rem Cœtus excreſcentis faciebat plurimum. Ergo ſub auſpicijs Caroli de Noua-Villa, & Halincourt in Prouincia Toparchę comparatis cum Regis Chriſtianiffimi placito, Simonis etiam de Marquemont Archiepiſcopi Cardinalis facultate, piorum eleemoſinis manſione vtcumque locata, ipſa poſtmodum Ciuitas fundatricis ſibi nomen aſſumpſit, cuius partes poſt ædes luculenter excitatas, recentibus in dies beneficijs pergit æquare. Ita monumentum pario in marmore perennatum, & in proſpectu Templi ad legendum expoſitum.

Regnante Ludonico XIV. Gubernatore Nicolao de Neuville Villaregio, Mareſcallo Duci, ac pari Francia, Archiepiſcopo, ac pro Rege Camillo de Neuville Fulienſium Monafterij patrocinium, & curam, vt Patroni, & Fundatores magnifici publico Inſtrumento ſuſceperunt. Præſectus mercatorum D. Franciſcus de Bailion: D. Ludonius Dugas, D. Hugo Andrè, D. Marcus Antonius Mazenâdet, D. Carolus Rougier huius Ciuitatis Lugdunenſis Conſules Annò ſalutis, & pacis M. DC. L. IX.

Porro Eccleſia S. Carolo attitulata prima fuit ex erectis in Gallia tanto Bortomeę gentis, Auguſtiuè Senatus ornamento, id quod vbi
Mc-

Mediolanensis Ecclesia rescivit cum alijs sacris lipsis stolam etiam dono misit, qua Præsul Vaticanam supra purpuram sanctitate nobilior utebatur.

Domicilium autem in Diocesi Lemouicensi adiectum, erat Abbatia S. Martino Turonensium Antistiti inscripta, & molita pro Benedictina viuendi norma ab Helduino Episcopo Lemouicensi, Fratre Ioffredi Abbatis S. Martialis, & Guidonis Vicecomitis anno 1012. in Manso, quod olim intererat S. Eligij Parentibus. Cum autem disiecta ibidem ascetica disciplina strictioris obseruantie alumnos restauratores postulare, Institutionem Cistercio-Fuliensem deponere censebatur. Hilarius Generalis Præpositus annuit Ludouico Marchando Lemouicensi Canonico, & Abbati Commendatario educeretur illuc Colonia nostratum, quam licet, vita precoci fato abrupta, non immiserit ipse, immittendam reliquit successor anno 1623.

Votis amplificandæ Congregationis par erat in Hilario ardor excolendæ disciplinæ. Ea propter, Visitatione indicta Familiarum profectiorem instituit ad illius progressiones singulis in Domibus perurgendas. Roma discessit, præmisitque morum censuræ demissionis, ac poenitentiae specimen perquam eximium, nam, reiecto omni equitatus commodo, itinera absoluebat plantis exalceatis, & continuo ieiunus vsque ad vesperam. Lustranda contubernia complectebantur inuisorem austeritatis omnibus demirandæ, à paucis assequendæ. Auscultabant in Patrum confessoribus accendentem inflammata dictione animos ad accipiendum brauium, prosequendumque amplextæ professionis cursum non sine assequutione coronæ. Audiebant diuerberantem acriter in cubiculo corpus, & sui maceratione implorantem mûneri supernum robur. Cernebant planè exhibere se Monachum, quò aptum exhiberet Cenforem, nec in declinationes à Regula animaduertere redargutionibus magis, quàm exemplo. His immorantem acuta febris mors intercepit in Oppido Florentiæ Parmensis, raptum citius ab inspectione sodalitatibus ad visionem Numinis, vnde ipsi amplissimum præmium. Patres, quem Cælo receptum credidere, singularis tumuli cohonestarunt honore superimpositis lapide, & inscriptione suo loco iam impressa, à quo insueto in nostra societate sepulcri decore magnum Historiæ momentum impendendi eidem quidquid & ipsa valet conferre perennitatis, ac laudis.

1623. Statim ac Fulienſis Abbatia ad ſanctiora religioſiſſimi Ciuitatienſis Ordinis ſtudia redire cœpit, incundæ eius diſciplinæ conſilium egregius adoleſcens maturauit. Fuit iſ *Guillelmus a S. Alexio*, cui in Sæculo cognomen *Galleſtus*, è *Maclouio* Britannix minoris Ciuitate, filius Petri Galleſti Inſtitoris, & magnarum opum, lautorumque in toto Oriente, & Canarijs Inſulis negotiorum fama percelebris. Quà indole præclara, quâ præcellenti ingenio ſpectabilem ſui ſpem faciebat. Ioannes Barrerius magnum cum eo ornamentum Congregationi adnaſciturum prædiuinans, adoptatum in ſocium, Reformationis habitu omnium primum donauit pridie Nonas Iunij anni octauij, & ſeptuageſimi ſupra ſeſquimilleſimum. Expectationem hauſit euentus. Incrementis conſuluit ſola acceſſione ad prima faciendâ ſtipendia. Admirationi proſectò fuit Iuuenem ſexdecennem poſthabere Clauſtri incommodis, & Monastiæ paupertati ſeceſſum à Mundo, & inuidioſa fortunæ bona, ſelici genitoris opera ad familiæ ſplendorem comparata. Effecit exemplum inuolarent & alij ad enaſcentem perfectionis ſtationem. Quantum verò contulerit deinceps propagandæ virtuti, iuxta ac amplificandæ Sodalitati affirmant Inſtitutionis monumenta. Quotquot illa conſignarunt ſcriptis, breuiorem licet adhibuerint ſtylum, aſſerunt tamen exæquatam à paucis eminentem in Guillelmo cum adhortamentorum ardore exempli præſtantiam. Humanas ſi demas literas, nullum præterea doctinarum præſidium è ſcholarum puluere hauſerat. Sed dabat os, & ſapientiam, quo intus incaleſcebat, Spiritus. Igitur cum agitur pietatis ſtudia Tolofam, aliasque ad vrbes procederet, fallebat nunquam operam, ſed victrice ſemper eloquentia animarum exuias è triumphato Sæculo importabat in Clauſtra. Excidere à votis, & prædam illudere prædatori raro obuenit. Abductioni ſcilicet à Mundi illecebris addebat ſubiecta oculis cæterorum, ſui potiſſimum virtutum documenta, quibus confirmandæ bonæ menti, nihil efficacius poſſet accedere. Conſpiciebant humilitatis exercitijs cudere fulmina in elationem animi; obſequij præbitione exercere in ſodales charitatem; obedientiæ promptitudine exhibere Antitiſtis officium, & deuotionis emulatione probare eximiam in Diuos pietatem, ſed præſertim in Virginem Deiparentem, Congregationis Patronam. Cernebant non velitationes, & libamenta quædam pugnarum edere in

Dæmonem, sed conferre manus, pugnare cominus, de rerum summa fortiter dimicare. Videbant & flagrorum, setarum, vigiliarum, ieiuniorumque consuetudine edomitam rebellem sensuum prauitatem, hostem, quia intimum, ipso Satana deteriore. Demirabantur hæc super nudam simplicitatem ablegantem suo candore dolsam mortalium astutiam. Suspiciebant intactam castimoniam, verstantia in Cœlo Virginitatis lilia sua integritate æmulantem. Id quod oculos rapiebat magis, erat addictior orationi animus, cui nihil interesset, sequeret ne hyemis rigor, deficerentque corporis vires, quando illius spatia longius produceret, & solidas noctes in iucunda oppidò exercitatione protraheret. Sanè post preces à primis faculis ad auroræ usque regressum continuatas, perstabat adhuc in orando, genibus ante crucem demissis, totoque corpore à frigore rigente, eratque operæ pretium deferretur frequentius Monachorum brachijs ad Infirmitorium, multo calefaciendus igne, quo obrigentibus membris aliquis restitueretur vigor.

Sed forsàn leuiora hæc in Guillelmo momenta. Erigere quercum annosa incuruatione deflexam, idest antiquos Monachos in Regulæ neglectu inueteratos ad consonos professioni mores iterum reuocare: hoc opus, hic labor erat. Luctandum profectò cum illis Barrerioque, Guillelmoque strenuè fuit. Eximix fulgor virtutis aliorum rapiebat animos, aliorum hebetabat lumina. Mirabantur alij, plaudabantque, ad tanti viri vsum, & disciplina eadem induebant & ipsi absolutissima Cœnobitarum lineamenta. Oderunt alij, & adlatrabant. Adesse adolescentem malè cautum, qui Antistiti deliro se nouatorem iunxisset. Mitiores consuetudines, hoc nomine sancitorum Diui Benedicti contemptum vsurpabant, non Regulæ arctitatem vouisse. Longævis vsibus inesse vim legis. Illos pro virili tuendos. Ad suas asperitates alia formarent Cœnobita Hypocritæ, dummodo non Fulium. Inconsultæ zelantium adinuenta alibi radices figerent, inde exularent. Absterior erat disciplina, quàm ferre possent & ipsi Reformationis candidati. Rerum profectò sacrarum summus Antistes nimiam austeritatem de funerum frequentia causatus, ne officeret nimis, moderatiorem in communi pro deliciarioribus iusserat. Verùm in Guillelmo à præcipuo contentionis ardore robur inuictum, & cum extremæ poenitentix feruentissimis desiderijs vitæ genus usque ad

consummationem constantissimè tenuit , quiete semper super nudis asseribus capta, ieiunijs solis herbis, pane, & aqua refectis, pedum nuditate nunquam intermissa, nec modicæ tunicæ assuto vnquam caputio, aut superinduta cuculla. Ornatissimum tandem conuersationis cursum pari ætatis clausula expleuit 17. Ianuarij 1623. in ipsa Fulien- si Abbatia . Cum illa absoluenta supremi morbi vi fuit , non le- ctuli , non corporis iam capi angustijs visus . Conabatur assurgere è strato quasi iturus in occursum iusti iudicis , & amantissimi Domini. Quando extollebat brachia , quando demissa ante pectus in crucem iungebat, seu optatum amplexurus bonum, seu amplexatum non vl- tra à se dimissurus . Nouissimos pietatis sensus , amoris deliquia ne- mo enarrauerit satis . Qui demum in Sacramentorum extremi sus- ceptione efflauit animam , raptus ad palmam victricis cum morte agonis , dum ad ipsum agonem fortiter sustinendum oleo inungere- tur sacro.

1624. *Franciscus à S. Maria Magdalena* , honestis parentibus in *Aquitania* ortus, ætate maturus , & sacris initiatus Congregationi adhæsit seculi nostro anterioris anno vndenonagesimo . Plurimi fa- ciebat abstinentiam, præsentissimum illam apellans pharmacum tuen- dæ sanitati, nedum animæ, sed & corporis . Cella vnicè delectaba- tur, & Cellæ delicijs commentationibus sacris, quas inter Bibliorum codices assiduè percurrebat, & aperto semper, ob reuerentiam, capite, aliquando etiam genibus in nudo solo positis . Humanis vacuus pas- sionibus Philosophum Christianum ex integro referebat , nunquam ira commotus, nec prosperis iucundior, nec aduersis tristior, semper idem . Quæ præ cæteris laudibus primas in eo merebatur erat de- uotio . Maiorem noctis, ac dici partem vorabat sibi insatiata semper cum Deo agendi cupiditas . Si piarum lucubrationum lectioni vaca- ret, nec à regiminis sollicitudine ad quidpiam operis externi euocare- tur, mirum erat si non mente, & lingua oraret . Sanè precandi assi- duitate fatigabatur nunquam . Præueniebat Psalmodiam Matutinam multa contemplatione intra cubiculum . Absolutis vigilijs nocturnis expandebat in modum crucis brachia, eaque forma perseuerabat in Choro vsque ad Primæ signum in ipso solis ortu pulsandum, seu spa- tio duarum ad minus horarum . Quod deinde elabebatur temporis intra Primæ, & Tertiæ decantationem, totum impendebat in præpa-

tione ad Missam, in litatione ad aram, gratiarumq; actione post ipsum Sacrum peractum.

Ad hæc brevis quidem erat staturæ, sed magnæ mentis. Pollebat gravitate, & prudentia, fuitque operæ pretium ab ipsa statim solemni emissionem votorum ascenderet superius, & rem communem, quâ Prior, quâ Prouincialis ad annos quinque supra viginti administraret. Maioribus præfecturis post minores honestatus, singulares nedum in familias, sed integras in Prouincias inducebat numeros omnes Monasticæ Institutionis, promouebatque inductos. Quale ipso Cœnobiorum Rectorem se præbente, disciplinæ studium? Quænam in moribus sanctitas? Quanta in Dei obsequio contentio, in pauperes, in infirmos, in hospites charitas? Regularem districtiorem mira suauitate contemperans & reuerentiam sibi conciliabat, & amorem, ambigebantque Cœnobitæ Patrem ne, an Antistitem colerent. Tria quàm maximè persuasa illis volebat: studerent prudentiæ pro directione spirituum, modestiæ ad ædificationem mortalium, taciturnitati ad solitudinis decus.

Addebat, paritatem verborum, haud secus ac ciborum rarò obfuisse. Ea propter addictior ipse silentio, & quæ interdum edebat verba, multa significabant paucis. Cum verò Prouincialisungebatur officio, circuibat per Cœnobia pedes, nec statis duntaxat lustrationi vicibus, sed crebrius, & multoties ex inexpectatò. Celsitus quoque rescisse quid in Monasterijs ageretur creditum est, nam multoties adueniebat in tempore, cum grauiore, subitque casus illum magis præsentem depollerent. Sin autem accedens domibus pulsationem ad diuinam laudem audiret, posthabita itineris defatigatione, à ianuæ limine rectà petebat Chorum, vt stuperent Monachi interesse officio, quæm adesse nescirent, & Censorem inopinum appellarent. Tandem Institutioni Sanctimonialium Fulienfium Tolosæ delectus, in eo munere spiritum posuit affectæ iam ætatis senex die altera Martij anno 1624. Contigere verò extrema omnium merore, omnium luctu, simul namque iacturam suam effusè deflebant, simul Angelum è Cœlo lapsum, Cœloque restitutum à præclara institutione optimæ Virgines commendabant. Celebrata quoque parentalia cum Tolosæ Urbis Ordinum omnium affluentia, tanti habebatur à cunctis, & perennitati consignata eius memoria à frequentius laudato piorum nostræ Congregationis Elencho.

1624. *Guillelmus à S.^t Genuefa*, auito agnomine *Compans*, *Parisijs* natus, & in Abbatia *Fulienfi* anno 1585. Deo, ac Diuo *Bernardo* rita professione deuotus. *Vir* fuit egregius *verbi Dei* concionator. In multis *Prouincijs* claruit, maximè in *Normandia* alter *Apostolus*, & *Sanctus* à populo habitus est, potens opere, & sermone, ut sapè relictis *Templis*, in ipsis *compitis*, *Cameterijs*, & *Campis* extructo aliquo *suggestu* peralto, vel in aliqua *arbore* conscendens, apud *confluentem* maximam multitudinem concionaretur. Qui etsi plurimas *Christo* lucratus sit *animas*, pro sua rara *humilitate*, post concionem habitam, timens ne indignè *verbum Dei* seminasset, apud se conquestus *lachrymabatur*. Obijt *Parisijs* die 9. *Septembris* 1624. Ex *Carolo à S. Maria*.

1627. *Ioannes à S. Dionysio*, gentili nuncupatione ab *Insula*, *Parisiensis*, *Asceta* olim, & *Cantor* in celeberrimo *S. Dionysij* *Monasterio* amplioris perfectionis concepto voto, ad obseruantiam in facta *recta Cistercio-Fulienfi* exactiorem conuolauit pridie *Cal. Aprilis* anni 1603. visus post nomen eidem adauctum & sibi, & *Mundo* verè obijisse. *Genitores*, omnesque *carnis* propinquitates coniunctos, nec alloquutus deinceps est, nec aspicere placuit. *Corpus* nunquam intermisso *pœnitentiarum* bello attriuit. *Honores* contempsit *Sæculi*, *curas* nesciit. A prompta obedientia appellabatur cadauer *Assisiatis*: apprimè nimirum conueniebat illi *caractèr* veri obtemperantis expressus à *Seraphico Sancto Francisco Tom. 3. Opusculorum*, *Ex. 1.* ubi inquit: *Tolle corpus exanime*, & ubi placueris pone. Videbis non repugnare motum, non murmurare situm, non reclamare dimissum: quod si statuatur in *Cathedra*, non alta, sed ima respiciet; si collocetur in *purpura*, duplò pallefcet. Hic verus obediens est, qui cur moueatur non dyndicat, ubi locetur non curat, ut transmutetur non instat, euectus ad officium, solitam tenet *humilitatem*; plus honoratus, plus se reputat indignum. Ita planè *Ioannes à S. Dionysio*. Ad *Superioris* solummodò mouebatur nutum, paratus semper id agere operis, quod ille iniunxisset, omittere quod ille imperasset. *Claustri* munera si aduersabatur *humilitatis studio*, capessebat *modestix decore*, obedientix promptitudine. Designatus *informationi Tyronum* maximi momenti officium diu exercuit, omnium aptissimus exceptioni primum ponentium pedem in arena, ubi veterem hominem cum noxijs suis

suis voluptatibus conspeliarent. Cum dolorum acerbitates affixum lectulo corpus, passim autem affixum erat, conflictarent: quid, aiebat, morborum angores, nisi prænuntij mortis, & viciniore gradus vitæ infirmitatis nesciæ? Corpus, quod corrumpitur, aggrauat animam suæ dissolutioni anhelantem. Sanitati autem restitutus, reddebat se actutum obseruantiae communi, & si improbari resciret nuntium tam citò missum commodis valetudinarij: Pulsauit, dicebat, ad ianuam diuturna ægritudine mors. Instat hora. Si Monachi numeros non modò impleo: ecquando? Assueuerat pariter loqui pauca, eaque non nisi voce submissa, & ferè semper axiomata repetere extremæ dici recordationi excitandæ composita. Cætera inter hæc feruntur. Monachi vita iugis est præstolatio mortis. Ideò asperimè viuuit, quò confidentius occumbat. Vitam sibi malè consonam ducit, si non viuuit semper vt moriturus. Citò adueniat, dummodò adueniat beata, mors. A morte vita. A momento æternitas. Quod Sagittario signum, id ipsum mortali mors. Peritus Sagittarius in signum benè collimat. Aberrat, si secus agat. Mortalis sapiens finem suum attentè recogitat. Malè consequitur, si non assidue meditatur. Vch pessimo peccatorum decessui. Statutum est omnibus hominibus semel tantum implere vltimum fatum. Quod semel tantum potest contingere, illud semper cauendum. Sed & horis absolutis à laude Dei, supernarumque rerum contemplatione, minus semper arridebat cum Sodalibus alloquutio, ingrata nunquam cum mortuis conuersatio, pijs nempe Patrum vigilijs, à quibus sanctiorem condisceret & cursum, & clausulam suæ peregrinationis. Monitus aliquando consuleret valetudini minus firmæ abstinendo à nimia lectione, respondebat: malle ægrotare, quàm ignorare. Ægritudine conteri corpus, ignorantia languescere spiritum. Huiuscemodi vitam, continua mortis memoria vitæ nuncupatione profectò dignissimam, ad annos non amplius quatuor & viginti protraxit, totidem nimirum recensuit à susceptione habitus, ad depositionem corporis; & suas expleuit etates Lutetiæ Parisiorum Cal. Iulij anni 1627.

1629. *Sanctius à S. Catharina, Aquitanus, ex Oppido Aurigniacensi, Diocesis Conuenaarum, cuius laudes cum Generalium syllabus mini me exequet, expleri inter piorum fastos nunc deposcunt. Dicto professionis publico sacramento, emensa facultatum arena, demirari coepit multæ expectationis alumnus. Religionis contentio, animus in*

in prece, & studio perdius, ac pernox, prudentię numeri, illibata consuetudo nihil in Sancio spondebant nisi præclarum. Et spectanda reuerà sunt quę gessit in Insula Generalitia post inferiora officia multoties illi delata. Promeruerit ne reperita ad electionem suffragia extensione magis societatis, an verò religioſitate Propoſiti iure merito ambigas. Certè cum Reipublicæ dilatandæ sollicitudinem comprobent progressiones Coloniarum, Institutionis ardorem cultior ubique disciplina commonſtrar. Anno 1608. qui fuit ſecundus primæ eius aſſumptionis ad regimen deligimur ad aſſerendâ Benedicthinam viuendi methodum in antiqua Abbatia S. Maximini in agro Miciaceni, fueruntque ſubrogationis promotores Cardinalis Rupeſucaldus, & Aureliæ Episcopuſ, Gabriel de Aubespine. Cum verò ſecundò & terriò remperaret oportuit habenas, patuere in recentia domicilia Pleſſiacenſis S. Srephani domus, cui anno 1614. Illuſtris Matrona Domina de Guaincau ſtabilem annonam copioſe attribuit; in ſuburbio autem Aquilæ, quæ Ciuitas eſt Aprutij caput, Collegium adſitum Templo B. Virginis de Refugio, fauore Gondifalui de Rueda Episcopij, & diplomate Pauli V. Anno poſtmodum 1616. Bernarduſ Potier, & Carlotta de Veteri-ponte contorales pietate eximij, largitione nummi ad ædificium, & perpetuum cenſum nos voluere apud Ble-rancournum vicum Dioceſis Nouiomenſis, & Dominuſ de Ventadorea euocauit ad S. Martialem Tutelenſem, erogatiſ item ſua liberalitate reddiribuſ, auctiſ ſubinde anno prouentu Prioratuſ de Meiſſac. Sed & aperuimur ædeſ S. Mariæ de Pace ſecus Florentiâ munificentiâ Chriſtinæ Lotharingicæ, Magnæ Etruriæ Duciffæ, ac S. Petri Rothomagenſiſ auſpicijs Mareſcalli d'Ancre, quem moſ prohibuit eidem impendere opportunâ ad victum facultateſ. Eodem anno 1626. Ludouicuſ XIII. remque, nomenque aſſumpſit Conditoris S. Bernardi Piſtauienſiſ, vbi noſtrateſ conuaſanteſ ex Abbatia de Noailleſ ſe receperant, inuitante Urbis Antiſtite Henrico Ludouico Châteigner dela Rochepoſay. Domuſ conſurgit magnificè ampla ſeptiſ, diueſ opibuſ cum Regiæ manuſ ſplendidiſ donationibuſ, locupletata exinde acceſſionibuſ Prioratuum S. Crucis, & S. Petri de Mauzai in Diœceſi Rupellenſi, illum adeptum opera Comitiſ S. Georgij ex ſtipite dela Rochepoſay, hunc autem reſignatione Domini de Lumeaux, nec non & alio Prioratu dicto de Coulon in Diœceſi Xantenſi. Nec rerum

rum summam moderari Sancius desijt anno 1619. nisi clausa Generalatus periodo aliarum emissionē familiarum, nimirum Ambianensis, vbi sumptibus Ducis de Chaune excitatum Claustrum, molitumque sanctuarium D. Bernardo nuncupatum, & Turonensis, vbi Regijs impensis erecta Monachorum conclauia cum Basilica inaugurata S. Martino.

Præ familiarum autem incrementis effusiora vbiq̃ue impendebat studia fulciendæ obseruantix legum. Vtinam multos Sancios enumeraret cætus! Profectò Reformata Congregatio à suo nunquam decore excideret ob deformatam disciplinam sancitorum neglectu. In Patrum confessibus, in alloquijs domesticis vna illius declamatio erat: Princeps in Religione momentum à Superiorum pendere delectu. Præfectorum characteres esse vitæ meritum ante suffragia, & numeros boni, ac fidelis operarij post renuntiationem. Religiosos rem esse sacram, sanctamque. Summa gubernandos cura, nec directionem indistinctè committendam, aut primo, qui genio arrideat, sed tantum efformatis ad S. Benedicti amussim, seu ad regendos in spiritu, duplici, quam ille præscribit, doctrina præstantes. Nunquam designandos curis distentos varijs, infirmos, aut quamuis pollentes incolumitate, nequeunt tamen, vel refugientes inhærere statutis, non enim bono Reipublicæ illorum electio caderet, humana semper fragilitate prona magis ad sequendam potiùs liberio rem, quàm strictiorem consuetudinis normam. Interesse Præsidentibus præbere exemplo commendatam verbis Regularitatem. Secus agentes ire ex aduerso S. Regulæ, Diuinorum Codicum, Sacrorum Conciliorum, Catholicorum Patrum, imò nec quidem concedere in communem sententiam Ethnicorum Scriptorum. Inuisentibus Censoria cum potestate Claustrales familias animaduertendum magis in Rectores, quàm in subditos. Languores nimirum corporis dimanare à capite, nec Monachos exorbitare à Regula, à qua Abbates nequaquam aberrarent. Meliùs euadere visitationes si assumant in socios viros cum grauitate indolis, ætatis etiam maturitate spectabiles. Cupiendum potiùs in obedientia manere, quàm præesse. Non enim præire facillè perinde esse, ac duci, dimittere munera, ac eorundem culmen cum laude tenere. Euectos ad dignitates faciliùs prolabi in deterio rem vitæ rationem, quàm ad castigatiorem assurgant. Ea propter cum

abrat

ab erat in Epistolis, cum verò, lustrandò domos, præsens erat extimulabat continuò Superiores operam commodarent perquam impigram iniuncto officio, & generosa præzitione antecederent semper currentes ad palmam propositi absolutioris. Nec in ius dicentibus è primo loco alias exigebat partes, nisi expressas in sui ratione gubernij. Vultu prodigio sodalibus erant, in corpore maceratione exhausto, vigor spiritus, assidua in Choro, & in conuentibus Patrum præsentia, rerum asperiorum amplexatio libentior, inhaesio doctis vigilijs, raptus in Deum studio orationis, elongatio à carnis illecebris mortificationis cultu, & cum solitudine in suo penetrali prospicientia vigilantissima in Coetum vnuerfum. Interea totus erat & in spiritali degentium in Sæculo informatione animarum, ad quam velificabat feliciter egregia supra doctrinam, & indolem præcedente animi optimè locati specie, profunda scilicet humilitate, mira modestia, oculorum demissione, cum poenitentiae lineamentis expressis in vultus macie, & corpore ab austeritate exsiccatò. Nemo illum adibat, qui ex alloquio non melior abiret. Aderat cunctis aure, arcana excipiendò conscientiarum; ore, salutaria instillando monita; manu pijsimè elucubrandò. Consultuit Religiosorum, Sæculariumque intetiori recessui editis sacrae solitudinis, & exercitiorum spiritalium opusculis aureis. Cavit in elationem animi solidiorem quamcunq; virtutem euerterentem, euulgatis quinquaginta humilitatis gradibus, quibus vnusquisq; à sui despicientiae imò ad perfectionis verè sublimis fastigium valeat conscendere. Animarum cum Deo vnionem edocuit euulgata Praxi manendi semper in Dei præsentia, itemque excuso alio libello cum titulo flammæ diuini amoris excitante pectora ad summi boni ardentiora vota. Hinc in Aulis Pontificia, & Christianissima conciliata Sancio plurima existimatio, nec Romæ, seu in Gallia redoluisse quempiam sanctitatis odorem, cui Cœnobiarcha Fulienis multæ venerationi non foret. Hinc demirata vbique disciplinæ expolitio, ad demerenda stipendià nobiliora quotidie capita accedere, Renatum Potier Antistitem Bellouacensem, Comitem & Parem Franciæ, mortem inuidentem ne foret huius viæ vnus fefellisse præclare, adstantibus coram apertè pronuntians: velle se votorum nuncupatione Fuliensem cum viuere, tum occumbere, & accito Ioanne Golutio Prouinciali, Professionis iurciurandum, illo acceptante emisisse, sub beneplacito tamen

Pontificis summi; quemadmodum tradit Antiquitatum Bellouacensium modernus compilator Louuetius Tom. 2. pag. 777. Hinc Petrum de Berul, celeberrimum planè nomen, antequam Romana donaretur Purpura Patrum Congregationis Oratorij Præfectum Generalem, re cum Sancio maturata, piorum communicationem operum, perpetuumque spirituale fœdus in initum voluisse inter sui Propositi, & Fulienſis viuendi normę sectatores.

Sed de meritorum Sanciij exuberanti præstantia omnium planè splendidior fuerit laus, cœlestium copia fauorum eius commendationem excreſcere. Nam cum Angelo tutelari suo nimium quàm facile communicaret, & familiari, frequentique præſentia dignaretur. Mitto viſibiles cum Dæmone luctas, hostemque tartareum, superni ope adiutorij, deuictum semper. Prophetico pollentem afflatu viri grauissimi haud quidem ex vano cognouere, præcognitis, & prædictis adstruente fidem rerum euentu. Par discretio Spirituum, cui, lumine dimanante ex alto, in promptu erat mortales dignoscere ex solo aspectu, & ad internarum cogitationum secreta vsque peruadere. Maria ab Incarnatione inter Moniales strictioris Carmeli compertæ probitatis Virgo, imò à Galliz Scriptoribus cumulata nuncupatione Beatæ, ac Sanctæ appellare illum solebat animarum directorem eximium, hominem Deo charum, ac summè dilectum, quo etiam reuelante didiciſſe ferebat ex Diui Bernardi affectis neminem Parenti inclito propius Sancio tunc accedere, exacta imitatione sanctissimæ consuetudinis, quæ obiter penes Auctorem Vitæ D. Eustachij à S. Paulo capite quartodecimo, pagina 141. Tandem cum æternæ gloriæ authorari debuit præmio tanta virtus, tentata vi morbi longæua canities. Febris alterna lucta affligens, instauransque salutem ad interitum ineluctabilem tandem efferbuit, sustulitque Ascetam omnibus desideratissimum in Monasterio S. Bernardi de Vrbe 12. Octobris 1629. quo viuente sicut ad spiritualium progressus compendiorum Franciscus Cardinalis Barberinus; commisso conscientie regimine, vsus fuerat, ita ad pietatem accendi quoque post fata volens, ad supremo decumbentem pictorem misit, & procurata è spiranti vultu lineamentorum tabula, illam præ oculis in suo conclaui consuevit habere.

1630. Hoc anno funus contigit spectatissimi viri, qui ætate sexagen-

genarius, Religione autem Nouitius, cursum mortalitatis cum celebri virtutis laude Tolosæ peregit. Nobili ex cognatione Vercellis natus, dicebatur *Vespasianus Agatia*, sed quoniam cum Mundo, mundanas etiam nuncupationes abdicauit, adhæsit illi nomenclatio à duobus Ecclesiæ luminibus, estque appellatus *Gregorius à S. Eusebio*. Ab ephæbo modestior, venustabat ætatis florem egregia specie maturitatis. Ingenio diues ab eloquētiæ, & facultatum lyceis abiit cum laude, ciuiliū autem palæstram studiorum absoluit cum laurea. Indolis illibatæ, nec verbis, nec gestu quidpiam vnquam remisit de candidioris seueritate honestatis. Urbanitate, comitate instructus, omnium sibi studia facili deuinciebat. Benignus placidus nesciebat, seu poscenti negare officium, seu iniuriam offensori rependere. Prudentia præcellens graues obibat prouincias, & Aularum Sabaudæ, & Romanæ iudicio, accenseri poterat viris suo æuo mentis ad negotia aptioris. Infulis pastoralibus semel, iterumque ab Allobrogum Duce destinatus totus in eo fuit, vt Regia Celsitudo nouo delectu in alios propenderet. Renuntiatus autem Abbas Beatæ Mariæ de Abundantia in Ducatu Chablaisij, quod declinare nequijt pedum, assumpsit, sed Abbas Sæcularis, & Ecclesiastici moris. Habitus illi, domus, supellex, mensa, Comitatus, omnia congruam intra modestiam. Cum D. Francisco Salesio illam colebat frequentiam, illam indolis conspiracyonem, vt à consuetudine, ac imitatione Venerandi Antistitis frater audiret. Paracias ferè omnes reperit vetustate exanimas, refecitque suo nummo splendidiùs. Marefcij autem Ecclesiam propè à fundo restituit. Subditorum etiam mores agrestes prorsus, & dogmatum fidei profunda inscitia inuolutos, instaurari catholicis institutionibus procurauit. Potior hærebat cura subleuandæ disciplinæ in Monasterio prostratæ. Et iure merito quidem. Enimuero, vt incliti Cœnobij incunabula, progressiones, Abbatum seriem, Incolarum vices opportunè exponantur, Abundantiæ positæ in Vallis imo alti circumstant montes, diuturnæ incumbunt niues, nulla aridet veris temperies, apparet, sed citius aufugit æstas, autumnum occupat hyems. Procul vitiferi colles, procul inde Pomonæ deliciæ. Verumtamen varia affluit rerum vis, mar-moreæ, pretiosæque ad ædificia venæ, opima ad annonam messis, pingue samentorum greges, vberima gregibus pascua, delicatiora lacticia, tantæ piscationes, exquisitorum volucrum copia, vnde

conualli Abundantiæ resque, nomenque, & à Conuallis nuncupatione cognomentum Cœnobij assumptum. Crepundia debuit Monasticæ S. Columbanî institutioni, notiora autem incrementa Canonica S. Augustini disciplinâ. Et Sanctus quidem Columbanus post obitum, exprobratamque Theodorico Burgundiæ Regi libidinem, diuertit ad expoliendos felicius Veragrorum, Ducatus Cablasij latus nunc sunt, mores, molitoque contubernio, voluit suæ scholæ alumnos, ita mansione in Eremitis à turbis secedere, ut etiam spargerentur ad declamandum Euangelium, formarentque confinia ad Christiani amulsi officij. Sed rerum ab iisdem gestarum momenta, Abbatum syllabus, ædium, diuitiarumque splendor, posterorum latent memoriam. Saracenorum inundatio, qua anno 940. persulc Prouinciæ, Regnaque, omnia sus, deque miscendo obruit septa ruinis, inquilinos clade, monumenta incendio, obliuione cuncta. Secus de Regulari S. Augustini Cœtu, quem celeberrimi reparatorem Asceterij, vastam quoque animarum procuracionem exercuisse, illud nostra etiam hac tempestate vestigium, interesse Abbati renuntiare plebanos, qui sacra regant, administrentque in Pagis Capellæ, Casselij, Vaccheresij, Cheuënç, Laringij, Festerne, Publietij, Marefcij, Nouçcellæ, Euiani, S. Gingonij, & Abundantiæ. Post eorundem siquidem aduentum ad desertum olim locum, non mediocris sanè frequentia, nec illa soli, sed Religionis duntaxat commoditate inuitata, cum enim vicatim degere nequirent familiæ, mapalia hac, illacque solitariè erigere cœperunt, quæ vsque in præsentiarum inhabitant. Sed & volitante sanctitatis rumore Burgundiæque, Sabaudiæque Duces, Optimates, Præfules sibi mirificè adiunxisse dilucidè commonstrarunt beneficentiæ argumenta. Adaucti quippe à Ludouico Festerne, noua Basilicæ substructione; à Guidone Agaunensi Antistite, temporali Vallis Abundantiæ Dominio; ab Anselmo de Ceruent, diuite Grangia; ab Amedeo Comite Gebennensi, Prioratu de Pelioniac; à Monachis Intermontij, & de Gulie dependentijs suarum Abbatiarum; à Galthero Domino Salinarum, latifundijs in Burgundia; à Thyetberto de Montemoreto, loco Grandis-Vallis in Burgundia, quod è suis deduxere coloniam; à Domino Turemberto, Pago Marefcij; à Landrico, & Nantelino Episcopis Lausanensibus, Ecclesijs de Asters, Nouçcellæ. & Marefcij; à Thoma Sabaudiæ Comite, Emphyteuticis Vacheresij bonis; ab Aimone Fauciniaci

niaci Regulo, decimis de Marningio; à Burgundiæ Duce, sale capien-
do in Oppido Salinarum.

Post Arluinum, alterumque domus moderatores, sed Priores so-
lunimodò appellatos, qui præfuere Abbates recensiti ab inaugurationis
anno sunt. 1130. Rodulfus de Voseriaco primus donatus Insula.
1172. Pontius. 1175. Petrus primus. 1181. Girolodus. 1184. Ioannes,
qui relicto pedo transiit ad Cartusianos. 1185. Guillelmus de Viù.
1222. Albertus. 1232. Petrus secundus. 1234. Ioannes secundus.
1258. Petrus tertius. 1260. Vvifredus. 1270. Remundus. 1302. Ge-
rolodus. 1328. Ioannes tertius. 1352. Ioffredus. 1357. Petrus quartus
Lulier. 1382. Ioannes quartus de Felingio. 1394. Ioannes de Passu.
1412. Guillelmus secundus de Luginio. 1439. Franciscus de Cresco,
qui interfuit Concilio Basileensi. 1460. Amblardus de Viriaco, Ca-
nonicus, & Cantor Gebennensis primus Abbas Commendatarius.
1472. Guillelmus tertius de Greysers. 1484. Franciscus à Sabaudia.
1491. Guigo de Arlo. 1510. Marcus Vigerius Sauonenfis, Episcopus
Senogalliæ. 1517. Ioannes Franciscus Valperga. 1532. Hieronymus
Valperga, postea a. 1550. Archiepiscopus Tarantasiæ. 1574. Hie-
ronymus secundus Prouana. 1590. Vespasianus Agatia. 1626. Mauri-
tius Cardinalis, Princeps à Sabaudia. 1634. Melchior Dunam. 1643.
Bartholomæus Soldatus. 1652. Io. Baptista Amoretus. 1687. Ioannes
Franciscus de Sancto Thoma, præterquam sua indole, ac virtute opti-
mis æquandus, frater etiam germanus Excellentissimi Domini Caroli
Victoris Ioseph de S. Thoma ab integritate, à prudentia, rerumque
peritia celeberrimi, Regiæ Celsitudinis Victoris Amedei II. Sabaudiæ
Ducis, Cypri Regis Primi à secretis, Primique Status Administri,
& cum Principis gratia, Aulæ, populorumque plausu, & beneuolentia
floquentissimi.

Sed repetit stylum Agatia, cui Sodalitas cum antiqui Cœnobij,
tum & accessionem debet optimi Ascetæ. Vellicabat nempe ani-
mum Commendatarij semper commendandi iacere disciplinam in
cibus sanctitate olim eximij. Flagrantia equè vota D. Francisco
Salesio, cuius commendatitij ad Clementem VIII. Epistolis impetra-
ta Romana approbatio, & amotis sex Monachis Canonicis, omni-
bus propemodum senio, ac disciplinæ Religiosæ, Salesij vtor verbis,
crassissima ignorantia non laborantibus modò, sed penè confectis, re-

nouata iam tertio obseruantie iuuenta in Abundantie Coenobio, inducta illuc Reformatione Diui Bernardi, cuius professores accepti à popularibus ac si viri è Cœlo delapsi, festiuo obuiam occurso, pulsa-
toque cre Campano, nonnullis etiam demitteptibus genua. Nec ingentem fraudarent expectationem Patres. Rediere vnà cum illis Claustro Claustralis vite characteres absolutiores; Odeo diurna, nocturnaue Psalmodia; Aris concinnitas, Templo mundities, celebritas; Parecie desiderata vigiliarum opportunitas, seu deponendis conscientijs erudite; promptęque aures; profligandis vitijs, Ecclesiastes Euangelicę notę; instituendę pūbi, fidei rudimentorum magistri ludentibus in vita agone, qui supremum articulum iuuaturi, per montium iuga, perque vallium cliuos, nocte etiam intempesta sacra deferrent. Quanta in existimatione zelantissimus Gebennensium Pastor haberet, hæc inaudiendo, Ascetas supra sanctioris numeros conuersationis, animarum compendijs incumbentes demonstrauit, cum Ioanni à S. Pastore familię Pręfecto scripsit, nullam iam pro delectu suorum ad condonandas noxas, habendasque conciones peteret approbationem. Immitteret in messem Domini quos liberet, haberetque omnes pro admissis, & approbatis, Episcopali etiam momento. Ita sanè facultas à S. Antistite proprio caractere exarata, quam ipse, Abundantie domum censoria auctoritate inuifens, ornandam coronide, exponendamque in sacrario duxi, mandauique, & ita sonat.

Franciscus Dei, & Apostolica Sedis gratia Episcopus, & Princeps Gebennensis. Dilecto nobis in Christo Reu. Adm. Fratri D. Ioanni à S. Pastore Priori Mōnasterij B. Maria de Abundantia huius nostre Diœcesis, Ordinis verò Fulienfis salutem.

Quia cum magno delectu fratres vestros ad predicationis Euangelicę, & Sacramentorum administrationis munus soletis admittere. Propterea nos tibi, & successoribus tuis facultatem facimus Predicatores, & Confessarios à vobis approbatos, & recognitos ad opus, & onus huiusmodi officiorum in hac nostra Diœcesi, seruatis seruandis, adhibere. Rati nihil à vobis perperam in re tanta factum iri. Itaque quos approbaueritis approbamus, quos ita, vt supra dictum est, in messem nobis commissam immiseritis, immittimus, & à nobis immisos censebimus. Ita tamen vt nobis liceat opus huiusmodi ubi nobis ita visum fuerit, his non obstantibus, interdicere. Quod nihilominus nun-

quam

quam nos facturos confidimus . Datum Annessy 18. Maij 1612.

Franciscus Episcopus Gebennensis.

Itemque iisdem Ordinis vestri Confessarijs à vobis approbatis, facultatem absoluedi à casibus nobis reservatis, concedendi sicut expedire videbitur, potestatem vobis facimus, & damus ut supra.

Franciscus Episcopus Gebennensis.

Quantum etiam oblectaretur Franciscus splendidiùs, nitidiùsque tractari à Fuliensibus sacra, liquet ex reparatorum consecratione Altarium, cuius inter Archiuij schedulas hæc asseruatur memoria.

Illustissimus, & Reuerendissimus DD. Franciscus de Sales Episcopus, & Princeps Geneuensis, rogatus à D. Ioanne à S. Stephano huius Monasterij Priore, & reliquis eiusdem Monasterij Fratribus, ut tria Altaria ab ipsis in Ecclesia nostra reparata consecrare dignaretur: Pius ipsorum desiderijs volens benignè satisfacere, ea altaria consecrauit die 23. mensis Augusti anno 1624. Primum quidem quod est sacristia nostra vicinum in honorem SS. Ioannis Baptista, & P. nostri Bernardi Abbatis. Secundum proximè sequens in honorem SS. Stephani Protomartyris, & Gregorij Magni. Tertium verò in honorem SS. Mauritiij Thebea legionis Ducis, & Antonij Abbatis, concessitque quadraginta dies indulgentia cunctis Christifidelibus, qui ea deuote visitauerint in die anniuersaria consecrationis.

Ad perpetuam rei memoriam dictus D. Ioannes à S. Stephano hunc actum ab omnibus subscribi mandauit die 30. mensis Decembris anno supradicto 1624.

F. Ioannes à S. Stephano supradictus fui presens ad consecrationem. F. Georgius à S. Benedicto fui & ego presens. F. Petrus à S. Rocho ad consecrationem presens fui. F. Ioannes Iacobus à S. Bernardo fui presens. F. Hieronymus à S. Roberto interfui consecrationi. F. Ioannes Baptista à S. Stephano fui presens. F. Ioannes à S. Luca fui & ego presens.

Sed & quam effusa in Fuliense propositum beneuolentia piissimus Agatia eò Reformationem euocauerit, quantaque munificentia constabilierit comprobauit multis, quippe qui præter largam prouentuum, ædiumque attributionem familiaræ de Abundantia factam, aliam Claustrî structuram à fundamentis educebat, cum obiit, penes Marcesium, eamque saluberrima Cœli temperie, grato lacus Lemani, Ciuitatis,

& totius Lausanensis regionis, Euiani, ac Tononi prospectu, Pomarij laxitate, vinearumque circumspeditione desideratissimam. Consuetudo autem inter nostrates eò creuit, vt ex promotore Candidatum tandem Congregationis effecerit. Annis prægravi quippe sexagenario, addebat animos vrgens à tergo senectus. Hærebat votis vel vnam reliquam ætatis horam agere inter gestatores ponderis dici, & æstus. Itaque concepto ardore operæ, qui diuturnum aliorum laborem feruore æquaret, dedit obseruantia nomen; iecitque conuersationis fundamenta, eò solidiora, quò ponendis senior accesserat. Cognationis splendorem, Aulae Sabaudæ gratiam, amicorum turbas, longè ablegauit profectione in Aquitaniam. Quod Nouitiatuum sanctiorem optaret, adiit Fulienſe. Inuitatus ad primam sedem post Monasterij Præfectum, nimirum Abbas & ipse, tenendi semper locum nouissimum impetrauit, cogitauitque humilitatis imum, è quo Religiosæ vitæ ideatum fastigium æquè firmum confurgeret, ac excelsum. Constituit & mereri inter Tyrones, quandiù degeret in humanis, apprehensor profectionis brauij. Sanè cum virtutis metam illo securius teneat nemo, qui longè semper abesse veretur, victorem etiam à pulvere pedem is refert, qui in cursus vi non processisse multum, imò stadium vix incepisse se putet. Voluisset probationi, nimirum Institutionis pubertati vernantem dedicasse adolescentiam. Metiebatur propterea necessitatem contentionis à breuitate æui. Sibi totus vacabat animus. Dispendia ætatis in Mundo exactæ austerior poenitentia refarciebat, profundior item sui despicientia, aspera afflictatio; obedientia exactior. Post quinquennium inter rudimenta consumptum Tolosam se contulit, volens, cum Abbatia dimissione, curas à se. quascunque dimittere. Sed mortis ibi inditium adfuit, & lictor grauis infirmitas. Tunc aures Confessarij, & Dominicum corpus expetiit. Postquam verò quæ conscientiam læderent sacro expiatori aperuisset, coram Eucharistico epulo, in viaticum mox assumendo; pronuntiauit iureiurandum Reformationis. Pauca deinde verba; eaque erecta in gaudiorum Paradisi spem, de Matris Dei patrocinio in mortis articulo, verecundum in primis redolentia pudorem, ac humilitatem. Dixit: nunquam permisisse corpus suum nudum videri, seu tangi à quoquam. Rogare ne spoliaretur, etiam pro lotionem. Lauarentur solummodo cadaueris manus, & pedes. Voluisset etiam

etiam condi Tolosæ propè cineres D. Petri à S. Paulo probatæ virtutis Monachi, fuique intimi, sed Patres vna plumbea inclusum Fulium deportauere, reponendum in sarcophago è lapide, cui sanè insculpenda forent carmina à vate ex nostris de eo concinnata.

Exijt è viuis Aiazza pijsimus Abbas

Consilium luuenum, deliciaque senum.

Doctrina lampas, pacis via, lingua salutis;

Spes inopum, fidei splendor, honoris honos.

Hospes in his tumultis paruis quid quaris inepte?

Corpus, non animum condere terra potest.

1630. Claudius à S. Ioanne Baptista, Burgundus à Tertio Cal. Iulij Reformationis sectator, postquam pijsima consuetudine, ac varijs benè gestis prouincijs nonnulla ex iam ædificatis Galliæ, & Italiæ Cœnobijs multifariam condecorasset, nouis Colonijs emittendis delectus, Genuam amandatur, vbi parem nanciscitur cum spectatæ plausum probitati, tum & opportunam molitionibus munificentiam. Virtutum nitore capta primo hospitante familia, cui D. Antonius à S. Bernardo, Ianuensis, eius socius sanguine coniunctus erat, manauit etiam vulgò rumor Monachos Ligustico in littore dudum expositos, pede nudos, habitu asperos, moribus eximios, homines esse è Cœlo delapsos. Efferbuit continuò congenita in Ianuensium pectoribus Religio erga D. Bernardum, quem in sobole Cistercio-Fulienfi cernerent ad viuum expressum. Sanctus Abbas Rempublicam Ianuensem ita coluit, ac in paucis dilexit, vt illius memoriam alta apud se mente repositam, nec vnquam non duraturam polliceatur, dicens in Epistola 129. *In aeternum non obliuiscar tui plebs deuota, honorabilis gens, Ciuitas illustris.* Tantum tanti viri encomium, & pollicitationem optima meruit Ciuitas cum prompto animo, quo eo suasore, Innocentio II. adhæsit, posthabito Anacleto solum Apostolicum sibi per nefas asserente, tum communibus etiam studijs, quibus Sigefredo è medio sublato, sanctissimum eundem Abbatem sibi in Antistitem cooptauit. *Tametsi enim* (inquit Vghellus) *Ianuensibus praeesse D. Bernardus non fuisset assensus, exoratus tamen ab ijsdem Ciuibus Cisterciensium suorum transmittit Coloniam ibidem nobile Cisterciensis Ordinis Cœnobium fundaturam.* Hoc ipsum feliciter euenit apud S. Andream de Sestri sexto à Ianuensi Vrbe milliario, quod nobile

Cœnobium per plures annos protulit, aluitque viros doctos, & graves, quodque caput est insigni sanctimonia vitæ præstantes, in quibus S. Albertus enituit ab Innocentio IV. Summo Pontifice in numerum Sanctorum relatus, cuius dies festus in hac Ianuensi Diœcesi celebris habetur octaua Iulij. Cumque deinceps procul à Ciuitatibus, frequentiaque, vniue diuinarum rerum commentationi ferè deditum, genus illud vitæ apud vecordes exoleuisset, S. Andrææ insigne Monasterium commendari est ceptum, quorum commendatariorum incuria, primùm Cœnobium, deinde Ecclesiam ipsam funditus eiecit haud sine Ianuensis Populi nota immemoris animi, qui tam celebre inter ipsos, Sanctumque Bernardum monumentum, ac propè fœdus passus fuisset excidi. Ea propter auditis Patribus Claudio, ac Antonio restaurata prole benignè excepta, recentiori voluit pensare beneficentia antiquæ eius familiæ euerfionem. Dux, & Senatus ponerent, vbi liberet, sedes benignissimè annuere. Nobilis quisque cum plebe subsidia certatim spondet. Raphael, & Bernardus Garbarini, fratres erogato nummo ad aureos mille, rus etiam in Albario, suburbana Ciuium Ianuensium tempe, tribuere ad Monasterium ibidem ædificandum, cuius structuræ, & postmodum regimini Claudius à S. Ioanne Baptista intentus, maiori semper cum optimi nominis celebritate abiit ad plures anno 1630.

Claudij effigiem à primis Urbis capitibus expetita, ac sanctioribus in cubiculis appensa ad virtutis incitamentum, familiarumque præsidium. Vestis item frustula, manuum, pedumque vngulæ, capilli, libelli, & quidquid in eius conclauis repertum à plurimo ad tumultum concursu auidè direptum, ductumque funus non sine publica lacryma. Horum mihi auctor D. Bernardus à S. Benedicto, Bustantius, patrio in Monasterio nunc meritissimus Abbas, qui asseuerat omnia suis conspexisse obtutibus, cumque adolescens adhuc in Sæculo iam nuntium mittere rebus humanis penes se constituisset, absolutè eius consuetudinis admiratione nostræ obseruantix, reliquis posthabitis, adhæsisse.

Post nonnullos ab huius famuli Dei dormitione annos D. Ioannes Stephanus à S. Benedicto, Costa, Ianuensis complanatis septis humili, & angusto schemate ab eo substructis, cum splendidiore Templo aliud etiam spectabilioris structuræ Monasterium ædificandum sategit, cui
pri-

primo , supremoque imposito lapide meruit planè inscriptionem capitalibus ei literis in Claustro affixam.

D. O. M.

Pia memoria

R. D. Io. Stephani à S. Benedicto

Quòd

Genuensium

Maximi amoris in Bernardum

Gratissima beneuolentia in Bernardi filios

Sola sub fiducia

Cænobij huius fundamenta

Solus iecerit;

Quòd eorundem Ciuium

Egregia liberalitate, prodiga beneficentia

Idem Cænobium

Solus erexerit, solus perfecerit;

Quòd

Solo eorundem sumptu

Adiectis Ecclesia sacris scalis

Ad scalas viam inter scopulos

Solus aperuerit, solus strauerit;

Prior, & Monachi

Ne tanta spes aliquando sua careat fide,

Et ut tantam industriam suo cum authore perennet,

Perennem hunc testem

Posuere.

Porro domus constructio ampla est, & formosa. Quaquauersum oblectationibus affluit. Tellus viridi læta gramine, Oliuæ per rupium abrupta in syluas densatæ, inalorum aureorum pometa, Vrbs collibus magnificentiissimè imposita, longè protensa gratissimi aspectus theatrum circum componunt, aperto etiam quarto peristilij latere, quo inquilini per subiectam maris oram discurrant commodiùs. Spiritualibus præterea abundat delicijs erecta ante Ecclesiæ aditum Scala sancta, seu gradibus, quos fideles genibus ascendere consueuerent, mentem recreando sacrosanctis reparationis nostræ mysterijs, quæ, Dei in carne patientis animam amaritudinibus, nostram verò, eius

dolorum acerbitate æternæ beatitudini partam, summa dulcedine recreant. Commendatissimum pietatis exercitium Ianuam recens inuectum collatis studiis promouerunt etiam exteri, quos inter P. Ioannes Baptista Decius Cler. Reg. Theatinorum ad S. Syrum sodalis opusculum excussit aureum, inscriptum. *Solliueo dell'anima sopra tutti i gradi per salir la Scala santa nouamente introdotta in Albaro da' Molto RR. PP. di S. Bernardo*. Prodiit ibidem prælo Benedicti Gualchi 1654. 12. Assurrexit præterea eleganti sua vastitate longè nobilior ædes cum anno 1665. sua spatia in aulas charitatis aperuit, idest pestilenti debacchante influxu patuit nobilibus sæua lue attractis in Nosocomium: nam opimas vnà dedit amoris in proximos hostias D. Martinum à S. Bernardo, Tornamiram, Cæsaraugustanum; Carolum à S. Ioseph, de Tranquillis, Perusinum; Augustinum à S. Ioanne Baptista, Sibillam, è Diœcesi Montis-Regalis; Marcum Antonium à S. Petro familiæ Rectorem, Clusinum, ex gente Arrigha; Ioannem Iacobum à S. Bernardo, Lauagium; Marcum Antonium à S. Roberto, cognomento Gattum; Augustinum à S. Nicolao, agnomine gentilitio Moranum; Michaellem Angelum à S. Andrea, Pretum, Ianuenses, omnes recolendæ memoriæ Patres, qui æmula pietate arrepto domestico commodo immolandi animas suas pro occumbentium salutē ciuium, fortis etiam inuidiosæ duxere loco immori ministerio.

Nequaquam verò omittendum effusam Ianuensium charitatem fatis, superque innotescere ex amplo hoc ædificio, cuius promotor D. Ioannes Stephanus initialem lapidem fundamentis aptauit, præter aureos tres, pecunia prorsus inanis. Cum autem fastigium consummasset, inita ratione sumptuum, reperit nummum ex eleemosinis conflatum expensas excedere. Æstuat etiam nunc locupletis Reipublicæ pietas, ideoque haud spem abijcio futurum aliquando consonis abundet opibus. Id faxit Deus, qui dotem impinguantium Manes æternum benedicat. Enimuerò pudet ter nobilem, & laxam domum maiorem desiderare inhabitantium numerum, & nonnunquam, Priorali dignitate etiam suppressa, administrari veluti membrum à Cœnobio sub attitulatione D. Bernardi intra Urbis mœnia excitato, quod veluti filium in incunabulis fuit, æuo nimirum sibi posterius, conditumque occasione haud reticenda.

Cum anno 1625. ad statim eruptum bellum exhorruisset Italia,
Ianuen-

Ianuensesque, tanquam periculo propiores, libertati suæ timerent, confugerunt ad Tutelarem Claraualis Antistitem, illumque ex publico Senatus decreto Ianuensis populi Tutelarem renuntiarent die 29. mensis Aprilis eiusdem anni, destinato ad Sanctum in Gallias Oratore Augustino Centurione nobilissimo Senatore, qui quatuor millium scutorum pondere eius sepulcro argenteam lampadem dono deferret, addito annuo censu, quo ante illius sacrum corpus continenter arderet. Templum præterea eius memoriæ in Urbis meditullio grata Respublica posuit, non ab alijs procurandum, quàm à nostris hominibus ex Albario euocatis, id quod ubi notat auctor Italiæ sacræ Ferdinandus Vghellus, subdit: *Visus tamen est Ianuensis Senatus mirificè hoc tempore præteritum incommodum, extinctæ scilicet famosæ olim S. Andreae Abbatia, resarcisse, cum Sancto Bernardo Nobile erectum Templum Monachis ex Ordine Cisterciensi attribuit, qui quamquam Claraualenses non sint, Cisterciense tamen sub emandato vestium cultu, profitentur institutum, ea sanctimonia, vitæque integritate, ut dignè videri possint, qui impetrent à Sancto, ut unicè dilectæ Reipublice Ianuensis non obliuiscatur in æternum.*

1632. *Iacobus à S. Dionysio.* Ex nobili Desbordes profapia apud Moissac provinciæ Caduercensis Oppidum illustri ducta origine, præ se tulit ab ephæbo non Mundi adblandientis voluptatibus capi, non vellicari ambitu honorum, non diuitiarum cupiditate irretiri, sed generosum mittere rebus mortalibus nuntium, inuolare in Claustra, vitamque transigere in obsequio Christi sua cum Cruce amplexati. Nomine Congregationi dato, coronauit rudimenta in domicilio Fulienti anno 1611. posita solemnem emissionem Propositi. Post stabilitatem votis assertam nonnullos dedit annos animi iuxta expolitioni sui, ac ingenij culturæ, floruitque conuersatione ad apices disciplinæ si quis alius efformata, ac demissione, paupertate, oratione, obedientia, charitate in paucis ornatissima. Celebrantur quammaximè eius apophtegmata in laniantes bonam proximi famam mordaci lingua. Patiendos, habebat frequenter in ore, & compatiendos. Sinendum obuolui in pessimo obloquutionum luto. Odio nequaquam insequendos, nec rependendam iniuriam obiectione rerum perperam ab ipsis gestarum. Imò cauendum ne acuantur vindicta. Molientes ultionem intimè angere, torqueri, ac proinde paratum maledicis damnum propi-

propinare sibi metipsis . Huiusmodi mordentis linguæ genios à Deo immitti in orbem terrarum veluti tempestates, ac fulmina . Futurum profecto districtum Iudicem detractionum . Dei tribunal vsurpandum à nemine . Quin potius prosequendos laudibus, curandamque resipiscentiam omni officiorum præbitione . Sat esse dignoscere ex loquela invidos aliorum gloriæ . Haurienda à censura indolis perficiendæ argumenta, & expungendum quidquid murmure pungunt . Iussus deinde transiret in animarum venatorem, sacri Ecclesiastes arduam spartam aggreditur . Conscendit insigniora Urbium suggesta . Declamat cum fruge ad turbas, alios è foedo voluptatum cœno ad puritatis cultum educit, alijs pacis sensus insinuat, & hostibus conciliat insectatis . Alios in adolescentiæ lubrico positos dirigit ad Regularium mansiones, reuocatos ex fluctuantis gurgitis æstu ad placidum tranquillitatis sinum . Detonat præcipuè in gliscentem per Gallias hæresum vim, & plurimis Ecclesiæ gremio per alias provincias restitutis, obtemperat Episcopo Mimatensi, & errores inter Gemmenios populos contendit euertere . Sed vergebat profundum iam ad senium ætas . Asceticæ labor pœnitentiæ, ac Evangelici defatigatio muneris rebur corporis pessunderant omne . Attigit itaque contentionum, & dierum periodum anno 1632. in Monte-Pessulano . Curarunt funus P. Capucini, qui sicut tantum hospitem auidè exceperant in contubernio, ita functum vita ad suorum Sodalium cineres collocarunt, virum planè Seraphici spiritus, dignumque habendi tumuli locum inter Patriarchæ Seraphici sectatores eximios . Post multos à dormitione annos in referato conditorio repertum cadauer incorruptum, visumque integrum adhuc corpus comprobasse vt vt potuit inhabitantem olim animam ex carnis domicilio nullam vitiorum carnis contraxisse tabem, & à corruptione impuritatis intactam .

1632. Ioannes à S. Mauro sexto Cal. Septembris anni 1617. Fulienfis professionis in ipsa Abbatia Fulienfi assertor, ex traditione Petri à S. Romualdo Thesauri Chronologici Parte tertia, pagina 915. natalitiam sedem nanciscitur Oppidum Diœcesis Augustæ Ausciorum ab indigenis appellatum *Miranda*. Gessit in Congregatione Assistentis munus, floruitque multa condecoratus virtute, patientia maximè, quippe qui diceret adornantes à Sæculo fugam, ad monastica conuolare stipendia, nedum nemini illaturos iniuriam, sed & accepturos
æqua-

æquanimitèr, si nonnunquam molestijs impetantur. Aduenientia mala retundi si generosè ferantur, secus inualefcere, & grauiora incumbere quando ægro sustineantur animo, serenitatemque interturbent. Melioribus etiam artibus apprimè delectatus, illis intendere libenti profitebatur Minerva, quò eliminaret inscitiam haud secus animo perniciosam, ac corpori cæcitatem. A mala autem sanitatis fide præpeditus ne literarum studijs pro voto inhaereret, conquerebatur cum Seneca: Hominem ad immortalium cognitionem nimium esse mortalem. Plurimi faciebat benemerentes de erudita Republica, tunc potissimum cum vigilias ad perfectionis incrementa, & vitiorum exinanitionem elaboratas prælo supponerent. Pollebat in consilijs prudentia, & æquitate; cumque nihil ageret, quod veluti sua gutta maturitas non respergeret, liquidò innotescebat proceram eius corporis staturam à Spiritus magnitudine exæquari. Concessit in fata meritis, ac virtute supra ætatem cumulation.

1636. *Bartholomæus à S. Fausto*, Theologus in Moralitate eximius, & primæ inter notæ Scriptores. Patriamque, genusque, calamitè monumenta, munerum decora Athenæum depromit, vbi Siculum Platiensem refert ex profapia Pirrorum, & cum præcellentium Synopsi vigiliarum, Prouinciæ Romanæ Prouinciæ, & Generalem Societatis Visitatorem concelebrat. Præclara laudum appendix hic attexenda ætas est per omnem ducta probitatem, & vitæ periodus cum existimatione sanctitatis conclusa. Confert ad stipulandæ pietati legalibus, & speculatiuis instructum facultatibus, meliores tamen intendisse neruos cõparandæ doctrine, cui ab erudiendis moribus nomen. Enimuerò ad mortalium castigationem institutionem propagatus in illo ardor à studio suæ perficiendæ indolis primò cõcaluit. Scriptio quoque explodens laxiores sententias, & tutiores solummodò adstruens quam nobile extat vestigiùm conscientiæ sedentis optimè in stricto Auctore. Nomen vbique solemne, vigiliarum repetitæ, & acceptiores semper editiones nullam viro humilimo elationem afflabat animi, quinimò famæ applausu cum tanta sui demissione pollebat, vt declinaturus honores egrederetur domo perquam rarò, & congressus pro agitandis confessionum quæstionibus deuicaret, suarum veritus inanitatem responsum is, in cuius tamen opiniones, solidiori innixas fundamento nulla vnquam non concederet sessio. Quæ graduum

duum præminetia facile capit mortalium mentes Bartholomæo à S. Fausto visa propiùs horrore fuit, & humilitati, virtutum scilicet Principi ex corde litans, Deo fidem obligauerat suam splendidius Confessario officium procuraturum se nunquam. Cum verò obtemperandum fuit Urbano VIII. res sacras è Petri folio temperanti, & Prouincialis in prouincia Romana conscendere gradum, aliosque subinde exercere iubente Patrum conscriptorum Senatu, studijs quâ fouendæ disciplinæ, quâ adaugendæ alumni demeruit mirifice Ordinem. Aliæ quoque inerant consuetudinis suspiciendæ partes. Habebat in moris compescentiam carnis frequenti vsu cilicij, & abstinentiæ. Faciebat ad Aram summo mane clausis adhuc Ecclesiæ foribus, cum amotis testibus liberiolem aperiret lacrymis cursum, & deuotionem ad vota protraheret. Cultus in Deiparentem satis, superque notus. In Abbazia Vicensi diurnus Pœnitentiarius dabat calamo consignanti scriptis doctas casuum resolutiones, occupaturas postea typos, noctis horas, diurnum autem tempus absolutum à Monasticis numeris impendebat, vel sessioni in Exedra pœnitentiæ sacramentalis, vel preci ante Virgineam Iconem miraculorum patratiōe ibidem coruscantem, vel circuitiōibus Nouenarum. Consueti illic Nouenarum deuotio. Aliæ Maiores sunt, Minores aliæ. Maiores obeunt circumfidentes populi, longèque etiam seiuncti cum semel in anno conueniunt, & antequam introgressi Basilicam ad aures absoluentium noxas deponant, intersint celebrationi sacri, persoluantque vota, cum Rosarij Mariani recitatione, seu cantu Litaniarum, exteriorem Templi ambitum nouem vicibus emetiuntur. Minores peragunt introrsum reliqui accedentes singulatim, & duntaxat circa sacellum Imaginis miraculosæ illa ædificatum arte, vt vastæ molis medium occupet spatium, ac incessuris per gyrum aræ oualis multum accommodet. Has Bartholomæus vel Dei Matris fertum, vel contemplando præconia multoties congeminabat in die, & pijsimè quidem.

Sed parentalium celebritati seruatum adhuc vitæ absolutioris specimen præcellentius. Diem suum dixit religiosissimè in Neapolitana ad S. Caroli Maioris æde 20. Iulij anni 1636. Cum verò efferendus ad tumultum fuit, & portitores demortui corporis extra Monasterij limen posuere vestigium, conuolarunt ad feretrum auiculæ ignoti generis, dulcissimi cantus, pennisque mira colorum varietate respersis, qui-

quibus ac si interesset cum sodalitate Monachorum persolvere defuncto iusta, ducto simul funere, simul ingressæ Ecclesiâ celeri alarum explicatione Aræ maiori imminentem umbellam, occuparunt, & concentus edidere Angelicos quamdiu expositum cadauer operiretur humo. Rei novitas infimum quemque, summamque virum, puellas item, matronasque Urbis amplissimæ ad nostratum Templum attraxit. Rapiebantur omnes dulcore vocum, demitabantur pennates non antea inspectos, suspiciebant præstitum elato Ascetæ funebre obsequium. Alij manus, alij pedes æmula deosculari veneratione contendebant. Felicior habitus, cui contigit aliquam indumentorum laciniam reportare domum. A frequentia prohibiti bi duo Patres condere vita functum, & cum arrepto noctis intempestæ commodo, contumulare valuerunt, siluere auiculæ, auoleruntque, nusquam præterea visa.

1640. *Eustachius Affeline* in hanc vitam missus. Lutetijs 27. Aprilis 1573. Parentes illi *Eustachius Affeliné*, & *Maria le Grand*, *Picardus* uterque, & ex familijs, opibus, ac genere iuxta perhonestis. Genitori scilicet *Domino de Champeaux* plurima circumstabant fortunæ bona in proximo *Vico de Formerie*, Mater verò Patre edita nobili Equite, Gubernatore, & Magno Iudice *Bellomontij* ad *Isaram*, fauore *Francisci Primi* in *Aula Regia* optimè noto, tangebatur consanguinitate illustres etiam in præsentiarum domos, de *Vaudueil*, de *Condè*, de *Mouis*, de *la Bretonniere*, de *Houdan*, & d' *Acquefseau*. Lustrico die renouatum in puero Parentis nomen. Liberaliter postmodum educatus, tardioris habebatur ingenij. Verùm, Pater, qui literis ab adolescentia operatus egregiè, inter causarum Patronos nemini deferebat primas, & suæ celebritatis in *Parisiensi* foro iam gratulabatur hæredem *Ioannem ex natis alterum*, nequaquam despondebat animum *Eustachium*, lento quamuis pede, assequuturum tamen & ipsum doctrinæ famam. Spem superauit euentus. Quinto nimirum supra vigesimum ætatis anno laudem attigit *Diuo Thomæ Aquinatis*, & *Francisco Suarez* communem, repente videlicet explicasse ingenium diu veluti clausum, tunc enim iniitandus gloriæ declamare ex suggestu incēpit, docere ex Cathedra in *Caleuitano Collegio*, nonnullos præterea electissimæ prosapiæ habere domi adolescentulos Auditores, vnâque demirari hæbraicis exculctis literis, atque Græcis,

latina disertus in eloquutione, excellens in facultatibus, & doctrinæ rumore longè auolare supra florentissimæ Vniuersitatis consocios. Et quales amabò, quantosue? Ex illis enim Philippus Cospeau Aturensum, Nantensium, & Lexouiensium successiue Antistes, Paulus Boudot Audomaropolitano primùm, Atrebatensi exinde donatus pedo, Georgius Frogerius Pastor ad S. Nicolai Chardonnensis, Ludouicus Messier cum animarum ampla Lutetijs procuratione, Archiepiscopi Parisiensis Generalis Vicarius, Laurentius Bernard Præfectus Collegij Cluniacensis, & antiqui eiusdem Ordinis restaurator, Natalis Mars inter Benedictinos magni Monasterij denatus religiosissimè, & conditus tumulo ab imploraturis suffragium frequentato, nam consequutæ æternæ beatitudinis opinione clarus, Iuo Kerbic Rector Vniuersitatis, in eadem Doctor, tandemque Theologalis Trecorienfis. Præclara hæc inter capita Eustachius anno 1603. Scholæ spectatissimæ Antistes, & 1604. eiusdem renuntiatur Doctor, sortitus tertium non honoris, sed sapientiæ, illa in Licentia locum. Nec pijs interea spatijs defraudabat pietatem. Indoli non alia præponenda suauior. In summo applausu demirandæ modestiæ cunctis reuerentior erat, matri potissimum, desiderato iam Patre, cui etiam venerationem conciliabat, & obedientiam vti ab vna, & altera sorore, totidem enim erant, ita & ab vnico germano Ioanne, nam ex tribus Claudius primo natus loco acerba decesserat, in ætate. Aris initiatus Missæ celebrationem fecit primam, solemnemque in Templo ædis Sorbonicæ, cui deuotionis, & honoris ergo inseruire in Diaconi ministerio voluit Philippus Gamacheus, Doctoratu, Magisterio, suppositis calcographiæ vigilijs famigerato suo nomine maior. Literis, & orationi vacationem assiduam contestatur Claudius de Rueil, scientiarum naturalis, & diuinæ in eius Gymnasio per biennium auditor, indeque Aquæ-Augustæ, seu Boiatum, ac Andegauensium Hierophanta. Data enim Epistola ad Nicolaum Frogerium fatetur: toto illo tempore conspexisse Ioannem non alijs adblandientem animo laxamenti, quàm transitu à studio ad precem, à prece ad studium, bonitate naturæ consequente semper vestigia Spiritus, & perquam facillimè, A Sacerdotijs reddituum lautitiæ splendidioribus, vltroque etiam oblatione reiecta, semper abstinuit: quippe in animo commodorum exuberantiam infra tenuem censum habenti nullus principabatur diuitiarum amor. Et exiguus pro-

profecto erat affulgens domi opum splendor, nam, si denias ædem Parisijs, & hortum apud Gentiliacum, prouentuum reliquum sua vorauerat ingluvie fœderis contra Regem initi Mars quaquauersum defæuens. Rectoratum Lycei, Doctoris honorem nimium qua sui animi demissione refugeret, nam inclita decora assumpsit duntaxat concitantibus, impellentibus aureo dignissimis æuo Andrea du Val, ac Philippo Gamachæo iam laudato. Euulgata editione libri de Ecclesiastica, & politica potestate, operę fructum probauit suæ. Enimuerò, à Cardinali de Rets Archiepiscopo Parisiensi adhibitus, auctorem à noua abduxit doctrina, declarauitque castigatior subinde Scriptor se, suoque à calamo impressas, & imprimendas elucubrationes Romanæ censuræ velle subiectas, nec latum quidem vnguem recessurum vnuquam à summa auctoritate Orbein attemperante è Petri sede. Charitas vti viduis, ac pupillis vindicem, ita spirituales poscentibus directionem institutorem parabat optimum. Dei verbum plenis annuntiabat subsellijs, suntque adhuc in pretio explanationes symboli Apostolici ad populum habitæ dominico quoque die anni 1603. At verò dum iuuat Sæculum, amore capitur sæculum abdicandi, & eius concalescentia cogitare Fulienses, voto etiam se penes in Cartusianorum Ecclesia emissio, accensendi selecto Ordini nomen. Accensuit Parisijs, sed constanter primò reiectis grauiorum etiam virorum consilijs omnem admoventibus machinam ad labefactandam pietatem pectora tangentem ardentius, præferentibus proximorum compendia secessui in Claustra, accusantibus sospitatis fidem non satis bonam, exagorantibus Sorbonæ, illo recedente, iacturam, constanter etiam depulsa procuracione proposita absolutionis à iureiurando, Romana quidem ab auctoritate impetrandæ. Et ecce afflatui ab alto annuentem Eustachium è Sorbonæ lumine transire in Fuliensem fidus, induere Monachum 14. Februarij 1605. & sanctiori cum vitæ norma sanctius cognomen assumere *Eustachij à Sancto Pauls*. Futuro Congregationis sectatori cum paucis ornatissimo contigit fortiri incunabula cum Reformationis prima eluxere crepundia, nimirum 27. Aprilis 1573. Eustachius Asseline, & Maria le Grand Eustachium nostrum habuere Parisijs, & Barrerius, suscepto regulari indumento, eisdem dieque, menseque, annoque restituendæ Fulij disciplinæ operam incepit nauare suam. Cumque Cœtu, & institutione iam pro-

pagatis, à Pontificia approbatione procuratum legibus Apostolicum munimen, accidit quoque Eustachium amplexandæ Religioni animum adiecisse Lutetijs, nec alibi, quàm Cartusianorum Templi ante principem Aram, vbi & Venerabilis Congregationis auctor iurauerat migrationem à Sæculari in Claustralem Abbatem. Itaque à carceribus, seu ab emissionem in hanc lucem Eustachius iam designatus Fulienſis. Cumque, annuens vocationi intus auriganti, tesseram suscepit Propositi ingens planè beneficium effulſit Numinis nonam plantationem eximijs fauoribus excolentis. Præclara sanè decora in Congregationem ab ipso profecta. Inuexit in Religionem Ascetam vndeque factum ad hominis interioris characteres, honestauitque tyrocinium primò quidem inclito sui periculo in eiusdem puluere facto, & demum à recenter professorum triennali arena dimensa assumpta continuò præfectura. Quæ in alijs aditus est ad expolitiorem virtutem rudimentorum positio, in Eustachio comprobatio fuit Monachi suis numeris iam absoluti, socijs exemplo, Magistro admirationi, digni proinde qui Magistrum ipsum in officio exciperet. A fœcunda, dilucidaque Minerua Claustralibus Lyceis nitidior inclaruit lux; *Summa nimirum Philosophia quadripartita, & Summa Theologia tripartita*, prima quarum lineamenta cum professor in Collegio Caleuitano concepiſſet, absoluit postmodum Lector pubis Religioſæ, ac sæpè sæpiùs recudendas typographiæ tunc primùm vltima cum linea exposuit. Delatorum munerum constitutus in vertice, priuatæ, ac publicæ virtutis luculentum iubar in totum cætum effudit. Porro tenuit honorum culmen anno 1609. ex nouitio nouitiatum absoluentium Magister, & gerens Prioris vices in tota domo, 1612. Præfectus Clauſtri apud Cellas, 1614. Antistes celebriſſimæ in Lutetiarum Vrbe, 1617. ex Gallia amandatus Romam, moderator Sancti Bernardi ad Thermas, 1620. Viſitator generalis, tenuitque quinquennio inſpectionem, 1625. Confessarius Fulienſis Sanctimonialium Gynæcei ad Dominam noſtram de Charitate intra Pariſiorum Urbem, 1628. Fundator, & Rector Colonix Sueſſionenſis, tandem anno 1629. renuntiatus Abbatis Generalis Aſſiſtens, fuitque in præcipua dignitate ad duodennium. Hæc in gratiam Hiſtoriæ denſa verſantis in caligine, vbi rerum, temporumque deſiderata non interfulſerit claritas. A diuini præterea contentione obſequij dimanauit rituum, & priſci Ci-

ſter-

sterciensis Breuiarij expolitior secundis curis impressio. Porro à rerum vsu, & captata Principum, Procerumque beneuolentia processit ab Eustachio familiarum vbi incrementum, vbi noua molitio. Apud Cellas in Comitatu Blesensi erat Abbatia fundata per Chilpericum Regem, anno 531. inaugurata Dominæ nostræ, & tradita Benedictinis, quibus postmodum suffecti Canonici Regulares, legibus Diui Augustini sola professione deuoti, nam tenore consuetudinis reuerà exleges. Philippus de Bethuna Cellarum Comes, pro Rege Christianissimo bis Romæ Orator ad Paulum V. & Vrbanum VIII. alijsque deinde Christianos apud Reges legationibus cum laude perfunctus induxerat nostratum manipulum in sedem collapsam, vbi enim à fulgore obseruantia Ascetica excidit mansio, rectè collapsam dixeris, & Abbatia largitione constabiliendos à Rege curauerat. Recentiori Colonæ Eustachius delectus Antistes cum facultatum scholas simul ibidem regeret, religiosæque adolescentiæ ingenia ad honestum sapientiæ ignem accenderet, simul absoluendæ septorum structura, simul fastigiando vacauit Templo, simul vindicandis inhestit Cœnobij iuribus, quâ neglectis, quâ direptis.

Primam spartam ad vota cum impleisset, consalutatus Prior Sancti Bernardi Parisiensis, multi non secus ponderis, quàm momenti suscepit munus agitandi sancitorum vim, ac centum alendi Monachos aduentitiam præter stipem certo quocunque prouentu omninò destitutos. Adeat qui addubitet Perandæ Epistolas, enimuero ibi reperiet, & Cardinalem Caietanum, literis Roma Parisios daris, Urbis splendidissimæ amplissimos Consules concitasse ad iuuandam hospitali manu inopiam summam Fulientium Patrum, quos latifundijs vacuos innuit, & ad victitandum contentos paucis vnà commendat. Sed annonæ charitatem in copiam perpetuò exuberaturam, breui manu solers Prior conuertit plurima, quam apud Regem sibi inierat, cum gratia, tum & exultatione. Ludouicus quippe Rex huius nominis tertius & decimus cum claustri limina frequens tereret, & humilitatis, ac beneuolentiæ excessu planè suspiciendo discumbentium mensis Patrum quidpiam obsequij Regia non dedignaretur præstare manu, munificam in Nos deuotionem prosequutus, attribuit in dotem Cœnobij Vallem Sanctæ Mariæ, quo nomine venit Abbatia Ordinis Cisterciensis, de linea item Cistercij secus Lutetias, ad viginti argen-

argenteorum millia diues. Tantæ accessione pinguedinis solemnis Conuentus Regiæ aditus, Regiam vndequaque præfert maiestatem æqualem amplitudini trium Regum, è quibus Henricus III. fundator primum, sed angustioris, schema Hospitij instruxit, tanto ardore Barre-rium cum socijs secus Vicenarum saltum hospitantem ibidem traducendi, vt compelleret ad laborantes incumbere ædificationi die, nocteque. Cum autem excrecente sodalium multitudine imitari oportuit Diuum Bernardum, & quemadmodum ipse penes Claram-Vallem, ita nostrates Lutetij secundum, ampliorisque vastitatis adoriri Cœnobium, Henricus IV. & Maria Medicea primordiale Ecclesiæ lapidem vno, eodemque die voluere singulatim deponere, Henricus quidem de mane, Maria vero ad vesperam. Currebat tunc æui labentis annus primus, mensis autem Martij 27. toti Galliæ auspiciatissima lux, qua partui iam accincta Regina Medicea simul atque magnificentissima ab hac celebritate in Aulam concessit, Delphinum feliciter enixa, pro æde Deo posita Regnorum successorem progeniuit. At funesto quòd nimium sublato fato, seu Henricus III. seu Henricus IV. implere nequierint fundatorum nomen congrua largitione census, Ludouicus inito sceptro, & memor Regem genitorem suum ad impetrandam sobolem Fuliensem vouisse Basilicam, nec primum collocatum ab eo lapidem, quin statim Natalitius suus, suæque contoralis Reginæ illuxisset dies, prædecessorum æquauit mentem, & substantijs muniturus pauperrimos lares transtulit in ius Congregationis à Cistercio deriuatæ Vallem Sanctæ Mariæ Cistercij filiam. Sacris idè redditibus Asceterium Parisijs impinguatum alumnos alit ad centum, è quibus alij adolescentiores scholastico versantur in stadio, alij in facultatibus iam emeriti ad quodcunque præterea bonarum artium corollarium comparandum assurgunt, alij Ecclesiasticum exercent dicendi genus, in quo adeo præstant, vt si citrà inuidiæ discrimen veritati litare fas sit, Fuliense atrium consalutare liceat equum Troianum, è cuius penetralibus, Athletæ prodeant, populis ad Dei amorem inflammandis, zeli fertore, exempli face, doctrinæ copia, dictionis elegantia, & actus energia aptissimi. Illustres hæc Athenas in Principe regni vrbe Regique, Eustachioque debet Ordo, opum elargitore altero, altero promotore votorum, qui etiam ad Congregationis commoda vltcrius semper progrediens intra sinum beneficentia,

tia, & Regis, & Optimatum, fauorum protensione, impetrauit anno quidem 1622. nostros homines dilatarı ad Sancti Martini Lemouicensis, indè amandatis aliò paucis Monachis habitus, at non iam Benedictinæ viuendi normæ; anno autem 1629. Cœnobium Vallis Sanctæ Mariæ Cisterciensis professionis spiritum rediuuium postliminiò recipere, Reformationi scilicet, quam vouemus, integrè subiici, & quemadmodum Abbatialis opulentiæ mensæ Parisiensis tectum dirabat, ita Monachali portione propaginem illuc extendendam enutrire. Quæ præter cum Franciscus Annibal de Estree Franciæ Marefcallus, conflata pietate cum Maria de Bethuna vxore, adornaret Sueffione contubernium Sancto Bernardo nuncupandum, & sub reformatis Sancti Bernardi sancitis Deo obsequuturum, ductorem propaginis anno 1624. illuc emissę Eustachium expetijt, qui effusa benignitate ab Antistite, & cunctis Ciuitatis Ordinibus exceptus, aream comparauit, septis aperuit fundamenta non alteri in tota prouincia elegantia, & laxitate concessuris, quando postrema detur manus primę, quam ipse apposuit. Sed sanctiorem meditabatur semper tyro-num informationem, adeoque volens & illorum segregi ab antiquioribus conuersationi prospicere, Petrum Segulier Franciæ Pro-Cancellarium induxit suis auspicijs singulare eisdem conderet edificium, quod sub inuocatione Angelorum Tutelarium in Vico S. Michaelis Lutetię Parisiorum consurgens fundamentale habet saxum in hæc verba insculptum.

Deo Opt. Max.

*Lapis iste pro fundamento huius Monasterij Congregationis Fulien-sis, sub auspicijs Sanctorum Angelorum custodum erigendi, ab Illust-
rissimo, ac Nobilissimo Viro D.D. Petro Segulier Francia Pro-
Cancellario meritisimo, positus est Anno Domini M.DC.XXXIII.
Die VII. Kal. Iul.*

Huius coronidi foundationis meliores ne intenderit neruos lector dijudicet. Qui gradu tunc pollebat Assistentis, migravit in Rectorem edificandę sedis, nec Antistitis Generalis repetijt latus, Consultorumque subcellia, nisi Templique, Tectique excitatione iam consummata.

Nec Regularia compendia plenè absorbebant Eustachium. Ad Doctorem cum fama sapientissimi vbique celeberrimum conueniebant

bant vnde quaque expostulatores consilij . A secessus præterea studio, ab Asceticis Præfecturis, ab elucubrando abripiebatur ad instauranda vbique sanctiora virtutum exempla, ad declamandum in vitia, ad procurandas conscientias, ad regenda sanctimonialium Collegia, ad Monasticorum quorumcunque Cœtum emendandos mores vbi legum excusso freno conuiuere, ad mortales fatali in articulo adiuuandos . A sacro confessionum ministerio cum esset plurimæ Ordinum cunctorum frequentia, Principissæ Condœui, Comitissæ Sueffionensis, Ducissarum Longauillæ Matris, ac Nurus, Catharinæ Aurelianensis temperabat in primis, expiabatque conscientias . Discretionem pollens animarum probauit Spiritum Mariæ ab Incarnatione inter Sorores asperioris Carmeli supernis reuelationibus, & integerrima conuersatione effulgentis; indoles autem damnavit ex alijs plurimas, quas deprehendit miserum in modum vitiatas hypocrisis, corruptas animi elatione, & gressu à sanctitatis consequutione quam longè aberrante in dæmonis artes concedere . Ingrediendam cum sensit communem vniuersæ carni viam Magnus Franciæ Cancellarius de Beluire, pendere continuò voluit ab ore deuotissimi viri, ut sensu præcipuè diuinorum, ac gustu oppeteret feruentius Cœlum, & per gloriæ libamenta supernæ desiperent animo Mundi honores, rerum splendor caducarum . Marefcallus de Marillac anno 1632. damnatus capite à spiritualibus sibi adiumentis Eustachium admo- ueri cooptauit, habuitque cum fruge coonestatæ corporeæ cladis pulcherrimæ specimine mortis . Haustus nimirum nobilibus ad pietatem excitamentis æquanimiter admodum accepit sortem asperam fati; Criminationis molitoribus remisit perquam generosè odia ad perniciem instructa; Cognatos, amicos monitos voluit. compescerent & ipsi iras, motusque vindictæ, quibus ipse præposuisset indictam à Christo dilectionem in hostes . Vitæ antea cæcæ generalem obiuit expiationem, corde à doloris vi in lacrymarum imbrem prope- modum abeunte . Absolutione autem à noxis in ipso percussionis articulo percepta, afflatæ deuotionis egit Eustachio grates, pro se oraret expostulauit; ab adstantibus precum item subsidia deprecatus est; Deo commendauit spiritum, & pœna capitali gradu sibi factæ ad dictum clausulam apprimè dilaudandam, dedit spiculatori ceruicem .

Hæc super inualuerat eodem temporis rumor ad reficiendam ,
pro-

promouendam disciplinam in virorum, mulierumque Monasticę conuersationi deuotis septis Eustachium vnice natum. Ergo complecteretur vigilias exorari passim, hortari ardentius, vrgeri, nec illum obluſtari, sed opportunas dare manus contentionibus Deo longę gratissimis. Cum, Gregorio decimoquinto maximam demandante prouinciam, Cardinalis Rupeſucaldus in tota Galliarum amplitudine Monasticorum inijt uisitationem, & sartam tectam Ordinum S. Augustini, S. Benedicti, Cluniacensis, Cisterciensis, purpurato Eminentiſſimo subijt in mentem consilium expleri id negotium nec rectius, nec sanctius posse, quàm si ingenti curę viros deligeret comprobata prudentiæ, exactæ probitatis, nec impares solidæ fama doctrinæ. Asselino primæ delatę partes, sine cuius Oraculo innouatum nihil, quo dictante conscripta, prolata instaurationis sancita, consultumque laborantibus institutis egregiè. Eius potissimum nauitate luculenta S. Dionysij Abbatia anno 1634. adijcitur Congregationi S. Mauri, cuius itidem ornatissimę Reformationis Cœnobiticos antea maturauerat Canones, & primus post Rupeſucaldum Apostolicum Delegatum subscripserat anno 1623. Adlaboraret præterea oportuit absolutiori Sanctimonialium consuetudini, ac censoria defungi inspectione Regiarum foundationum Calensis, Malnouij, & Vallis-gratię terque quaterque, septies Gynęcei Matrum ab Assumptione Dei-parentis nuncupatarum, octies Vrsularum in Vico S. Iacobi, quarum simul statutis ad apices strictioris obseruantię elimandis operam nauauerat suam. Solemnis autem Abbatia Fontis-Ebraldi, & familię ius Monasticum à nobili planè capite accipientes ad totos annos tres inuisorem tenere disciplinę, & Rectorem in spiritu. Desudauit & ad miraculum feliciter pro sanctius expolienda professione splendidissimi Collegij Virginum de Maubuisſon Ordinis Cisterciensis ad Pontisaram, ea propter inter Virgines Agnum cęlestem nunc verè sequentes, seu imitantes iure merito adnumerandas. Apud Moniales de la Saulſeay secus Lutetias præterquam quod à sacris ministerijs, Cenſorque conuersationis, audit restaurator, & post Diuum Benedictum Legislator alter. Quippe qui Reginę Regentis iussu sollicitudinem complexus asserendi in inclyta statione Benedictinam viuendi methodum, Constitutiones ediderit, reparationem adornarit adeo ad vota auspiciantis Reginę, vt quidquid in hanc rem solers

promotor deposceret, statim illa iuberet. Rogata amandarentur illuc tres Sorores è mansionē filiarum Dei, electissima in Vrbe Parisiensi sacrarum Vestalium sede, continuo scripsit Abbatissa Fontis-Ebraldi cuius propositum regularitatis inibi floret, & ablegandas sategit. Deprecata accederet ipsamet ipsa, conatus prosperè tunc auctoraret, è vestigio perrexit, & rerum faciem pro desiderio speciosiore demirata, sanctimonialibus in aula capitulari collectis verba fecit pijsimæ Dominantis maiestate, zelo, benignitateque condigna, ac renouationem mirificè gratulata, commendata insistentia, vestigia iterum reuocauit ad regios lares.

Non hæc profectò citra Ascetæ absolutissimi celebritatem summam, laudemque. In Vrbe rerum arbitra Prior S. Bernardi ad Themas apertum teneret limen fas erat Regio Ablegato Annibali d'Estree, Franciæ postea Marefcallo, Cardinali Marquemontio, multis è Prælatorum censu, Gallo cuique illustriori, confluentibus cunctis siue expostulandi consilij causa, siue exponendi interiorem animarum sinum. Ipse Pontifex Maximus Paulus V. agnitum, auditum, à sapientia dilaudatum arduis consultationibus sæpè sæpius occupabat. Vbi verò in Gallias redijt Nuntium Apostolicum passim monebat opera vteretur eximij cum paucis viri, quem etiam augustam assumere ad Purpuram secum voluens, Annibali de Estree, qui supra, Aulæ Christianissimæ apud S. Sedem Oratori conceptam aperuerat mentem, condicens, aduocatum Lutetia assereret iterum Romæ. Ille verò Vaticano Galero præhabita absconsione sub modio, Oratorem sibi intimum exorauit reditum nequaquam vrgeret, & Papæ animos in se amplissimos in alios deflecteret dignitatis eminentissimæ promerentiores. Porro moras ducentem Parisijs cum Rege Christianissimo, Regina Matre, & Regina Sponsa, supremo è sanguine Principes cuncti, Cardinales Rupefucaldus, Berullus, de Richelieu, de Rhets pari habebant existimationis loco. Aulæ Administri, Senatus Patres conscripti ad expetenda consilia, & amplectenda ferebantur arcana vi, quam sententijs influebat cum profunda doctrina agendi suauitas, atque candor. Odorem inhalantes præstantioris virtutis impensius reuerabantur, colebantque, & si qui alij D. Franciscus Salesius, Cardinales Rupefucaldus, & Berullus, Maria ab Incarnatione, Margarita de Arbouze. Et quidem cum celeberrimo Gebennensium Præfule arctior à facultatum puluere necessitudo, propagata vsque ad cine-

res genij conformitate, & ingenij, accessibus cum Parisijs adesset, cum verò in sua Dioccesi consisteret compellatione epistolarum, in quarum vna inquit: *Enitamus nos simul unire in Christo Iesu: tu mi Pater ad meas descendendo infirmitates, ipse verò assurgendo, & ad tua conscendendo incrementa*. Ab eisdem studiorum spatij intimæ nexus amicitiae cum Cardinali Berullo, qui Congregationis Oratorij adhuc Generalis ad se aduenientem genibus in solo positus aliquando excepit, eratque, Eustachio item ad eius pedes procumbente, cernere quodammodo amplexus SS. Caroli Bortomei, & Philippi Nerij, itemque S. Ludouici Galliarum Regis, & B. Egidij Socijs S. Francisci; nempe inter Dei famulorù nobile par silere linguam, corda loqui, nescire alterum ab alterius vestigijs assurgere primum, & complexus dimittere sanctiores. Cardinalis Rupefucaldus piarum curarum grauiora illi momenta demandans, dextrum suum appellabat brachium ad inopum subsidium, Religionis fulcimen, vitiorum excidium, peregrinarum euerfionem doctrinarum, oppressorumque leuamen. Accepto decessus nuntio intimè doluit, ingentem iacturam multa etiam lacryma contestatus. Maria ab Incarnatione, quæ consummata perfectionis coruscum iubar, prælucenti exemplo addebat cæteris mentes ad virtutem ardentiores, factos mirificè suo pectori sentiebat animos cum alloqueretur Eustachium, & pro sui regimine spiritus legere censebat consilium Numinis cum illum audiret. Qui nam porro ferent de illo sensus in Margarita de Arbouze, cuius memoria in benedictione, petendum ab eius vita edita Parisijs 1628. Michael de Marillac à secretioribus Regis consilijs, & demùm Regni Procancellarius Eustachio, cum Romæ hæreret, significauit consobrinam suam Margaritam, ex Sanctimoniali in Monasterio Montis-martyrum traductam ad Vallis-gratiæ Abbatiale Parthenium, moderatricem ibi renuntiatam à Rege. Benedictina illic penetralia à præclaræ decore institutionis in indolem degenerasse laxiorem. Electæ in Antistitam stare cordi occurrere neglectæ Regulæ, & vitæ regularis integrum restituere cultum. Negotio Romæ prius transigendo conatus impenderet & ipse suos. Eustachius arrepta statim occasionis tempestiuitate, & compositis epistolis concitaram inflammare vehementius studuit Margaritam; egitque apud Cardinalem Bellarminum obfignarentur quantociùs Bullæ à Pontifice Summo, cum additamento

facultatis ad priscos reuocandos mores, eliminata liberiori viuendi licentia. Primo autem Vallis-gratiz inspectore D. Bernardo Benedictini propositi assecla pretiosa Sanctorum morte reuocato ad meliores Venerabilis Mater, subdit eius vitæ auctor pag. 237. reputare apud animum suum incepit sufficiens defuncto R. P. D. Eustachium Benedictino-Euliensem, quem, supra scientiam pietate instructum, & probitate, donorum elargitor bonorum Charismate cumulauerat visitandi cum operæ fructu, & reformandi claustralium penates Virginum. Aberat eo quidem temporis ex Gallia P. Eustachius, sed illuc maturabat regressum ex Vrbe. Cardinalis de Rhets votis Margaritæ deposcentis annuit quàm statim ad annum, quo elapso Sanctimonialium suffragia incubuere in eandem sententiam successiue ad alios iuxta statutorum præscriptum. Tota Abbatisæ fiducia impetrato inherere Visitatori, quem coelitùs sibi donatum assererat ad progressus restorationis inuictæ. Delectus apprimè in rem cecidit, æquauit nimirum Vir Dei existimationem de se conceptam. Nemo satis benè excogitauerit vnquam quanti compendij sit reformandis Religiosorum Collegijs aptum directorem contingere.

1. Nec mirum comperta virtute pollentibus Eustachium oppidò acceptum, cuius literarum ornamenta, famam nominis, labores item pro animarum salute exantlatos condècorabat astatim morum sanctitas. Dignoscendus ex vngue leo, à spiritualium scilicet contentionum momentis indictis, & proprio sibi caractere conscriptis. Documenta profectò sunt animi ad perfectionem reuerà collimantis.

1. Cum aliquis te visitatum accesserit, scias te in Deum colligere, linguam compesce, ne fortè tota Christi sapientia in multiloquio dissuat, & exinanita depereat.

2. Cum tua ad pietatem adhortamenta serò procedere, inspexeris, informatione non proficientem habeto arbutuli excrecentis loco, te verò cultorem considera. Insta operi, irriga, cole. Fructus si non tam citò, dabit tamen in tempore suo.

3. Ne cuiuspiam fueris vnquam acceptor. Id cum paucis caueto, & institutas animas, omnes in Christo Iesu compari dilectione complectere.

4. Quandoeunque nonnemo, aut sanè eius consuetudo tuo se genio minùs accommodauerit, nullam conferas in illum culpam, sed nota duntaxat inure tuæ defectum charitatis.

5. Ama nesciri, & pro Iesu Christo contemni.

6. Ne pijs coram hominibus pietatis sectator cense-

feri affectes; quinimò contende eisdem latere perindè ac reliquis. 7. Si amatorum Christi quempiam dilexeris; satàgito ne in illo illum potiùs, quàm Christum Iesum dilexeris; paratus semper eundem pro Christo dimittere. 8. Sensibilem veritus quandoque affectum, non ideo à quoquam è vestigio recedas: exorato potiùs Christum Iesum, Deumque Patrem, pura te donec flamma, quam ipsi spirant, alio quocunque defecato amore, quo ab ipsis maximè aueraris. 9. Si ex sententia nequaquam adulescere inspexeris, quæ procuraueris, bona, præbeto sua patientiæ spatia. Perpende quanta nam tolerantia innumera propemodum patrari quotidie mala Deus ipse sustineat, quandiu iniquorum resipiscentiam cunctetur, tui potissimum. Ergo & tu lentè feras pro Deo. 10. Deteriorem præ cæteris de te mentem semper habeto, non enim equè benè alios dignoscis ac temetipsum. In sinus nostræ prauitatis nunquam intimè satis peruadimus. Maiori illa ex parte nostros vt plurimum latet obtutus. Verendum quidpiam continuè superest, magis quàm penetrandum, & dilucidè conspiciendum. 11. De re dubia disceptaturus aliqua, nunquam in promptu non sit in aliorum magis transeundi placitum, quàm tuam pro virili propugnandi sententiam. 12. Et si de re ipse probabiliter magis quandoque senseris, tunc posthabeto acriori contestationi silentium. 13. Alio commendandam ineunte provinciam, cui studia iam ipse adieceris, equi boniq; consule, & ceterorum conatus in spiritualem eandem curam adlaborare; nullius quippe discriminis est, vbi animo benè sedeat reliquos pro diuina amplificanda gloria in pij aliquid operis intendere mentem, ingentis verò gaudere in sinu, quòd illam promouere nobis intersit. 14. Valde difficile est sanctorum etiam societates hominum aliqua non interturbari contentione; piscina quippe sunt agitata passim, aliquando quidè commouente Angelo lucis ad propinandam alicui salutem, vt plurimum autem perturbante spiritu tenebrarum ad inferendum Communitati excidium. Quandocunque igitur excitam conspexeris disceptationem aliquam inter consocios; prompta in Deum mente inuolato, & illius spiritu ductus obsequeris tempori, vel conticescens pro opportunitate, vel loquens, sed modis, & neutrius partium, conciliaturus potiùs animos, & sententiàs, vt dicere valeas cum Rege Propheta: *De vuln' tuo iudicium meum prodeat, oculi tui videant equitates.* 15. Summum te desiderium teneat

ceteros ad diuinæ augmentum gloriæ eniti præclare, & mortaliū, Cælituumque cum laude omnium vacare contentioni bonorum. Tibi verò sollicitius inhæreat vita cum Christo Iesu traducenda absconditè in Deo. Securius nimirum huiuscemodi vitæ ratio. Præstat à ministeriorum luce subduci, & ignorari, quàm ab eisdem benè gestis spectari, & plausu attolli. 16. Salutaribus quotiescunque monitis crudieris animas, ne votis insideat illas sentire egregiè seu de tuo cloquio, seu de tua virtute. Proficiant institutione, cæterum parvipendant & te, & adhortationes tuas; verè enim nihil sumus absque Deo, nihil sumus nisi pro Deo, & è re nostra magis foret nihil esse, quàm præsumere quidpiam esse absque Deo. 17. Tuas continuò aures euerberent verba Christi dicentis: *Venite ad me omnes, qui laboratis, & onerati estis, & ego reficiam vos. Tollite iugum meum super vos, & discite à me quia mitis sum, & humilis corde, & inuenietis requiem animabus vestris.* Ita haud dubiè: enimuerò humilis semper quiescit, & solus humilis verè quiescit. Et huiuscemodi quidem amoris in Deum, charitatis in proximos, declinationis à promerita gloria, mansuetudinis, suauissimæ animarum tractationis exactos numeros cum ante, & post exutum Sæculum Eustachius accuratissimè imple-ret, cumulat ab etiam reliquarum Auctuario virtutum rigidus exceptor corporis, impuritatis nescius, iniuriarum perpeffor, orationi intentior, laborum tolerantior, addictior simplicitati, seu vero disciplinæ spiritui fictam effugienti pietatem, quæ omnia disertius videre est penes Antonium à S. Petro Auctorem eius vitæ publicæ luci concinnatæ, expositæ anno 1646. Tanto cum apparatu meritorum Eustachius noster abiit ad superos. 26. Ianuarij 1640. Indole lenis, & placidi appetitor fati, sacra solemnia Diui Protomartyris Stephani quàm deuotè obiuit, interfuit decantationi Vesperarum, contigit ipsi præintonare Antiphonam *Sepelierunt Stephanum*, & eadem die tactus apoplexia, Ecclesiæ Sacramenta è vestigio percepit, ac trium horarum intra spatium mortalitatem tumulo donandam deposuit.

1640. *Magdalena à S. Ioanne*, Patre genita Ioanne Sublet ex Regi à Secretis, & in Parisiensi Regia Computorum Camera Magistro Auditore Cartusienſis propositi alumno, Matre verò Magdalena Bouchart, Sorore Protopreſidis de Champigny. Mortis legem subiuit Lutetijs 18. Octobris 1640. cum vitæ annum excederet sexagesimum,

sumum, Religionis verò vnum supra quadragesimum, quorum totos viginti, & alterum in Præfectura Nouitiarum emensa, vndecim in Subpriorissæ Officio, septem in Priorissæ munere exegit. Vota nuncupauerat in Tolosano S. Scholasticæ Gynæceo, vnde commigrata Parisios, effulsit ad miraculum maturiori quodam prudentiæ genere, & religiosi virtutibus excultior Virgo in Parthenio Domina nostræ de Charitate recenter molito in Vrbe principe auspicijs Mariæ Mediceæ Galliarum Regina, vbi & defungi promeruit Antistitæ gradu. Eustachius à S. Paulo temperator spiritualis sacri eiusdem Collegij, & delectus ad regimen Auctor in eius passim laudes effundebatur exuberanti cum præconio nunquam suis obuersatam obtutibus Rectricem claustralium Sororum mentis adeò tranquillæ inter curarum momenta, in tranquillitate vigilantis, ac operosæ, & vi intimæ vnionis cum Deo, actu purissimo, semper agente, & semper quieto, portante sine pondere omnia, citra laborem oratione, & actione continuò distentam. Valebat & ad gubernium lenitate adeò constanti, constantia adeò humili, humilitate adeò depurata, & depuratione in tantum sapienti, vt Sancius à S. Catharina Congregationis Cœnobiarçhæ eandem accenseret moderatricibus Religiosarum amplioris eo temporis capacitatis, & perfectionis magis excelssæ. Nimiùm facit ad rem Magdalensæ præstantes adeò Christi Vestalium directores Sancium à S. Catharina, & Eustachium à S. Paulo tanto habuisse illam in pretio.

1649. *Stephanus à S. Ioseph è Ciuitella Sabinorum*, nascitur 16. Maij anno 1621. editus genitoribus, quos religio, morumque candor commendabant cum paucis. Ab ephebo incubuit in salutis incrementa cauendo à prauis consuetudinibus animæ laqueis, additior studio rudimentorum fidei, illibati curæ pudoris, modestiæ, verecundiæ, insigniter pius in Deiparam multo vsu globorum Rosarij, egregiè pius in summam Triadem, ad quam vnoquoque mane consalutandam ter saltabat in ortu Solis. Quòd verò; Opilionem agendo, victui necessaria procuraret, visum nonnullis puerum suas in domos cooptandum, & præstò esse ad subleuandam incunabulorum inopiam commodiori fortuna. At ille damnata inanitatis libidine amplificandæ pro virili propriæ conditionis, è re sua potius duxit claustrali sub aliqua institutione mereri, vbi non pereuntium opum inhiaret lucris, sed

sed diuitiarum perennium inhæreret compendijs . Ea propter annorum viginti adolescens Montem-Soraſtem adiit , expoſuit PP. ſe illuc acceſſiſſe aurigante Diuino Spiritu , velle exuere Sæculum , poſcere inferrent candidatum in Oblatorum , Donatos vocamus , cenſum . Seniores, quorum intererat probare mentem depoſcentis ſodalitatem, inieccere poſtulationi moras . Sed trimeſtri famulatu in Sæculari lagena, magis autem indole ad concipiendam institutionem mirificè attemperata , euicit ſuffragantium ſententiam , initiatusque eſt obſeruantiz . Vbi induit habitum , probitas illa morum explicare ſe latiùs , & conſummatæ virtuti pedetentim accedere è veſtigio cœpit . Simplicior ne an humilior ? Quòd iuniores Clericos contendere in literario puluere cerneret, addubitauit nouiter Reformationi adiectos, Laicos etiam, addici ſcholis . Doluit proinde in ſinu, & animaduertendum ratus ab elationis animi irrepturo diſcrimine, conuenit Inſtitutorem tyrocinij, defectum ingenij indiſſimulanter accuſat , exorat, ne falliturum operam ludis literarijs deſtinarent . Humilitatis ſenſus demiratus Magiſter, vnum , reſpondit, ferendæ crucis ſtudium omnibus Ordinibus in Monasterio commune . Cæterùm Laicorum palæſtram eſſe obſequij domeſtici multiplex pondus . Cui Stephanus cum ceruicem flexiſſet alacriùs robore virium, animi ardore , occupationes vorabat . Labor nunquam prædurus, ingratus nunquam . Ità verò actiuoſior erat, vt verus etiam obediens audiret : Iniungeret quantum vellet Superior oneris , ab vno officio euocaret repente ad aliud, nihil detrectabat, improbabat nihil . Mandaffe Antifitem ſat erat, vt inducias abrumperet, abijceret voluntatem . Semel ille ad ſanctiùs obtemperantis periculum nescio quid operis ita & ita conſiceret impoſuit . Prudens ratio ſecus agendum dictabat . Qui quidem Antifites cum ſuo imperio morem incunctanter geri conſpexiſſet : nunquid, interrogat, non perperam cernis actum quod agis ? Cæcutis ne ? Cui Stephanus . Videris Pater quod mandaueris . Ipſe optimè egerim , ſi ad præſcriptum peregerim . Tibi oculis , mihi vtendum eſt manibus . Par labori, par obedientiz integritas, quam proſtigato corpore, & viribus puritati aduerſantibus defatigatione attritis, labis nesciam ad cineres vſque ſeruauit . Liquet etiam an charitate arderet . Cum Portarium exerceret, nota effuſior pietas colligebat inopum affluxum ad Monasterium . Ille Miniſtros vrgebat panderent cella-

cellaria, aperirent semini manum, gauisuram de segete falcem. Si minus copiosè præberent quod elargiretur abundè, adibat Rectorem. Festiuè, & perblandè nuntiabat diuitiarum fontes pulsare fores, quorum si indigentis subueniret, hauriret domus ipsa opulentiam. Impetrabat quod cuperet. Neminem non aliqua iuuabat stipe. Nec opere externo abripiebatur totus. Imò ab orationis studio nullum penè fluebat vacuum tempus. Incunte mane aderat Sacro. Inde pergebat ad iniunctæ exercitium operæ. Ipsam inter operam, aliquid, si pateretur, susurrabat precis. Horas feriatas integrè transigebat cum Deo. Precationi prolixiori dabat opportunum noctis silentium. Fessis artubus, & somnum oppetentibus seposuerat paucas horas ante vigilias nocturnas, ad quas excitandi mancipatos Choro gerebat etiam partes. Super hæc prosequebatur venerari quotidie tribus saltibus Numen vnum trinumque. At cultus, Religiosi quamuis, & ex corde, rudioris tamen, admonitus, deuotionem iniit, continuauitque expolitorem. Oriente siquidem lucis fidere ter diebus singulis demittebat genua, assurgebatque, ter etiam repetens inuocationem illam vsu probatam. O beata Trinitas Pater, Filius, & Spiritus Sanctus Personæ tres, vnumque Numen, afflare queso pectora mea, & cordi inspira viuam Fidem, firmam Spem, & perfectam Charitatem. O beata Trinitas.

His erant finitima animi ornamenta incessere corpus flagris, ad mare despiciorem paupertatem, iræ succensionem compescere mansuetudine, à vanis colloquijs subducere aures, & pedem, ad glæ triumphum sectati parsimoniam, familiarum prædiligere nullam, emanata obedientia ab vna in aliam actutum migrare, migravitque è Soraacte in Urbem, ex Vrbe Ariminum, Arimino Perusiorum Augustam, vbi virtutis laude festinauit tempora, & intra octauum Religionis annum exiit mortalitatem. In vitæ confinio Sacramentalem pectoris recognitionem exposuit D. Francisco à S. Ioanne, Cochliano, asseruitque grauiter vir Exgeneralis nunquam à Stephano admissam lethalem culpam in animam. Totus honor tumuli fuit humo tegi in communi dormitionis loco, addita plumbi lamina cum inciso nomine *F. Stephanus*. Contigit autem anno 1688. exuisse hominem in eadem Perusæ domo D. Ioannem Laurentium à S. Philippo Nerio, cui deponendo cum effoderetur sepulcrum, obiecit se se, corpus Stephani

phani trigesimo octauo post excessum anno suauem inhalans odorem, & vda sub tellure incorruptum, veste etiam à tabe illæsa. Non sine Cæli nutu id euenisse existimauit Patres, ne diutius Serui Dei fama vnà cum exuijs consepulta iaceret. Nihil tamen innouarunt, sed procumbentes tantum in orationem, animæ, quam beatam putarent, implorarunt subsidia, & cadauer, de cuius visa integritate publicè rogatæ tabulæ, suo iterum puluere operuerunt. Faxit Numen, vti speramus, optimi viri merita innotescant clariùs, & nostratum exiguitatem Monasterij eximia hac laude Perusijs ornet, emisisse è pauperiore testo animas Cælo dignas. Sanè sua lusit inuitamenta Ioannes Baptista Pontanus Fundator. Patritius ille Perusinus, inter Aulæ Romanæ, opumque domesticarum splendorem luminum cæcitate captus, maturauerat regressum in Patriam, vbi corporalis damna orbitatis repensare gaudebat luculentis largitionibus ad sacrarum Deo stationum nitorem. In Iesuitarum Templo Diuini reconditoriū ferculi pretioso è marmore posuit. Templi Dominicanorum dextrum latus à primo ad summum lapidem excitauit. Carmelitas nudipedes mille auræorum dono iunauit. Puellis orphanis ad S. Claræ leges conuiuentibus Collegium erexit, dotemque attribuit. De nostris etiam hominibus cum præclaram induisset mentem, illud in paucis optabat, vt Perusijs Reformatio consisteret. Singulari in nos voluntate cum Neapolione de Comitulis præstantissimo Ciuitatis Antistite communicata, eius etiam nomine compositiæ literæ ad Comititia Generalia celebranda Pinerolij anno 1657. Illæ significabant Institutionem Fuliensem futuram decori Augustæ Vrbi, Augusta verò domicilium in Vrbe futuram Institutioni ornamento. Ultroneis tantum postulacionibus aures accommodarent. Esse Patritiorum munificētissimum Ioannem Baptistam Pontanum, qui domus Diuinæ, penetraliumque Monasticorum molitionem curaret, & redditibus certis cosuleret perpetuæ annonæ pro sexdecim ad minus enutritione Ascetarum. Patres conscripti Pinerolij sedentes renunciarunt Congregationis Archimandritam Sancium à S. Catharina, qui post maturam missionis consultationem, delectis Patribus, profectionem iniunxit, attigeruntque Perusias decimo sexto Calendarum Augusti. Viros conuersationis prorsus celebrandæ eadem qua inuitassent benignitate fundator, promotorque complectuntur. Pontanus prædium satis lautum in

agro Affissinate pro sustentatione assignauit. Neapolio ad se euocatis Hospitium adornauit in Aula Episcopali, suspiciebatque psallere, meditari, sacrum facere, corpus diuerberare in conclauis, degere solitarios in ipsa Palatij celebritate. Sed præclarius contubernium officiorum decantationi, quemadmodum & vitæ Monasticæ pleniori exhibendæ normæ minus aptum, non diu placuit. Itaque opportunitatem deprecantes mansionem benemerentior semper Antistes transtulit ad Ecclesiam S. Bartholomæi auctoritate Apostolica à Parochialis titulo, & animarum procuracione dudum absoluta. Coloniae aduocator Pontanus, agitato interea Consilio de figenda illis sede, comparauerat domum Tiberij de Oddis in Parçia SS. Gregorij atque Susannæ, quæ domus excisa locum daret erectioni Cœnobij iam designati. Sed morbo decessum intermitante, legauit sustentationi pauperum aureos ad triginta millia pro Claustrî ædificio, & dote iam sepultos. Fuerit necnè qui concepta in nos benefica vota, pecuniam aliò auertendi causa, corruerit, viderint alij. Ab eius fatis vsque in præsentiarum Patres incolunt præfatas ædes olim Tiberij de Oddis, quæ apertas in Sacellum nuncupatum Præcursori Verbi Diuini, quæ aptatas in conclauia pro more Institutionis, & ampliori licet fundatoris beneficentia destituti, eius tamen effigiem erexere in Sacrario cum inscriptione eiusmodi.

Io. Baptista Pontano Patrio Perusino

Stirpis Hieronymi Patris sui extremo.

Cœnobiorum

S. Io. Baptista Monachorum Reformatorem S. Bernardi,

S. Maria Virginum Orfanarum Ordinis S. Clarae

Fundatori,

Qui

Diu inter Romana Curia aulicos versatus

Io. Bernardino Cardinali Scoto maxime carus fuit:

Vita eo mox functo in Patriam reuersus,

Hic se totum pietatis operibus dedit.

Lapidem ornatum Sanctiss. Eucharistia in Ecclesia Soc. Iesu erexit,

Totum parietem dextri lateris Templi S. Dominici extruxit,

Mille aureis Fraires Carmelitas discalceatos donauit,

Plurimorumque inopiam ita eleemosinis subleuandam curauit,

Vi

Animam iam acturus, ad pauperes Ciuitatis alendos,

Facultates suas ad summam XXX. mil. aureorum

Ex testamento à venerabili Confraternitate S. Martini

Administrandas voluerit.

Ceterum quantus in reliquis virtutibus fuerit,

Hoc una testetur patientia,

Qua per annos penè XXX.

Oculorum orbitatem, aurium surditatem toleranter sustinuit.

Plenus meritis ac diebus moritur

Kal. Iulij Anno à Christo nato C1512CXXX.

Ætatis sue 97. supra Hebdomadam

Prior & Monachi Benemer. pos.

1686. *Andreas à S. Bonauentura*, qui Etruscus, è Burgo S. Sepulchi, *Cæsar Cugius* in Sæculo appellabatur, cum, post stabilitatem suam pridie Idus Iunij 1633. consueto iureiurando Romæ obfirmatam, varijs in Claustris confedisset, ad Soractensem aliquando amandatus, secessum offendit suo mori prorsus Cœnobitico, apprimè ad-blandientem. Præruptum Soractis Montem præterquam quòd à S. Syluestro persequutorum insidias Cæsarum declinante, quæsitum, tutumque effugium, viris insuper à Mundo sequestribus domicilium nunquam non acceptum, aptissimumque iam exposuit narratio. Quare citra admirationem sit & ad Eremitæ conuersationem propendenti feruentius Andree in paucis arrisisse. Erat autem & solitudinis amantior, quàm vel in ipso recentiori S. Mariæ gratiarum Monasterio consisteret. Propius accedebat antiquiorum Cœnobitarum semotiori adhuc à Turbis genio, placuitque inhabitare vacuas à multo tempore eorundem sedes, Ecclesiæ S. Syluestri adscitas, & sublimiori rupium cacumini impositas. A furentibus procellis turbinum, à comminantium fragore tonitruum, ab ædium mole fulminum vi quàm complanata, quàm labefcente nullus ei pauor vnquam incussus, mente nimirum peruehbat Cœlos, poteratque nimbos despiciere infra se detonantes. Germanum profectò orationis studium amoris solitudinis associauerat. Plenum sibi gratulatus otium integra illi spatia laxabat. Contemplationi multam impendebat moram. Sederet postmodum,

modum, ambularet, aliquid semper ex Mariano Serto admurmurabat, seu ex Dauidica psalmodia, aut piarum alio precationum libello. Addebantur hæc virgineis, ac diuinis laudibus condito à Rituali Monastico tempore in nocte persolutis, diurnisque eorundem officiorum horis; in quibus alta, & clara voce decantandis gaudebat, vel solus complere Chorum. An verò oraret attentè, dignoscebatur, cum obortæ tempestates in sublimem nimis Soractis verticem collimarent. Ad emissa siquidem elisis nubibus tela, nec ab illo longè excussa, quemadmodum sulphureo inuolutus igne perstabat impaudè ante Aram summam, ita euadebat inoffensus à discrimine præsentissimo. Cætera etiam præcellebat virtute: Humilitate munerum ambitum ablegabat. Pœnitentia compescebat carnis illecebras. Puritate candidissimam indolem præseferbat. Paupertate aliquid sibi detractum semper volebat ex ipsa opportuniore Cellulæ suppellectili, nec erat ademptio absque Antistitis nutu, quò inopiæ decus obedientiæ nitore cohonestaret. Religionis autem zelo nimium quantum calefceret. Quæ curæ lectionis, itemque precum abrumpebant cersum, non aliæ proculdubio, quàm vrba aduentantium exceptio, prompta, si deposcerent, aurium præbitio ad pœnitentiæ tribunal, Eucharistici porrectio Epuli, & sacri recessus commonstratis monumentis pietatem excolere, quæ illuc confluentes attraheret. A Religione item in diuinam Prolem, in Matrem intemeratam, ac in alium Sponsum Iesus, Maria, Ioseph dulciora melleum super fauum nomina, centies ac centies vsurpabat per diem. Epistolas, Salutationes, Sermonem, & quidquid moliretur operis à prolatione eorundem inchoabat. Nec alijs sanè auspicijs aggressus est priscum restaurare cultum S. Nonnosi. Incoluerat olim Soractem Nonnosus miraculorum claritate, & Magni Gregorij commendatione percelebris. Integritate confractæ lampadi restituta suspici valuit Donatus alter. Monasterij dolijs sola precum vi oleo vsque ad effusionem oppletis nouum præbuerat Benedictum. Nec defuit ingentis saxi aliò iussa, imperioque orationis facta translatio, qua Taumaturgum æquaret. Quòd autem suo functus die, continuis adhuc prodigijs inclaresceret, corpore à Nitgero Frisingensi Episcopo in Bauariam translato, immutauerat Cælum, & frequentia ad magnos Cineres celebrabatur inibi morborum propulsator, & Frisingæ gemma. Cum ossium arca commigrauerat

in Germaniam, & nominis Nonnosi fama. Illic duntaxat efflorescens, excidisset penitus in Italia, nisi adiectior Andree animus restituerentur satagisset & nomini celebritas, & deuotioni sacella, & sacellis frequentia. Itaque egregiam dum nauat operam, egregiam sanè (quando ex eius responsionibus ad epistolas in hanc rem exaratas, datas autem à Purpuratis Patribus, Principibus Viris, Ecclesiarum Pastoribus, Regulatiumque domorum Præfectis, copiosa supersint octo volumina) ex dono Serenissimi Alberti Sigismundi Erisingensium Episcopi, Comitis Palatini, & Ducis Lantgrauij, Leuthenbergici, reportantur in Italiam nonnullæ eius Lipsanorum partes, quarum alia suæ S. Syluestri stationi vindicata, alia in collegiali Parècia S. Edystij reposita, alia verò ad S. Pudentianæ de Vrbe collocatur, Imagines etiam, & Numismata, vnà cum ampullis olei ex eius lampade hausti, ac breuiori vitæ compendio per Sabiniam primò, mox verò Romæque, Neapolique, & in alijs Urbibus, Prouincijsque distributis, redintegrata veneratio, latèque amplificata. Profligandis ærumnis, depellendis languoribus; cœlestis quia Medicus, vir Dei iterùm adhibetur. Ad famigeratum tumulum conueniunt vndique probatæ beneuolentiæ grata anathemata. A Romana Congregatione Ecclesiasticorum moderationi Rituum præposita indicitur cunctis Benedictinæ professionis recitatio eius officij postridie Calendarum Septembris, sub quam etiam diem inuitantur quotannis Christifideles ad eius festum celebrandum, proficiendumque indulgentijs à largitione Pontificia impertitis. Et solemniter quidem cum in Vrbe, tum alibi colitur, sed in Oppido potissimum S. Edystij, cuius Accolæ, gnari quantum firmamenti à Nonnosi tutela publicæ felicitati accedat, sicut redeuntes exuias ingenti cum gaudio exceperant, ita habendum deinceps, qualem renunciarunt pro Patrono, & natalium in Cœlo recurrentem lucem summa deuotione transigendam sanciere, diuite apparatus pompa, Panegyricis gestorum laudibus, musicis concentibus, & processionali ad S. Syluestrum processione.

Celeberrimum olim Nonnosum ad has, aliasque solemnitates nostra ætate iterùm emeruisse in laudem planè, decusque vertitur Andree Cugij, cuius nauitate absolutissimi Ascetæ fama nomenque, obliuione excussa, cum miraculorum plausu per Orbem feruntur. Ita planè cum nostro D. Benedicto à S. Mauro Stella in breui elucubration-

tiuncula de inchoata, seu restituta in S. Nonnosum deuotione Romæ edita 1668. & cum Antonio, delli Effetti nuncupato, vltimæ nequam notæ inter Exteros Scriptore in suo de Diuo Nonno Soractis Abbate Historico commentario, in quo & admirationi sibi, alijsque tradit diuturnam Andreæ à S. Bonauentura conuersationem in mansione ab impegentibus fulmineis telis concussam, à multis expetitam, ab omnibus destitutam. Enimuero minimi ille faciebat, & impetrata Nonnosi lypsana in ipsius dormitionis restituissse loco, & occidentem fere memoriam in Italia excitasse, nisi venerationis studium asseruisset præclariùs æmulatione morum. Itaque post commendatum ad S. Syluestri domicilium, inibi quoque foueam sibi aperuit, in qua exutam corporis sarcinam, quanto citiùs iuberent fata, deponeret. Sed placuit Cælo ætatem decrepitam diù sustineret, & primùm Comitij generalibus, deinde verò Numinis vices in Terris gerenti Clementi decimo ne illam alibi circumferret, sed in optato Soractis apice impleret. Literæ Pontificiæ in forma Brevis inquirunt.

Dilecto filio Andrea à S. Bonauentura Monacho expressè professò Congreg. Ref. S. Bernardi Ord. Cister. Dilecte fili salutem, & Apostolicam benedictionem. Religionis zelus, vita, ac morum honestas, aliaque laudabilia probitatis, & virtutum merita, super quibus apud nos fide digno commendatis testimonio, nos inducunt, ut te specialibus fauoribus, & gratijs prosequamur. Cum itaque sicut accepimus nobis nuper exponi fecisti tu, qui (ut asseris) in atate sexaginta quatuor annorum sacro Presbyteratus ordine constitutus existis, & habitum per Monachos Congregationis Reformatæ S. Bernardi Ord. Cist. gestari solitum ante annos quadraginta suscepisti, & professionem per eosdem emitti consuetam expressè emisisti regularem, viginti vnius annorum, die quarta Februarij proximè præteriti completorum spatium in Monasterio dictæ Congregationis, quod in Monte-Soracte suum est, assiduè commoratus fueris, & interea per annos sexdecim, & amplius de tuorum Superiorum licentia vitam solitariam apud Ecclesiam, & in loco S. Syluestri in vertice dicti Montis egeris, eaque licentia tibi à Capitulo generali eiusdem Congregationis mense May 1666. celebrato ad tui vitam concessa fuerit prout in ipsius Capituli generalis decreto desuper emanato vberiùs asseris contineri. Ut autem adspirante superni fauoris auxilio pia tua exercitia in eodem loco S. Syluestri

con-

continuaré, & deuotionem in honorem S. Nonnosi Abbatis tempore
 tuae illie permansionis institutam ampliare, atque dilatare valeas, op-
 portune tibi à nobis in pramissis providere, & ut infra indulgere sum-
 moperè desideres Nos supplicationibus tuo nomine nobis humiliter por-
 rectis inclinatis, licentiam permanendi quoad vixeris apud Ecclesiam,
 & in loco S. Syluestri huiusmodi tibi à memorato Capitulo generali
 concessam, ut praefertur, auctoritate Apostolica tenore praesentium confir-
 mamus, & approbamus, illique inuiolabilis Apostolica firmitatis ro-
 bur adiicimus. Datum Roma apud S. Mariam Maiorem sub an-
 nulo Piscatoris die 24. Septembris 1672. Loco ✠ Sigilli. Qui hu-
 iuscemodi ante emanationem literatum, annos iam septendecim in
 Soractis fastigio durauerat, illud ipsum perseverauit adhuc decennio
 incolere, & 1686. viam vniuersae carnis religiosissime ingressus, hanc
 gloriam posteris celebrandam reliquit ad annos septem supra viginti
 inhabitasse aedes, quae praeter Eremiticorum quamplures, Benedicti-
 norum insuper, Camaldulensium, B. Petri de Pisis, ac S. Francisci de
 Obseruantia Regulares Coetus excedere iusserant, sodalium alijs
 ignitorum è Coelo missilium ictu percussis, alijs terrore percussis, ad
 vnum denique vertere solum coactis.



CISTERCII REFLORESCENTIS ABBATVM GENERALIVM INDEX CHRONOLOGICVS.

1592. Ioannes à S. Hieronymo, Gualtheronus.
1598. Guillelmus à S. Claudio, Enuoion.
1601. Petrus à S. Bernardo, Matharel.
1604. Petrus à S. Bernardo, secundò.
1607. Sancius à S. Catharina, Beauuer.
1610. Ioannes à S. Mauro, Balades.
1611. Martialis à S. Bernardo, Golec.
1614. Sancius à S. Catharina, secundò.
1617. Sancius à S. Catharina, tertio.
1620. Hilarius à S. Ioanne Baptista, Ratta.
1622. Ioannes à S. Francisco, Gulonius.
1625. Ioannes à S. Francisco, secundò.
1628. Carolus à S. Paulo, Vialart.

ABBATVM GENERALIVM
Congreg. Beatæ Mariæ Fulienfis in Gallia.

Index Chronologicus.

1631. Carolus à S. Paulo, Vialart.
1634. Carolus à S. Maria, Laufon.
1637. Carolus à S. Paulo, secundò.
1640. Carolus à S. Paulo, tertio.
1643. Matthæus à S. Gerardo, Maillons.
1646. Matthæus à S. Gerardo, secundò.
1649. Arnaldus à S. Benedicto, Tappie.
1652. Arnaldus à S. Benedicto, secundò.
1654. Matthæus à S. Gerardo, tertio.
1657. Matthæus à S. Gerardo, quartò.
1660. Arnaldus à S. Bernardo, Boc.
1663. Arnaldus à S. Bernardo, secundò.
1666. Cosmas à S. Michael, Rougier.
1669. Cosmas à S. Michael, secundò.
1672. Petrus à S. Francisco, Rougier.
1675. Petrus à S. Francisco, secundò.
1678. Io. David à S. Bernardo, Tourseus.
1681. Io. Baptista à S. Anna, Pradillon.
1684. Io. Baptista à S. Anna, secundò.
1687. Antonius à S. Benedicto, Fremicoug.

ABBATVM GENERALIVM
Congreg. Reform. S. Bernardi in Italia.

Index Chronologicus.

1633. Philippus à S. Io. Baptista, Malabayla.

1636. Lazarus à S. Francisco, Martinez.
1640. Ioannes Franciscus à S. Bernardo, Maynardus.
1643. Io. Franciscus à S. Bernardo, secundò.
1645. Lucas à S. Carolo, Bertolotus.
1648. Antonius à S. Io. Baptista, Molinarus.
1651. Ioannes à S. Catharina, Bona.
1654. Franciscus à S. Nicolao, Coquelinus.
1657. Ioannes à S. Catharina, secundò.
1660. Ioannes à S. Catharina, tertio.
1664. Antonius à S. Io. Baptista, secundò.
1667. Lucas à S. Carolo, secundò.
1670. Io. Baptista à S. Geltrude, Cartonius.
1673. Nicolaus à S. Mauro, Pistonus.
1676. Marcus à S. Andrea, Menichellus.
1678. Octavianus à S. Anna, Cacheranus.
1681. Florentius à S. Catharina, Billius.
1684. Ioseph à S. Petro, Viriglius.
1687. Carolus à S. Francisco, Vertus.

ABBATVM GENERALIVM

Index Alphabeticus Nominum.

1628. Carolus à S. Paulo, Vialart.
1598. Guillelmus à S. Claudio, Enuoion.
1620. Hilarius à S. Io. Baptista, Ratta.
1622. Ioannes à S. Francisco, Gulonius.
1592. Ioannes à S. Hieronymo, Gualtheronus.
1610. Ioannes à S. Mauro, Balades.
1612. Martialis à S. Bernardo, Golec.
1601. Petrus à S. Bernardo, Matharel.
1607. Sancius à S. Catharina, Beauuer.

ABBATVM GENERALIVM
Congreg. B. Mariæ Fulienfis in Gallia.

Index Alphabeticus Nominum.

1687. Antonius à S. Benedicto, Fremicoug.
1649. Arnaldus à S. Benedicto, Tappie.
1660. Arnaldus à S. Bernardo, Boc.
1634. Carolus à S. Maria, Laufon.
1631. Carolus à S. Paulo, Vialart.
1666. Cosmas à S. Michael, Rougier.
1678. Io. David à S. Bernardo, Tourseus.

1681. Io. Baptista à S. Anna, Pradillon.
 1643. Matthæus à S. Gerardo, Maillons.
 1672. Petrus à S. Francisco, Rougier.

ABBATVM GENERALIVM
 Congreg. Reform. S. Bernardi in Italia.

Index Alphabeticus Nominum,

1648. Antonius à S. Io. Baptista, Molinarius.
 1687. Carolus à S. Francisco, Vertua.
 1681. Florantius à S. Catharina, Billius.
 1654. Franciscus à S. Nicolao, Coquelinus.
 1651. Ioannes à S. Catharina, Bona.
 1670. Io. Baptista à S. Geltrude, Cartonius.
 1640. Io. Franciscus à S. Bernardo, Maynardus.
 1684. Ioseph à S. Petro, Viriglius.
 1636. Martinus à S. Francisco, Martinez.
 1645. Lucas à S. Carolo, Bertolotus.
 1676. Marcus à S. Andrea, Menichellus.
 1673. Nicolaus à S. Mauro, Pistonus.
 1678. Octavianus à S. Anna Cacheranus.
 1633. Philippus à S. Ioanne Baptista, Malabayla.

ABBATVM GENERALIVM,

Index Alphabeticus Cognominum,

1610. Balades, Ioannes à S. Mauro.
 1607. Beauver, Sancius à S. Catharina.
 1598. Enuonon, Guillelmus à S. Claudio.
 1612. Golet, Martialis à S. Bernardo.
 1596. Gualthetonus, Ioannes à S. Hieronymo.
 1622. Gulonius, Ioannes à S. Francisco.
 1601. Matharel, Petrus à S. Bernardo.
 1620. Ratta, Hilarius à S. Ioanne Baptista.
 1628. Vialart, Carolus à S. Paulo.

ABBATVM GENERALIVM
 Congreg. B. Mariz Fulienſis in Gallia.

Index Alphabeticus Cognominum,

1660. Boe, Arnaldus à S. Bernardo.
 1687. Fremicour, Antonius à S. Benedicto.
 1634. Laufon, Carolus à S. Maria.
 1643. Maillons, Matthæus à S. Gerardo.
 1681. Pradillon, Io. Baptista à S. Anna.
 1660. Rougier, Cosmas à S. Michaeli.
 1672. Rougier, Petrus à S. Francisco.
 1649. Tappie, Arnaldus à S. Benedicto.
 1678. Tourſeus, Io. David à S. Bernardo.
 1631. Vialart, Carolus à S. Paulo.

ABBATVM GENERALIVM
 Congreg. Reform. S. Bernardi in Italia.

Index Alphabeticus Cognominum,

1645. Bertolotus, Lucas à S. Carolo.

1687. Billius, Florentius à S. Catharina.
 1651. Bona, Ioannes à S. Catharina.
 1678. Cacheranus, Octavianus à S. Anna.
 1670. Cartonius, Io. Baptista à S. Geltrude.
 1654. Coquelinus, Franciscus à S. Nicolao.
 1633. Malabayla, Philippus à S. Io. Baptista.
 1636. Martinez, Lazarus à S. Francisco.
 1640. Maynardus, Io. Franciscus à S. Bernardo.
 1676. Menichellus, Marcus à S. Andrea.
 1648. Molinarius, Antonius à S. Io. Baptista.
 1673. Pistonus, Nicolaus à S. Mauro.
 1687. Vertua, Carolus à S. Francisco.
 1684. Viriglius, Ioseph à S. Petro.

A T H E N Æ I.

Index Chronologicus.

1588. Anonymus.
 1589. Petrus Tolofanus.
 1595. Marcellinus à S. Benedicto, Louerius.
 1598. Bernardus de Montgaillard.
 1599. Ludouicus à S. Malachia, Eustache.
 1600. Ioannes à S. Malachia, Obry.
 1607. Saccius à S. Catharina, Beauver.
 1608. Ioannes à S. Francisco, Gulonius.
 1609. Eustachius à S. Paulo, Affeline.
 1614. Carolus à S. Maria, de Laufon.
 1615. Ioannes à S. Paulo, de Vassan.
 1618. Franciscus à S. Bernardo, du Soulier.
 1619. Nicolaus à S. Martino, de Sarue.
 1619. Hieronymus à S. Roberto, Carrera.
 1620. Bartholomæus à S. Fausto, Pirrus.
 1620. Franciscus à S. Bernardo.
 1621. Io. Iacobus à S. Scolastica, Berthier.
 1622. Philippus à S. Io. Baptista, Malabayla.
 1622. Anonymus.
 1623. Petrus à S. Bernardo, de Flotes.
 1625. Petrus à S. Ioseph, Comagepe.
 1630. Carolus à S. Paulo, Vialart.
 1630. Alexander à S. Catharina, Vitalis.
 1635. Franciscus à S. Mauro, Manfredus.
 1637. Claudius à S. Petro, de la Nouë.
 1640. Georgius à S. Benedicto, Celle.
 1640. Ioannes à S. Martiali, Vincent.
 1641. Antonius à S. Vincentio, Lopez de Quintal.
 1641. Petrus à S. Maria Magdalena, de Sanctis.
 1641. Lucas à S. Carolo, Bertolotus.
 1641. Andreas à S. Ioseph, Rosfogus.
 1642. Ioannes Franciscus à S. Bernardo, Maynardus.
 1643. Petrus à S. Ronuualdo, Guillebaud.
 1644. Marenius à S. Bernardo, Tornamira.
 1644. Antonius à S. Petro, Le iunc.
 1645. Nicolaus à S. Bernardo, Belloſtus.
 1647. Iuuenalis à S. Ioseph, Prettus.
 1648. Petrus à S. Catharina Senensis, Massonius.

1649. Gabriel a s. Malachia , de s. Gemme .
 1652. Anonymus .
 1652. Franciscus a s. Nicolao , Coquelinus .
 1653. Ioannes a s. Catharina , Bona .
 1653. Cosmas a s. Michael , Rougier .
 1654. Sigifridus a s. Bernardo ,
 Gastaldus .
 Parisienses Ascetis .
 1655. Carolus a s. Bernardo , Malletus .
 1651. Antonius a s. Frontone , Derive .
 1657. Franciscus a s. Mattheo , Bonomine .
 1660. Claudius Thomas a s. Bernardo , la
 Blonde .
 1666. Antonius a s. Gabriele , Desprez .
 Gregorius a s. Eusebio , Agatia .
 1667. Laurentius a s. Petro , Bertrandus .
 1668. Benedictus a s. Mauro , Stella .
 1668. Ioannes a s. Genucia , Berard .
 1668. Ioseph a s. Laurentio , Ormes .
 1670. Carolus Ioseph a s. Anna , Morocius .
 1670. Franciscus Antonius a s. Catharina ,
 Porronus .
 1670. Ioannes a s. Ludouico , Rocherius .
 1670. Iacobus a s. Michael , Legris .
 1672. Ioannes Laurentius a s. Cesareo ,
 Trombetta .
 1673. Martinus a s. Maria , Incesin .
 1675. Iulius a s. Anastasia , Bartoloccus .
 1677. Ioannes Baptista a s. Anna , Pradillonus .
 1681. Philippus a s. Ioanne Baptista ,
 Burlius .
 1682. Mattheus a s. Benedicto , Durandus .
 1686. Ioannes Maria a s. Florido , de Gabriellis .
 Hilarius a s. Ioanne Baptista , Firat .
 Ioannes Baptista a s. Philippo , Borgia .
 Ios. Baptista a s. Bernardo , Ascherius .
 Carolus Ioseph a s. Benedicto ,
 Imbonatus .
 Matheus Antonius a s. Maria , Carretus

Index Alphabeticus Nominum .

1630. Alexander a s. Catharina , Vitalis .
 1641. Andreas a s. Ioseph , Rosolius .
 1588. {
 1622. { Anonymi .
 1652. {
 1656. Antonius a s. Frontone , Derive .
 1666. Antonius a s. Gabriele , Desprez .
 1644. Antonius a s. Petro , Le tunc .
 1641. Antonius a s. Vincentio , Lopez
 de Quintal .
 1620. Bartholomaeus a s. Fausto , Pirrus .
 1668. Benedictus a s. Mauro , Stella .
 1598. Bernardus de Montgaillard .
 1658. Carolus a s. Bernardo , Malletus .
 1615. Carolus a s. Maria , de Lauson .
 1630. Carolus a s. Paulo , Vialart .
 1670. Carolus Ioseph a s. Anna , Morocius .

- Carolus Ioseph a s. Benedicto , Imbonatus .
 1637. Claudius a s. Petro , de la Noué .
 1654. Claudius Thomas a s. Bernardo ,
 la Blonde .
 1653. Cosmas a s. Michael , Rougier .
 1609. Eustachius a s. Paulo , Affluc .
 1670. Franciscus Antonius a s. Catharina ,
 Porronus .
 1620. Franciscus a s. Bernardo .
 1618. Franciscus a s. Bernardo , du Soulier .
 1657. Franciscus a s. Mattheo , Bonomine .
 1635. Franciscus a s. Mauro , Manfredus .
 1652. Franciscus a s. Nicolao , Coquelinus .
 1649. Gabriel a s. Malachia , de s. Gemme .
 1640. Georgius a s. Benedicto , Celle .
 Gregorius a s. Eusebio , Agatia .
 1619. Hieronymus a s. Roberto , Carrera .
 Hilarius a s. Ioanne Baptista , Firat .
 1670. Iacobus a s. Michael , Legris ,
 1653. Ioannes a s. Catharina , Bona .
 1608. Ioannes a s. Franciscus , Gulonius .
 1668. Ioannes a s. Genucia , Berard .
 1670. Ioannes a s. Ludouico , Rocherius .
 1600. Ioannes a s. Malachia , Obry .
 1640. Ioannes a s. Martiali , Vincent .
 1615. Ioannes a s. Paulo , de Vallin .
 1677. Ioannes Baptista a s. Anna , Pradillonus .
 Ioannes Baptista a s. Bernardo , Ascherius .
 Ioannes Baptista a s. Philippo , Borgia .
 1642. Ioannes Franciscus a s. Bernardo ,
 Maynardus .
 1621. Ioannes Iacobus a s. Scholastica ,
 Berthier .
 1672. Ioannes Laurentius a s. Cesareo ,
 Trombetta .
 1686. Ioannes Maria a s. Florido , de Gabriellis .
 1668. Ioseph a s. Laurentio , Ormes .
 1675. Iulius a s. Anastasia , Bartoloccus .
 1647. Iuuenalis a s. Ioseph , Pretus .
 1667. Laurentius a s. Petro , Bertrandus .
 1641. Lucas a s. Carolo , Bertolotus .
 1599. Ludouicus a s. Malachia , Eustache .
 1595. Marcellinus a s. Benedicto , Louerius .
 Marcus Antonius a s. Maria , Carretus .
 1644. Martinus a s. Bernardo , Tornamira .
 1673. Martinus a s. Maria , Incesin .
 1682. Mattheus a s. Benedicto , Durandus .
 1645. Nicolaus a s. Bernardo , Bellostus .
 1619. Nicolaus a s. Martino , de Saru .
 1640. Nicolaus a s. Vincentio ,
 Grandinus .
 Parisienses Ascetis .
 1623. Petrus a s. Bernardo , de Flotes .
 1643. Petrus a s. Catharina Senens ,
 Mallonius .
 1645. Petrus a s. Ioseph , Comagere .
 1641. Petrus a s. Maria Magdalena , de Sanctis .
 1642. Petrus a s. Romualdo , Guillebaud .
 1589. Petrus Tolofanus .

1681. Philippus a s. Ioanne Baptista, Burfus.
 1622. Philippus a s. Ioanne Baptista,
 Malabayla.
 1607. Sancius a s. Catharina, Beauuer.
 1654. Sigismundus a s. Bernardo, Gastaldus.

Index Alphabeticus Cognominum.

- Agatia, Gregorius a s. Eusebio.
 Aicherius, Io. Baptista a s. Bernardo.
 1609. Asseline, Eustachius a s. Paulo.
 1675. Bartoloccius, Iulius a s. Anastasia.
 1607. Beauuer, Sancius a s. Catharina.
 1645. Bellostus, Nicolaus a s. Bernardo.
 1668. Berard, Ioannes a s. Genuefa.
 1620. a s. Bernardo Franciscus.
 1621. Berthier, Ioannes Iacobus a s. Scholastica.
 1641. Bertolotus, Lucas a s. Carolo.
 1667. Bertrandus, Laurentius a s. Petro.
 1654. la Blonde, Claudius Thomas
 a s. Bernardo.
 1653. Bona, Ioannes a s. Catharina.
 1657. Bonomine, Franciscus a s. Matthæo,
 Borgia, Ioannes Baptista a s. Philippo.
 1681. Burfius, Philippus a s. Io. Baptista.
 1619. Carrera, Hieronymus a s. Roberto.
 Carretus, Marcus Antonius a s. Maria.
 1640. Celle, Georgius a s. Benedicto.
 1625. Comagere, Petrus a s. Ioseph.
 1652. Coquelinus, Franciscus a s. Nicolao.
 1656. Deriue, Antonius a s. Frontone.
 1666. Desprez, Antonius a s. Gabriele.
 1682. Durandus, Matthæus a s. Benedicto.
 1599. Eustache, Ludouicus a s. Malachia.
 Firat, Hilarius a s. Ioanne Baptista.
 1623. de Flotes, Petrus a s. Bernardo.
 1686. de Gabriellis, Io. Maria a s. Florido.
 1654. Gastaldus, Sigismundus a s. Bernardo.
 1649. de s. Gemme, Gabriel a s. Malachia.
 1640. Grandinus, Nicolaus a s. Vincentio.
 1642. Guillebaud, Petrus a s. Romualdo.
 1608. Gulonius, Ioannes a s. Franciscus.
 Imbonatus, Carolus Ioseph a s. Benedicto.
 1673. Igcesin, Martinus a s. Maria.
 1644. Le iune, Antonius a s. Petro.
 1615. de Lauson, Carolus a s. Maria.
 1670. Legris, Iacobus a s. Michaelæ.
 1641. Lopez de Quintal, Antonius
 a s. Vincentio.
 1595. Louerius, Marcellinus a s. Benedicto.
 1622. Malabayla, Philippus a s. Ioanne
 Baptista.
 1658. Malletus, Carolus a s. Bernardo.
 1635. Manfredus, Franciscus a s. Mauro.
 1648. Massonius, Petrus a s. Catharina Senesi.
 1692. Maynardus, Ioannes Franciscus
 a s. Bernardo.
 1598. de Montgaillard, Bernardus.
 1670. Morotius, Carolus Ioseph a s. Anna.

1637. de la Noné, Claudius a s. Petro.
 1600. Obry, Ioannes a s. Malachia.
 1668. Ormea, Ioseph a s. Laurentio.
 Parisiensis Affectus.
 1620. Pirrus, Bartholomæus a s. Fausto.
 1670. Porronius, Franciscus Antonius
 a s. Catharina.
 1677. Pradillonus, Io. Baptista a s. Anna.
 1647. Prettus, Iuuenalis a s. Ioseph.
 1670. Rocherius, Ioannes a s. Ludouico.
 1641. Rossotus, Andreas a s. Ioseph.
 1653. Rougier, Cosmas a s. Michaelæ.
 1641. de Sanctis, Petrus a s. Maria Magdalena.
 1619. de Saruè, Nicolaus a s. Martino.
 1618. du Soulier, Franciscus a s. Bernardo.
 1668. Stella, Benedictus a s. Mauro.
 Tolofanus, Petrus.
 1644. Tornamira, Martinus a s. Bernardo.
 1672. Trombetta, Ioannes Laurentius
 a s. Cæfareo.
 1615. de Vassan, Ioannes a s. Paulo.
 1630. Vialart, Carolus a s. Paulo.
 1640. Vincent, Ioannes a s. Martiali.
 1630. Vitalis, Alexander a s. Catharina.

FASTORVM PIETATIS

Index Chronologicus.

1600. V. P. Ioannes a s. Benedicto, Barretus.
 1585. Ioannes Iacobus de Luopes.
 1588. Iacobus de Rupe.
 1588. Ioannes a s. Mauro, Balades.
 1593. Ioannes a s. Basilio, Marionus.
 1596. Nicolaus a s. Bernardo, de Faur.
 1598. Margarita a s. Anna, de Polastron.
 1601. Margarita a s. Maria, Clauffe.
 1603. Ludouicus a s. Malachia, Eustache.
 1606. Petrus a s. Bernardo, Matharel.
 1610. Placidus a s. Mauro, Bernarducci.
 1610. Dionysius a s. Bernardo.
 1611. Goditerus a s. Mauro.
 1613. Ioseph a s. Germano, Minittus.
 1618. Antonia a s. Scholastica, de Orleans.
 1620. Ioannes a s. Hieronymo, Qualtheronus.
 1621. Ioannes Iacobus a s. Scholastica, Berthier.
 1621. Carolus a s. Bernardo, de Texier.
 1621. Ioannes Baptista a s. Bernardo, Rodulfus.
 1622. Hilarius a s. Ioanne Baptista, Ratta.
 1623. Guillelmus a s. Alexio, Gallertus.
 1624. Franciscus a s. Maria Magdalena.
 1624. Guillelmus a s. Genuefa, Compan.
 1627. Ioannes a s. Dionysio, ab Insula.
 1629. Sancius a s. Catharina, Beauuer.
 1630. Gregorius a s. Eusebio, Agatia.
 1630. Claudius a s. Ioanne Baptista.

1633. Iacobus a s. Dionysio, Desbordes.
 1632. Ioannes a s. Mauro.
 1636. Bartholomæus a s. Fausto, Pirrus.
 1640. Eustachius a s. Paulo, Affeline.
 1640. Magdalena a s. Ioanne, Sublet.
 1649. Stephanus a s. Ioseph.
 1686. Andreas a s. Bonaventura, Cugius.

Index Alphabeticus Nominum.

1686. Andreas a s. Bonaventura, Cugius.
 1618. Antonia a s. Scholastica, de Orleans.
 1636. Bartholomæus a s. Fausto, Pirrus.
 1621. Carolus a s. Bernardo, de Texier.
 1630. Claudius a s. Ioanne Baptista.
 1610. Dionysius a s. Bernardo.
 1640. Eustachius a s. Paulo, Affeline.
 1624. Franciscus a s. Maria Magdalena.
 1611. Godiferus a s. Mauro.
 1630. Gregorius a s. Eusebio, Agatia.
 1623. Guillelmus a s. Alexio, Galletus.
 1624. Guillelmus a s. Genucia, Compans.
 1622. Hilarius a s. Ioanne Baptista, Ratta.
 1632. Iacobus a s. Dionysio, Desbordes.
 1588. Iacobus de Rupe.
 1593. Ioannes a s. Basilio, Marionus.
 1600. Ioannes a s. Benedicto, Barreius.
 1627. Ioannes a s. Dionysio, ab Insula.
 1620. Ioannes a s. Hieronymo, Gualtheronus.
 1632. Ioannes a s. Mauro.
 1588. Ioannes a s. Mauro, Balladius.
 1621. Ioannes Baptista a s. Bernardo, Rodulfus.
 1621. Ioannes Iacobus a s. Scholastica, Berthier.
 1585. Ioannes Iacobus, de Loupes.
 1613. Ioseph a s. Germano, Minitrus.
 1603. Ludouicus a s. Malachia, Eustache.
 1640. Magdalena a s. Ioanne, Sublet.
 1598. Margarita a s. Anna, de Polastron.
 1601. Margarita a s. Maria, Clauffe.
 1596. Nicolaus a s. Bernardo, de Faur.
 1606. Petrus a s. Bernardo, Matharel.
 1610. Placidus a s. Mauro, Bernarducci.

1623. Sancijs a s. Catharina, Beauver.
 1649. Stephanus a s. Ioseph.

Index Alphabeticus Cognominum.

1630. Agatia, Gregorius a s. Eusebio.
 1641. Affeline, Eustachius a s. Paulo.
 1588. Balladius, Ioannes a s. Mauro.
 1600. Barreius, Ioannes a s. Benedicto.
 1629. Beauver, Sancijs a s. Catharina.
 1610. Bernarducci, Placidus a s. Mauro.
 1610. a s. Bernardo Dionysius.
 1621. Berthier, Ioannes Iacobus a s. Scholastica.
 1601. Clauffe, Margarita a s. Maria.
 1624. Compans, Guillelmus a s. Genucia.
 1686. Cugius, Andreas a s. Bonaventura.
 1632. Desbordes, Iacobus a s. Dionysio.
 1603. Eustache, Ludouicus a s. Malachia.
 1596. de Faur, Nicolaus a s. Bernardo.
 1623. Galletus, Guillelmus a s. Alexio.
 1620. Gualtheronus, Ioannes a s. Hieronymo.
 1627. ab Insula, Ioannes a s. Dionysio.
 1630. a s. Ioanne Baptista Claudius.
 1649. a s. Ioseph Stephanus.
 1585. de Loupes Ioannes Iacobus.
 1593. Marionus, Ioannes a s. Basilio.
 1624. a s. Maria Magdalena Franciscus.
 1606. Matharel, Petrus a s. Bernardo.
 1611. a s. Mauro Godiferus.
 1632. a s. Mauro Ioannes.
 1613. Minitrus, Ioseph a s. Germano.
 1618. de Orleans, Antonia a s. Scholastica.
 1636. Pirrus, Bartholomæus a s. Fausto.
 1598. de Polastron, Margarita a s. Anna.
 1622. Ratta, Hilarius a s. Ioanne Baptista.
 1621. Rodulfus, Ioannes Baptista
 a s. Bernardo.
 1588. de Rupe, Iacobus.
 1640. Sublet, Magdalena a s. Ioanne.
 1621. de Texier, Carolus a s. Bernardo.





